



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Her. 2323 &  
2323 (1)

PHILIPPI COMINAEI  
EQUITIS, DE RE  
BUS GESTIS LUDOVICI VN-

decimi, Galliarum regis, & CAROLI  
Burgundiae Ducis, Com-  
mentarij.

EX GALLICO FACTI LATINI,  
à Ioanne Sleidano.

ADIECTA EST BREVIS QVAEDAM IL-  
lustratio rerum, & Galliae descriptio.



ARGENTORATI Excudebat Iosias Rihelius.  
cum D. francisci Lud. de Gasquinj's Rom. Pr. March.  
Viterb. et Spolet. Equitis ord. mil. An. 1667  
1548





# ILLVSTRIS

## SIMIS PRINCIPIBVS,

### IOANNI FRIDERICO, SAXO-

#### NIAE DVCI, ELECTORI, ET

*Philippo Lantravio Hefie. Joannes*

*Sleidanus S. D.*



**D**E LAVDIBVS HISTORIAE  
multi copiose dixerunt & eleganter,  
illustrissimi Principes, ac ut nulli dixis-  
sent. omnium tamen sensibus & oculis  
expositum est, quantam illa rebus humanis utilitatem  
adferat. Itaq; in re satis per se commendata & aperta,  
non utar pluribus uerbis, deq; his commentarijs &  
eorum authore speciatim loquar. Is fuit nobili genere  
natus, & ubi per annos aliquot cum Carolo Burgun-  
die Duce fuisset: accessit ad Ludouicum undecimum,  
Gallie Regem, qui illius opera summis in negocijs ute-  
batur, Historie prima laus est, & unica prope, si ue-  
rè conscripta sit. Hanc ille in magno scriptorum nu-  
mero, iure sibi potest arrogare. Quam uero sit in-  
scribendo rationem secutus, clarè testatur eius prefa-  
tio. Cum Carolus octauus, Ludouici Regis filius, Gallie  
præfesset: in lucem hæc emisit, quo tempore, si quid

\* ij

alienum à vero dixisset: facile poterat à multis, qui spectatores fuerant eorum, de quibus agit, insimulari mendacij. Quin uera sit igitur eius narratio, dubitari non debet. Loquitur autem de rebus maximis, & quod in præfatione scribit, se nouisse plerosq; omnibus Europæ Reges, atq; consilia cum ipsis communicasse; quotusquisq; est omnium historicorum, qui hoc sibi uendicare possit? Nihil hic est uanum, nihil uulgare, nihil ex auditione aliqua leui perceptum: sed spectator & actor ipse fuit, & adeo quidem diligenter omnia notauit, ut uideatur nihil aliud spectasse, quam ut posteris prodesset. Atq; ex eo facile intelligi potest, quanta fuerit in ipso naturæ felicitas, & ingenij bonitas, & rerum experientia, qui cum nullam eruditionis partem attigisset, tam aptè & concinnè, tamq; sententiose scripsit. Vtriusq; autem uitam, mores ac ingenium eleganter depingit, ita ut Ludouicus Rex, uideatur esse callidi, nec omnium innocentissimi: Carolus autem industrii & laboriosi, & acris & aperti Principis exemplar. Quod in utroq; reprehendendum, aut etiam predicandum fuit, nihil in eo dissimulat: longe diuersus à plerisq; nostræ præsertim ætatis hominibus, qui dum in similibus argumentis uersantur: nimia uel laudatione uel uituperatione modum omnem excedunt, sic ut Panegyricum aut Verrinam aliquam actionem uideantur uelle conscribere: quo nihil esse potest magis indecorum. Est enim intolerabilis in  
 omni

## P R A E F A T I O .

omni historia falsitas & mendacium. Qui sunt Regibus familiares, pulcherrimas habent scribendi occasiones, uerum ex ijs plerique non adficiuntur ea cura, & rebus alijs, unde maius emolumentum sperant, intenti sunt. Quò fit, ut hoc munus ferè sibi sumant homines priuati, & à principum negocijs alienissimi, quem admodum & superiori etate, & nostra memoria uidemus, in eo genere occupatos fuisse monachos, ita quidem, ut à multis iam temporibus, nulla propè sit conscripta historia, cui fides haberi possit. Omnes enim, uel deprauatis iudicijs eorum, qui scripserunt, uel incertitudine narrationis, factæ sunt mendosiores. Antiquitus proprium hoc erat munus maximorum uiro- rum, qui uel ipsi præfuerant rebus, uel cum ijs, qui gesserunt, familiariter & domesticè uixerant. Tales fuerunt olim, Thucydides, Cæsar, Polybius, Salustius, Tacitus, & alij quidam. Oportet sanè historicum, non minus quàm oratorem, esse uirum bonum, qui falsi nihil admisceat, in quo nullum impotentis affectus appareat uestigium, qui cupiat lectorem fieri prudentiorem, ex cognitione rerum, quas tractat, & meliorem. Qui hoc præstare nò potest, is ad eam prouinciam se fateatur esse minus idoneum. Pertinet enim ad bonos mores, ac Reipublicæ interest, nè quid omnino, nisi quod sit compertum & exploratum, in lucem exeat. Est igitur summæ res difficultatis; bodie, conscribere ueram & puram narrationem. Nam qui id omnium optime

## IOANNIS SLEIDANI

efficere possunt, Regum & Principum familiares, si  
 uel planè cessant, uel gratie & fauori plus quàm equum  
 est, tribuunt. Reliqui omnes, quin multa parum fide-  
 liter & integrè recitent, dubitari non debet. Nimum  
 profecto longè recessimus à ueterum fide ac diligentia.  
 Et sicut illorum industriam in plerisque rebus omnibus  
 assequi uel equare non possumus: ita quoq; in hac eru-  
 ditionis parte cum ipsis collati, multis passibus à ter-  
 go relinquimur. Si quis autem est omnium, uel nostræ  
 uel etiam paulò superioris ætatis, qui prudentia &  
 ueritate proximè ad illos accedat: is meo quidem iu-  
 dicio est hic author, quoniam grauissimas deliberati-  
 ones, habitas in ipsis regum penetralibus, antequam  
 in actum uenirent, ponit ob oculos, & diligenter ex-  
 plicat. quod uix pauci fecerunt, & pauciores multò  
 prestare possunt, & ut possint, uix tamen audent, ne  
 quid offendant. Quod cum ita sit: & quia simulachrum  
 quoddam in his libris continetur, atq; pictura horum  
 temporum in quibus uersamur: idcirco putauit me fa-  
 cturum esse rem, nec ingratam, nec inutilem Germani-  
 æ, si scriptorem optimum, qui per Galliam & pro-  
 bitatis & fidei amplissimum à morte testimonium ha-  
 bet, latinitate donarem. Nullum enim extare puto scri-  
 ptum, eius quidem generis, magis aptum nostris temporibus,  
 & quod formandæ prudentiæ ciuili, ac ipsis, qui  
 principum negocijs et Reipub. præsent, plus conferre  
 possit. Idem opinor omnibus esse iudicatu-  
 ros, qui dili-  
genter

## PRAEFATIO:

genter totum euoluerint. Si post illum, alij similem di-  
 ligentiam prestitissent, eaq; fide et religione seriem hi-  
 storiae deduxissent ad hoc usq; tempus: an dubitet ali-  
 quis, nostra cū ueteribus posse conferri? Excitauit Deus  
 his nostris temporibus maximas rerū mutationes, inter  
 quas primum obtinet locum, causa religionis, quae ab  
 humili et contempta origine, paucis annis, contra om-  
 nium hominum expectationem, ita creuit, ut sine admi-  
 ratione sua nemo possit ea de re cogitare. Et quem-  
 admodum maxima nostrae aetatis uituperatione futurū  
 sit, si non haec omnia transmittantur ad posteritatem:  
 ita quoq; praeclearam et insignem consecuturi sumus  
 laudem, si rem omnem ab ipso statim primordio, di-  
 ligenter et bona fide literarum monumentis inferemus.  
 Quod ut fiat, in uobis, illustrissimi Principes, positum  
 est in primis, qui in ista causa nullum aut laborem aut  
 periculum haecenus defugistis, et palam saepe uenue-  
 ro estis contestati, malle uos omnia uobis eripi: quam  
 huius actionis patrocinium atq; tutelam deponere. Ad  
 uos igitur proprie pertinet, prouidere, ac operam da-  
 re, ut quid privatim et publicè uobiscum, et cum uestri  
 ordinis hominibus, à multis nunc annis actum sit, om-  
 nes intelligant, et iudicium inenarrabile potentiamq;  
 Dei reuerenter agnoscant. Oportet enim eum, qui uerè  
 et integrè tractare haec omnia uelit, ex uestris biblio-  
 thecis instructum prodire, et à uobis socijsq; ue-  
 stris materiam scribendi desumere. Sunt non pauci  
magna

## IOAN. SLEIDANI PRAEFATIO.

magna uirtute & eruditione uiri, qui hoc à uobis praestari, magnopere cupiunt, & ut rem in primis utilem, ac posteritati quoque necessariam, ualde requirunt. In his etiam est Iacobus Sturmius, patricius Argentinenſis, qui & uobis, ob excellentem ac ſepe cognitam uirtutem, eſt pergratus, & toti Germaniae, propter ſingularem ipſius, ac perpetuam fidem ſtudioꝝq; erga Rempublicam debet eſſe longe chariſſimus. Quoniam uero ipſi, pro ueſtra prudentia, huius rei dignitatem ſatis intelligitis: multi in bonam ſpem ueniunt, nō defuturos eſſe uos publicis utilitatibus. Atq; ut magis appareat, quā ſit res illuſtris, uere & prudenter ſcripta hiſtoria: uolui hos Commentarios, Gallice perſcriptos ab authore, latino ſermone noſtris hominibus exhibere, & ſub ſplendore ueſtri nominis emittere: qui quoniam inſignem obtinetis locum, inter alios Germaniae Principes, ac plurimis pro ueſtro munere eſtis occupati negotijs: non pauca, meo quidem iudicio, reperietis in hoc libro, ueſtris actionibus & inſtitutis accommodata. Deum precor, ut ad uominis ſui gloriam, & ad patriae ſalutem, conſilia ueſtra gubernet. Argentinae,  
Calendis Ianuarij.

1545.

Authoris



AVTHORIS, AD AR  
chiepiscopum urbis Viens  
næ, in Gallijs, præ  
fatio.



AE PEN V M E R O A M R  
petijsti, ut ea, quæ mihi comperta essent  
de rebus gestis Ludouici undectimi, Prin  
cipis nostri, uir clarissime, tibi conscri  
berem. Feci, quod mandasti, et quàm uerissime omnia,  
quæ mihi quidem in mentem uenerunt, notauimus. Quæ  
fuerit eius uita, iuuenilibus annis, præter ea, quæ mihi  
aliquando recitauit ipse, nihil habeo: Sed posteaquam  
cœpi cum eo domestice uiuere: ex meis collegis, nemo  
crebrius et familiarius apud eum uersatus est. Nam  
aut ex intimis cubicularijs eram, aut alioquin occupa  
bar in maximis illius grauissimisq; negocijs. Habebat  
suas uirtutes, habebat quoq; uitia, sicut omnes alij prin  
cipes, quos ego quidem nouerim. sunt enim homines, ac  
in solum Deum cadit omnis perfectio: Veruntamen,  
quando, quod prauum est atq; uitiosum, fugiunt, et  
uirtuti sese tradunt: magnam sane merentur laudem,  
eò quòd indulgentius et mollius educantur, et natura  
serè propendunt ad uehementiores affectus, quos nemo  
cohercet, et postquam excreuerint, illorum et auri  
bus et ingenio moribusq; pleriq; seruiunt. Quantum

A

ad me pertinere, uere omnia perscribam, nec enim mentiri libet. Atque ita fortasse fiet, ut aliqua loca incidant, quae parum ad ipsius laudem spectare uidebuntur. Sed spero futurum, ut qui lecturi sunt, cogitent secum atque perpendant eas, de quibus antea diximus, rationes, ac ueniam mihi dent, ubi rem ipsam spectasse, et ueritati omnia, nihil autem affectui priuato me tribuisse animaduertent. Hoc tamen ausum de illo confirmare, nullum me nouisse principem, in quo minus esset uitiorum, si quis generatim omnia complectatur et inspiciat. Vidi enim plerosque reges ac principes, non Galliae tantum, sed et Britanniae, et Flandriae, et Germaniae, et Angliae, et Hispaniae, et Lusitaniae et Italiae, nec solum uidi, uerumetiam res maximas egi, et consilia cum ipsis communicauimus, sic, ut ex meis aequalibus et coaetuis, nemo per Gallias ampliorem habuerit eorum noticiam. Alios autem non uidi quidem ipse: uerum, quo essent ingenio praediti, ex legatis, quos mittebant, et literis, non obscure cognoui. Sed dum illius uirtutes praedico: nolim aliorum principum honori et gloriae per me quicquam esse detractum. Et quicquid à me notari potuit, simpliciter et bona fide tibi mitto. Nam arbitror ideo te requirere hanc meam operam, ut quicquid Gallice scripsi tu inter alia referas in opus latinum, quod constituisti aliquando perficere. Quod cum exibat: et Ludouici regis maxima uirtus, et ingenij tui praestantia fiet illustrior. Quicquid à me peccatum, aut minus

# P R A E F A T I O.

3

aut minus bene perscriptum, aut etiam prætermisissimè  
erit: facile suppleuerit & Bocagius, & quidam alij,  
qui plenius omnia sunt & ornatus multò dicturi. Si  
quis autem ad intimam illius & familiarissimam con-  
suetudinem, ac meritorum magnitudinem respiciat: ne-  
mo est omnium, qui maiorem, quàm Bocagius & ego,  
cognitionem habeat. Et quum ipsius morte magnum  
mihi sit inflictum uulnus: non debet cuiquā uideri mi-  
rum, si quantis ab eo, dum uiueret, affectus fuerim be-  
neficijs, memoria optime complectar. Visitatum est  
enim, ut ab interitu summorum principum, magnæ fi-  
ant rerum conuersiones: dum alij crescunt & locuple-  
tantur, alij uerò detrimentum accipiunt, & in uarias  
acerbitates incidunt. Honores enim & opes, & quic-  
quid est eius generis, ab alieno pendent arbitratu. Atq;  
ut certò perscribam de tempore, quo familiariter cum  
eo uixi: opus est, ut eius quoq; temporis memoriam,  
quo nondū in ipsius familia eram, prius percur-  
ram & repetam. Ordine deinde totam  
narrationem, ad extremum usq;  
uite illius diem, perser-  
quar.

Philippi

4  
**PHILIPPI**  
**GOMINAEI COM**  
**mentariorum Liber**  
**Primus.**



**Q**VVM IN EA ES  
sem etate, quæ laborem eque-  
strem ferre poterat : dedi ma-  
in familiam Caroli, cui pa-  
ter erat Philippus Burgundie  
Dux. ad quem, cum esset In-  
sulis, oppido Flandriæ, pau-

cis post diebus uenerunt Ludouici undecimi, Galliarum  
regis, legati, Cancellarius Moruillierius, & Archiepisco-  
pus Narbonensis : qui conuocato concilio, palam sue  
legationis causam ad hunc modum exponebant. Caro-  
lum, quo tempore fuit in Hollandia, cepisse nauigium  
quoddam Gallicum, armatum, & in eo Rubemprium,  
uirum nobilem, ac in carcerem coniecisse illum, oblata  
criminatione, quasi eò sui capiendi causa uenisset. Hoc  
autem eò esse grauius & indignius, quòd eius rei fama  
passim, maxime uerò Brugis, oppido Flandriæ celebra-  
rimo, esset disseminata iussu Caroli, per Oliuarium  
quendam Marchianum, uirum equestris ordinis. Reo  
gem igitur

Ao  
1464.

Philippus Gominæi  
Comentarius

Liber primus

gem igitur, quoniam hoc ipso magnam sibi factam esse  
 putet iniuriam: postulare, Oliuarium ad se mitti Lu-  
 tetiam, exempli statuendi causa. Philippus ad egressum  
 ait, Oliuarium ducere originem è superiori Burgundia,  
 et esse unum è suis præfectis domesticis, nec ulla ratio-  
 ne subiectum esse regis imperio: se tamen diligenter  
 inquisiturum, et si quod deprehendat eius factum, quo  
 regis honor uiolatus esse uideri possit, seuerè et graui-  
 ter animaduersurum. Rubemprium uero, non leuibus  
 de causis fuisse captum, præcipuè uero, quod apud Haa-  
gam, Hollandiæ uicini, ubi tum Carolus filius erat, ha-  
 sisset instructus et armatus. Se quidem nullo unquam  
 tempore suspicionibus indulgisse: quod si filius in su-  
 spicionem propendeat, in eo ipsum representare na-  
 turam et ingenium matris, quæ fuerit admodum sus-  
 piciosa mulier: ueruntamen idem se fuisse facturum  
 in eo rerum statu, quod filius fecit, habiturum se nihilo-  
 minus questionem, et si quo tempore constet de illius  
 innocentia, fore, ut liber factus, ad regem, sicuti petiis-  
 sent, remittatur. Cancellarius deinde multum acerbè  
 inuectus in Franciscum, Britanniæ minoris Ducem, as-  
 firmabat, Carolum iniisse foedus cum illo, quo tempore  
Turoni apud Regem fuisset, eamque rem atrociter ad-  
modum et odiose exaggerabat, Carolus, qui indignissi-  
mè ferret iniuriam hanc fieri socio et amico: uoluit  
 non semel ad ea respondere. Sed Cancellarius dicentem  
 interpellans, non inquit, huc ueni, ut tecum agerem, est

1454

Hag vrs  
Hollandia  
D. S. G. B. G. G.

Courb

## COMMENTARIORVM

mihi solum res cum tuo parente. Tum ille patrem ob-  
testatur, ut sibi dicendi potestatem faceret. Ad hæc ille:  
equidem pro te sum locutus, ait, ita ut patrem decet,  
sed tamen si cupis omnino respondere, præcogites ho-  
die, quid tibi dicendum sit, & quæ putabis ad rem per-  
tinere, cras in medium adferas. Superiori sermoni Can-  
cellarius hoc etiam addebat, non uidere se, quamobrem  
fœdus illud inierit Carolus, nisi quòd Rex annuam pen-  
sionem, & <sup>Normannia</sup> <sup>Normannia</sup> præfecturam ipsi ademisset.

Postridie coacto iterum concilio, Carolus genu ad ter-  
ram inflexo, & subiecto puluino, conuersus ad paren-  
tem, initio demonstrat, iustis de causis captum fuisse  
Rubemprium; deinde, non diffitetur, habere se quidem  
fœdus cum Britanno: sed id non spectare ad detrimen-  
tum aliquod regis, imò futurum ei utile, temporibus  
necessarijs, Pensionis autem annuæ, quam sibi Rex ad-  
emisset, se nihil unquam accepisse, præter Trientem, ad  
nouem circiter francorum millia, non se petiisse illam  
à Rege, neo etiam Normannia ambuisse præfecturam;  
facile carere se posse omnium aliorum munificentia,  
quamdiu patrem habeat amicum & beneuolum. Erat  
haud dubie dicturus multò asperius, nisi patrē, ad quem  
sermonem instituerat, fuisset reueritus, qui prudenter  
admodum & demisso tandem petebat, ne Rex, uel de  
se, uel de filio suo temere aliquid sinistri crederet. Po-  
steaquam deinde uinum fuit allatum: quod apud Prin-  
cipes fieri solet, legati parant abitionem, in eoq; tem-  
poris



peris puncto, Carolus, qui aliquantò remotior erat a  
 parente, conuersus ad Archiepiscopum Narbonensem:  
 commendabis, inquit, me Regi, meisq; uerbis dices,  
 quemadmodum per Cancellarium suum pro dignitate  
 me tractarit. sed antequàm exierit annus, poenitebit eum  
 huius facti. Ille in Galliam reuersus, exponit mandata.  
 Rex eo sermone multū offensus, grauè suscepit odium.  
 Ad hanc offensionem illud etiam accessit, quòd rex non  
 ita pridem receperat Ambianum, Abbeuillam, Sancto-  
quintinum, & alia quædam oppida Picardie, ad So-  
miam flumen, quæ Carolus septimus Gallie rex, pater  
 Ludowici, dederat Philippo Duci, quo tempore cum eo  
 transegit apud Atrebat, & dederat tum ipsi, tum ip-  
 sius liberis masculis, ea conditione, ut cuius Gallie re-  
 gi liberum esset ea redimere quadringentis aureorum  
 millibus. Cum autem Philippus esset etate grauis: pro-  
 curabant eius negocia nobiles è familia Croiorum, qui  
 per Harmoniam & Flandriam magnas retinent pos-  
 sessiones. In eos culpam transferebat Carolus, quòd pater,  
 accepta pecunia, reddidisset eas urbes, & quoniam  
 in sinibus posite sunt, impatientissimè ferebat. Paulo  
 post abitionem legatorum; uenit Insulas Ioannes Bor-  
 bonie Dux, ut Philippum auunculum, officij & hono-  
 ris gratia, sicuti præ se ferebat, inuiseret. Inter omnes  
 enim Principum tribus ualde amabat Burgundicam,  
 & erat è sorore nepos Philippi, quæ cum esset uidua:  
 commorabatur unà cum liberis apud fratrem. Sed ue-

A iij

Annus

1464

 annus ab-  
 dicatione Simo-  
 Quintini,

Atrebat

 Cyprianus  
 de huiusmodi  
 iure d' Artois

Filius Regis

# COMMENTARIORVM

ra, cum aduenisset, hæc erat causa, ut cum incitaret, quod  
 in sua ditione conscriberet exercitum, affirmans futu-  
 rum, ut reliqui Gallie Principes idem facerent, eo uide-  
 licet consilio, ut Regem, qui multa insolenter ageret  
 et iniquè, cogant sanio-rem Reipublice formam insti-  
 tuere, et quia bellum hoc uidebatur suscipi pro Re-  
 publica totius Gallie, uocatū deinde cognomento fuit,  
 Bonum publicum. Philippus non difficulter quidem  
 assensit, uerum non detegebatur ei tota res, neq; fore  
 putabat, ut ad arma ueniretur. Collectæ sunt igitur co-  
 pie, et Sanctopauli Comes, Cameracum, ubi tum Phi-  
 lippus erat una cum filio, accessit, cumq; uenisset etiam  
 eo Burgundie Mareschallus Nouocastrensis, Carolus  
 indicto concilio, pronunciat, familiam illam Croiorū,  
 sibi, suoq; patri summè aduersariam et inimicam esse.  
 At quanquam ex ijs quidam habebat uxorem Sancto-  
 pauli Comitissæ filiam, proscripti tamen fuerunt omnes  
 ab eo, et facultatibus exuti, et e uestigio, nulla inter-  
 iecta mora, salutem sibi fuga petere cogeantur. Acgre  
 quidem ista tulit Philippus, e cuius etiam cubicularijs  
 quidam, eo quod esset eius familie, cum salutandi Prin-  
 cipis non haberet spacium, subito et tacitè profugit,  
 sed grauior etas in causa fuit, ut patientius omnia fer-  
 ret. Carolus deinde placato patre, copias, quibus Comi-  
 tem Sanctopauli præfecerat, educit, nempe circiter tre-  
 centos equites cataphractos, et quatuor sagittario-  
 rum milia, et inter hos, complures Artesie et Hamen-  
 nie et

Cambrin

hincastren

Guy Jussu

300 equites  
400 sagitta-  
rios

Artesie et Hamen-  
nie et

nie & Flandrie viros nobiles, deinde Ranstonius frater Ducis Cluensis, habebat non pauciores copias, & inter alios belli Duces, erant duo quidam, summe apud Carolum authoritatis, Haubordinus & Contaus, quorum ille uersatus erat in ijs bellis, quae Angli confederati Burgundionibus, gesserunt in Gallijs, quo tempore Henricus quintus rerum apud Gallos potiebatur, alter eiusdem erat cum Haubordino status. Totus exercitus erat circiter mille quadringentorum equitum cataphractarum, sed quoniam insolentes erant belli, diuturnitate ocij, ut qui post Atrebatensem illam pacificationem, per totos triginta, nisi fallor, annos, nullum gesserant externum bellum, male erant instructi, & parum exercitati plerique omnes. Sagittarii surgebant ad nouem milia, & habito delectu, quanta fuit antea difficultas in conducendo, tanta tunc extitit in dimittendo, seruatis tantum lectissimis quibusque. Ceterum, ob diuturnitatem pacis, & Principis Philippi bonitatem, florentissima erant omnes ille provinciae, cumulate omnis generis opibus, ita quidem, ut cuius populo preferri possent, ea re ferociores facti, nullius Principis potentia labefactari se posse putabant, sed qui fuerunt antea plurimis annis omnium gentium fortunatissimi, nunc ita sunt adflucti, ut eruminosiorem hodie populum non nossemus, & est credibile, iam ipsos dare poenas eorum, quae rebus prosperis elati admiſerunt. Nam & cultu corporis, & uestitu, & quotidiano uictu, & balneis & epu

de Sacerdotibus  
Sautbordin. B.  
Bisepus vni Crui  
vni sunt 99 in l  
1464

1400 ex 16

Sagittariorum  
9800

lis, et omnino rebus omnibus modum excedebant, ob-  
 liti pudoris et honestatis. Instructo exercitu, progre-  
 ditur Carolus, erant autem equites omnes, præter eos,  
 qui deducendis tormentis, quorum maximam vim ha-  
 bebat, alijsq; operibus destinati erant. Profectus igitur  
Noniodunum, castellum Nelam <sup>in</sup> his locis obsidet, ac licet  
militum presidij firmatum esset, paucis tamen diebus  
deditione capit. Obequitabat non procul à Carolo Io-  
 achimus Gallie Marescallus, à Perona digressus, uerum  
 quòd exiguas habebat cohortes, non poterat impedire  
 illum, quò minus ad Lutetiam propius accederet, quam  
 tamen ipse prior ingressus est. Toto itinere, quò transi-  
bat Carolus, iubet à ui et maleficio abstineri, neq; pas-  
sus est ullum detrimentum alicui inferri, ciuitates etiam  
ille, quæ sunt ad Somiam flumen, et alie quæcunq;  
modicis cohortibus nos recipiebant, et accepta pecu-  
nia, suppeditabant, quæ usui esse poterant, et uideban-  
tur belli euentum expectare. Ventum est tandem San-  
 ctodionysium, quod oppidum duobus miliaribus abest  
 à Lutetia, quò et reliqui Gallie Principes confœdera-  
 ti, sese uenturos esse promiserant. Pro Duce Britannie  
 aderat Procancellarius, qui chartas aliquot habebat  
 puras, sui Principis sigilla consignatas, cuiusmodi so-  
 lent aliquando dari discendentibus Legatis, in ijsq; pro  
 ratione temporis et negotiorum, subinde scribebat  
 quicquid uisum esset. Valebat quidè ingenio, sed certè  
 propter excitatam non semel aduersus eum indignatio-  
 nem et

Nonion

Sunt Denijs

nem et fremitum in castris, opus etiam ipsi erat magna dexteritate et industria. Carolus Lutetiam usque progressus, lenioribus praelijs laceſſebat oppidanos, qui praeſter Ioachimū, et eas, quibus ille praeerat, ~~hor-~~tes, nullū habebant praesidium. Itaque tanta fuit ibi consternatio multitudinis, ut subinde clamarent, hostem iam superasse moenia. Haubordinus, eo quod habitasset aliquando, et ingenium loci non ignoraret, suadebat oppugnandam esse, et quanquam equitatus idem sentiebat, ut qui contemnerent hostem, excursionibus factis in ipsas usque portas: Carolus tamen Sanctodionysium reuersus, postridie conuocato concilio, deliberat, an esset obuiam iturus Biturigum Duci, fratri Regis, et Britanno, quos Procancellarius in propinquo esse dicebat cum exercitu, conatus fidem eius rei facere, demonstratis literis, quas ipsemet finxerat in ijs, quas diximus, chartis, cum nihil tamen haberet certi. A multa deliberatione placuit, traiciendum esse flumen Sequanam, tametsi complures dicerent, quoniam socij et confederati ad diem non uenissent, posse Carolum honestè redire domum, qui traiecto Somia et Matrona flumijs, officio satisfecerit, nec opus habeat longius progredi. Quod ipsum eo uehementius aliqui contende-  
bant, quò maius uidebant esse periculum, idè quòd a  
tergo nulla haberent loca munita, in quæ, temporibus  
coacti, sese reciperent. Et quanquam magnus erat fre-  
mitus omnium aduersus Comitem Sanctopauli, et Bri-  
tannia

Carolus  
gerit

Anno  
1464

Sequitur

maxime

propter ha-  
bitum a longi-  
tudine munita

22 COMMENTARIORVM

*Caroli in hunc  
ad fontem Sumbro  
claudianum*  
tannie Procancellarium, qui progressionē suadebant,  
Carolus tamen, transmissō flumine, castra ponit ad pon-  
tem Sancti claudianum, qui vicus infra Luteciam est  
ad alio miliaria. Postridie, quā eō uenit, certior fit lite-  
ris fœminæ cuiusdam nobilis, Regem ex Borbonia ma-  
gnis itineribus ipsum petere. Cum enim excitatos in se  
Rex uideret Gallie Principes, cogitabat huic rei præ-  
uertere, et prior ipsos adoriri, sed in primis Borboni-  
um, quod et hunc sibi crederet infestiores, et ditio-  
nem eius putaret magis oportunam esse iniurijs. Impe-  
tu igitur in eum facto, multa iam ademerat, occupatu-  
rus etiam reliqua, nisi uicini Burgundiones, atq; etiam  
Aquitani aliquot Proceres subsidio uenissent. Cum igi-  
tur ibi non posset, quod cupiebat perficere, tempore  
exclusus, eō quod Carolus immineret Lutetiae, et ueri-  
tus, ne reciperetur, præsertim aduentante fratre cum  
Britanno, maximè uero, quod præ se ferrent, bellū esse  
necessario pro Repub. susceptum, et quia in Luteciam  
illis receptis, uidebat reliquas urbes, facili momento,  
ut idem facerent, posse impelli, his de causis magna cele-  
ritate eō proficisci constituit, et prohibere, ne duo illi  
exercitus coniungerentur, nihil autem minus decreue-  
rat, quā prælio concertare, sicut ipse mihi non semel  
retulit, delapsus in mentionem eius belli. Carolus igitur  
cognito Regis aduentu, statuit obuiam ei properare,  
et tunc demum recitatis literis, quas acceperat, tacito  
nomine authoris, demonstrat se uelle tentare fortunā,

et ad



Et ad uirtutem cohortatus militem, cum aliquantulum  
 esset progressus, castra posuit ad Longumecum, qui uia  
 cum abest à Lutetia, quatuor miliaribus, uia Aureliana.  
 Primum agmen ducebat Sanctopauli Comes, qui prope  
 Monthericum duobus miliaribus longius à Carolo  
 confedit, multis huc illuc emissis exploratoribus, qui  
 de Rege aliquid cognoscerent, et quam uiam esset in-  
 gressus, nunciarent. Cum deinde prelio delectus esset  
 idoneus locus apud Longumecum, ita cōuenit, ut si Rex  
 eò accederet, Sanctopauli Comes, reductis copijs, cum  
 Carolo sese coniungeret. Cenomanorum autem Comes,  
 cum octingentis cataphractis ibat in exercitum Britan-  
 nicum aduentantem, in quo multi erant egregij et ho-  
 nesti uiri, quos Ludouicus, tametsi bonam operam na-  
 uassent ipsius parenti, simul atq; principatū obtinuit,  
 dimiserat. Cenomanus autem uiribus inferior, non aus-  
 sus ad hostem propius accedere, sed intervallo aliquo  
 precedens. Regem petebat: Britannus uero et Bitu-  
 rix cupiebāt sese coniungere Carolo, qui cum esset Lon-  
 gumei, cognouit ex captiuo, Regem, adiuncto sibi Cen-  
 nomano, et collectis undiq; copijs, habere ad duo mi-  
 lia cataphractorum. Re deliberata cum Cenomano et  
 Normanniæ Prefecto et Amiralio, Rex omnino con-  
 stituit, euitato prelio, Lutetiam sese conferre, tametsi  
 diuersum aliqui suaderent. Quia suspectum habebat  
 Normanniæ Prefectum, familiariter eum rogat, num  
 fidem Principibus dedisset, ad quod ubi ille iocose re-  
 spondit,

*Sigheus Gualy*  
*Longumecum*  
*Longumecum*

*Montgerij*

*Anno*  
*1464*  
*dis. g. scilicet. vni*  
*neami*

*dis. g. scilicet. vni*  
*neami*

*opp. de. Gualy*  
*St. Gualy*

spondit, ac faceret suo more, placatus Rex primam aciem  
 ei attribuit, et uiae duces adiungit, eò quòd ab hoste  
 uellet desistere. Tum Praefectus ille, ut erat liberali in-  
 genio, cuidam e suis familiaribus, hodie inquit, ita pro-  
 pè sistam utrumque exercitum et arcte, ut eum, qui uelit  
 dirimere praelium, oporteat insigniter esse rei militaris  
 peritum, atque hunc eius sermonem Rex aliquando mihi  
 recitauit. Progressus igitur ille cum suis copiis, uenit  
 Monthericum, eam rem Sanctopauli Comes, qui ibi con-  
 fedit, ut supra diximus, Carolo celeriter renunciat,  
 orans, ut quandoquidem sibi non sit integrum retroce-  
 dere, subito mittat auxilia, ne si discedat, fugientis ui-  
 deatur praebeere speciem, quod toti exercitui futurum  
 sit ualde periculosum. Carolus igitur mittit alias cohortes,  
 eisque Anthonium, e familia Burgundica, notum,  
 praeficit, cumque secum aliquandiu deliberasset, progre-  
 ditur et ipse, ac in castra uenit. Iam aliquot hostium  
 signa uenerant, positis castris secundum fossam quan-  
 dam spaciosam, quae inter utrosque erat media. Procar-  
 cellarius autem Britanniae et alius cum eo uir nobilis,  
 metu periculi, eò quod Principes, de quorum aduentu  
 maximam spem iniecerant, non adessent, profugiunt,  
 et ad ea loca, ubi credebant se posse reperire Britan-  
 nos, contendunt. Habita uero deliberatione, placuit Ca-  
 rolo, ut pedites pugnarent omnes: commutato deinde  
 consilio, cataphracti omnes conscendunt equos, uerum  
tamen ex nobilitate complures, eius mandato, relictis  
 equis,

equis, coniungunt se sagittarijs peditibus, quod ex hoc  
notificum erat, & reliquis addebat animum, eumq;  
morem acceperant Burgundiones ab Anglis, quando  
foedere ipsis coniuncti, bellum gesserunt in Gallijs, per  
totos triginta duos annos, nullis interpositis inducijs.  
 Principio, cum se nobis ostenderet hostis, è uicina syl-  
 ua, erant circiter quadringenti cataphracti, quod si  
 non fuissetus eos adorti, multorum iudicio facile pro-  
 fligassetus. Nam qui subsequebantur, non poterant,  
 nisi cum modicis cohortibus, progredi, tametsi paula-  
 tim augefcebant. Ibi tum Contaus ad Carolum, Si ue-  
 lis, inquit, uictoria potiri, opus est ut acceleres, quod si  
 maturius fecisses, iam uideres debellatum hostem, quic-  
 quid intercedit temporis, hoc omne uictoriam mora-  
 tur: Fuerunt initio pauci, cum nobis primum appare-  
 rent, & ne nunc quidem satis multi sunt, ut resistent,  
 & uides ut augeantur. Hic ceptum est agitur multuo-  
 sius, nullo seruato ordine, & perturbatis consilijs,  
 dum singuli quisq; sententiam dicit, iamq; ad exitu Men-  
 theria, committebatur utrinq; leuius praelium à sagit-  
 tarijs, & quanquam nos sine ordine pugnabamus,  
 multitudine tamen eramus & numero superiores. In  
 concilio decretum fuit, quoniam longius erat interual-  
 lum, ut non continua progressione, sed dato ad respi-  
 randum spacio, pedetentim iremus in hostem, excitato  
 autem clamore, & concursatione illa facta, ut dixi-  
 mus, Carolus inuicem eius, quod antea constituisset,  
 subito,

Anno  
1465

subito, celeriterq; progreditur; hostes erant ad castellum Montherici, à fronte muniti ampla quadam fossa & sepe sylvestri, totus ager confitus erat frugibus & fabis, alijsq; leguminibus, Carolus antecedeabant sagittarij, absq; ordine ferè. Meo quidem iudicio, cum esset dimicandum, nullum genus militum præstat sagittarijs, uerum ita, si sint aliquot millia simul, & uel equos habeant tales, quorum iacturam leuiter ferant, uel proprius non habeant: ex ipsis autem, ij qui prælijs nunquam interfuerunt, potiores sunt exercitatis, & ita quoq; sentiunt Angli, qui in eo genere quosuis antecellunt. Constitutum fuerat, ut dixi, dum iretur in hostem, bis quiescendum esse, quò pedites ad pugnam essent recentiores, eò quòd præter uiae spaciū, segetes etiam impedirent iter, sed Carolus continenter accelerabat. Hostes obiectam sepe, duobus diuersis locis, quâ poterant, transeunt, cumq; tam essent uicini facti, ut hastas aptarent ad còcursum, noster equitatus, perruptis & distictis sagittarijs nostris, prouolat, sic ut spaciū illis non darent telum ullum eijciendi, cum tamen in ijs omni robur & spes tota consisteret. Nam ex mille ducentis equitibus, uix quadringenti erant, sic ut oportet, armati, & ex his ipsis arbitror non fuisse quinquaginta tradendis hastis idoneos, è famulis autem, ob diuturnum ociū, nemo quisquam armatus erat, Duces enim Burgundie, ne multitudini grauiora onera iniungerent, nullos aiebant equites extra belli tempus. Ad hunc modum,

modum, florem ipsum exercitus, & spem maximam, sagittarios, perturbant & disijciunt ipsi; & quanquam in eo summum erat periculum, Carolus tamen, qui ad dextram erat, prope castellum, nemine ijs locis magno pere resistente, uincit. Erant tunc una cum eo, & quod periculi magnitudinem per etatem non intelligebant, animo sui maxime securo & ocioso. Ad sinistrum latus erant Rauestenus & Iacobus, Sanctopauli comitis frater, & alij complures, qui cum essent numero infiores, in fugam conijciuntur; & ex ipsis plerique omnes in propinquam syluam excurrunt, alij, qui ad impedimenta & carros in fuga subliterant, sese recolligunt, Sanctopauli quoque Comes in syluam sese recepit. Carolus ex diuersa parte, cum paruo comitatu insequitur fugientem hostem, ultra Monthericum, & cum nemo quisquam resisteret, suam esse putat uictoriam: ibi nobilis quidam uir Lutzenburgicus, etate grauis, Anthonius Britannus, equo celeriter aduectus, nunciat ei, hostes denuo collectos redintegrare pugnam si longius progrediatur insequendo, periculum ipsi imminere, nihil autem commotus eo sermone, pergit, mox idem nunciatur a Conteo, & ita quidem acriter, ut tandem ab incepto desisteret, quod si paulo fuisset prouectus longius, incidisset in eorum manus, ut quidam alij, qui proxime ipsum antecedeabant. Reuersus itaque per Monthericum, reperit cohortem peditum fugientium, quos inspecturus, cum centum circiter equis, ictus est a quodam

B

Anno 1465

d. s. Butter  
 van (Cominre  
 guarde.

pedite, qui ex solus in fuga restitit, et interemptus fuit, reliquis serè omnibus elapsis per uicinos hortos. Cum propius ad castellum praterueheremur, ecce confpicimus ibi sagittarios supatores Regis, ad portam, immo-  
 eos, mirum hoc uidebatur Carolo, nullum enim super-  
 esse putabat hostem, qui resisteret. Deflectens igitur ad  
 planiciem, inuaditur à cataphractis aliquot, numero  
 sedecim, et quoniam à suis pleriq; erant dispersi, in  
 summo uersabatur discrimine, adeo quidem, ut in gut-  
 ture accepto uulnere, circundatus et comprehensus,  
 urgeretur ab hoste, ut sese dederet, neq; sineret interfi-  
 ci, ut qui agnosceretur, Ipse contra moratur et sustinet  
 impetum, quantum potest, donec medici cuiusdam Pa-  
 risiensis filius, Ioannes Cadetus, uasti corporis homo,  
 per mediam turbam inuectus ingenti equo, disijcit tur-  
 bam, et ipsum eripit. Hostes deinde ad oram eius fos-  
 se, ubi constiterant ante prælum, sese recipiunt, eo  
 quod cohortes aliquot nostras in propinquo conspice-  
 rent. Carolus ex uulnere totus sanguinolentus, rectà  
 contendit ad suos, eramus autem in uniuersum circiter  
 septuaginta, sumpto deinde recenti equo, rursus euo-  
 lat, ut suos recolligeret, quo quidem tempore, si uel  
 centum modo equites aduersum nos exiissent, fugæ  
 nos mandessemus. Nostri enim milites uix tandem pau-  
 latim aduentabant cum modicis cohortibus, partim  
 saucij partim ex itinere et labore defatigati, nam et  
 segetes grandiores impediabant cuntes, et tanta erat

uis



in pulueris, ut prospectus non pateret, & quocunque  
 respiceret, coopertum erat solum militibus & equis  
 interceptis. Interea prodit Sanctopauli Comes, & pro-  
 pinqua sylua, cum quadraginta circiter cataphractis,  
 & ad nos contendit, inter eundem plures undique ad eum  
 ex fuga confluunt. Nos, quibus uidebatur esse pericu-  
 losa mora, missis ad eum nuncijs, hortamur ut properet,  
 ille uero nihil eo commotus, placide progreditur, &  
 hastas iubet à suis tolli, quæ passim lacebant humi,  
 deinde se nobis adiungit, & iam eramus circiter octin-  
 genti cataphracti, pedites uero perpauca, quæ res in  
 causa fuit, quo minus integram obtineret uictoriâ Caro-  
 lus. Ex hostium numero profugit Cenomanus & alij  
 multi, cum octingentis cataphractis: erant qui dicerent  
 eam communicasse consilia cum nostris Principibus,  
 sed opinor iniuriam ei factam esse, breuiter, ingens fuit  
 utrinque fuga, sed hoc est in primis memorabile, quod  
 Principes ambo non excefferunt è campo. Cum igitur  
 ad hunc modum starent hinc illinc instructæ acies, di-  
 remptæ solum fossa & sepe syluestri, tormentis utrinque  
 cadunt aliqui, pugnam nemo amplius affectabat, &  
 eramus numero superiores, ueruntamen Regis præsen-  
 tia magnum suis attulit momentum, quando militem, &  
 præsertim equites, ad uirtutem cohortabatur, nam alio  
 qui crediderim omnes fuisse præcipites in fugam abi-  
 tures. Ex nostris aliqui cupiebant redintegrari præ-

Anno  
1465

B ij

lium, in primis uero Haubordinus, eò quòd diceret se uidere cohortem aliquam hostium fugientem, quòd si centum modo sagittarios habuissent instructos, qui tela coniecissent trans illam septem, exercitus non fier omnis fuisset progressus. Interea dum sic deliberamus, et administratio belli consistit, Rex, interuentus noctis, Corbelium, quod est supra Lutetiam septem miliaribus oppidum, ad Sequanam, sese confert, tum nos crederentur eum in castris pernoctare. Forte eò loci, ubi Rex fuerat, excitatus ignis, longè lateq; uagabatur per carros, et septem illam, de qua diximus, ibi Sancto-pauli Comes et Haubordinus iubent carros omnes adduci in eam partem, ubi tum eramus, et totum exercitum eis circumcludi. Dum hæc geruntur, ex hostibus complures, qui nostros fugientes insecuti fuerant, redeunt, arbitantes uictoria se potitos esse, coacti transire per nostras munitiones, pleriq; omnes occumbunt, paucis admodum elapsis. Ex aduersarijs cecidit statim inter alios, commisso prelio, Normanniæ Prefectus, à nostris desiderati sunt plurimi pedites, ab illis autem equites, utrinq; cesa sunt ad duo millia. Magnum quiddam est, meo quidem iudicio, restaurare copias à conflictu, et per horum aliquot, in acle utrinq; consistere propius, et merito Principes complectantur eos, à quibus in tali rerum statu non fuerunt deserti, uorum, ut fieri solet, nò admodum erant memores officij: Quiddam, eò quòd profugerant, loco fuerunt et dignitate submoti,

submoti, alij cōtra, qui multo longius abierant in fuga,  
honoribus aucti fuerunt & beneficijs, ex nostris qui-  
dam auctoritate penitus excidit, iussus ē conspectu Prin-  
cipis abire, mensem unū post, illustriori loco fuit, quā  
antea. Cum ipse exercitus esset receptus intra muni-  
tiones, ut suprà demonstrauimus, reficiebat se quisq;  
utcuq; poterat. Ex nostris quāplurimi erant sauci,  
pleriq; etiam animis demissi, quoniam uerebantur, ne  
Parisienses cum equitibus cataphractis egressi, quibus  
præerat ipse urbe, is, cuius antea meminimus, Ioachimus,  
nos adorarentur, cumq; metum auxit, quōd crederent  
Regem in propinquo uersari. Emittimus ergo de nocte  
quingenta cataphractos, qui de Rege aliquid explo-  
rarent. Carolus interea sumpto cibo reficit se nonnihil,  
& acceptum nihil in gutture, curat, quo loco cœna-  
bat, submouenda erant aliquot cadavera, positis deinde  
duobus fasciculis straminis, asidet, dum loco mouentia  
cadavera, unus ex uiferis illis potum flagitat, iungitur  
illi in os aliquid eius potionis, quæ Carolus utebatur,  
statim incipit habere melius, cumq; agnosceretur, cura-  
tus fuit, & ualeitudini restitutus, erat autem unus ē sa-  
gittarijs stipatoribus ipsius. Deliberatur postea quid  
facto sit opus, omnium primus sententiam dedit Sancto  
pauli Comes, uersari nos in magno periculo, sibi uideri  
præloco mouenda esse castra, et petendam Burgun-  
diam, exusta parte aliqua impedimentorum, & abdu-  
ctis tamen tormentis, fieri non posse, ut mediū inter regē

Anno  
1465

Episcopo Carth  
in hunc modum  
fuit

atque Lutetiam, diutius ibi sine comœatu perduramus. Haubordinus deinde, et alij quidam post eum, licet ignorarent, quid essent allaturi, qui exploratum fuerat: emissi, non dissentiunt ab illo, Contenus autem omnium postremus, ait futurum, ut milites, re intellecta, propter timoris suspicionem perterriti, sese mandent, et ab hoste intercipientur, prestare multò, ut relictis nonnullis corporibus, hostem prima luce statim adoriantur, aut uictoriam esse reportandam, aut fortiter ibi pugnando moriendum, hoc sibi uideri non solum honestius, uerum etiam ad salutem utilius atq; tutius. Ea laudata sententia, Carolus iubet, ut quieti sese darent omnes per horas duas, et ad tubæ clangorem essent expediti, interea per homines idoneos militem cohortatur ad uertutem. Sub mediam noctem reuersi equites nostri exploratores, nūciant Regem esse in propinquo. Statim emittuntur alij, qui certius aliquid cognoscerent. Post horam deinde unam, arma capiunt omnes, et ad prelium sese instruunt, sed profecto pleriq; omnes fugam spectabant. Exploratores, quos secundo loco misimus, obuii facti cuidam aurigæ, cognoscunt Regem demigrasse cū toto exercitu, qua re nobis nunciata, ipsi longius progrediuntur; cumq; uerum esse, quod dixerat ille, cōperissent, reuersi maximam in castris læticiam excitant, neq; tum decrant, qui cū paulò ante fuissent animis deiecti, dicerent persequendū esse fugientem hostem. Erat mihi tū equus, et uetulus admodū et fractus laboribus,  
is forte

is forte situlam uini repertam hausit, eaq; potione sit-  
suit recreatus, ut alacriorem antea nunquam fuerim ex-  
pertus. Cum illuxisset, conscendimus equos, ibi mona-  
chus quidā Franciscanus, à Carolo summissus, confirma-  
bat adfuturum eo die Biturigem et Britannum, ex quo-  
rum castris ipse iam iam uenisset, ea res animū addebat  
nostris, tametsi non omnes haberent fidem, et artē intel-  
ligerent, ueruntamen sub meridianum tempus, redijt ad  
nos Britannia Procancellarius, qui paulò ante praelium  
se subduxerat, quoq; maiorem faceret fidem, duos è nu-  
mero stipatorū sui Principis adduxit, magna per exer-  
citum excitata leticia, cumq; suae fugae causam rogatus  
exposuisset, ualde laudabatur ab omnibus, quod autem  
rediisset, eò uero nomine pergratus erat. Carolus totum  
diem in campo cōmoratus, belli omnē laudem ad se per-  
tinere putabat, letus admodū, sed ista gloria magno des-  
inde constitit ei. Nam ab eo ferè tempore, aliorum repu-  
diatis consilijs, pro suo unius arbitrio gerebat omnia,  
quae res in causa fuit, ut tandem in uita discrimen addu-  
ctus, et occisus, grauiissimū uulnus populo puñcijsq;  
suis infligerit. Qui ordine praecesserunt ipsum, pater,  
auus, atq; proauus, honoratissimi fuerant potētissimiq;  
principes, adeo quidem, ut praeter Galliarū reges, pauci  
admodū illis praeferi possent. Modestia sane decet om-  
nes hominū ordines, in primis uero principes uiros,  
ut intelligāt, et sint memores in omni actione, esse Deū  
à quo pfiscuntur et emanāt omnia. Erāt in eo duae res,

*Caroli*

*Anno 1465*

*Caroli*

*845*

maxime memorabiles laborum patientia, et animi ro-  
 bur incredibile. Militavi sub eo per annos septem, ne-  
 ullum vidi tempus, quo vel lassitudinis, vel timoris da-  
 ret significationem, moliebatur in animo res maximas,  
 et fortasse maiores etiam viribus humanis. Postridie, qui  
 tertius erat dies à praelio, recipimus nos Monthericum,  
 ex agris omnes confugerant vel in turrim templi, vel  
 in castellum, sed Carolus et reuocari omnes, et à male-  
 ficio abstinere iubet, secutus deinde consilium Contei,  
 Stampium, quod est inter Lutetiam et Aureliam oppi-  
 dum, loco multum fertili sese confert, ut et Britannico ex-  
 ercitu praeuerteret, et militem ex vulncribus, alijsq; in-  
 commodis male affectum recrearet, hec enim diuersiorum  
 oportunitas, multos, qui periclitabantur alioqui, serua-  
 bat. Aduenientibus Biturigi et Britanno, obviam profi-  
 ciscitur cum primis ordinibus, et ipsos quidem Prince-  
 pes in oppidum recipit, equitatum autem omnem in  
 campo contineri mandat. Erant circiter sex equitum mil-  
 lia, tam cataphracti quam sagittarii, bene instructi, et  
 inter eos multi honesti homines, quos Ludovicus, ut su-  
 pra diximus, dimiserat. Quanta esset Britanni potentia,  
 facile erat ex eo apparatu cognoscere, nam eius exerci-  
 tus potissimam partem ipse unus alebat. Interea Rex, Cor-  
 belio relicto, Normanniam petit, ut copias ibi coheret, et  
 ne quis per ipsius absentiam oriretur motus, circa Lute-  
 tiam, quibus locis maxime necessarium esse videbatur,  
 equitum praesidia disponit. Quo die Principes conveniunt  
 Stampij;

Stampij, multus fuit inter eos sermo de uarijs rebus. Britannii, ex hostibus, qui profugerant, nonnullos ceperant, et si paulò fuissent propinquiores, bonam exercitus partem profligassent: Ex captiuis acceperant Regem interiisse, sic enim illi putabant, eò quòd commissò praelio, in fugam abierant. Exhilarati eo nuncio, magna sibi pleriq; promittebant à Biturige, ad quem, morte fratris, imperium deferri sciebant, et ut accepti à quodam fide digno, qui ei concilio interfuit, deliberauerant de nobis opprimendis, uerum nò admodum diu ea letitia fruebantur, atq; hic uidere licet, qui sit rerum status, et quæ perturbationes oriantur, quum aliqua sit imperij commutatio. A coena, cum multi passim deambularent, Biturix et Carolus, ex fenestra, cui innitebantur, serio de suis rebus colloquuntur. Erat inter Britannos homo plebeius, cui pro ludo fuit, in aërem iaculari ignem artificiose compositum, Galli uocant fusas, quæ cum è sublimi deciderunt, huc illuc discurrunt, et flammeum quiddam emittunt, ex ijs cum eiecisset aliquot, una forte impegit in fenestram, ad quam illi colloquebantur, attoniti ambo et subito erecti, respiciunt alter in alterum, admirabundi, collecta suspitione, de industria factum esse, ledendi causa. Contaus, quum secreto quiddam dixisset Carolo, descendit, et in armis esse iubet ilicò cataphractus omneis et sagittarios, ut idem faceret, Biturigem hortatur Carolus. Inquiritur postea de autore, is, qui coniecerat ignem,

Anno 1465

proiectus ad pedes Principum, fatetur à se factum esse, & ueniam deprecatus, quò suspicionem omnem tolleretur, rursus ei aculatur, ad hunc modum risu soluta turba, deponuntur arma. Postridie, conuocato concilio, deliberant Principes, quid agendum sit, & quoniam diuersarum gentium erant, nec uni alicui parebant, quod in eiusmodi rebus necessarium est, uariabant sententie. Sed notatum fuit in primis & exceptum, quod Biturix, qui per aetatem nullum habebat rerum usum, neq; talibus assueuerat spectaculis, uidebatur à loqui, quasi iam tederet ipsum bellum, deplorans miseriam eorum, quos in exercitu Caroli uiderat saucios, & corporibus male affectos, nam eo tandè delapsus est, ut diceret, prestare, bellum non fuisse inchoatum, quàm sui causa tantas existere calamitates. Eum sermonem grauitè tulit Carolus, ueruntamen re deliberata, placuit traducendū esse exercitum Lutetiam, & tentandum, an oppidani unà cum ipsis uellent animū adiungere ad procurationem reipublice, pro qua bellum se suscepisse dicebant, quòd si ea ciuitas permoueri posset, de reliquis, quin idem essent facturæ, nihil dubitabant. Carolus priuatim ad suos locutus, de Biturigis oratione, ecquid uobis, inquit, uidetur? ille, quòd saucios uiderit nonnullos, qui ad ipsum tamen nihil pertinent, animo est demisso & languido, quid faciat, si quod detrimentum ipsius milites acciperent? sane laui aliquo momento queat impelli, ut nobis desertis,



feris, cum hoste paciscatur. Propter diuturnum enim  
bellum, quod inter ipsius et meum parentem inter-  
cessit, et propter ueteres inimicitias, facile sit, ut con-  
iunctis ambo viribus, nos oppugnent, noue sunt igitur  
tentandae amicitiae. Fuit haec sola pars ex potissima  
causa, cur ad Edwardum Angliae Regem misso statim  
legato, mentionem aliquam iniret: connubij cum  
illius sorore: quum enim sciret hoc uehementer ei  
placere, uidebat facile ipsum ad amicitiam posse adduci,  
ei, et quoniam id temporis non agebat serio, duxit  
tamen eam postea uxorem, quod eo libentius refre-  
uit ostendam, eiusmodi multa sepius exire ex opuscu-  
lo aliquo leuiter suscepta, maxime uero inter Brin-  
ges, qui propter delatorum multitudinem, suspicionibus  
seu indulgent. Commorati per dies aliquot Stan-  
prij, Sanctomartini et Morettam proficiscimur,  
quod est prope Sequanum oppidulum, ad sedecim san-  
cta Lutetiam milliaria. Carolus in planiciem progressus  
suis, castra ponit iuxta flumen: iusserat autem, ut uicini  
aliquem anisquisque secum deferret, religandis equis  
identem, et carris etiam dederat naues aliquot, et  
uasa dissoluta, ut ex ijs effecto ponte, Sequanum con-  
iungeret. Cum ad fluvium peruenit, exoneratis et de-  
positis sarcinis, occupatur insula, sagittarij Gallicana-  
bantur nos aditu prohibere, sed cum iniquo loco pugna-  
rent, tormentis reiecti fuerunt. Sub uestigio iubet pon-  
te fieri, ipse tensis tabernaculis, cum quinquaginta carda-  
phraetis

Anno 1465

## 24 COMMENTARIORUM

piratis ibi pernoctat: postero die circa meridianum  
tempus, perfecto ponte, exercitum omnem et tormen-  
ta trahit, idem postridie faciunt Buxix et Britan-  
niam suis copijs, collaudato opere. De nocte appa-  
rent nobis plurimi ignes à longinquo, pleriq; regem  
esse putabant, sed aliquot horis postea cognouimus,  
Iohannem Calabrie Ducem, Renati Sicilie regis filium,  
castra ibi posuisse. Ducebat ille insignem equitatum ex  
utraq; Burgundia, pedites vero non ita multos, et in-  
ter hos, circiter quingentos Heluetios, qui primi omnia  
sue gentis nostris temporibus in Gallia uenerunt,  
et sua uirtute reliquis nomen et auctoritatem ma-  
gnam conciliarunt. Iste copie, cum prima luce castra  
mouissent, eo die pontem transeunt, Burgundionibus  
preerat Marschallus Nonocostrensis, erat cum eo  
frater Montagum, et Marchio Rathelensis, et in-  
gens nobilium turba, quorum nonnulli militauerant  
Borbonia, quoniam bellum ei Rex inferret, hi omnes, per-  
riculi uitandi causa, conueniunt se cum Duce Calab-  
rie, quem propter fortitudinem et rei militaris sci-  
entiam Carolus in magno habuit honore. Exercent  
omni tractato, qui sane longe maximus erat, Lutetiam  
cum uniuersis copijs contendunt. Primum autem duce-  
bat Scotopauli Comes, et cum eo Britanni aliquot  
et Bugariges, in reliquo agmine erant ipsi Principes.  
Carolus et Calabrie Dux, ut homines militares docet,  
in hoc totum erant, ut pedes omnibus diligenter provide-  
rent,

rent, nec obscurè pra se ferebant, cupere se aliquid  
 magni perficere, Biturix et Britannus uehebantur  
 paruis equis, leuiter admodum armati. Vbi Carenta-  
 num uenissent, qui uiciu ad Matronam positus, Late-  
 tia distat duobus miliaribus, occupatur ibi pons, fru-  
 stra resistentibus sagittarijs Gallis, eū ubi transissent,  
 Constantium progressi, quod est in propinquo, Carolas  
 occupata planicie, copias suas omnes et tormenta,  
 carris, alijsq; munitionibus cingit, adiuncto sibi Cala-  
 bria Principe. Biturix et Britannus, cum magna sui  
 exercitus parte, Sanctemaurum, qui uiciu modico di-  
 stat intervallo, sese conferunt, reliquum agmen Sancto-  
 diorysiu abire iubetur. Postridie, quam eō uenerant,  
 faciunt excursionem ad urbem, non absq; magna tre-  
 pidatione iudgi. Erant inter alios ordines multi non  
 alieni à Principibus, et eorum institutum iudicabant  
 esse utile ac salutare Gallie, e ciuib; etiam multi ad-  
 dicti erant Burgundionibus, eorumq; negocia procu-  
 rabant, spe consequendi publica munera, quæ Lutetie  
 sunt, et plurima, et admodum questuosa, dum quisq;  
 non quantum equitas permittit, sed quantum omnino  
 potest, extorquet. Nostri, cum hoc non ignorarent,  
 amplis pollicitationibus eos sollicitant. Tertio post  
 die, cogitur in urbe Senatus, et acceptis principum  
 postulatis, qui Reipub. salutem se procurare ostenda-  
 bant, placuit legationem esse mittendam. Ea decerni-  
 tur Gulielmo Carterio, Parisiensi Episcopo, homini  
 singulari

Anno 1465

ſingulari uirtute. Principes omnes Sanctoniduri con-  
 uenerant, præſidebat ei concilio Biturix, reliqui aſta-  
 bant, hinc Britannus & Calaber, illinc uero Carolus,  
 præterquam capite, totus armatus, & tectus elegantî  
 pallio, uenerat enim Conſlantio, & quoniam hoſtes  
 in propinquo tenebant Vincennium arcem, non po-  
 terat niſi magno comitatu eò proficiſci. Summa pe-  
 titio- nis hæc erat, ut urbem pateſciant, quò cum reli-  
 quîs ordinibus communicato conſilio, rationes ineant  
 bene conſtituendi regni, quod inſolenter admodum, &  
 iniquè per Regem adminiſtrari dicebant, multis in-  
 cum effuſis criminationibus. Ad quæ cum legati ami-  
 cè reſponſiſſent, ſumpto ad deliberandum die, do-  
 mum reuertuntur: priuatim autem Principes unum-  
 quemq; ſollicitabant, & opinor ſic inter eos tunc fuiſ-  
 ſe decretum, ut ipſi quidem una cum ſuis neceſſarijs  
 ingrederentur, exercitus autem modicis cohortibus  
 per interualla tranſiret, quo facto, perfeciſſent, quod  
 inſtituerant, multis enim de cauſis facile traduxiſſent  
 ad ſe populum, ac deinde, quod ea ciuitas feciſſet, aliæ  
 quoq; per Galliam urbes ſine contentione erant factu-  
 re. Priuſquam legati retuliſſent ad Senatum, Rex Lu-  
 tetiam uenit cum maximis copijs, nam ad duo cata-  
 phractorum millia, & è Normannia nobilitatem in-  
 ſignem, et ſagittarios complures, ſtipatores ſuos, alios-  
 que multos, præſidio ibi collocat: Ita & conſilium no-  
 ſtrum intercidi- et populi fuit immutata uoluntas ne-  
 mo iam

nos iam audebat amplius de pacatione nobiscum faci-  
enda loqui, nonnulli etiam, quod in colloctionem  
uenissent, poenas persoluerunt, exuti ijs, quibus erant  
propositi muneribus, et alio relegati, quae sane mo-  
deratio laudanda mihi uidetur in Rege, quod atrociori  
uindictae genere non sit usus. Nam si, quod molie-  
bantur Principes, id effecissent, perierat, et non semel  
ipse mihi retulit, quod si fuisset ab ea urbe interclusus,  
recta se uel ad Heluetios, uel ad Mediolani Ducem  
Franciscum, de quo magnam habebat amicitiae opi-  
nionem, profecturum fuisse. Is enim, Galeacio filio  
Duce, auxilio prius miserat quingentos cataphractos,  
et peditum ad tria millia, qui in Aruerniam usque pro-  
gressi, bellum inferebant Borbonio, facturi maiora,  
nisi allatus de morte Francisci nuncius, domum ipsos  
reuocasset. Idem etiam, ubi de fortuna Regis, et  
Principum audiuit conspiratione, per Legatos ad-  
monuit eum, ut tota mente et animo hanc illorum son-  
cietatem distraberet. Rex Lutetiam ingressus, bello  
nos undique laceffit, maxime uero pabulatores no-  
stros, qui longius prodire cogebantur, et ad sui tui-  
tionem, opus habebant maiori comitatu. Sane magna  
est eius urbis opportunitas, et ingens uicinae regionis  
copia, quae duos tam potentes aleret exercitus, Nobis  
enim nihil unquam deerat, et in urbe nulla fuit anno-  
ne caritas. Non intermittebatur dies, quo non le-  
uius aliquod praelium fieret, hostes equitatu presta-  
bant,

Anno 1465

bant, nos autem peditatu, Britanni circum Sanctodenisium populabantur agros, Ex Aquitania quoque nonnulli Principes auxilio nobis ueniebant, cum sex milibus equitum, sed Carolus metuens, ne, si propius accederent, inedia consisterentur, missa pecunia, quæ comitatum emerent, renunciat, ne progredierentur longius. Præter quotidiana illa prælia nihil magnopere agebatur, nolebat enim Rex totis uiribus dimicare, neque suis permittebat, ut magno numero prodirent, eò quod suas Gallieque fortunas nequaquam uellet in dubium deuocare, sed hoc solum spectabat, ut pace quocumque modo facta, foedus illud Principum dirimeret, certo tamen die, prima luce sagittarij, ad quatuor milia, è regione Constantij, iuxta Sequanam castra ponunt, ab his nobiles Normanni, et cataphracti aliquot modico distabant interuallo, pedites etiam non longe aberant in pulcherrima planicie, et Sequana tantum erant diuisi, statim incipiunt accumulare aggeres, et è terra materiaque castellum efficiunt, quam longe nostra patebant castra, interlabente, ut diximus, flumio, dispositis deinde tormentis, Carentonio eijciunt cohortes aliquot Calabriae dueis, ita quidem, ut hæ cogerentur se nobis adiungere, desideratis nonnullis et militibus et equis. Deinde in nostras etiam munitiones emissis tormentis, extulerunt aliquot, et cum in conuallum Caroli bis elaculati essent, inter prandendum, ex famulis quendam, qui cibum deferrebat, in gradibus occidunt.

Occidunt. A prandio Carolus descendit in inferius tabulatum, ueniebant ad eum quotidie Principes consilij causa, quo dimisso, prandebant simul. Re deliberata, placuit, ut nostra tormenta statim opponerentur hosti. Perforatis igitur muris, qui sunt prope Conflantium, iuxta flumen, collocantur ibi quorum maximus erat usus, & alia deinde alijs locis, quam fieri potuit commodissime. Aggeres illorum longe se diffundebant uersus urbem, exhaustam uero terram, eiciebant in eam partem, quæ ad nos pertinebat, ut ab ictu telorum tuti essent, in fossis enim continebant se, nec caput modo proferre audebant. Tormentorum tanta uis fuit & impetus, ut maiorem non uiderim, nam è Lutetia superpetebant eis omnia copiose: quatuor ita sunt consumpti dies, ab utraq; parte maior fuit metus, quam iactura, nemo enim, qui in aliquo esset numero aut honore, interijt. Principes ubi uident hostem non commoueri loco, iudicabant hoc pertinere ad suum non dedecus modo, sed & periculum, eò quòd oppidani firmiori essent animo futuri, quàm superiori quodam die, per inducias, maximo numero, spectandi gratia prodiissent. Mandant igitur è nauibus pontem fieri, traducendis copijs, in eum usum maiores etiam naues aliquot fuerunt adductæ, quibus transmitteretur flumen, & in hostem impetus fieret. Qui ad hoc opus efficiendum delectus fuit, elusit hæc erat sententia, illos aggeres, & terram eiectam ab hoste, nobis usui fore, quòd traiecto flumine, illi essent

loco futuri inferiores, nec auderent metu tormentorum  
 è fossis prodire. Quare cognita, maior nobis incessit cu-  
 piditas transeundi. Perfecto ponte, et in usum accom-  
 modato, accurrit ab hostibus foecialis, affirmans hoc  
 ipso uiolari inducias, quæ et in biduum pactæ fuerant,  
 et eo die sub uesterum cedebant. Venerat autem, ut quid  
 ageretur à nobis, cognosceret. Pons ea magnitudine  
 erat, ut tres simul equites hastati facile transfirent, sex  
 præterea naues onerariæ aderant, quæ singulæ transpor-  
 tabant mille milites, et alia minora nauigia magno  
 numero, ut ipsorum adminiculo tormenta eò lenius  
 prouherentur. Ex omni igitur exercitu deliguntur, qui  
 transeant, ijs præficitur Sanctopauli Comes et Haubor-  
 dinus, Post mediam noctem, sumptis armis, antequam  
 illucesceret, instructi erant omnes. Eram ea nocte in  
 excubitorum numero, nam immunitatem nemo quis-  
 quam habebat, hic subito exaudimus clamorem sub-  
 latum ab hostibus, quum enim castris incensis et ab-  
 ductis tormentis abirent, acclamatione facta, nobis  
 illud significabant. Nostri ad eam rem delecti, iam coepe-  
 rant transire flumen, animaduerso autem illorum dis-  
 cessu, læti ad nos redeunt. Fuerant autem illi à Rege  
 in hoc solum emissi, ut nos ex longinquo lacefferent,  
 non etiam ut prælio concertarent. In hoc enim totus in-  
 cumbebat, ut quocunq; modo pacifceretur, et nos dissi-  
 paret, ideoq; subinde fiebant induciæ, per quas alij ad  
 alios commeabant, dirempti fossæ, quam transire uetitum  
 erat



erat, interea proponebantur aliquæ rationes pacis,  
 et utrinque multi ad defectionem sollicitabantur, ab illis  
 mittebatur internuncius, Cenomanus, à nobis, Sanctos-  
 pauli Comes, et quanquam nihil magnopere perfice-  
 rent, integræ tamen erant induciæ, nec ullus intercede-  
 bat dies, quo non ex ipsis aliqui ad nos, et ex nostris in  
 illorum castra perfugerent. Eiusmodi sane colloca-  
 nes non vacant periculo, et ei præsertim, cuius infirmio-  
 res videntur esse partes, magnum sæpe detrimentum  
 adferunt. Sit enim inter homines comparatum est, ut  
 et augescere cupiant, et sua tueri, eoque facile fit, ut se  
 se potentioribus adiungant, et cum in principem libera-  
 lem incidunt, idoneamque comparandis hominum gra-  
 tijs, leui momento traducuntur alio. Pacis igitur tra-  
 ctatio prudentibus atque fidis hominibus est committen-  
 da, eos à legatione reuersos, separatim audiat princeps,  
 ac solus, ne si minus iucunda renuncient, pauorem et  
 res atque metum inferat multitudini. Sunt enim om-  
 nes cupidi rerum nouarum et non desunt, qui cum fa-  
 miliariter norint legatos, audent sibi polliceri, fore, ut  
 omnia resciscant, uerum si iudicio sint præditi illi, caue-  
 bunt modis omnibus, ne quid efferant, quod uel alte-  
 rationem animis, uel trepidationem excitare possit.  
 Hoc ideo mihi dicendum fuit, quod principes à suis  
 non raro circumueniri sciam in eiusmodi actionibus,  
 illos præsertim, qui præ fastu et arrogantia, quæ sit  
 aliorum sententia, non auscultant, nam qui se demittunt,

ac libenter aliorum iudicia cognoscunt, ij minus falluntur. Omnium autem principum, quos ego quidem noui, Ludouicus rex optime tenebat rationem ex rebus aduersis eluctandi, cultu corporis erat admodum simplici, & sermone demisso, quos uel metueret, uel à quibus aliquid speraret, eos omni ratione studebat ad se traducere, et si forte repulsam ferret, nihilominus & donis & magnis pollicitationibus instabat: Quos rebus secundis eiecerat, eos in necessitate positus, magno sibi reconciliabat, eorūq; utebatur opera, neq; propter ueteres inimicitias oderat. Homines mediocris conditionis, naturaliter amabat, potentioribus autem, & ijs qui facile ipsius ope carerent, minime fauebat, diligenter de singulis rebus perconstabatur, & cupide audiebat omnes, eaq; ratione hoc effecit, ut qui per Europam essent in authoritate, et aliquo numero uiri, omneis cognosceret, hac industria & uirtute, se suasq; facultates omnes seruauit, quæ sanè in dubium & præsens periculum deuocate fuerant, hoc principum exorto bello, & plurimis in eam excitatis aduersarijs, largitionibus autem et liberalitate admodum proficiebat, & ut rebus aduersis multum erat prouidus, ita quoq; secundis, & in ocio captabat offensiones ac similitates, neq; diurnam ullam pacem ferre poterat, & leuiter de hominibus iudicabat aliquando, etiamsi corā adessent. Veruntamen quia timidior erat à natura, ne  
quid.

quid de ijs, quos metuebat, diceret, diligenter cauebat, cumq; per intemperantiam linguæ detrimentum aliquod accepisset, agnouit culpam, et conuersus ad eum, quem offenderat, non me laetet, inquit, obfuisse mihi linguam, sed & profuit aliquando, nunc autem, ut, quod illa peccauit, emendem, æquum est, ac simul, cum ad eum modum familiariter ageret, donum aliquod dabat non contemnendum. Est profecto magnum Dei beneficium, agnoscere quod uiciosum est, ac mentem ad meliora conuertere, mea quidem hæc est sententia, ut arbitrer, non sollicitudinem atq; molestiam, *Anno 1465* in qua iuuenilibus annis fuit, quo tempore, deserto patre, uixit apud Philippum Burgundiæ Ducem, per annos sex plurimum ei profuisse. Nam in eorum statu cogebatur accommodare se, & seruire plurimorum affectibus, & providere, ne, quorum opera carere non poterat, eos offenderet, & hoc quidem boni attulit ei fortunæ inclementia. Post mortem patris, delato ad ipsum principatu, studebat ulcisci, quas putabat sibi factas esse iniurias, uerû poenituit eum, accepto detrimento, & quos prius à se alienauerat, cû ijs ipsis in gratiâ deinde redijt. Quod si fuisset educatus, ita ut hodie pleriq; nobiles per Galliam, arbitror eum ex illis tempestatu fluctibus non fuisse emersurû, sic enim hodie cõplures instituntur, quasi ad ludum essent facti & iocum in uestitu et omni sermone nihil moderate faciunt, aut prudenter, literarum nullam cognitionem habent, uiris nobis atq;

peritis nō patet ullus ad eos aditus, de negocijs aut suis, aut populi non cognoscunt ipsi, uerum in familiares omnia reijciunt, qui per hanc illorum ignauiam atque socordiam, suas facultates insigniter amplificant, & hoc serè solum agunt, si quis est aliquando, qui forte, tanquam ex ueterno expergefactus, animum rebus gerendis adijciat, hoc sero admodum fit, amissis prope modum occasionibus. Indubitatum enim est, eos, qui in ulla re unquam excelluerunt, matre puerilibus annis ad eam rem accessisse, Totum hoc consistit, primum in beneficio Dei, proximè in educatione. Suprà diximus de discessu hostium, qui è regione nostrarum munitio- num, ad Sequanam confederant. Induciae serè fiebant in unum diem et alterum, ijs finitis, res agebatur excu- sionibus utrinq; & leuioribus prælijs, è Lutetia qui- dem non prodibant magnis cohortibus, nisi quòd spe- culatores nostros equites subinde reijciebant, Suffitio- nem habebat rex de plerisq;, nulla magnopere de cau- sa, noluit igitur confertis copijs pugnari, & suos à præ- lio continuuit. Retulit aliquando mihi, se nocte quadam reperisse arcem, quæ est ad portam Antonij, patefactâ, ea parte, quæ ad campum pertinet, ea res suspitione au- gebat. Qui erant Lutetiae belli duces, cōstituerant nos adoriri tripartitò, sed detecta res fuit per adolescentē, qui ex aduersa fluminis ripa, clamore nobis enūciabat istud, emissus ab ijs, qui principum rebus fauebant, è quibus etiam nōnullos fidei faciendæ causa, nominabat

Prima

Prima luce ueniunt duæ hostium cohortes diuersis  
 iunioribus ad pontem Carentonij, quo loco tormenta  
 nostra erant disposita. Fit tumultus totis castris, dum  
 creditur hoc illud esse, quod antea significatum fuerat:  
 confestim arma capiunt Carolus et Calabriae dux, et  
 temporis serè momēto instructus erat omnis exercitus,  
 pedites eramus omnes, ac ducenti solum equites obe-  
 quitabant, ut quid hostis moliretur, obseruarent. Eo  
 primum die res uidebatur ad prælium spectare. Bitur<sup>Annus 1465</sup>  
 rix et Britannus, quos antea non uideram armatos,  
 ilico sese nobis adiungunt. Quum ad pontem propius  
 accederet hostis, quàm plurima in eos emisimus tormē-  
 ta: Parisienses autem ex moenibus ad nostras usq; muni-  
 tiones suis machinis penetrabant. Coeli erat obscurius,  
 et nostri equites, qui propius ad urbem accesserant, cre-  
 debant se uidere ingentem numerum hastarum, arbitra-  
 ti regem ibi copias omneis atq; uires habere coactas, re-  
 uersi igitur, celeriter hoc perferunt ad principes, et cō-  
 firmant prælio decertandū esse. Ex hostibus autem, qui  
 præmissi fuerant equites, speculandi causa, cum uide-  
 rent nostros retrocedere, confectati eos, augebāt nobis  
 illam, de qua diximus, opinionem. In eo rerum statu,  
 Calabriae dux, confociatis armis, militem ad uirtutem  
 hortatur, oblatam esse dicēs illam toties optatam dimi-  
 candi occasionem. Nostri equites, quod uiderent hostē,  
 qui prius insequabatur, Lutetiam reuerti, et simul illū,  
 quem putabant esse confectum exercitum, conspicerēt.

non moueri loco, dubitare secum incipiunt, et progressi longius, coelo iam sereniori, cognoscunt eum locum, in quo putabant hostem consistere, consitum esse præ altis carduis, qui ex longinquo præbebant hastarum speciem. Proiecti igitur ad urbem usque, Principes de eo certiores faciunt. excusabat autem eos et coeli obscuritas, et allatus nocte superiori nuncius.

PHILIPPI COMINAEI COMMENTARIORUM Liber secundus.



ACIS conciliandæ rationes, inter regem præcipuè et Carolum, qui duo longe primi erant, minime intermittebantur. habebant autem postulata principum magnam difficultatē. Biturix enim Normanniam à rege fratre petebat, uti portionē iure hereditario sibi debitā, Carolus autem, Ambianū, Abbeuillā Sanctoquintinū, Peronam, et alia quæ sunt ad Somianæ oppida, quæ rex ante menses quatuor à Philippo principe recuperauerat quadringentis aureorum millib. uolebat sibi restitui, affirmans, quamdiu ipse superesset, non esse regi licitum, illa sibi adunere, simul commemorat, quantum Burgundicæ familiæ rex debeat, in qua, multis annis, cū à patre secessionē fecisset, liberaliter et honorifice tractatus, ac deinde mortuo patre. Rbemos et Lutetiam

tiā esset ipsorū sumptu deductus, et regno inauguratus. Post crebras utrinq; missiones, Rex aduerso flumine, nauigio subuectus, uenit ad eam partem, quæ ad nos pertinebat. ad oram fluminis comitabatur cum magnus equitatus, in naue pauci admodum erant. Prius, quàm exponeretur, conuersus ad Carolum, qui unā cum Connestablio ad ripam expectabat, an fidem mibi das, inquit, sororie? (nam in matrimonium aliquando Carolus habuit eius sororem) illo affirmante, egressus, ubi salutasset amanter, agnosco, ait, te uere nobilem, et è Franciæ regum stirpe procreatum esse. rogatus à Carolo, quid ita? Nuper, ait, quo tempore legationem misi ad parentem tuum, cognatum meum, atq; te, cum ineptus ille Moruillierius, tam illiberaliter te tractaret, denunciabas mibi per Archiepiscopum Narbonensem futurum, ut intra annum me poeniteret eius facti: seruasti nimirum promissa, et citius quidē opinione: Rides et hilariter ista loquebatur, quod illum eiusmodi sermone sciret oblectari: Pergens deinde, cum id genus hominibus, ait, qui non discedunt à promissis, uolo mibi commercium intercedere. Post hæc, sui purgandi causa, negabat se Cancellario quicquam eorum, quæ libenter et inepte dixerat, mandasse. Medius obambulabat inter Carolum et Sanctopauli Comitem, et propinquo diligenter obseruabant à Carolo dispositi equites. Postulata erant eius generis, ut paulò supra demonstrauimus, et cum antea prætexerent bello,

Anno 1465

## COMMENTARIORVM

commodum Reipub. de priuatis rationibus iā singulis cogitabant. Vt fratri Normanniam daret, non potuit omnino rex adduci, reliqua facile permisit, et ut Carolo gratificaretur, deferebat Comiti Sanctopauli Conestabliatum, quod est totius Gallie maximum munus, et honor amplissimus, atque ita quidem tunc nulla re alia perfecta, disceditur. Consumptis ad hunc modum aliquot diebus, etsi non tam crebro commeabant utrinque, pacis conficiende causa, ut prius, rex tamen et Carolus, etiam ardente bello, per internuncios, homines obscuros de pace agebant: id reliqui principes egre tulerunt, et collecta suspitione, tenebat eos bellici, et longioris moris, et nisi magno casu quiddam interuenisset, de quo postea sum dicturus, non absque ludibrio domum reuertissent. Vidi, quo tempore in eodem coenaculo, cum adessent omnes, alij cum alijs separatim consultarent, id moleste admodum tulit Carolus, quoniam se presente bis iam acciderat, et alioquin sic erat, ut ferre non posset colloctionem ullam in aspectu suo fieri, cui non et ipse adhiberetur. Hunc suum dolorem, ad Contem, magna uirtute uirum, non dissimulat, is hortatur, ut moderatè ferat, nec ullam præbeat offensionis causam, illos ad gratiam et amicitiam regis habere faciliore receptum, uarijs de causis, quemadmodum sit omnium longe primus et potentissimus, ita etiam equum esse, ut sit prudentissimus, caueat modis omnibus, ne quod oriatur dissidium, sed egritudinem



animam illam animi dissimulet, & amanter cum socijs  
 agat, non esse nihil, quod offendantur illi, displicere  
 multis, etiam aliquot ipsius necessarijs, tam humilis  
 conditionis homines, agere de pacificatione, & tra-  
 ctare negocia tam ardua, quod eò sit periculosus, quo  
 magis rex in largitiones propendeat, quibus expu-  
 gare queat etiam constantioris hominis animum. Sen-  
 cutus hoc consilium, fingit uultum, et incipit agere sa-  
 miliarius, & sua cum ipsis consilia subinde communi-  
 cat, prudenter quidem, & tempore ualde necessario,  
 mea sententia, nã alioquin ad defectionem omnia spectas-  
 bant. Multum hercle positum est saepe in unius homi-  
 nis uirtute, modo fidem & auctoritatem obtineat, sed  
 ferè fit, ut principes, nisi necessitate coacti, non agno-  
 scant, alij quid alijs praestent. magna enim ex parte, praeser-  
 tim iuuenilibus annis, complectuntur eos, qui sunt  
 ipsorum affectibus magis accommodati, & cupidita-  
 tum ministri, uerum qui sapiunt, etiam si iudicio lapsi  
 fuerint aliquando, sanare tamen student errorem, &  
 ex uirtute suos estimant. Id omnium optime sciebat  
 Ludouicus, et tum quoque temporis, Carolus, & Eduar-  
 dus Angliae rex, quos omneis eò loci adductos esse uidi,  
 ut ijs, quos aliquando despexerant, uehementer opus  
 haberent, eosque desiderarent. Supra demonsttrauimus,  
 & quid periculi sit in illis conuentibus, qui sunt per  
 inducias, & quemadmodum principes providere de-  
 beant, ut idoneis hominibus negocia sua committant,  
 illi praes

Annus 1465

#### 44 COMMENTARIORVM

illi præsertim, qui uiribus et causa sunt inferiores. Nunc autem, cur ei loco sim diutius immoratus, exponam. Interea dum de pace agitur, et utrinque mittuntur nuncij, inita fuerunt à quibusdam clandestina consilia, de Biturige in Normanniam recipiendo, et eò tandem deducta res fuit, ut eius ditionis præfecti uxor, uidua, et simul nobiles aliquot, Borbonio, tam arcis, quam urbis Rothomagi possessionem traderent, quò Biturigi bona fide restitueret. In eam rem facile populus assensit, ut qui principi alicui suo parere malint, quam regis imperio subiecti esse. Pro magnitudine enim provincie et facultatibus, honestius id esse ducunt, ut qui nongenta francorum millia pendant quotannis. Recepta ad hunc modum arce, ciues fidem dant Borbonio, nomine Biturigis, prætor autem urbis, qui cum rege fuerat educatus, et Gulielmus Picardus, ad quem eius provincie questura deinde est delata, et is, qui hodie est eius regionis præfectus, adduci non potuerunt, ut iurarent, tametsi omne negotium ipsius præfecti mater confecisset. Ea re cognita, rex, cum aliud non posset, decrevit omnino pacisci, cumque diè colloctioni Carolo constituisset, egressus è Lutetia cum centum circiter equitibus, magna ex parte Scottis, Constantium uenit, ibi reperto Carolo, deambulans exponit, quid accidisset Rothomagi, fortuna et casu factam nunc esse pacem dicebat, se quidem sua sponte non fuisse daturum fratri Normanniam, nunc uero, posteaquam

Normanni

Normanni ipsi flatum imperij mutassent, et res noua  
esset oblata, se non repugnare, et placere pacis condi-  
tiones illas, de quibus antea non semel agitationem fuis-  
set. Eo sermone Carolus admodum fuit recreatus,  
propter annonae et pecuniae inopiam, quae tanta erat,  
ut si in Normannia casus hic non incidisset, nulla re per-  
fecta discedendum nobis fuisset, quanquam paucis in-  
teriectis diebus, auxilio uenerunt, missi à Philippo cen-  
tum et uiginti cataphracti, mille et quingenti sagittarij,  
telorum et arcuum maxima uis, ad haec, centum et  
uiginti aureorum millia, summo certe nostro cum gau-  
dio, nam metus erat, ne socij, nobis desertis, cum rege *Anno 1465*  
paciscerentur. Inter deambulandum sic erant ambo in-  
tenti sermone, ut quò deflecterent, non animaduerte-  
rent. Nam ingressi uia, quae Lutetiam ducit, ueniunt in  
castellum illud ab aduersarijs exstructum è regione no-  
strarum munitionum, ut supra diximus, quo quidem  
ex loco tutus erat in urbem receptus. Erant apud Ca-  
rolum perpauci quidam ipsius familiares, ilico percul-  
si nouitate rei, obstupescunt omnes, ipse utcumq; pos-  
terat, dissimulat: Is nuncius in castra perlatus, magnam  
excitauit trepidationem. Collecti subito duces, ac mi-  
litum praefecti, uehementer incusant hanc illius auda-  
ciam, et eorum, qui cum ipso essent, incogitantiam ualde  
uituperant, facta mentione eius temporis, quo ipsius  
auus, Ioannes Burgundiae dux, quando in collocutionem  
uenit cum Ludouici patre, miserabiliter truci-  
datus

datus fuit. Reuocatis igitur omnibus copijs intra muni-  
 tiones, Burgundiae Mareſchallus, etiam ſi iuuenis  
 hic, & ſtolidus, inquit, princeps, in præcipitium ali-  
 quò diſceſſit, nobis tamen prouidendum eſt, ne Philip-  
 pi principis, à quo ſumus miſſi, fortunas in diſcrimen  
 adducamus, optimū mihi uidetur, ut inſtructi quem-  
 libet euentum expectemus: coniunctis uiribus, omnem  
 impetum ſuſtinebimus, & uel in Hannoniam, uel Pi-  
 cardiam, uel Burgundiam, ui armorum atque ferro pe-  
 netrabimus. Poſt hæc, Sanctopauli Comes, equo cir-  
 cumuectus, reſpicit, num quos uideat uia Pariſienſi,  
 tandem ecce conſpiciatur ad quinquaginta equites, qui  
 miſi à rege, Carolum reducebant incolumem, Is cum  
 appropinquaret caſtris, diſmiſſo comitatu Gallorum,  
 ſermonem ad Mareſchallum, quem ob excellentē uirtu-  
 tem reuercebatur, conuertit, qui grauiter eū obiurgans,  
 tuus inquit, parens me tibi attribuit, alioqui non ſum  
 tibi deuinctus. Ille uero leniter, noli, ait, increpare me,  
 culpam agnoſco, ſed non prius deprehendi, quàm eſſem  
 caſtello propinquus. Atqui, me, inquit ille, abſente &  
 inſcio, feciſti. Carolus de miſſo capite et uoce compreſ-  
 ſa, ubi in caſtra uenit, magnam intulit lætitiā, regis  
 fidem prædicabant omnes, ueruntamen ab eo tempore  
 nunquam in eius poteſtatē ille redijt. Poſtero die Caro-  
 lus delectū habet totius exercitus, præter quam eorū,  
 quibus Burgundiae Mareſchallus præerat, hic enim in-  
 feſtior erat regi propter ademptū ſibi quoddam oppi-  
 dum in

dum in Lotharingæ finibus. Constitutum erat, ut prin-  
 cipes omnes regis beneficiarij & clientes, ad certam  
 diem adessent Vincennij, prope Lutetiam, & ne qua  
 doli suspicio resideret, permittebat rex Carolo, ut mi-  
 litum suorum præsidio muniret eam arcem, donec peracti  
 essent conuentus. Postquam eo uentum est, Biturix, ea di-  
 tione, quam hætenus possederat, relicta, fidem regi dat  
 pro Normannia, Carolus autem pro illis Picardiæ op-  
 pidis, quæ sunt ad Somiam flumen, Sanctopauli Comes  
 delatum sibi munus à rege, Connestabliatum, iurat bo-  
 na se fide administraturum. Est apud nos quotidiano *A. 1465*  
 sermone tritum prouerbium, quod dicitur, in splendidis-  
 simis etiam epulis existere semper aliquos, qui minus  
 bene tractentur: Idem usuuenit in hac quoque pacifica-  
 tione, dum alij, quod uellent, adepti sunt, alij spe & ex-  
 pectatione deciderunt. Mediocris conditionis homi-  
 nes rex ad se traducebat, reliqui Normanniæ ducem et  
 Britannum sectabantur. Confectis apud Vincennium  
 literis de pacificatione & præteritarum offensionum  
 abolitione, discedunt pariter omnes. Abeuntem Caro-  
 lum in Flandriam, rex cum paruo comitatu, per aliquot  
 millitaria deducit, subsequenter eum circiter ducen-  
 tis cataphractis, qui reducerent. Carolus, multa nocte,  
 cum se quieti daturus esset, ea de re certior factus, colle-  
 cta suspicione, iubet suos esse in armis. Atque ita uidere  
 licet, quam ægrè consistat inter principes amicitia, pro-  
 pter diuersitatem eorum, quæ singulis propè momen-  
 tis ad

tis ad ipsos deferuntur. Cauere igitur debent, ne in col-  
 locutionem ipsi ueniant, sed per legatos, uiros pruden-  
 tes, qui quod utrinq; peccatum est, sanare possint, sua  
 negocia conficiant. Postero die rex humaniter et per-  
 benignè dimisso Carolo, redit Lutetiam, ille per Noui-  
 odunum facto itinere, quacunq; transibat, honorificè  
 fuit exceptus, mandato regis. Cum peruenisset Ambia-  
 num, prouinciam illam omnem, quam hac pacificatio-  
 ne recuperauerat, in sua uerba per iusiurandum adi-  
 git. Illinc proficiscitur aduersum Leodios, qui per ip-  
 sius absentiam, aliquot mensibus, bello uexauerant  
 Philippum Principem, incursionibus factis in Braban-  
 tos et Namurcos. hyemis autem interuentu exclu-  
 sus, et impeditus, nulla re maiori perfecta, uicos et  
 aedificia multa uastat incendijs. Facta deinde pace, quā  
 illi constituta poena iurabāt minime se uiolatu-  
 ros esse, ad Brabantos reuertitur. Inter Normannum autem et  
 Britannum, ubi Rothomagum uenerunt, natæ sunt  
 dissensiones: eas alebant ipsorum familiares, qui cum  
 aliquando re lauta fuissent apud Carolum septimum,  
 non mediocriter doluerunt ex ista commutatione for-  
 tunc. Britannus autem, quod omnem serè belli sum-  
 ptum sustinuisset, equum esse putabat, aliquam admi-  
 nistrationis partem ad se pertinere. Simultas eò usq;  
 creuit, ut Britannus, in montē, qui proximus urbi im-  
 minet, sese recipere cogeretur, cumq; ne ibi quidem sa-  
 tis esset in tuto, domum reuertitur. Quare intellecta,  
 quum

quum alioqui rex calleret artem dirimendi amicitias, scilicet sibi futurum esse videns eam factionem, cum exercitu propius ad Normanniam accedit, Qui erant ijs locis præfecti, complures in deditiōem ultro ueniebant, ut ad eius gratiam receptum haberent. Et ut Britannum à fratre diuelleret, auxiliaq; detraberet, in colloctionem cum eo uenit, eo quòd inferioris Normanniæ loca quædam ille tenebat, de quibus, cum ex utriusq; arbitrio constitutum esset, Britannus domum redit, ipse uerò exercitum in fratrem educit, qui repentino bello perterritus, amissis iam aliquot oppidis & castellis, in Flandriam statuit profugere. Carolus, qui tum erat in Leodiorum finibus, implicatus bello, per hyemem, dissidium hoc grauissimè tulit. Cupiebat enim in primis, ut Normannia suum separatim haberet principem, sic enim tertius ferè parte uidebat imminutam esse regis potentiam. Conducit igitur copias, quæ præsidio essent Depæ, maritimo Normanniæ oppido, decem à Rothomago miliaribus, uerò antequam adducerentur, eius loci præfectus paciscitur, atque ita Normanniam rex omnem recuperat, præter ea loca, de quibus inter ipsum & Britannum certis conditionibus antea conuenerat. Normannus, ut supra dixi, constituerat in Flandriam sese recipere, sed interea facta fuit inter eum & Britannum amicitia, uidebant enim uterq; quemadmodum hac simultate fortunas suas omnes & facultates in discrimen adduxissent. Est sane difficile admodum, ut qui

D

Annus 1465

sunt æquali potentia principes, diuturnam colant amicitiam, nisi maiori alicuius authoritate cohibeantur, eius rei multa ipse uidi & cognoui documenta. Sic enim est inter homines comparatū, ut facile suscipiant inimicitias, neque respiciant ad eum, qui serè comitari solet, tristem & luctuosum exitū. Mea sic est sententia, ut existimem, eum, qui solus in potestate habet decem hominum millia, magis esse metuendum, quàm decem confordentos, qui singuli senis millibus præfunt, nam quia nullius hic est præcipua uel singularis authoritas, multa quotidie in disceptationem incidunt, & antequam aliquid constituatur, prætereunt serè occasiones. Normannus, amissa ditione sua, cum ipsius familiares prope omnes regi sese dedissent, ad Britannum proficiscitur. Pro uerbo dici solet de Britannis, quòd isti sapiant: illud hic locum habet. Inter regem et principes ultrò citroq; crebri commeabant nuncij, partim, ut de rebus, quæ gerebantur, cognoscerent, partim, ut ad defectionem aliquos sollicitarent: alij etiam, ut res turbatas componerent, & hi quidem minus prudenter, nimis enim erant circumspecti, & ad rem suam intenti, rex atq; Carolus. Sed est quoddam genus hominū, qui sibi persuadent ipsi, explicare se posse negocia, quæ tamē cuiusmodi sint, magna sæpe ex parte ignorant, eò quòd ij, à quibus emittuntur, non semper se patefaciunt illis totos, et sicut Principes providere debent diligenter, quibus hominibus rerum tractationem committant, ita quoque

necesse



lucisim illi, qui mittuntur, debent explorare suas vires, neq; munus ullū, cui se putent esse impares, subire. Nec enim paucos noui, magnos alioqui viros, qui similium rerum tractationibus adhibiti, summam offenserunt difficultatem. Sunt omnino duo genera principū, alij tam sunt acuti & suspiciosi, ut uix egrē sustineri possint, ferē enim est, ut se circumueniri putent & ludificari. Alij, suspicionibus quidem non indulgent, uerum ingenio sunt ita stupido, & ignauo, ut quid utile sit, quid minus, non intelligant, atq; in his parum est constantis animi, facile enim & ab amicitia discedunt, & ab odio transeunt ad amicitiam, & quanquam illaudatum est utrumq; genus, ut in quo non possis acquiescere, cum priori tamen illo malim mihi rem esse, quia multae sunt rationes tuendi se apud illos, cum altero nihil recte perfeceris, eò quod ipsi rerum omnium securitatem in suos familiares omnia reijciunt. Rex impeditum uidentem Carolum bello contra Leodios, moliebat̃ semper aliquid aduersum Britannos, et ipsis quoq; Leodiorum auxiliorum aliquid summittebat. Id animaduertens Carolus, dabat operam ut socios defenderet, nonnunquam de inducijs cum rege paciscebatur. Ad hoc fere tempus captum fuit Dinantum, quod est in Leodiorum finibus oppidum, ad Mosam, ualde munitum & locuples. Philippus Caroli pater, & si etate confectus erat, uoluit tamē ad obsidionem eius urbis deferri lectica. Propter

Anna 1465

1466. insignem enim atrocitatem eius populi in Burgundiones, oderat eos infestissime, nam et perpetuis incursionibus uexauerant antea Bouillos, qui sunt ad alteram fluminis ripam, Burgundici imperij, et recens, per octo menses durissime illos circumuallauerant, ita quidem, ut miseri, tormentis et alia ui maiori coacti, abderent sese in loca subterranea, cumque sint plane uicinae haec duae urbes, dici tamen non potest, quam acerbè et hostiliter inter se disideant, atque id eò mirabilius est, quod matrimonium inuicem coniungunt, quoniam ab alijs oppidis sunt aliquanto remotiores. Anno superiori, priusquam euerterentur, quo tempore Lutetiam uenit Carolus, pacem fecerant cum Philippo, et pecuniae summa aliqua persoluta, discesserant a foedere Leodiorum, et sua separatim negotia tractabant, quod ipsum erat indubitatum interitus ipsorum ueluti praeludium quoddam. Quoties enim illi, qui foedere coniuncti sunt, secessionem faciunt, et se dissipari patiuntur, dubitari amplius non debet, quin paulatim omnes cladem aliquam accipiant, idque pertinet tam ad principes quam ad ciuitates, et quoniam eius rei plurima existunt documenta, longiori sermone nihil est opus. Omnium uero mortalium optime callebat Ludouicus rex artem dirimendi societates atque foedera, in eoque non patcebat ulli, uel sumptui uel labori, modo perficeret quod uellet, neque uero principes tantum, uerum etiam familiares ipsorum sollicitabat. Non multo post, poenituit

Dinam

Dinantenses eius pactionis, ideoq; de quatuor ciuibus, qui illius consilij principes fuerant, graue sumpserunt supplicium, redintegrato bello, quod uicinis Namurcis inferebant. Circumsedit igitur eos Philippus, sed bellum gubernabat Carolus. Venerat eò Sanctopauli comes, Gallie Connestablius, ut eis opem ferret, non quidem inssus à rege, uerum sua sponte, coacta militum manu in finibus Picardie. Octauo die postquam tormentis admodum fuissent oppugnati, fecerunt eruptionem, sed non absq; summo detrimento, ita quidem, ut socijs ipsorum deesset spaciū auxiliandi. Captum enim oppidum, solo fuit equatum, et qui à cede supererant, circiter octingenti captiui, è regione, et in conspectu Bouillorum, in flumen præcipitati submergebantur. Atrox admodum fuit ista uindicta, sed credibile est diuinitus accidisse, propter antea actam ipsorum crudelitatem in uicinos. Postero die Leodiorum maxima uenit manus, ut illis esset subsidio, plane contra datam fidem, nam ex pacto discesserant ab ipsis. Confecto eo bello, Philippus ob grauem etatem domum reuertitur, Carolus cum exercitu in Leodios proficiscitur. Occurrimus autem illis opinione citius, eò quod primum nostrum agmen aberrasset à uia, et tametsi dici tempore excluderemur, tamen instruimus actem. In hoc ipso tempore, legati ueniunt ad Carolum, oratum, ut ignoscat multitudini, ipsi uero Leodij præ se ferebant desyderium quoddam et ardorē pugnae,

1466.

*Dinantenses  
captiui & p<sup>h</sup>  
submergi*

neq; uidebantur idem sentire quod legati, ueruntamen  
 ultro citroq; misis nuncijs, Carolus his conditionibus  
 paciscitur, eosq; recipit, ut anni superioris pactiones  
 seruent, ut certam pecunie summam dependant,  
 ut trecentos dent obsides ante horam octauam inse-  
 quentis diei, eorum nomina fuerunt scripto compre-  
 hensa. Fuit ea nocte ualde à nobis trepidatum, quòd  
 neq; munitiones ullas haberemus, & longiori inter-  
 uallo essemus dirempti, loco ualde iniquo, cum & he-  
 stium copiae essent pedestres omnes, & loci naturam  
 optime tenerent. Ex ipsis pleriq; cupiebant nos adori-  
 ri, nec absq; causa, meo quidem iudicio, sed qui fuerant  
 pacificationis authores, obsistebant. Prima luce cogi-  
 tur omnis noster exercitus, cataphractorum circiter  
tria millia, sagittariorum ad quatuordecim millia, &  
 peditatus mediocris ex uicinia collectus. Expediti con-  
 tendimus ad illos, accepturi promissos obsides, uel nisi  
 darent, praelio dimicaturi. Postquam eò uentum est, of-  
 fendimus eos dispersos, absq; ordine, ut fieri solet in po-  
 pulo, qui nullo cōtinetur imperio. Iam multus erat dies,  
 cum obsides nondum dedissent, Carolus perquiri-  
 sententias quid sit agendum. Burgundiae Mareschallus  
 primus omnium rogatus, ait, impetum in eos debere  
 fieri, facile citra periculi posse eos profligari, & ipsos  
 adeò in culpa esse, qui datam fidem non seruassent. Pro-  
 ximus Contaus, ea comprobata sententia magis etiam  
 instigat,

instigat, pulchriorem offerri non posse ullo tempore  
 occasione, et simul demonstrat, quemadmodum nullo  
 ordine, et sine timore usgarentur, non esse igitur diu-  
 tius morandum. Connestablius contra suadebat, si  
illos adoriatur, fore, ut estimationis et honoris iactu-  
ram subeat, tantam hominum multitudinem, in re tam  
ardua, non posse tam facile statuere, mittendum esse  
potius legatum, qui de uoluntate ipsorum cognoscat,  
 Carolus diu multumq; nunc in hanc nunc in illa par-  
 tem fluctuat, hinc stimulabat eum uetus in illam gen-  
 tem odium, quam facile posse deleri totam uidebat,  
 illinc mouebat eum pudor et honestas. Tandem mit-  
 titur legatus, ei in itinere obsides sunt obuij. Connesta-  
 blii sententiam ualde improbabant milites propter  
 ereptam praedam. Leodium continuo mittuntur legati, ut  
 pacificationem illi confirmarent. Vulgus hominum, ut  
 est leue et inconstans, praeter alia multa, quae proterue  
 in legatos admiserunt, hoc quoq; dicebant, Carolum  
 non fuisse ausum concertare praelio. His rebus perfectis,  
 in Flandriam redit, et ad hoc fere tempus e uita disces-  
 sit ipsius pater Philippus. Agitabatur semper aliquid  
 inter principes. Rex iratus erat et Carolo et Britan-  
 no, inter quos difficilis erat conmeatus, propter itine-  
 rum impedimenta, et belli quidem tempore, non nisi per  
 mare et Angliam patebat transitus, et a Caletis ad  
 Carolum, nisi per ambages, et cum periculo ueniri non  
 poterat. In his rerum difficultatibus, dum nunc bellum

A 1466

 Philippus Carolus  
 inter principes  
 A 1466

geritur, nunc induciae fiunt, nunc alij in alios intenti sunt, et suos quisque socios in pacificationibus comprehendunt, hoc beneficii Deus praestitit Galliae, ut factio-  
 nibus et bellis civilibus Anglia diuexaretur. Nam aliorum qui Gallia dubioprocul in magno fuisset discrimine, Rex totus in hoc erat, ut Britannum debellaret, eo quod ad iniuriam uideretur esse opportunior, et quod suis hostibus praeberet hospitium, in primis autem fratri, multisque alijs, quorum in Gallia non levis erat autoritas. Sollicitabat igitur omni ratione Carolum, egregijs propositis conditionibus, ut fratrem atque Britannum desereret, atque ut facilius hoc impetraret, pollicetur se quoque Leodios, et alios ipsius aduersarios deserturum esse, uerum Carolus ijs omnibus repudiatis, exercitum in Leodios iterum educit, qui pacem nuper factam, uiolant, tametsi dedissent obsides, ea quidem conditione, ut si quid contra pactiones facerent, integrum esset ipsi, supplicium de illis sumere. Dum Carolus apud Louanium copias cogit, regis legati, Connestablii, qui iam totum sese dederat Galliae, et Cardinalis Baluensis, cum eiusmodi mandatis, eo ueniunt, Leodios esse comprehensos in inducijs, quod si bellum in eos moueatur, regem ipsis non deserturum, uerum tamen si patiatur, Britanno bellum ex Gallia inferri, discessurum esse regem ab eorum defensione. Carolus ad haec respondit, non se belli authorem esse, uerum Leodios,

sanctus. quam  
 iniquum Bellum  
 inquit bellum

Leodios omnes  
 pueri

Respondit Carolus  
 ad legatos Regis

Leodios, qui pactas inducias uiolassent, ut autem socios & confederatos prodat, nullam esse iustam causam. Eo dato responso, discedentibus iam legatis, clara uoce dicebat, orare se regem, ne quid in Britannia moueret. Tum Connestablius, qui paulò magis urgebat, Tu uero inquit, optione data, nò eligis, sed utrumque tibi sumis, bellum uis inferre quibusuis pro tuo arbitratu, nostris etiam amicis & confederatis, atq; interea iubes, ut ociosi spectemus, nec hostem ulciscamur, fieri ista non possunt, neq; rex admissurus est. Ad hæc Carolus, Hostes, inquit, coactis copijs expediti sunt, et opinor intra triduum mihi dimicandum esse, quòd si me uinci contingat, facietis quod erit ex usu uestro, sed si prælio sim superior, non infestabitis Britanniam, atq; ita legati discedunt. Carolus Louanio digressus cum insigni exercitu, obsidione cingit Centrones oppidum. Sed antequam eò ueniret, conuocato concilio, deliberauerat, quid de obsidibus statuendum esset. Dicebant aliqui necandos esse, Contempsit in primis, cuius sententia præter morem et ingenium ipsius, uisa mihi fuit admodum atrox. Optimum igitur est, ut principes multorum audiant sententias. Sepe enim accidit, ut prudentes etiam uiri labantur, et errent in dicendis sententijs, quando uel gratia, uel odio, uel emulatione quadam impulsæ, diuersum ab alijs dicunt, deinde non semper sumus eodem animi uigore, nam quæ fiunt à prandio consultationes, inter de-

Anno.  
1468

Dele. b. p. p. Carolus  
qui est in obsid. Louano

Conuocato concilio  
deliberauerat  
principes.

# 18 COMMENTARIORVM

ereta referri non debent. Quod si quis putet, eos, qui sic aberrant et labuntur, non esse principum adhibendos consilijs, ille meminerit, neminem esse omnium hominum, qui non fallatur aliquando, atq; ex affectibus aliquid agat, ideoq; in magno deliberantium numero hoc boni est, quod aliqui semper existunt, qui quod ab alijs peccatum est, emendant atque sanant. In hoc concilio quidam, praiudicio Contae decepti, sequebantur eius sententiam, quod magnae esset auctoritatis. Nam in omnibus fere conuentibus non desunt, qui nihil quidem ipsi pronunciant, sed aliorum sententiam, et si nihil intelligant, sequuntur, eoq; ipso placere sepe student, et gratificari ei, quem vident in illustri loco positum esse. A Contaeo rogatus Imbercortus Ambianus, uir nobilis, et singulari uirtute, ait, in primis cauendum esse, ne Deus aliquo sceleris offendatur, debere Carolum ita se comparare, ut hoc uno facto clarior faciat, et demonstret omnibus, quam non sit, aut crudelis, aut uindictae cupidus. Sibi uideri, dimittendos esse obsides, qui suorum fidem secuti, pro salute patrie in discrimen uenissent, abeuntibus autem illis declarandum esse beneficium, quo sint affecti, et mandandum, ut modis omnibus hortentur suae ciuitatis populum ad aequitatem et pacem colendam, quod etiam si non impetrent, ut tamen ipsi memores accepti beneficii, non sumant arma, uel in Carolum, uel in Episcopum suum. Haec sententia cum in concilio uicisset,

Nota on

Egmont  
fortissimus



cisset, liberati obsides, fidem dabant, se satisfacturos esse mandatis. Tum ex illud additum fuit, quod si qui deprehenderentur ex ipsis, ullo tempore, cum armis aduersus Carolum, magno id eorum capitis periculo futurum. Posteaquam Contaus tam atrociter dixisset in miseros obsides, qui simplicitate persuasi, in eas angustias deuenerant, ex nostris quidam ad me tacite, *Vides, inquit, Contaum, licet etate sit grauis, firma adhuc esse ualetudine, sed ausim affirmare, quandoquidem adeo crudeliter sententiam dixit, intra annum esse moriturum.* Atq; ita quidem accidit, sed ante mortem Principi suo bonam operam nauauit, ut postea sum dicturus. Erant in eo oppido, quod obsidebatur, Leodienses ad tria millia, ijs praeerat uir quidam nobilis, egregia uirtute, is ipse, qui de pace legatus ad nos uenerat, cum obuios illos haberemus, ut supra diximus. Tercio obsidionis die, Leodienses, ad triginta circiter millia, pedites omnes, praeter quingentos equites, cum maxima ui tormentorum, auxilio illis uenerunt, paulo sub meridiem. Aberant à nobis ad dimidium milliare, in quodam uico, quem ab altera parte aluebant paludes. una cum ipsis erat Franciscus Roietus, legatus regis. Ilico propius ad nostras munitiones excurrunt, in hoc enim errauerat nostri, quod potiores equites longius emisissent, ex de hostium aduentu primum ex pabulatoribus nostris cognouimus. Carolus eod. die, praeter morem et consuetudinem optime distribuit exercitum.

Anno 1466

# 66 COMMENTARIORVM

exercitum. Cohortes enim aliquot, & inter hos circiter sexcentos Anglos ad obsidionem reliquit, ad utrumque latus uici disponit mille ducentos cataphractos; ipse paulo longius, è regione, cum octingentis cataphractis & sagittarijs, & magno pedum numero consistit. Primam aciem ducebat Rauesternus, pedites omnes. Hi cum uenissent ad oram fossarum, quæ et latæ erant, & altæ, & aqua plene, telorum multitudine hostem reperiunt, occupatis fossis & tormentis, sed cum nulla iam nostris tela superesset, illi redintegrato animo præ longis hastis impetum faciunt in nostros sagittarios, occisis in eo temporis uestigio circiter quingentis, ita quidem, ut ad fugam nostri propemodum spectarent; deum in eo rerum statu, Carolus iubet progredi reliquam manum sagittariorum, quibus præerat Coradus: Hi magnis animis hostem adorti, primo statim consursu profugant. Equites nostri, qui ad latera uiciorum dispositi, & Carolus etiam, ex eo loco ubi constiterant, impediti paludibus, uim ullam inferre hosti non poterant, sed hoc solum expectabant, ut si primo nostro agmine pulso, & superata fossa, in planiciem illi nonissent, exciperent eos. Disiecti igitur illi à nostris sagittarijs, fugiunt per loca palustria, & præterquam pedites, nemo consecratur eos. Ibi Carolus cohortes aliquot equitum emittit, qui persequantur, sed ipsi paludibus intrati, cogebantur longius oberrare, superueniens deinde nox, periculo multos eripuit. Carolus postea

*Distribuit  
exercitum  
Hanna*

lus postea magno per oppidum audito fremitu, ueritatem  
 eruptionem illorum, nouas eo mittit equitum cohorte  
 tes. Id quod metuerat, accidit. Ter enim conati eruptio  
 nem facere, reiecti sunt. Qui non profugerant, cole  
 lecti denuo circa munitiones, aliquantulum resistan  
 runt. Desiderata sunt in eo praelio ad nouem milia,  
 quod nisi nox persequendi finem fecisset, edita fuisset  
 multò maior cades. His rebus peractis, Carolus multa  
 iam nocte redit in munitiones cum toto exercitu, prae  
 ter mille et ducentos illos equites, qui ad duo milia  
 ria progeffi, persequabantur fugientem hostem, quem  
 propter interiectum annum alioqui non potuissent  
 assequi, tametsi tenebris impediti, nihil magnopere  
 efficiebant. Eo die Carolus egregia usus est opera  
 Contet, in instruenda acie, ab eoq; praelio paucis post  
 diebus è uita ille decessit, cum in obsides adeo fuisset  
 asper et implacatus, ut supra docuimus. Depositis  
 armis, Carolus scribam accersit, dat literas ad Con  
 nestablium, et alios regis legatos, qui ante quatrida  
 um ab eo discesserant, nunciat casum et profligatum  
 esse hostem, ideoq; petit, ne qua uis inferatur Britan  
 nie. Biduo post praelium, oppidani obsessi, quod ara  
 bitrarentur cadem suorum esse multò maiorem, con  
 ditionem faciunt, et decem ex omnibus uiros dant in  
 potestatem Caroli. De his supplicium capitis sumitur,  
 ex ijs erant sex, qui cum recens fuissent obsides, benefi  
 cio Caroli sub conditione fuerant dimissi, ut diximus.

Est sane

Comiso Tho  
 Condormus 900

lunt &  
 mors Comari

Comisum  
 Jo indit

## COMMENTARIORVM

Est sanè res plana periculi, dimicare praelio, propter incertissimum euentum. Nam etiam ut modica sit accepta clades, fieri tamè non potest, quin aliqua fiat rerum conuersio, partim metu hostium, partim contentatione et despectu illius, qui infœliciter pugnauit, oritur fremitus et indignatio militum, qui et magnis iacturis conciliandi sunt. Optimū igitur est, ut qui praelium aduersum fecit, contineat se quantum fieri potest, intra suas munitiones, et experietur, si qua ratione non difficili possit recuperare amissam gloriam, ut suis animum addat, et eos metu liberet. Dici enim non potest, quantas ~~sum~~ incommoditates trahat secum aduersum praelium: ubi qui uictoriam adeptus est, auctoritatem suam amplificat, et facile quiduis impetrat, et militem habet ad quæuis obsequentiores. Sed a uictoria, prestanti quadam opus est moderatione ac temperantia, ne quis prospero fortune cursu fiat insolentior, et ea deinde consilia sequatur, quæ ad precipitium deducunt, id quod non paucis florentissimis uiris accidisse constat. Carolus, in deditionem acceptis Centronibus, Tongros obsidet, qui et ipsi quòd infirmum esset oppidū, non expectata ui ulla maiori, deditionem faciunt, traditis etiam in potestatem illius decem uiris, inter quos et ex obsidibus aliqui erant: De his quoque sumptum est supplicium. A Tongris contendit Leonardum. Diuisa erat ciuitas, nonnulli resistendum esse putabant, alij, quod uiderent omnia circum incendijs atq;

Atq; depopulationibus uasari, pacem dicebant esse redimendam. Vbi propius ad urbem uentum est, inuenerunt aliquæ rationes pacis, eoq; rem deduxerunt quidam ex priorum obsidum numero, memores accepti beneficij, ut ex primarijs ciuibus trecentos adducerent, cultu corporis miserabili, qui ad Carolum delatis portarum clauibus, in fidem ac potestatem eius sese dabant, ea lege, ut ab incendio et direptione abstineretur. Erant tunc apud Carolum legati regis, missi, ut idem quod antea Connestablii, sollicitarent. Quo die cum Leodijs transactum fuit, Carolus ingressurum se putans in urbem, præmisit Imbercortum, qui, quod et ciuitati aliquando præfuisse, acceptus erat multitudini. Is cum non admitteretur, in uicinam abbatiam sese recipit cum ducentis circiter militibus, in eoq; numero et ipse eram. Nunciabat ei Carolus, quod si tuto ibi esset, ne discederet, sin minus, ut in castra rediret, propter incommoditatem enim loci, et uasissimas rupes non facile poterat ei subuenire. Imbercortus, quoniã erat in loco munito, constituit ibi manere, et ex oppidanis, qui supplices uenerant, ut diximus, quosdam apud se detinuit certo consilio, ut postea sum dicturus. Noctu, sub horam nonam, audimus pulsari campanam. Ad hoc signum oppidani conueniebant, et uerebatur Imbercortus, ne consilium inirent non adoriendi. Certior enim factus fuit, esse quosdam in urbe potentes et locupletes homines, qui pacem repudiarent,

diarent, & uera fiat eius coniectura: Nam hoc ageba-  
 tur, ut nos inopinantes opprimerent. Ibi tunc ille, quod  
 si possumus, inquit, sustinere ipsos, & demorari ad  
 mediam usq; noctem, salui sumus. defatigati uolent se  
 se reficere ex labore & uigilla, & qui sunt infestiores  
 nobis, re parā feliciter tentata, fugae sese mandabunt;  
 Atq; ut commodius perficeret, quod habebat in animo,  
 ex oppidanis, qui cum ipso erant, duos emittit in urbē  
 cum mandatis & pacis conditionibus, eo consilio, ut  
 interea, dum illi super ijs rebus deliberarent, tempus  
 extraheret. Est enim eius populi perpetua consue-  
 tudo, ut quoties grauioris rei aliquid allatum est, in cur-  
 iam, ad sonitum campanae, conueniant. Cum ciues  
 illi duo, quos emisimus, ad portam uenissent, offen-  
 derunt magnam uim hominum, quorum alij prelium,  
 alij pacem poscebant. Ibi nostri legati, clara uoce di-  
 cebant urbis Praefecto, adferre se non iniquas condi-  
 tiones ab Impercorto, Caroli legato: rectē facturos  
 igitur, si in curia tributim collecti de summa rei cognos-  
 ceant. Placuit ea sententia, & continuo pulsatur cam-  
 pana, quo signo faciliē intelligebamus eos occupari ne-  
 gocio. Nostri quidem legati non redibant, sed horam  
 unam post, multo quā antea maiorem fremitum ex-  
 quidimus ad portam. Confluebant enim eo maxima  
 multitudo, & ex moenibus proteruē multa, & in-  
 uariōse in nos dicebant. Impercortus, quod intelli-  
 get nos in maiori esse periculo, quā antea, reliquos  
 quatuor

quatuor obsides emittit ad illos cum literis in hanc sententiam: Quo tempore ipse mandato Caroli presuisset urbi, perbenigne se & amanter ipsos tractasse, uelle tunc quoq; se tota mente et animo prouidere, ne quod detrimentum ea ciuitas accipiat, cupere se modis omnibus ipsorum salutem, quam si consuequi uelint et retinere, opus esse, ut quemadmodum fuissent pacti, Carolum in urbem recipiant. Præter eas literas, ipsos etiã apudanos, qui mittebantur, quæ dici uellet, edocuit. Qui cum eo uenissent, patentes reperiunt portas, pleriq; contumeliosis uocibus, & grauib; interminationibus eos excipiebant, alij, quò minus audirentur, non repugnabant. Itaq; redierunt in curiam, cumq; notū dampnæ sonitū denuo exaudiremus, ualde sumus exhorati, et peroratio non remittebatur ille, qui fuerat ad portam tumultus. Cum ad secundam usque horam post mediam noctem deliberaissent, placuit seruandas esse priores pactiones, & postero die unam ex portis Imbercortum tradendam esse. Quo facto decreto, Rastus Lutritius, ur̃ potens & nobilis, qui pacem dissuaserant, cum sua clientela omni profugit. Immoratus sum huic loco diutius, ut ostendere per eiusmodi ratios, quibus usum esse uidemus Imbercortum, magna sepe pericula & incommoda posse declinari. Postridie prima luce ex obsidibus ad Imbercortum multi ueniunt oratum, ut in curiam, ubi coactus esset populus, ueniat, & iurando ipsis caueat de incendio & direptione, quod

si faciat, fore, ut in portæ possessionem mittatur. Ea re  
 prius ad Carolum nunciata, proficiscitur in urbem, &  
 data fide, quam petebant, redit ad portam, eamq; muta-  
 tis custodibus, in suam potestatem recipit, & vexillum  
 Caroli ad eam præfigit. Occupatas deinde tres alias por-  
 tas, firmo præsidio munit. Erat id temporis Leodium,  
 urbs florentissima, & populosa ualde. Nam ex vicinis  
 locis quàmplurimi eò se receperant, sic, ut è superiori  
 clade nullos uiderentur desiderare. Non premebantur  
 ullis angustiis rerum necessariorum, & hyems erat, &  
 perpetui imbres, & ipsum alioqui solum eius regionis  
 ualde cœnosum. Nos autem in magna eramus difficulta-  
 te et pecuniæ & annonæ, neq; decreuerat Carolus ob-  
 fidere urbem, & ut uoluisset, non poterat tamen, & si  
 per biduū modo sustinuisset illi, nulla re perfecta, tem-  
 poris incommoditate & rerum inopia exclusus, domū  
 reuertisset. Hoc eò pertinet, ut demonstrẽm, Imbecortẽ  
 maximam fuisse uirtutem in huius rei tractatione, &  
 haud dubiè gubernabat ipsius consilia Deus, eò quòd  
 tam clementem & humanam sententiam dixerat pro-  
 miseris obsidibus, ut supra docuimus. Eoq; libentius  
 ista commemoro, quòd Principibus aliquando dolet,  
 contulisse beneficium in aliquem, seq; deinceps nō tam  
 faciles futuros esse dicunt, cum tamen proprium sit ip-  
 sorum munus, de quàmplurimis bene mereri. Malū igitur  
 iudicium faciunt, qui ita sentiunt. Nam cum, qui  
 nunquam circumuentus est, truncum esse dixeris, aut  
 stipitem



ſupitem potius, quam hominem, propterea, quod inter  
præſentem et ueroſum, quid inter ſit, dijudicari non poteſt.  
 Deinde, non omnes eodem ſunt ingenio, neq; propter  
unius aut alterius improbitatem intermittende ſunt  
benè de quæ plurimis merendi occaſiones. Hoc tamen  
 ſuaſerim, explorandum eſſe, cuiusmodi ſint, qui benè-  
 ficium petunt, nec enim omnes digni ſint qui accipiant  
 et mihi quidem abſurdum quiddam eſſe uidetur, homi-  
 nem prudentem poſſe ingratum eſſe. Quamobrem opo-  
 rtum eſt, ut Principes adhibeant ſibi uiros magna uir-  
 tute præditos. Sic enim exiſtimabunt omnes, quandoqui-  
 dem eiſmodi uirorum conſuetudine delectantur, ipſos  
 quoq; eiſdem eſſe uirtutibus ornatos, et ut paucis ab-  
 ſoluiam, ſemper benefaciendum eſt alijs. Fieri enim po-  
 teſt, ut unus aliquis, licet tenui ſit beneficio affectus, in-  
 ſignem aliquam operam præſtet, et reliquorum ingratu-  
 tudinem cumulatè reſarciat, et compenſet, cuius rei do-  
 cumentum ſumi poteſt ab iſtis obſidibus, e quorum nu-  
 mero, tametſi pleriq; omnes ingrati eſſent, et ilibera-  
 liter agerent, pauci tamè quidam, memores accepti mi-  
 neris, hunc tantam rem, magna cum gloria Caroli et uti-  
 litate perſecerunt. Poſtero die Carolus magnifice in ur-  
 bem ingreditur, proſtrata ac diruta parte aliqua munit,  
 et adæquata ſeſſa. Stipatus erat duobus cataphractorum  
 millibus, qui pedites erant omnes, et totidem ſagittas  
 rijs, magnam etiam manum in caſtris reliquit. Ipſe equo  
 neſtus, ingreditur ſplendide uestitus, cumq; ad ſacrum

ad eam eius urbis summam uenisset, ex equo descendit. Commoratus ibi per dies aliquot, supplicium sumit de sex, qui erant ex obsidum numero, de quibus tabellario quodam, quem acerbè oderat, fuit aliquot leges, et pecunie magnam summam imperat, quam sibi deberi confirmabat ex uiolata superiorum auctoritate pace, deinde tormenta omnia ipsis edidit et arma, turres etiam et moenia solo equari iubet. Post, domum reuersus, honorifice fuit exceptus à populo, præsertim autem à Gandauensibus, qui priusquam in Leodium proficisceretur, cum alijs quibusdam urbibus ad rebellionem spectauerant, nunc uero posteaquam uictor rediisset, reuerenter ipsum habebant, et per primores ciuitatis, signa sua militaria Bruxellam usque deferri ad ipsam iusserant. Nam à morte patris, Carolus, quod amari se crederet ab eius ciuitatis populo, solenniter, omnium primum ad ipsos ingressus est, futurum sperans, ut si liberaliter ab eis haberetur, ad alias quoque urbes ea res magnam ipsi conciliaret auctoritatem, sed postridie, quam eò uenit, in forum armati ciues confluent. Eo tandem et ipse descendit, ut turbam sedaret, sed frustra. Per totos enim octo dies ibi constitierunt, et inter alia petebant sibi restitui omnia, quæ ipse pater Philippus ademisset, deinde, ut singulæ opificum tribus haberent suum quoque uexillum, ut antiquitus institutum esset. Cum aliud non posset, neque satis in tuto uersaretur, temporibus coactus, largitur eis omnia, et quæ postula-

postulabant priuilegia, concedit. Mox illi in foro signa sua proferunt et affigunt, multo ante parata, non obscure praeseferentes, etiam si non impetrassent ab eo, se tamen illa fuisse priuilegia auctoritate recuperaturos. Dixerat antea Carolus fore, ut reliquae urbes, Gandauensium sequerentur uestigia, et quia passim erant exortus motus, uoluit ad eos primum, a quibus diligi se putabat proficisci, quo sic alias urbes contineret. Prouerbio dicitur, Gandauenses amare quidem sui Principis filium, sed non ipsum principem, ei dicto si fidem habuisset, non fuisset in eas redactus angustias. Proxime enim secundum Leodias, ualde sunt mobiles et inconstantes, uerum hoc est in ipsorum tumultibus boni, quod principi uim nullam adferunt: Honestiores etiam ciues, uulgi leuitatem et inscientiam ualde detestantur. Hanc illorum proteruitate id temporis ferre cogeatur Carolus, ne bellidaret occasionem tam suis quam Leodijs, interea tamen non dubitabat, quin, si Leodios debellaret, facile ipsos esset cohibiturus, atque ita quidem accidit. Parta enim uictoria, procures urbis, pedites omnes, et uexilla et priuilegia, et literas, quas Gandauo discedes coactus fuerat ipsis largiri, deferrebant ad eam Bruxellam, ut dixi, magna circumfusa nobilium et legatorum multitudine, ut de ijs pro suo arbitratu decerneret. Ex ipsius foederalibus quidam, iussus ab eo, detrahit signa de hastis, quibus erant alligata, atque ea deinde deferbantur Boloniam, quod oppidum a Caletis abest octo milliaribus, ad mare.

Exhibitis postea privilegijs, Cancellarius, quod præcipuum ex ijs erat, et ad ipsorum administrationem pertinet, abrogat. Cum enim per omnes Flandriæ urbes, Princeps magistratum constituat quotannis, et rationes ab eo pascat, apud solos Gandauos, per hoc privilegium ei non erat integrum, creare supra quatuor senatores, ipsi uero reliquum numerum implebant: et sunt in ea urbe uiginti sex omnino senatores, in quorum manus est, uel instigare populum aduersus principem, uel in officio continere, et obsequentem efficere. Multatis ad eum modum Gandauensibus, reliquæ ciuitates, quod nihil grauius admisissent, data pecunia, ipsum placabant. Ex qua una re uidere licet, quantum in victoria positum sit, et quam sit periculi plenum, facere aduersum prælium. Non est ergo, nisi necessario, dimicandum, et ante prælium de summa rei cogitandum est. Nam qui meticulose aliquid faciunt et pauide melius se re suis rebus prospiciunt, et sapius uincunt, quam illi, qui fastuose et superbe progrediuntur, tametsi cum Deo aliquid decreuit, frustra sumitur omnis labor, ut in Leodiensium causa uideri potest, qui, licet ipsis interdictum esset sacris, obstinate tamē pergebant, neque probabilem ullam sue insolentiae causam adducere poterant, sed sublatis facultatibus intemperanter agebant. Quo in loco, in mentem mihi uenit prouerbum quoddam Ludouici Regis, qui dicere consuevit, dedecus est detrimentū esse comites, ac ueluti pedisseque superbiis, his rebus

*Deliberandum  
dum q statū  
eundem e semel*

His rebus Bruxella confectis, Carolus Gandavum sub  
 armis profectus, honorificentissimè fuit exceptus. pa-  
 tescebat ei partem aliquam urbis, uti militem pro suo  
 arbitratu uel emitteret, uel introduceret. Interea ueni-  
 unt ad ipsum à rege mul: i lega' i, sed & à Britanno: ipse  
 uicissim ad utrosq; mittit. Rex in primis cupiebat, ip-  
 sius uoluntate bellū in Britanniam inferre. Cū impetu-  
 re non posset, grauius tulit, praesertim, cum ille suos cō-  
 foederatos atq; socios Leodienses perdomuisset. Impa-  
 tiens igitur mora & ocij, prima aestate exercitū in Bri-  
 tanniam mittit, occupatis ibi duabus arcibus. Norman-  
 nus ilico & Britannus opem Caroli implorant. Con-  
 ductis igitur copijs, quantapotuit celeritate, & misis  
 ad regem literis, petit, quoniam utriq; & confederati  
 sui essent, atq; in inducijs comprehensi, uti à bello et in-  
 iuria abstineret. Accepto minus commodo resposso, Pe-  
 ronam cum exercitu proficiscitur, cumq; per triduum  
 esset ibi commoratus, uenit ad eum Cardinalis Baluen-  
 sis, à rege, qui tum erat Compendij, oppido Picardiae, cū  
 mandatis aliquot, & pacis rationibus. Is inter alia dice-  
 bat, fieri posse, ut illi separatim, ipso excluso, cum rege  
 paciscantur. Nam eo spectabat rex, ut societatem dissi-  
 paret. Per eundem Carolus nūciat regi, quod copias col-  
 legisset, id se muniendi sui, & socios defendendi, nō op-  
 pugnandi ipsius causa facere. Lenibus utriq; uerbis  
 res agebatur. Non multo post illius abitione, adseruitur  
 à Normanno litera ad Carolum, quibus nunciabat,

se undiq; Britannum esse cum rege pactum, & ab omni alio, potissimum autem ab ipsius fœdere discessisse, & relicta Normannia, se quotannis accepturum à rege fratre ad sexaginta francorum millia. His ille conditionibus transegerat, inuitus quidem, sed cogebatur dissimulare, & ferre. Carolus eo nuncio ualde fuit commotus, praesertim cum esset in armis, & copias ideo coegisset, ut opem ipsis ferret. Tabellarius autem, quoniam iter fecerat, qua parte rex erat, in magno fuit discrimine, quòd crederetur fictas attulisse literas, uerum in eo ipso temporis uestigio, ex diuersis locis idem nunciabatur, Rex tum putabat se peruenisse quò uoluit, et facile posse Carolum ad se traduci, atq; ideo multi commeabant inter eos nuncij, eorq; tandem res deducta fuit, ut pro belli sumptibus rex ei dependeret centum & uiginti aureorum millia. Eius pecuniae dimidiam partem statim persoluit, antequam cum exercitu ille discederet. Post hæc, famillarem quendam suum, Vobrissetum, Carolus misit ad regem, qui ualde amanter eum & benigne complectebatur, fore sperans, ut Carolum plane sibi deuinciret, primum, quòd ipsius frater et Britannus eum deseruissent, deinde, quòd accepta pecunia delinitus erat. Per hunc ipsum igitur, & huic adiunctum Cardinalem Baluensem denunciat, quantopere cupiat cum eo colloqui. Carolus autem, qui tum erat Perone, non admodum huc inclinabat, eò quòd Leodienses darent non obscuram significationem rebellionis, incitati à Regio  
legatis

legatis, ut id facerent ante inducias, quoniam paucos dies pacta fuerant. Cardinalis respondit, Leodienses, quoniam turres ac propugnacula essent ab ipsa ecclesia, qui tormentis omnibus et armis essent dispositi, nihil tale molituros, et ut maxime uelint, non ausuros tamen, ubi conspexerint hanc ipsorum collusionem et amicitiam. Assensit tandem Carolus, ut rex, quoniam ita uellet, Peronam ueniret, simul fidem dat, ut id ei tuto liceat: deinde, ut Leodiorum motus componeret, Episcopum eius urbis, propter quem ortum fuit dissidium, et Imbercourtum, eo misit.

### PHILIPPI COMINAEI COMMENTARIORUM Liber Tertius.



EX igitur ad constitutum locum uenit, paruo comitatu, secutus fidem Caroli, cui totum se permisit. Erant cum eo Borbonius, et eius frater Cardinalis, et alter Baluensis, et Connestablius, qui colloctionem hanc egre tulit: iam enim ferocior erat factus, neque Carolum, ut antea, reuerbatur. Aduentanti regi, Carolus obviam progreditur, et hospitium præbet apud quæstorem oppidi, eo quod arx angustior erat et ruinosa. Facile quidem est, et proclivius, ut inter potentes Principes bellum excussetur, sed

ab diuersitate rerum, quæ incident, uix magna difficultate componitur. Nocere enim quisq; studet aduersario suo, quantum potest, & celeres plerunque sunt in eiusmodi rebus, animorum motus, qui postea quam semel in actionem transierunt, sisti non possunt aut reuocari. Quod ipsum regi uidemus et Carolo euocasse, qui cum subito, & contra plurimorum expectationem, in colloquium uenirent, suis legatis, quos alio miserant, nihil eius rei significauerant. Carolus enim à Burgundia copias euocauerat, in ijsq; nobiles aliquot erant Sabaudi, infestiores regi, quod ab eo fuissent aliquando in carcerem coniecti. Et quo tempore Peronam rex uenit, isti etiam aderant: Burgundia uero Marschallus, quod & ipse regem ualde odisset, extra oppidum sese continuit cum suis cohortibus. Ea re nunciata, rex orat Carolum, ut sibi liceret in arcem diuertere, quò periculum uitaret. Carolus, confirmato eius animo, libenter morem gerit. Sane minus prudenter faciunt Principes, cum alterius potestati se permittunt, præsertim intercedente bello, Maximum itaque momentum adfert historiarum cognitio, inueni-  
bus annis percepta. Nam extant in ijs pulcherrimæ picture, quæ clare demonstrant, quàm multa perfide sepe, & insidiosè fiant in eiusmodi colloctionibus, & in quantas acerbitates aliquando coniecti sint multi, eò quod suis aduersarijs nimiam habuissent fidem. Verum quidē est non omnes perfidiosè agere, sed unius calamitate



calamitate complures fieri possunt cautiore. Quantum enim longo rerum usu potui cognoscere, qui iam per annos duodeviginti uersatus sum in maximis rerum negocijs, equidem sic arbitror quemadmodum et uite diuturnitate, et robore corporis multo sumus inferiores prisca illis hominibus: ita quoque ab ipsorum fide et integritate permultum nos degenerasse. Vix enim est, ut providere sibi aliquis diligenter satis possit, quo minus fallatur, et quò sunt potentiores Principes, eò maior est insidijs et improbitati locus. Nam et sua quadam sponte illi eò propendent, ut quod libet, licere sibi putent, et, qui sunt circum ipsos, quoniam aucupandæ modo gratiæ sunt intenti, plane seruiunt illorum cupiditatibus, et si quis ad meliorem frugem aliquando hortetur, magnas tempestates excitant. Temperare mihi non possum hoc loco, quin grauius aliquid dicam in Principes imperitos et ignauos. Habent sibi plerique familiares, aliquot iurisperitos, et quosdam, qui longiori ueste discernuntur ab alijs: et recte quidem, cum sunt uiri boni, sed periculose admodum et magno cum detrimento, quando sunt uiciosi. Cuiuscunque rei sermo inciderit, ilicò legem aliquam, aut historiam adferunt, plerumque et sepe uero mero præter rem, dum ad suum sensum et affectum omnia detorquent, idque eò crebrius faciunt et audacius, cum Princeps ipse nullam habet rerum cognitionem, qui si uel ingenio ualeret, uel librorum lectione quesitum

sciam haberet aliquam prudentiam, non temere circum-  
 ueniri posset, nec sic ludificationibus aliorum esset ex-  
 positus. Hoc enim certo statuendum est, Deum non  
 condidisse regna, ut gubernarentur ab hominibus in-  
 eptis et stolidis, qui friuola quadam et misera iacta-  
 tione solent dicere, se, quod usum literarum non habe-  
 ant, suis familiaribus et necessarijs omnem actionem  
 committere, ac deinde, nulla probabili adducta ratio-  
 ne, cur ita loquantur, totos sese dedunt uoluptatibus.  
 Quod si bene fuissent à teneris annis educati, longè ali-  
 am uiam ingrederentur, et hoc darent operam, ut ho-  
 mines bene et præclare de ipsis sentirent. Neq; tamen  
 hoc ed dico, quasi omnes Principes suis negocijs praua  
 ingenia præficient. Nec enim desunt, qui ueriam iudi-  
 cium faciunt, et prudenter sibi deligunt optimum  
 quemq; cuius utantur opera. Qua quidem in re ma-  
 xime prouidus ac diligens erat Ludovicus rex. Nam  
 qui uirtute aliqua singulari præditi essent, eos magno  
 in honore habuit: mediocriter ipse erat literatus, et,  
 quod præcipuum est, ingenio ualebat et sensu com-  
 muni, quæ quidem facultas omnem aliam cognitionem  
 antecellit, labore et industria comparatam. Omnes  
 enim qui extant libri, præteritarum rerum continent  
 monumenta, in ijsq; breui temporis spacio plus uideri  
 potest atq; cognosci, quam multe hominum ætates ora-  
 dine percipiant. Nulla igitur maiori clade populum  
 Deus affligere possit, quam si Principem ei præficiat  
 stolidum

solidum et imperitum, neque enim dici potest, quam  
 multa hinc oriuntur incommoda. Nam quia totus ab  
 aliorum arbitrio ille pendet, neque per se quicquam ipse  
 gerit, nascuntur factiones, dividitur populus, dividit-  
 ur senatus et regni procures: inde bellum nascitur,  
 atque ex bello rerum penuria, quam excipiunt deinde  
 morbi et varij generis cruciæ. Instam ergo et dan-  
 toris et querimonie causam habet populus, cum sui  
 Principis liberos vident male institui, et ab hominibus  
 viciosis educari. Suprà diximus de ijs, qui Peronam ex  
 Burgundia venerunt. Carolus enim tempore exclusus,  
 non habebat spacium remittendi illos, eò quod iam  
 erant in Campania, cum inter ipsum et regem aggre-  
 tur de collocacone: ad quam posteaquam ventum est,  
 et aliquo usque facta esset progressio, grauis est allatus  
 et intempestiuus nuncius è Leodiorum finibus. Nam  
 cum Peronam rex iret, de suis legatis, quos Leodium  
 miserat, seditionis excitande causa, non cogitabat, et  
 ibi quidem iniunctum sibi munus diligenter obibant.  
 Instigati enim ab ipsis Leodij, Tongrorum urbem, in  
 qua tunc erat Episcopus, et Imbercortus, et circiter  
 duo hominum millia, ex insidijs capiunt, familiares ali-  
 quot Episcopi trucidant, ipsum et Imbercortum capi-  
 tiuos abducunt. Inter eundem Imbercortus paciscitur  
 cum nobili quodam uiro, in cuius fidem et potesta-  
 tem receptus, multitudinis insaniam euasit, que tanta  
 fuit, ut inter alios Ecclesiastici ordinis uiros et cano-  
 nicos,

nicos, Robertum quendam, Episcopi necessarium,  
 membratim conscinderent, et per ludibrium detride  
 frustra conijcerent alter in alterius caput: breuiter,  
 quo longius progrediebantur, eo magis incruduit ipso-  
 rum furor. Certiores autem facti de collocazione Prin-  
 cipum, Burgundionibus aliquot captiuis dimissis, pra-  
 se ferebant, quicquid eius res fecissent, aduersus Epis-  
 scopum modo fecisse, quem et uinctum abducebant  
 Leodium. Captis Tongris, plerique omnes profuge-  
 rant: ij quacunq; transibant, magnam excitauit tre-  
 pidationem, ita quidem, ut ad Carolum ilico perferre-  
 tur nuncius. Dicebant alij, trucidatos esse omnes, alij  
 contra, et multi simul nunciabant, ex ijsq; non pauci  
 spectauerant cadem illam Canoniorum, et credebant  
 in eorum numero fuisse et Episcopum et Imbercora-  
 tum. De regis quoq; legatis affirmabant, se uidisse illos,  
 et quae essent, nominatim dicebant. Ea re Carolus ue-  
 hementissime fuit commotus, confirmans regem insi-  
 diose agere. Iubet igitur claudi portas, tam oppidi,  
 quam arcis, in qua rex erat. Interea spargebatur rus-  
 mor, amissam esse pyxidem cum gemmis, alijsq; rebus  
 preciosis. Rex in ijs angustijs positus, ualde sibi metu-  
 it, praesertim, cum inspiceret turrin cubiculo suo uicia-  
 nam, in qua Veromanduorum Comes aliquando neca-  
 uit quendam Galliae regem. Clausis portis, Carolus, re-  
 motis omnibus, ad paucos, qui cum ipso erant cubi-  
 cularij, conuersus, inuitum se ac contra uoluntatem su-  
 am ad

ad eam colloctionem descendisse dicebat: regem mala fide secum agere, eoq; sui prodendi causa uenisse. Et cum deinde, quod apud Leodios acciderat, ordine recitasset: ita fuit exacerbatus, ut graviter interminaretur, neq; dubito, quin atrociter aliquid facturum fuerit in regem, nisi eorum, quibus loquebatur oratione, fuisset mitigatus. A nobis transiit ad alios, & inter paucas admodum horas ita fuit diuulgata res, ut ad regem deferretur, qui sane in maximo erat metu, sed & omnes iudicio praediti, tristem aliquem uerbantur exitum, & simul uidebant, quam sit difficile, pacificare tam potentes principes, & quam inconsiderate ab utrisq; factum esset, quod suos legatos, antequam ad colloctionem uenirent, non reuocassent. Imprudenter faciunt principes, equali potentia praediti, nequidē iudicio, ut non semel antea dixi, quod in colloctione ipsi descendunt: nisi forte ea sint aetate, ut praetertitos & ludum nihil spectent aliud. Nam posteaquam grandiores euaserunt, & emulatio aliqua coepit inter ipsos oriri, quod serē sit, non est consultum, ut ipsi congregiantur, ac longē praestat, ut controuersias, & quicquid est negotiorum, curent per legatos, uiros bonos atq; prudentes, componi: Et quoniam multo rerum usu compertum istud habeo, non grauaor, quid uiderim ipse, commemorare. Ludouicus, paulo postquam ad ipsum esset delatum imperium, in colloctionem uenit cum Henrico rege Castiliae, qui ad Fontem rapidum

rapidum accessit magno comitatu: Venit etiam eo regina Arragonie, cui cum Henrico lis erat. Colloquio fuit delectus locus prope flumen, quod Galliam ab Hispanijs diuidit. Bis modo colloquebantur, neq; prolixè admodum, prorsus ex arbitrio Turbendensis Archiepiscopi, cuius apud Henricum erat summa auctoritas. Ipsorum domestici famuli, qui Baione habebant hospitium, primo statim aduentu inter se pugnarunt. Henricus erat deformior, & cultu corporis inueniustus, & ridebatur à Gallis. Ludouicus breuibus utebatur uestimentis, & adeo neglectis, ut nihil supra: pileum gestabat diuersum ab alijs, & huic affixa erat imago plumbea. Hanc tenuitatem ridebant Hispani, & pars sanonie tribuebant, atq; ita quidem tunc discession fuit, excitatis utrinq; ludibrijs, & cum antea fuisset inter utrosq; constans amicitia: corperunt ab eo tempore relanguescere. Eius, de qua dixi, litis & controersie Ludouicus rex datus fuit arbiter: ac iudicauit secundum Hispanie regem: Id grauius admodum tulerunt Arragonij, qui tanetsi ipsius opera deinde sunt usi aduersum Barcinonenses, exortum est tamen postea bellum inter eos, quod annos sedecim durauit, & ne hoc quidem tempore satis est pacatum. Carolus, cum diu sollicitasset in Treuironum urbe, cum Friderico Cesare, qui nunc reru potitur, congressus est, atq; ut opes, potentiamq; suam ostentaret, sumptuosissimus erat in omnibus. Agebatur ibi de uarijs rebus, & inter alia de matris

de matrimonio, quod postea contraxerunt ipsorum liberi. Post aliquot dierum colloctionem, Caesar illinc abiit in salutato Carolo, eamque rem secuta est animorum alienatio. Germani uituperabant luxum in Carolo, et genus dicendi paulo sublimius: Burgundiones contra tenuitatem Caesaris, et exiguum comitatum, et negligentiore ornatum despiciebant, et eoque processit haec emulatio, ut aduersus Carolum, quando Noauesum obsedit, maximam Germanorum manum Caesar adduceret. Eduardus Angliae rex, apud Atrebatem, per biduum fuit cum Carolo sororio suo. Dissidebant inter se ipsius familiares. Carolus, apud quem utrique querebantur, in alteram factionem magis propendebat, eaque res auxit illis odium. Et quanquam Carolus ipsum iuuabat milite, pecunia et nauibus, ad recuperandum regnum, e quo profligatus tum erat à Comite Beruicensi, tamen ab eo congressu, male senserunt, et locuti sunt alter de altero. Vidi, quo tempore Carolus comitem Palatinum Rheni, per complures dies honorifice tractabat Bruxellae. Burgundiones dicebant Germanos esse sordidiores in rebus omnibus, ideo potissimum, quod occis conijcerent in lectos cubiculares, splenda didè magnificeque paratos, et lenius multo quam antea, cum nondum uidissent, de ipsis iudicabant. Germanis autem displicebat luxus ille immodicus et ostentatio. Vidi, cum Austriae Dux Sigismundus ad Carolum uenit, eique ditione Pfortensem, propinqua superiori

Burgundia, oppignorauit, acceptis ab eo centum aureorum millibus, cum ab Heluetijs illam defendere non posset. Erat inter hos magna & ingenij, & morum dissimilitudo. Sigismundus tandem reconciliatus Heluetijs, ademit eam Carolo, neq; precium reddidit. Præsens eram, & coram spectauimus, cum Rex & Eduardus prope Piccenium oppidum, non procul ab Ambianis, conuenirent, qua de re postea sum plura dicturus. Abstinerunt quidem à bello deinceps, atq; etiam inter iacebat mare, sed beneuolentia nulla fuit inter eos, & quæ tum utrinq; promittebant, magna ex parte uiolata fuerunt. Sic igitur existimo, debere principes à congressibus abstinere, modo saluam esse uelint & integrâ amicitiam. Fieri enim nō potest, quin ipsorum familiares de rebus antea actis loquantur, non absq; molestia, & fremitu alterius partis. Alij sunt alijs elegatius uestiti, nascitur ex eo ludibrium & iocus, atq; ita fieri necesse est, præsertim inter eos, qui lingua & sermone et moribus differunt. Ex ipsis quoq; Principibus, alijs alijs sunt decentiores, & aspectu magis honesto. Iis iucundū est prædicari à multis, neq; id fieri potest absq; alterius, qui deformior est, uituperatione. Dimisso conuentu, passim ab omnibus ista iactantur, initio quidem tacite & submissee, postea uero palam & clare. Nihil enim prope modum est ita secretum, quod non efferatur aliquando. Interea dum rex tenetur inclusus, ut supra diximus,

Carolus



Carolus abstinuit ab eius colloquio, & ex ipsius familiaribus, qui in aliquo essent numero, pauci ad eum accedebant. Erat in oppido magnus admodum fremitus, primo quidem die, postridie fuit aliquanto mitior Carolus, totumq; ferè diem & partem aliquam noctis consultabat. In eorum statu, Rex per suos necessarios sollicitabat omnes, qui putabantur aliquid posse apud Carolum, in eosq; distribui iussit ad quindecim aurebrum millia: sed qui huic rei præfectus erat, eius pecuniæ partem aliquam fraudavit, quod postea compertum est. Rex in primis metuebat illos, qui aderant ex Burgundia Sabaudiaq; nobiles, de quibus antea sumus locuti. Non enim illi suam operam, ipsius fratri, Normanniæ duci se addixisse profitebantur. Conuocato concilio, sententiam Carolus exquirat. Pleriq; dicebant, regi datant fidem seruandam esse, præsertim, cum ratas haberet pacis conditiones, scripto comprehensas: Erant sententiæ, quæ detinendum esse in carcere censerent, aliæ, quæ fratrem ipsius celeriter euocandum esse dicerent, ut ipso presente, pax constitueretur, planè ex usu omnium Principum Gallie. Sic enim fore uidebant, ut ei ponerentur arctiores custodiæ, nec ignorabant, si quidem durius ad hunc modum haberetur, difficilem eius futuram esse liberationem. Ea sententia sic iactata fuit, ut uiderim tabellarium, qui ad iter expeditus, Caroli tantum literas expectabat, sed commutatum fuit consilium istud. Rex interea, multis in medium adductis rationibus pacem

promittit dare obsides, Borbonium, cuiusq; fratrem Cardinalem, & Connestabulum, & alios complures, ac petit, ut facta pace, Compendium sibi redire liceat: daturum se operant, ut Leodienses ei de iniurijs integre satisfaciant, sin minus, hostium numero se illos habiturum, Quos ille deferebat obsides, ij palam quidem præ se ferebant non recusare: quid priuatim senserint, ignoro, nisi quòd arbitror, si tum facta fuisset eis discendi potestas, nō fuisse reuersuros. Erat ea tertia nox, cum uestes non deponeret Carolus, & per intervalla, nunc deambulabat, nunc in lectulum se conijciebat, qui mos ipsius erat, quoties perturbato esset animo: & quoniam ex cubicularijs eram, unā cū eo nonnumquam deambulabam. Exorta luce, magis aestuabat ira, quàm prius, grauiusq; interminatus, uidebatur atrociter aliquid esse factururus. Paulatim tamen remissior factus, dicebat sibi satisfacturum iri: primum, si rex iureiurando confirmaret pacem, deinde, si secum in Leodios proficisceretur, in eoq; bello sibi ferret opem, ad ulciscendam iniuriam Episcopo, suo propinquo ab ipsis illatam. Hanc eius uoluntatem è uestigio quidam enunciauit regi. spem certam faciens, nullum ei fore periculum, si eas condiciones admittat, sin autem repudiet, imminere ipsi discrimen longè maximum. Posteaquam ad regem uenit Carolus in cubiculum, incipit uoce tremula: neq; multū aberat, quin grauius irasceretur. Gestus quidem corporis erat satis demisso: uerum sermo eius et

nultus

uultus asperitatem atque offensionem magnam præse-  
rebant. Rogat, an ratas habeat pacis cōditiones antea  
prescriptas, et an iurare uelit? Rex benignè assentitur:  
nihil enim propemodum erat diuersum ab ea pacifica-  
tione, quæ facta fuit antea Lutetiae, quantum quidem  
ad Carolum pertinebat. De fratre autem regis ita con-  
uenit, ut ei loco Normanniæ, traderetur Campania to-  
ta. Rogat deinde, uellet ne unà secum proficisci Leo-  
dium, et sibi adesse cum auxilijs in ulciscenda perfidia,  
quam Leodienses, ab ipso instigati, admisissent aduer-  
sus Episcopum suum, qui et ipsius esset propinquus? Ille respondit, post iureiurando sancitam pacem, quod  
in primis cupiat, iturum se cum ipso Leodium, eo  
quem uellet comitatu. Quo dato responso, ualde fuit re-  
creatus Carolus. Adferuntur ilicò scriptæ pacis con-  
ditiones, cumq; iusiurandum interuenisset, magna fuit  
per oppidum excitata leticia. Rex aliquando me digna-  
tus est eo honore, ut diceret, me bonam ipsi et fidelem  
operam in ea tractatione præstitisse. Carolus in Britan-  
niam ista confestim enunciat, simul exemplar mittit pa-  
cificationis. Normanniæ ducis non erat pœnitenda con-  
ditio, si quis ad superiorem ipsius cū rege transactionē  
respiciat. His rebus agitis, digressi Perona, rex et Ca-  
rolus, Cameracū, et inde in Leodiorum fines peruene-  
runt sub hyemē, cœlo ualde difficili et incōmodo. Erant  
cū rege Scoti stipatores, cataphracti uero pauci, quan-  
quam deinde circiter trecentos accersiuit. Exercitus

Caroli bipartitus erat. Primam aciem ducebat Burgundie Mareſchallus, erant in ea Lutzenburgenſes, Hannoni Namurci, et Limburgij: cū reliquo agmine ſequebatur ipſe. Cum ad hoſtium fines peruentum eſt, deliberatur, quid factū ſit opus. Suadebant aliqui, dimittendam eſſe partem exercitus, primum, quòd oppidani et turribus et muro eſſent denudati, et ſpe omni auxilij carerent; deinde, quòd rex, in quo magnum habuiſſent preſidium, ipſe adeſſet. Eam ſententiam Carolus reiecit, et magno quidem ſuo bono, minimum enim aberat ab interneſione, et quia ſuſpectum habebat regem, putabat non eſſe diminuendas copias. Parum ſane prudenter iudicabant eius conſilij authores, cum ſe putarent viribus et potentia longè preſtare. Fit autem non raro, ut duces proponant cuiusmodi ſententias, vel quò videantur audentiores, vel quò magnitudinē rei, quam agunt, non intelligant. Ineſt autem in utroque temeritas, et inconfiderantia. Qui iudicio ualent principes, cuiusmodi conſilia repudiant, in eoq; magna fuit induſtria regis. Nam ut lentus erat et timidior in arduis deliberationibus, ita quoq; ſimul atq; conſtituit aliquid, ſic undiq; ſe communiebat, ut uix unquam falleretur, aut expectatione ſua caderet. Premiſſus eſt igitur Mareſchallus, et urbem, ſi poſſet, ingredi, ſin, minus, uim facere iubetur. Iam enim ab hoſtibus nonnulli, pacificandi cauſa, ueniebant Namurcum uſq; quod ſuprà Leodium eſt oppidum prope Moſam, ad decem milliaria.

Cum

Cum essemus urbi propinqui, tumultuose eruptionem illi faciunt, sed absq; magna contentione reijciuntur. In his turbis euadit ipforum Episcopus, & se nobis adiungit. Miserat eò Romanus Pontifex legatum, qui cognosceret de controuersia ciuium & Episcopi, uerum ille suæ legationis modum excedens, quòd eius loci Episcopatum ambiret, fauebat ciuium rebus, eisq; fuit author, ut sumptis armis, uim à se depellerent: cumq; periclitantes uideret, frustra conatus profugere, captus fuit unà cum suis familiaribus. Ea re nunciata, Carolus mandat ijs, qui ceperant, ut aliquò ipsum tra-  
ducerent, & pecuniam ab eo, tanquā à mercatore quo-  
piam extorquerent: quòd si palam ad se deduceretur,  
cogi se honoris et officij causa, in gratiam Ecclesie Ro-  
manæ, illum libertati restituere. Inter eos, qui ceperant, natum est dissidium, cumq; causam apud Carolum disceptarent, ille captiuum in suam fidem & potestatem accipit, & quum honore etiam affecisset, omnia ei restitui iubet. Primum nostrum agmen, cui Mareschallus et Imbercortus præerant, Leodium contendunt læti, tanquam explorata uictoria, & spem direptionis præferbant conditionibus oblati, nec opus esse putabant, reliquas copias, quæ sequebantur, interiectis aliquot milliaribus, expectare. Celeriter igitur progressi, ueniunt in suburbium. Nox erat, nec quò diuerterent, habebant, & locus erat angustior, et nullis ordinibus errabant Hanc opportunitatem conspicati hostes, qua parte urbis

prostrata erant moenia, erumpunt, perq; uineas & col-  
 liculos impetum in nos faciunt, & seruos, qui ad exi-  
 tum suburbij seruabant equos, magno numero interfi-  
 ciunt, reliquis in fugam coniectis. Desiderati sunt à no-  
 bis in eo tumultu circiter octingenti, in ijsq; centum  
 cataphracti. Qui uirtute prestabant, consociatis armis  
 impetum demorantur & sustinent, cumq; signis mili-  
 taribus contendunt ad portam, ut reliquos eruptione  
 prohiberent. Solum erat ex continentibus pluuijs ualde  
 coenosum. Oppidani, confertissima multitudine, cum  
 tedis & grandioribus lucernis cogitabant se foras  
 eijcere, ut nos adorirentur, sed tormentis emisiss in ui-  
 am, quâ ueniebant, & plurimis interfectis, nostri coge-  
 bant eos referre pedem, & occludere portas. Verunta-  
 men in suburbio totam noctem erat perpetuus tumul-  
 tus, & postquam illuxit, omnino pulsifuerunt, amissis  
 aliquot ducibus. Eruptiones illae, tametsi necessario  
 fiant aliquando: ualde tamen sunt ijs, qui obsidentur  
periculose. Nullam enim isti faciunt tam paruum iactus  
ram, quin eis, & propter paucitatem ipsorum, et simul  
propter difficultatem recuperandi noua praesidia, lon-  
gè maxima uideri debeat. Quid actum esset, ilicò nun-  
 ciatum fuit ad Carolum, qui cum reliquo exercitu abe-  
 nit ad quatuor milliaria. Principio ferebantur omnes  
 pariter esse trucidati, nihilominus ille progreditur: si-  
 mul mandat, ne quid efferatur ad regē. Vbi propius ad  
 urbem uenit, ex diuersa parte letior allatus est nūcius:  
 opinio

opinione pauciores interiſſe : nullum, qui in aliquo ſit numero, interfectum : ſed uerſari tamẽ militem in ſummis anguſtijs, eò quòd ſuperiori nocte conſtitiffent in acie, proximè ad portam, loco multum lutoſo & incommodo : rediſſe quidem nonnullos ex ijs, qui profugerant, ſed eos tam eſſe animo demiffio & conſternato, ut nihil præclari de ipsis ſperari debeat ; rogare duces magnopere, ut acceleret, quo ipſius aduentu, hoſtis, qui nunc conſertim uno in loco prælietur, ad portarũ & turrium deſenſionem diſtrahatur : nihil etiã ſuper eſſe, quo fames tolerari poſſit amplius. His nuncijs acceptis, Carolus trecentos equites magna celeritate præmittit, qui & confirmarent eos, & cibaria, quæ ſubito comparari poterant, deferrent. Iam enim per biduum cibo illi carebant, cœlo ſupra modum difficili & pluuiò : quodq; omnium erat moleſtiſſimum, ut in urbem inuaderent, nulla ſpes erat, niſi Carolus hoſtem ab altera parte diſtineret. Ex noſtris quàm plurimi erant ſaucij, & inter eos ~~Aurice princeps~~, qui fortiter pugnauerat, & ſtationem ſuam egregiè tutatus erat, cum alioqui magna eſſet noſtrorum trepidatio, & circiter duo millia profugiſſent. Carolus, ad quem ille nuncius ſub ueſperum allatus eſt, ubi rebus omnibus prouidit, quid actum eſſet, tunc demum recitabat regi. Poſtquam ad ſuburbium uenimus, è ueſtigio cataphracti & nobiles complures deſcendunt ex equis, & ſagittarijs ſeſe coniungunt. & capto ſuburbio, deligunt hoſpitijs idæ

nea loca, propius urbem. In ijs erant præter alios, Rad-  
 nestenus & Comes Roscius, Connestablij filius. Rex  
 aliquanto longius aberat in uilla quadam benè ex-  
 edificata, stipatus magno suorum & nostrorum mili-  
 tum numero. Posita est urbs inter ualles, solo admodum  
 fertili, interlabente Mosâ flumine, & tum temporis  
 admodum erat populosa. Inter nos & primum nostrum  
 agmen, si per urbem iter faceres, non erat magnum  
 intervallum, sed foris, propter ingentem circuitum, in-  
 tererat iter trium milliariû, impedita uia & fossis, &  
 rupibus, & uarijs anfractibus, locisq; asperis & mon-  
 tuosis. Quoniam diruta erant undiq; moenia, oppida  
 ni facilem habebant eruptionem: propter soli uero  
 duritiem & asperitatem, nulla erant muniti fossa. Ca-  
 roli aduentu ualde fuerunt recreati milites primi ag-  
 minis, quod hostis iam cogeretur plures tueri statio-  
 nes. Ad mediam noctem oritur tumultus in castris, &  
 undiq; ad arma conclamatur. Statim Carolus accurrit,  
 neq; multò post etiam Rex unâ cum Connestablio.  
 Varius erat ibi clamor, & incertus, et pauoris plenus:  
 cœli etiam obscuritas & tempestas metum augebant.  
~~In Carolo quidem non poterat ulla desiderari fortitu-~~  
~~do uel audacia, sed maior aliquando providentia, &~~  
~~sanè in eo temporis uestigio, non præ se ferebat illam~~  
~~animi præsentiam, quam pleriq; cupiebant, eò quod rex~~  
~~coram adesset; qui in ista trepidatione, cum uideret illi~~  
~~remissius agere, coepit imperare, & prospicere, ne quid~~  
 damni



Johanni acciperetur. & conuersus ad Connestabulum  
 Recipias, inquit, te cum tuis cohortibus in eum locum.  
 ( & simul indicabat ) Nam si uenturi sunt, omnino ex  
 parte erumpent. Sed uanus fuit iste terror, & præter  
 causam excitatus. Postridie rex uenit in suburbium, et  
 diuertit in ediculâ Caroli diuersorio propinquam, unâ  
 cum Scotis stipatoribus. Equitatus autem ipsius non  
 procul aberat in quodam uico. Dum hæc geruntur,  
 Carolus in magna erat sollicitudine, & metuebat, ne  
 rex uel ad hostem transfiret, uel prius quàm urbs cape-  
 retur, profugeret, aut in ea propinquitate contra se  
 moliretur aliquid. In uicino igitur horreo, quod mediũ  
 erat inter ipsum & regem, collocat circiter trecentos  
 equites, qui pariete effracto, ut minori periculo, cum  
 opus esset, erumperent, diligenter obseruabant, quid  
 circa regem ageretur, idq; per dies octo, quo toto tem-  
 pore sub armis quiescebant omnes. Pridiè quàm urbs  
 caperetur, sub noctem decreta fuit oppugnatio in po-  
 sterum diem, ideoq; ijs, qui erant in primo agmine, ad  
 alteram urbis partem, nunciatum fuit, ut simul atq;  
 tormentũ unum & alterum audiissent emitti, eo signo  
 dato, statim ad oppugnationem accurrerent. Carolũ in  
 sua statione idem esse facturum ad octauam horam.  
 His rebus procuratis, arma Carolus deponit, quod an-  
 te id tempus non fecerat, militibus etiam, præsertim  
 illis, quos ad horreũ disposuit, ut idem facerent, man-  
 dat, quò se nonnihil ex labore & uigilia reficeret. Quæ  
 re intela

re intellecta, oppidani constituunt ea quoq; parte, sicut antea fecerant aliunde, eruptionem facere. Atq; hic uidere licet, quam subito Princeps aliquis in maximam calamitatem incidere possit, etiamsi modica sit hostium manus. Diligenter igitur omnia prius, quam ad actionem ueniat, deliberanda sunt. Carebant hostes omni externo presidio, et quos habuerant uiros fortes, ii uel occisi erant, uel uulneribus confecti: portis etiam et castellis et muro et fossa et tormentis erant prorsus denudati. Ex uicina solum regione, uocant Francemontium, collegerant circiter octingentos pedites. Cum igitur res ipsorum esset ad extremum perducta casum, et regem haberent aduersarium, desperata salute, statuunt ingenti eruptione facta, extremum auxilium experiri, ideoq; decretum fuit, ut, qua parte deietus et prostratus erat murus, post domicilium Caroli, fortissimi quiq; prosilirent, circiter sexcenti pedites Francemontani, et in Carolum ex improviso impetum facerent. Erat inter rupes uia multum sinuosa et concaua. Per eam, indicio hospitis Caroli, poterant ad ipsum et ad regem peruenire, priusquam sentirentur, modò tacite irent, nullo excitato strepitu, et ut aliqui per uiam excubitores laterent, putabant tamen se uel opprimere illos, uel etiam praeuenire posse, certissima spe concepta, uel interficiendi utrumq; Principem, uel antequam subueniri eis posset, capiendi: quòd etiamsi interficerentur, tamen nec ingloriam esse ducebant mortem,

mortem, neoiuicundam, re tam insigni & memorabili perfecta, presertim, cum in una uirtute omnis spes salutis consisteret. Atque ut foeliciter omnia cederent, & maiorem nobis trepidationem inferrent, constitutum etiam fuit, ut eo ipso tempore, reliqua multitudo promperet in suburbium, & nos magno clamore adorerentur. Erat profecto in primis arduum, quod moliebantur, & factum difficillimum, etiam multo maiori hominum multitudini, ueruntamen minimum aberat, quin quod cupiebant, perficerent. Nam, ita ut conuenerat, sub decimam horam noctis egressi, circiter sexcenti, nostros excubitores huc illuc dispositos, trucidant, & si recta contendissent ad designatum locum, absque tumultu, dubio procul interemissent ambos principes cubantes in lectulis. Iuxta Carolum erat in tabernaculo quodam dux Alenconius. Hic subsistunt, & hastis perforato loco, ex famulis quendam occidunt. Hinc excitatus clamor, in causa fuit, ut aliqui ex pergefacti, arma caperent. Illinc digressi, regem & Carolum petunt, & ad horreum illud, de quo diximus, morantur, & hastis rem gerunt per ea foramina, quae illi, eruptionis causa fecerant. Qui erant in eo cataphracti nobiles, ante duas modo horas, mandato Caroli, deposuerant arma, ut se nonnihil reficerent, & instaurarent ad oppugnationem insequentis diei: sed tamen ex ipsis aliqui, audito ad Alenconij ducis tabernaculum tumultu, & subita fortuna permoti, arma, quae possunt,

sunt, arripiunt, cumq; nauiter se defenderent, spaciū dabant alijs armandi sese & colligendi. Ea pugna magnū attulit nostris ad salutem momentum, ipsosq; seruauit Principes. Eram ea nocte cum duobus alijs in cubiculo Caroli: supra nos sagittarij duodeni stipatores excubabant, & depositis armis, ludebant alea. Maiores autem excubiæ longius aberant à nobis ad portā urbis. Veniunt igitur illi, eo, quod diximus, indicio, oppugnationem nostras aedes, & aedes quidem celeriter & ardentius, ut uix spaciū nobis esset armandi Principis. Descendimus autem ad inferius tabulatum, ut in uiam nos eijceremus. Hic offendimus sagittarios nostros excubatores, pugnantes in hostem, quem à foribus & à fenestris uix magno labore & contentione reijciebant. Ingens erat undiq; & terrificus tumultus, dum quisq; suam factionem, ut fieri solet, inclamat. Impediti ea pugna cogebamur aliquandiu subsistere, atq; interea non constabat nobis quicquam de rege, neq; comperitum erat, quarum esset partium: quod ualde moleste nobis accidit. Tandem eruptione facta, domum egressi cum aliquot facibus, conspiciamur circum nos undiq; pluribus uijs pugnari: sed concurrentibus ab omni parte militibus nostris, ilico depugnatum fuit. Omnium primus cecidit uiae dux & index, de quo diximus; post etiam alij. propè omnes. Ad eundem planè modum oppugnauerant quoq; regem, strenuè sese defendentibus Scotis, ut qui ab illo nō discederent, & multa conijcerent

conijcerent tela, quibus aliquantō plures Burgundiones uulnerabant, quàm hostes. Oppidani etiam, ita ut constitutū fuerat, porta sese foras uniuersi proripiunt, sed facile fuerunt à nostris repulsi. Compresso eo tumultu, colloquuntur Principes. Erat uidere passim magnam stragem hominū occisorum, et initio quidem uerebantur Principes, ne maiore aliquam suorum idæturam fecissent, uerum paucis admodum interemptis, multi sunt reperti saucij. Quòd si recta fuissent illi secuti uis duces, ut supra quoq; diximus, neq; substitissent in itinere. præsertim ad horreū illud: poterant sine contentione utrunq; Principē necare, et ita quidem sententia, magnā exercitus partē profligassent. Principes obstupesci, et summo opere admirati tantam illorum audaciam, domum reuertuntur. Paulò post coeptū est à nobis deliberari, quid postridiē sit agendū. Rex angebatur admodum in animo, ueritus, quòd si Carolus frustra oppugnaret urbem, fore, ut ipse præ ceteris ualde periclitaretur. Carolus autem metuebat, ne si rex discederet, bellum aliquod excitaret. Atq; hinc uidere licet, quàm sit misera conditio summorum Principum, et quàm inter eos nulla queat esse firma uoluntas aut amicitia. Fecerant hi duo pacem ante dies quindecim, eamq; iureiurando sanciuerant, et tamen ut alter alteri fidem haberet, fieri non potuit. Rex ut ab ea sollicitudine se eximeret, horam unam post quam domum redijt, ex familiaribus Caroli, qui concilio interfuerant,

terfuerant, nonnullos accersit: rogat quid sit decretum. E quibus cum audisset urbem oppugnandam esse, coepit periculi magnitudinem proponere, et rei difficultatem, prudenter admodum, ita quidem, ut plerique omnes adficerentur, eò quod nemo ferè esset, qui non extimesceret oppugnationem, partim ob multitudinem et numerum hostium, partim propter insignem illam superioris noctis audaciam: ideoque maluissent uel differre per dies aliquot, uel cum hoste pacisci. Referunt igitur ad Carolum, quid regi, quid etiam ipsis uideretur: sed tamen à rege dicebant omnia proficisci: propterea, quòd metuerent, ne, si uiderentur diuersum sentire ab eo, quòd constitutum erat, offenderetur. Ille in peiorem partem interpretatus, dicebat hoc à rege fieri, quòd seruaret hostem, longè alium esse rerum statum, denudatum esse hostem moribus, et si qua fecissent propugnacula: iam illa esse distecta tormentis, non se prætermisurum esse oppugnationem: Quòd si rex uellet interea Namurcum discedere, non se repugnare, ueruntamen ita, ne illinc, nisi bello perfecto, digrediatur. Ea oratio nulli magno pere placebat, quòd superioris noctis eruptione, ualde essent metu occupati omnium animi. Rex prudenter et amice respondit, non modo non abiturum se aliquòd, sed uelle etiam interesse rebus omnibus. Sane, si subducere se uoluisset, mea quidem opinione, facile poterat ea nocte. Nam erant cum eo centum sagittarij stipatores,

teres, & nobiles aliquot, & in propinquo trecenti ca-  
 saptracti, sed honoris & existimationis rationem in pri-  
 mis habebat. Sub armis igitur quieti sese aliquantulum  
 dabant omnes, donec illucesceret: nonnulli etiam de sua  
 salute solliciti, faciebant quod in tam presenti pericu-  
 lo fieri solet. Posteaquam illuxit, & iam appeteret ho-  
 ra constituta: Carolus, emissis aliquot tormentis, ita ut  
 decretum erat, signum dabat agmini illi, quod in diuersa  
 uerbis parte longius à nobis aberat. Expediti igitur illi  
 progrediuntur ad oppugnandum. Fit clangor tuba-  
 rum, & signa militaria moenibus inferuntur. Rex cum  
 suis copijs erat in media uia. Cum ad muros uenturus  
 esset: reperimus omnia loca uacua defensoribus, præ-  
 ter unum aut alterum excubitozem. Reliqua omnis mul-  
 tudo præsum iterant, et quoniam sacer erat ille dies  
 dominicus, non putauerant futuram oppugnationem.  
 Parum est certe præsidij positum in promiscua multa-  
 tudine, nisi contineatur aliqua necessitate & imperio.  
 tamen si tempus includit, cum ipsorum furor & repentinus  
 impetus, ualde est perimescendus. Erant illi iam pridem  
 exhausti & fessi, partim anterioris noctis eruptione et  
 tugilia: partim superiorum dierum laboribus & ærum-  
 nis. Cogebantur enim simul omnes ad defensionem sta-  
 re, quoniam undiq; & muro et alijs omnibus præsi-  
 dijs erant denudati. Primum nostrum agmen ante nos in ur-  
 bem peruenit, paucis admodum occisis, eo quod popu-  
 lum trans Mosam profugens, Arduennam syluam &

loca uicina petebat. Qua parte nos eramus, tres modo uiros, & foeminam unam necatos uidi, reliqui omnes aut fuga se mandabant, aut in templa, & edificia sese abdebant. Rex, cum uideret nulla parte resisti: placide progreditur. Eramus in uniuersum ad quadraginta hominum millia. Carolus paulo longius in urbem prouectus, conuertit se ad regem, & cum in curiam eum deduxisset, contendit ad aedem diuo Lamberto sacram, quod est eius urbis amplissimum templum. In illud milites conabantur irrumpere, ut praedam auferrent, & tanta quidem fuit uis illorum, ut etiam praesidio & custodia, quam Carolus ibi collocauerat, cohiberi non possent, quominus in utramque portam eius templi inuaderent: in eoque tumultu uidi, cum ipsemet è suis familiaribus quendam interfecit. Sedata uix tandem turba, qui confugerant eo, capti fuerunt una cum bonis. Praeter hoc templum, reliqua fere omnia direpta fuerunt, dum simularent milites, inuestigare se hostem profugum & latitantem. Pontifex Romanus deinde sacris interdixit, omnibus, qui, quod è templis abstulissent, non redderent. Hoc illius edictum Carolus per suas prouincias omneis iussit esse ratum. Capta urbe atque direpta, Carolus sub meridiem redit in curiam. Rex iam pransus erat, & magnum latitiae signum praeseferbat, ualde praedicata uirtute et fortitudine Caroli, ad quem haec omnia sciebat deferri. Nec enim aliud spectabat, quam ut primo quoque tempore domum rediret. A prandio

uenit



uenit in colloquutionem cum Carolo, et sicut antea uenibementer predicauerat apud alios absentem: ita quoque tunc presentem et coram, non poterat satis magnis laudibus efferre. Sed nunc aliquantulum digrediar ad oppidanos, ut demonstrem, quod in his commentarijs non semel dixi, quam sit res periculosa, et plena calamitatis, facere aduersum praelium. Fugiebant miseri cum uxoribus et liberis ad Arduennam syluam. Profugientes, nobilis quidam uir eius regionis, qui rebus secundis amicus illorum fuerat, oppressit, et ad motum fortune se quoque mouit, et ut uictori gratificaretur, datis literis, plenior etiam atque uberiora ad ipsum nuntiabat, eaque ratione fuit ei reconciliatus. Alij fugiebant Maceras, Gallie oppidum, ad Mosam, in finibus Campanie positum. Duces aliquot ipsorum, captiui ad Carolum perducti, supplicio fuerunt adfecti. Ex multitudine nonnulli, et fame, et frigore, et longis exhaustis uigilijs moriebantur. Quinto die post captam urbem, rex per eos, quos a se putabat esse non alienos, Carolum de sua protectione sollicitat, sed et ipse collocutus, ait, si praeterea sui possit esse usus aliquis, ne labori suo uel periculo parceret, sin minus, ut eius uoluntate sibi discedere liceat, quod in senatu Lutetiae curet pactiones recitari. Sic enim fert Galliae consuetudo: et alioqui non sint ratae future, tametsi regum potestas in ijs rebus omnibus est singularis et eximia. Rogabat etiam, ut per aestate alicubi in finibus Burgundiae conuenirent, animi recreandi causa. Ille, tametsi non nihil

submurmurabat: annuit tamen, & uolebat presente rege denuo recitari conditiones, ut si quid in ijs offenderet, id palam contestaretur, & liberum ei faciebat, ut uel ratas haberet illas, uel repudiaret, nonnihil etiam excusabat, quod ipsum eousq; perduxisset. Deinde, pro nobilibus illis, qui nuper ex Burgundia uenerant, quorum possessiones atq; facultates rex tenebat, intercessit ut in integrum restituerentur. Rex, licet agere ferret hanc intercessionem, assentitus est tamen, ea lege, si ipse inuicem restitueret Comitum Niuernensem, & familiam Croiorum. Eius rei iniecta mentione, nihil amplius urgebat. Sic enim illos oderat, ut reconciliationi nullus esset locus. Quantum ad conditiones attinet, rex aiebat, nolle se quicquam mutare, atq; ita discessit, per aliquod uisum spaciū deductus à Carolo. Cum essent digressuri, percontatus eum rex, Si frater, ait, qui nunc est apud Britannum, nolit esse contentus illa portione hereditaria, quam in tui gratiam dedi: quid uis ut faciam? Carolus repente, nihil prameditatus, quod si recuset, inquit, fac ut eum quacūq; ratione pacatū reddas: equidem uestro arbitrio totum hoc permitto. Que sola uox magnorū deinde motuum causa fuit, ut postea dicemus. Abeuntē ex nobilitate complures, mandato Caroli, prosequēbantur in fines usq; Gallie. Carolus interea Leodij substitit, qua in urbe nullum genus atrocitatis prætermissum fuit. Crudeliter enim multā gesserant & effrenatē Leodienses in Burgundiones, iam inde ab auro Caroli, ruptis

omnibus pactionibus: et quintus hic erat annus belli, quod cum eis gerebat. Et quanquam Pōtīfex Romanus eis interdixerat sacris, propter cōtumelias Episcopo factas, pergebant tamen in sua infamia, contemptis omnibus edictis. Post abitionem regis, Carolus constituit, proficisci in uicinam regionem Francemontanam, è qua prodierant sexcenti illi pedites, de quorum audacia insigni supra diximus. Verum antequam discederet, captiui, qui occupata urbe, sese passim in edificijs abdiderant, magno numero in flumen precipitati, submergebantur. Mandabat etiam, ut urbs excureretur tota. Eius gocio destinati sunt ad quatuor hominū millia, Luxemburgenses omnes, quibus iniunctum fuit, ut à templis incendium prohiberent. Primum igitur omnium rescinditur insignis pons lapideus, qui Mosam coniungit: et disponuntur milites, qui à Canonicorū aedibus, et ab omnibus templis uim arcerent. Post hæc, Carolus urbe excedit, et uix paululum progressi, conspiciamus ignem multis in locis per urbem, ad oram fluminis. Ac licet eo die conficeremus ad quatuor milliaria, tantus tamen extitit clamor et strepitus, ut nobis planè uideremur esse in propinquo. Tempia propè omnia fuerunt incendijs erepta, et circiter trecentæ domus in usus Ecclesiastici ordinis hominum: quæ deinde causa fuit, ut ex his reliquijs, breuissimo tempore, urbs reedificaretur, Francemontanos bipartito sumus aggressi, disiectis ipsorū ferarijs officinis, quæ sola ferè ratione uictum sibi parant

eius regionis miseri homines, qui cum in sylvas profu-  
gissent: peruestigati à nostris, partim occisi, partim cap-  
ti fuerunt, & rebus omnibus exuti. Tam grauis autem  
erat hyems, tantamq; frigus, ut ex nostris vir quidam  
nobilis, pedem, alius uero digitos manuum amitteret.  
Vinum sic erat astrictu gelu, in ipsis uasis, ut securi fra-  
ctum distribueretur militibus, qui ascito aliunde calo-  
re, circumferebant illud, donec liquesceret. Commorati  
ibi per dies octo, cibarium inopia coacti, discessimus.  
Carolus per Namurcorum fines in Brabantiam reuer-  
sus, honorificentissime fuit exceptus.

## PHILIPPI COMINAE

commentariorum Liber quartus.



EX à Carolo digressus, redijt in Galli-  
am, & uidebatur non impatienter il-  
lud ferre, quod Peronæ & Leodij acci-  
derat. Renouatum est quidem inter eos  
bellum, uerum, interiecto aliquo temporis interuallo.  
Et quamquam illa Peronensis custodia conciliauit ali-  
quod odium: non tamen fuit præcipua belli causa, &  
pacis conditiones erant regi non intolerabiles: Verum  
Carolus, & impulsus ab alijs, & etiam sua sponte, co-  
gitabat amplificare fines: deinde, subtili quadam ra-  
tione iacta fuerunt nouæ simultatis atq; disidij semina,  
ut suo

ut suo loco sum dicturus. Frater regis, ubi de Peronensi compositione accepit, misso legato, petit in eius ditionis quam rex dare promiserat, possessionem mitti. Carolus etiam magnopere hortabatur eum, ne aliam provinciam, præter Campaniam, et huic adiuncta loca, sibi pateretur obtrudi: mentione facta, quam esset eius studiosus, ut qui rationem non ipsius tantum, sed et Britannii, in hac pacificatione habuisset, cum ab eis tamen antea fuisset exclusus atque desertus. Orat igitur, ut Campaniam postulet sibi tradi, quæ quidem regio sit utriusque persopportuna: Nam si rex aliquid adversus ipsum aliquando molitur, fore sibi non difficile, opem ei ferre ex vicina Burgundia. Ille vero, tamen si nicesimum ætatis annum excesserat, totus tamen ab alijs pendebat: et commedabant inter principes in hac causa crebri internuntij. Rex enim, qui nollet eos pariter sibi finitimos esse, aut ijs locis inueterascere, nihil minus habuit in animo, quam dare Campaniam: sed conabatur ei totis viribus persuadere, ut ea ditione relicta, susciperet bonam Aquitaniam partem. Ille autem inuitus admodum eò descendit, veritus, primum, ne Carolum offenderet, deinde, si quidem assentiretur, ne non servato promisso, delusus à rege, et præstantissimi amici et facultatum iacturam faceret. Cum igitur frustra se rex moliri uideret: Odietum quendam, virum nobilissimum, et summæ apud fratrem autoritatis, magnis præmijs et pollicitationibus conducit, ut ad Aquitaniam possessionem illi impellat,

quæ Campania longe sit amplior et copiosior: cupere  
 se perpetuam cum ipso colere amicitiam, et fraternam  
 ei benevolentiam præstare: hanc autem rationem sibi  
 uideri optimam, et utriq; commodissimam; non dubi-  
 um esse, quin, quod polliceatur, exhibeat. Odetus con-  
 ditionem accipit, et Principi suo, quod rex cupiebat,  
 persuadet, inuitissimo Carolo, ipsiusq; legatis, qui tunc,  
 quem istud perficeretur, aderant. Cardinalis autem Bal-  
 uensis, quod fratrem regis erat literis hortatus, ut pactio-  
 nem Peronensem urgeret, in carcerem coniectus fuit. Quibus  
 rebus constitutis, regi cupiditas quædam maior in-  
 cecit ulciscendi, quam sibi putabat à Carolo factam esse  
 iniuriam, atq; ut id perficeret, putabat se nactum esse  
 tempus idoneum, initis igitur clandestinis consilijs, hoc  
 agit, ut oppida illa, quæ sunt ad Somiam flumen, excita-  
 to motu, et rebellionem facta, militem suum admittant.  
 Principes, illi præsertim, qui non sunt inepti, suis nego-  
 cijs aliquam semper honesti speciem prætexunt. Atque  
 ut intelligi possit, quàm sint in eiusmodi rebus ingenio-  
 si Galli, recitabo, quicquid in huius causæ tractationem  
 incidit. Nam et redintegratum est inter utrosq; bellum,  
 et in eo suscipiendo circumuenti fuerunt ambo. Rex insi-  
 mulabat Carolum nimie cupiditatis, quod præter ius  
 et æquum uellet proferre limites, ideoq; totus in hoc erat,  
 ut illa, quæ diximus, oppida, molirentur res nouæ. Ibat  
 ultra citroq; nuncijs qui mittebantur à rege, per eas ur-  
 bes, quas ille sollicitabat, iter faciebant, eaq; tunc occasione  
 mandata

mandata secreto perficiebant. Quoniam belli nulla erat suspitio, facta nuper pace, nullis presidijis ea loca continebantur. Vt unum ex alterum oppidum rex occuparet, non erat facturus bellum, sed eo tendebat, ut per omnes Caroli provincias, populum ad rebellionem concitaret. Ad eam rem, non deerant, qui magna pollicebantur, quasi favore ex gratia plurimum in ditione Caroli possent. Verum, etsi doloris ac offensionis causam aliquam rex habebat: tamen, si quod postea evenit, praeogitasset: non erat uiolaturus pacem, quam trimestri post, quam Lutetiam redijt, diuulgari iussit. Timide quidem renouauit bellum, sed incitabat eum ultionis amor. Deinde Connestablius, magni uir consilij ex uirtutis, ac familiares aliquot Aquitania Ducis, bellum, quam ocium malebant. Pacis enim tempore metuit Connestablius, ne, quos habebat a rege prouentus ex pensiones, diminuerentur: Ad haec, plerique regem eo esse ingenio dicebant, ut si nullas haberet externas occupationes, domi turbas excitaret, ex quia suis commoditatibus ocium illius putabant esse contrarium, ideo dabant operam modis omnibus, ut ad arma protruderetur. Et Connestablius quidem, quod possessiones haberet in finibus; promittebat se occupaturum esse facile Sanctoquintinum, neque sibi deesse rationes, instigandi aduersus Carolum, multas ex Brabantiae ex Flandriae ciuitates. Aquitanus etiam, qui ei concilio intererat, auxilia promittebat, circiter quingentos equos

phraſtos. Et licet bellum iſti ſuaderent, atq; in Caroli  
 perniciem uiderentur conſpiſſe: longe tamen alium  
 ſinem ſpectabant. Rex, quum uellet uideri, non ſi-  
 ne cauſa bellum ſuſcipere: conuentus egit apud Tu-  
 rones, quod neq; ante id tempus unquam fecerat, nec  
 poſtea fecit, uerum eos conuocauerat ſolum, de quo-  
 rum uoluntate nihil dubitabat. In eo conuentu expo-  
 ſuit, quàm iniquè Carolus multa in detrimentum Gallie  
 moliretur. ſimul nobilem quendam ſummittit, qui gra-  
 uiter conqueſtus, iniurias ab illo ſibi factas eſſe complu-  
 res dicebat: in primis autem, quod fide illi eſſet obſtri-  
 ctus, et cogeretur ei ad quoduis etiam bellum auxilia  
 polliceri. Aderant in eo concilio multarum ciuitatum  
 legati. Communi tandem conſenſu omnium decerni-  
 tur, Carolum euocandum eſſe Lutetiam in ſenatum, ad  
 certam diem. Sciebat enim Rex, futurum, ut ille ad  
 hunc modum citatus, aut ſuperbè reſponderet, aut ali-  
 quid in contemptum ſenatus admitteret: quo maiorem  
 ſe uidebat habiturum eſſe faciendi belli occaſionem.  
 Mittitur ilico nuncius publicus, per quem, Gandau-  
 dum iret ad ſacrum, citatur. Præter opinionem hoc ei  
 prorsus accidit, et ubi per dies aliquot in cuſtodia nun-  
 cium detinuiffet: dimiſit. Certior autè factus à nouis  
 ſis, quid ageretur: ex promiſcua multitudine conſcribit  
 militem mercenariū, ut in omneis caſus eſſent expediti:  
 Eorum delectus habebat ſingulis menſibus. Tandem  
 cepit enim tedere huius impenſe. Itaque omni ſe  
 metu



metu liberauit, remissa cura & diligentia, praesentim,  
cum frequentes acciperet à rege nuntios, et in Hollandiam sese contulit, nullo relicto milite in praesidijs, ad finium defensionem: quae quidem res infelicitè evenit, ut postea dicemus. Dum esset apud Hollandos Borbonius ei nunciat, fore, ut brevi nō in Picardia tantum, sed & in Burgundia ei bellum inferatur: quosdam è suis communicasse consilia, suamq; operam regi esse pollicitos. Eo nuncio valde fuit commotus. Nec enim militem habebat ullam, & quas nuper conduxit copias, eas dimiserat. Traiecto igitur mari, Hesdinum venit, quod est apud Atrebatos oppidum. His demum aliquam suspitione collecta de rebus, quae secretò gerebantur, lentè nihilominus & remissius agebat, quòd rumor ex auditionibus illis fidem non haberet. Cumq; duos cives Ambianos, de quibus nō bonam habebat opinionem, decessuisset, audita illorum purgatione, satisfactionem accepit. Verum in hoc tempore quidam eius familiares, ipso deserto, transierunt ad regem. quò magis metuens coepit, ne alij hoc exemplum imitarentur. Itaq; suos in armis esse iubet. Sed & hyems suberat, et ab Hollandiam primum redierat: quae causa fuit, ut pauci admodum expedirentur. Postquam illi, de quibus diximus, ad regem se contulissent: Connestablius Sanctoquintinum ingressus, oppidanos fide & iurjurando regi dedit. Tunc primum Carolus periculum suum agnovit. Nam & imparatus erat, et tribunos militumq; praefectos emis-

hos emiserat, ut copias contraherent: ueruntamen cum  
 illis ipsis, quas habebat, cohortibus, Dorlanum profici-  
 scatur, comitatus circiter quingentis equis, ut Ambia-  
 nos uacillantes contineret. Ibi per sex dies substitit.  
 Exercitus regis, qui erat in propinquo, certa die pro-  
 pinqua urbem accessit, sed quod e ciuibus nonnulli rebus  
 Caroli fauebant, non fuit intronissus. Et si Carolus  
 maiorem habuisset manum, seruasset urbem. Cum au-  
 tem propter paucitatem suorum non auderet progre-  
 di: qui contrarias partes in oppido sequebantur, co-  
 motu deprehenso, regium militem admittunt. Idem con-  
 giungunt Abbeuillam perficere, sed Cordaeus maturè in-  
 gressus, anteuertit. Carolus de capto Ambiano certior  
 factus; quia Dorlanum ab eo quinq; tantum miliaria  
 abest, celeriter illinc digressus, Atrebatum profici-  
 scitur, ualde sollicitus, ne plures à se deficerent, præ-  
 fortim, cum se uideret undiq; septum esse propinquis  
 et amicis Connestablij: Sed et domesticorum illo-  
 rum, quam dixi, transitus ad regem, augebat ei metum et  
 suspicionem: cogebatur tamen interea is, quem con-  
 scribi iusserat, exercitus. Rex, qui crederet se iam per-  
 uenisse quò uoluit, nitebatur totus Connestablij et ali-  
 orum pollicitationibus: et nisi ea spes ipsam excitas-  
 set, non erat eo usq; progressurus. Iam uero, quomob-  
 rem, Connestablium, et Aquitanie Dux, et eius fami-  
 liares tantopere cuperent bellum antea sedatum renou-  
 are, dicendum est. Vnam et alteram causam paulò  
 supra

supra recitavi, sed hæ non erant precipue. Aquitanum in matrimonium habere cupiebat Caroli filiam unicam: & ipse quidem Carolus aliquando interpellatus, non admodum repugnabat, sed ut prorsus assentiretur, impelli non potuit, & consimili spe multos alios alebat. Ambiano & Sanctoquintino in Regis potestatem adductis: Aquitanus ad Carolum, qui apud Atræbates exercitum instruebat, literas mittit breves admodum, in hæc uerba. Da solum operam, ut ditionis tue populum habeas non alienum abs te, quantum ad reliqua pertinet, ne sis sollicitus, nec enim amici tibi deerunt. Carolus, qui initio rebus ualde metuerat, misso legato, Connestablium orat, ne bellum nimis infeste gerat, quod sibi nihil opinanti, neq; præmonesacto sit illatum. Eo nuncio multum exhilaratus ille, quod se rede-  
gisse Carolum putabat eò loci quo cupiebat, respondit, uersari ipsum haud dubie in maximo discrimine, & unam modo rem huic difficultati subsidio esse posse, nempe, si filiam Aquitano dederit uxorem. Ita futurum, ut præter generum, alij etiam Principes auxilia subministrarent: se quoq; Sanctoquintinum esse redditurum, & paratum arma sumere pro ipso. Quod nisi matrimonium hoc interueniat, non esse integrum sibi, quicquam tentare, propter eximiam regis potentiam, qui & exercitum expeditum, & per Flandriam multos habeat à se non alienos. In eam sententiam plurima nunciabat plena terroris, imprudenter sanè faciuna,  
qui suos

qui suos Principes in metu continere uolunt, nec ulli  
 cui ea res bene cefferit, noui, Spectare hoc licet in Con-  
 nestablio: Nam tametsi ad regem se contulerat: ipsius  
 tamen facultates omnes ac liberi erant in potestate Ca-  
 roli. Constituerat ambos tenere dubios inter spem et  
 metum, sed eius audacie tandem poenas dedit. Cum  
 enim nemo sit omnium, qui non cupiat se in libertatem  
 asserere: qui non male uelit ijs, à quibus aliqua serui-  
 tute uel metu coercetur: hæc sanè libertatis cupiditas,  
 et seruitutis odium, maxime uigent in Principibus.  
 Carolus igitur acceptis Connestablij mandatis, quoni-  
 am intelligebat eum huius belli facem accendisse, ma-  
 gnam aduersus eum concepit odium, inprimis autem  
 idèd, quòd ille quibusdam terriculamentis cogitaret si-  
 bi nuptias extorquere. Et quia coactas iam copias ha-  
 bebat: nihil erat magnopere sollicitus. Ex ijs, quæ de  
 Aquitano primum ac de Connestablio deinde diximus,  
 facile est uidere, de composito rem inter ipsos actam  
 fuisse. Nam eodem serè tempore, Britannus etiam mul-  
 ta in eandem sententiam, et serè terribiliora nuncia-  
 bat: nec id modo, uerum etiam è suis proceribus cui-  
 dam potestatem fecit, ut cum centum cataphractis Bri-  
 tannis regi militaret. Quæ omnia eò recitauimus, ut demon-  
 stre, primum, eo consilio bellum hoc susceptum fuisse,  
 ut Carolus ad nuptias cogeretur: deinde, regem à suis  
 ludificatum fuisse, quando iniecta spe rebellionis, per-  
 ditionem Caroli, ad bellum fuit impulsus. Ficta enim  
 erant

erant propè omnia, & temere excogitata, tametsi Con-  
nestabilius, odio Caroli, quem à se grauius offensum &  
exacerbatum esse nouerat, fidelem & egregiam ope-  
ram in eo bello regi præstabat. Sed et Aquitanus acriter  
bellū gerebat, ideoq; res Caroli malo erant loco. Quod  
si uoluisset initio spondere nuptias: qui nunc ipsum op-  
pugnabant, conuersis armis, conati fuissent totis uiri-  
bus potentiam regis infirmare. Sed qualiacunq; tandem  
sint hominum consilia, Deus pro suo arbitratu solus  
omnia moderatur. Acciderunt hæc omnia, breui tempo-  
ris interuallo. Nam capto Ambiano, quindecim post  
diebus, Carolus cum exercitu prope Atrebatum conse-  
dit. Nec enim retrocesserat longius. Inde rectā contem-  
nit Piccenium. In uia sit obuius ei tabellarius quidā Bri-  
tanni, cum eiusmodi mandatis. Regem inter alia mul-  
ta nunciasse Britanno, se per dittones Caroli, mul-  
tos habere amicos, in primis autē Antuerpiæ & Bru-  
xellæ & Brugis, & constituisse ipsum circumuallare,  
quocunq; tandē loco deprehendat. Hæc ille Carolo si-  
gnificabat, in gratiam, ut opinor Aquitani, quò magis  
eum ad nuptias instigaret. Verum Carolus in sinistram  
partem interpretatus omnia, statim, non interiecta mor-  
ra, respondit, Britanno sic esse persuasum à suis aduer-  
sarijs & maleuolis, eo consilio, ut perterrefactus hac  
ratione, sibi nō ferat opẽ, q̃ alioqui facere debeat, pro  
communi foedere & societate inter ipsos: Gandauum,  
et eas, de quib. dixisset urbes, multò esse maiores, quàm  
ut circum-

ut circumfideri poffint, & firmiores, quàm ut breuiter  
& facilem habituræ fint oppugnationem: domum re-  
uerfus diceret Britanno, fe conftituiffè trajicere Som-  
iam flumen, & prælio decertare cum rege, ubicunq;  
tandem eius rei poteftas futura fit: orare fe Britannum,  
ut fe contra regem adiuuet, eamq; fidem & amorem  
fibi uiciffim præftet, quàm ipfe in Peronenfi pacifica-  
tione illi præftiterit. Poftero die uenit Piccentiam, quod  
eft ad Somiam oppidum, natura munitum, atq; ibi con-  
gitabat ponte coniungere flumen: fed erant forte in  
oppido circiter quingenti fagittarij, & pauci quidam  
nobiles. Li cum uiderent tranfeuntem illum, eruptione  
facta, tam longe funt progrefsi, ut terga dare cogerentur,  
plerisq; defideratis, ante quàm receptum haber-  
rent ad fuos. Capto deinde suburbio, & tormentis ali-  
quot admotis, tametsi ea parte, propter interiectum  
flumen, capi non poterat oppidum: fagittarij tamen  
metu perculsi, cum uiderent pontem effici, & ueriti,  
ne ab altera parte obfiderentur, in fugam conuerfi,  
difcedunt è ftatione, relicto oppido. Castellum uero,  
cum per unum & alterum diem fufinuiffet impetum  
hoftilem, deditionem fecit. Ea re perfectâ, licet non  
admodum magni effet momenti, factus eft animofior  
Carolus, ac motis inde castris prope Ambianos con-  
fedit, affirmans, herere fe ijs locis, & expectare, an  
prælio rex concertare uellet. Tandem ita propè ad  
urbem acceffit, ut tormentis etiam, modo uellet, op-  
pugnare

pugnare posset, atq; ita per mensem unū & dimidiatū ibi restitit. Erant in oppido pro rege, mille quadringenti cataphracti, & quatuor sagittariorum millia, quibus omnibus & Connestablius & Amirallius, & proceres alij multi praeerant. Rex interea cogebat exercitum apud Bellouacos, & erant cum eo frater Aquitanus, et Nicolaus Calabriae Dux, natu maior filius Ioannis Calabriae & Lotharingiae ducis, & res unicus familiae, et domus Andegauensis. Qui erant Ambiani in praesidio, cōstituerant eruptionem facere in Carolum: si modo rex eum, quem habebat in Bellouacis exercitū, auxilio mitteret. Rex autem certior factus, prohibuit, ne quid tentarent. Tamen si enim haec eruptio uidebatur posse non incommode fieri: tamen ipsis, qui erumperent, erat fortasse periculosa futura. Duabus enim portis erant erupturi, quarum altera nō procul distabat à nobis, ideoq; si reiecti fuissent, quoniam pedites erāt omnes: & se & urbem in discrimen adduxissent. Dum haec geruntur, Carolus per adolescentem quendam, Simonem Quintianum, dat literas perbreues ad regem: queritur ualde sibi dolere, quod instigatus à nonnullis, bellū sibi intulisset, quod sua quidem sententia, facturū nō fuerit, si modo recte fuisset de rebus omnibus edoctus. Alter Regis exercitus in Burgundia foeliciter rem gerebat, plerisq; omnibus, qui resisterant, profligatis, & captis aliquot castellis. Ea re commotus fuit nonnihil Carolus, ueruntamen longe diuersum rumorem in castris edidit. Acceptis

H

literis rex, ualde fuit exhilaratus, iamq; tadebat eum  
 mora & longioris belli. Posteaq; ad eas respondit, pote-  
 statem suis fecit, qui erant Ambiani, ut de inducijs cum  
 illo agerent: quæ primum quidem pactæ fuerunt in dies  
 aliquot, postea uerò in annũ, nisi fallor. Grauitè istud  
 tulit Connestablius, qui, tametsi aliter nonnulli sentiret,  
 infestissimus erat Carolo, & post aliquot: inter ipsos cõ-  
 mutata uerba, graue conceperant odium, alter in alterũ  
 Interea tamen per internuncios aliquot præbebant a-  
 micitiæ speciem. Connestablius quidem, quòd opinio-  
 nem amicitie cum Carolo, sibi uidebat utilem esse ad re-  
 tinendam authoritatem: Carolus autem, ut odij dissim-  
 ulatione, Sanctoquentinum aliquando recuperaret.  
 Quoties enim aliquid incidit, ut regem uereretur Con-  
 nestablius: promittebat Carolo eius oppidi restitutionem,  
 nec id modo, uerum etiam iubebat aliquando  
 propius eum accedere cum copijs, intromittendi spe  
 magna iniecta. Cũq; Carolus fidem eius & promissa  
 non semel secutus, id tentaret: ille mutata sententia, di-  
 uersum renunciabat. Nam quia summam obtinebat au-  
 thoritatem, et amplissimas habebat à rege pensiones an-  
 nuas: cogitabat eos per hæc dissidia continere in perpe-  
 tuo metu. sed consilium ipsius erat periculi plenum, ob-  
 uirtutem & potentiam et industriam illorũ. Pactis in-  
 ducijs, & dimisso exercitu, rex in Turones proficisci-  
 tur. Et is quidem fuit aliquandiu rerũ status. Carolus ad  
 suos reuersus, conuentus agit, in ijsq; demonstrat, quan-  
 to suo



to suo factum sit detrimento: quod in promptu non habeat, & in omnem euentum expeditas copias: Quod si quingentos tantum habuisset cataphractus, ad tuitionē finium, non fuisset regem denuo facturum bellum: et nisi provideat, imminere sibi suisq; prouincijs multo maiora incommoda. Quamobrem hortatur & instat, ut stipendia cōferant, quibus alat oclingentos cataphractus. Populus, & si grauātē id faceret, assenserunt tandem id temporis, eiq; centum & uiginti aureorū millia debebant, in eaq; collatione non fuit comprehensa Burgūdia. Sanē, nō absq; causa difficulter & inuitus eō descendit populus. Mouebat eos exemplū Gallie, quæ perpetuum alit equitatum. Sic enim sunt Principes, ut paulatim crescat in ipsis ambitio & cupiditas: et quā maioribus nituntur præsidijs: eō facilius captant simultatum & dissensionum occasiones cum uicinis. Hæc, de qua diximus, contributa pecuniæ summa, creuit deinde ad quingenta millia, creuit etiam numerus equitum, non absq; magno populi dispendio. Verum quidem est, equæstres illas copias, bonam operam posse nauare, quando reguntur prudentis alicuius Principis autoritate: sed si Princeps aut imperitior sit et ignauus, aut liberos relinquat paruulos: magis ferē nocent, quā prosunt prouincijs, quarum defensionī sunt destinatæ. Augescebat in dies magis atq; magis odium inter regem et Carolum. Aquitanus etiam domum reuersus, per legatos frequēter Carolū de nuptijs sollicitabat, et alabat.

bona quadam spe. sicut alij multi. Sed arbitrør, Carolus non fuisse daturum ulli suam filiam, ac seruaturum potius, ut affinitatis iniecta spe, multorum amicitiam sibi conciliaret. ~~Moliebatur enim res ingentes, ac tales omnino, quibus perficiendis humana uita nõ sufficiat.~~ Vix enim dimidia pars Europæ, mentem illius potuisset explere. Animo quidẽ erat inuictò, et ad omnia subeunda parato, et ea corporis firmitate, ut quemuis laborem sustineret: deinde ijs facultatibus et potentia, ut præ ceteris aliquid magni posset: uerũ nec ingenij uim satis magnã, neq; malitiæ satis habebat ad perficiendas res tam arduas. Nam eum, qui late dominari uelit, oportet excellenti quodam et singulari præditum esse ingenio: idq; totũ pendet à beneficio Dei. Quæ in rege erant uirtutes, atq; etiam in Carolo. simul temperatæ: potuissent perfectũ Principis exemplar representare. Sed ingenio certe rex multum illi præstabat, idq; rerũ exitus tandem docuit. Quoniam ad hunc locum peruentũ est: præterire non possum, quin de rebus Anglicis aliquid adferam. Suprà diximus, Carolum, ut firmiori præsidio se muniret aduersus regẽ, et quosuis alios: uxorem duxisse Eduardi Angliæ regis sororem. Erat tũ in Anglia Comes Beruicensis, longè potentissimus inter alios proceres. Is paulò antè quàm Carolus Ambianum uenisset cum exercitu, cœpit dissidere ab Eduardo: ad eamq; dissensionem nonnihil contulerat Carolus, primum: quòd indigne ferret, tantam esse Comitibus illius auctoritatem

in Anglia: deinde, quod non ignoraret, eum esse studiosum Ludouici regis. Verū ea tūc fuit Comit̃is per Angliam potētia, ut multis Angliæ proceribus trucidatis, Eduardum in suam potestatem redigeret, ac ueluti captiuum aliquamdiu seruaret: liberaliter quidem et honestè, sed tamen ademptis ab eo familiaribus. Carolus igitur, cui hæc omnia uehementè displicerent: inuitis clandestinis consilijs, cogitabat Eduardum eripere, cumq; ipso in colloctionem uenire. Tandem eò deducta res fuit, ut elapsus ille, contractis modicis copijs, Beruici Comit̃is cohortes profligaret: sed oppressus tandē ui maiori, cū duabus nauibus, et circiter octingentis militibus profugit, pecunia, et rebus omnino necessarijs destitutus. Miserum sanè spectaculum, uidere tam potentem Principem, possessionibus exutum, fuga sibi salutem petere, et tam indigna pati à suis beneficiarijs. Vixerat per annos duodecim in summis delicijs et altissima quiete, planè securus, et hoc solū spectans, ut quàm suauissime in rebus omnibus haberet. Fugiēs, cursum tenebat in Hollandiam, et tamen si consectarentur eum hostes, tamen, quoniam maiori interuallo præcedebat, elapsus, in orā Frisiæ peruenit, ad oppidū Alcmariam, quod ad Hollandiam pertinet. Eo in loco tum erat illius regionis præfectus, iur̃ honestus, qui liberaliter ipsum excepit, et datis uestibus, nō ipsi modo, sed et eius comitatui, ad Hagā, Hollandiæ uicum perduxit, re omni statim ad Carolum perscripta, qui eo nuncio ualde fuit commotus.

1471.

Intermissis aliquot diebus, uenit ad Carolū Eduardus, apud Atrebatē, eumq; pro auxilijs uehemēter sollicitabat, ut i primo quoq; tempore domū redire posset, affirmans, esse complures in Anglia, qui suis rebus faueant, ideōq; orabat, ne ab ipso, qui et socius esset, et confederatus, et sororius, destitueretur. Carolus autē, ne multorū odia uno et eodem tempore in se cōciteret: palam quidem simulabat, se nullam ipsi opē ferre, idq; publico edicto cauit, clanculum autem, interpositis alijs, iuuit eum quinquaginta millibus aureorū, et classe quatuordecim nauium. Ad hunc modum instructus ille, quo tempore Carolus prope Ambianos cū exercitu substitit aduersus regem in Angliam decurrit: quō simulatq; uenit auxilia reperit, ad duo hominum millia, et in ijs circiter quadringentos nobiles. Qua re cognita, Beruicensis, magna celeritate cum exercitu progreditur, ut Londinum prior occuparet, sed praeuertit Eduardus, et cū ingenti ciuium applausu perbenignè fuit exceptus, contra plurimorum opinionem, eò, quod profligatus esse crederetur. Quod si fuisset ab ea urbe interclusus, actū erat, praesertim cum hostis in propinquo magnū haberet exercitū. Tres autē fuerūt omnino causae, cur faciliē haberet ad Londinenses aditum. Primū, recens natus ei filius, deinde, et conflatum: Creditores enim et reditum ipsius in primis desiderabant, et facultates cupiebant esse quā maximas. Postremo, consuetudo illa et notitia, quā habuit, rebus florentibus, cum eius urbis foeminis,

foeminis, quæ maritos ad commiserationem & lenitatem facile impellebant. Londini biduo commoratus, & cum exercitu profectus in hostem, postridie illi occurrit, die Paschæ. Instructis utrinque copiis ad prælium, Clarentiæ Dux, deserto Comite, cum duodecim millibus hominum transit ad fratrem Eduardum, quæ quidem res et Beruicum uehementer conturbauit, et Eduardum, qui exiguas alioqui copias habebat, multum erexit. Fit pugna longe acerrima, et pedites erant omnes utrinque. Primum Eduardi agmen non mediocrem cladem accepit. Beruicus, cum ea parte copiarum, quas ipse ducebat, Eduardum petit, qui non imperatoris tantum, sed strenui quoque militis officio fungebatur. Habebat hunc morem Beruicus, ut pedes non pugnaret, sed distributo exercitu, & rebus omnibus instructis, consuevit in equum ascendere, et si feliciter à suis rem geri conspiceret, ingerebat se medium, sin minus, fugæ sese mandabat. In hoc autem prælio compulsus à fratre, pedes dimicabat, & adeo fuit acris pugna, ut una cum fratre, & maxima nobilium turba caderet. Angliæ consuetudo fert, ut in præliis, belli duces atque nobiles interficiantur, seruata multitudine: sed Eduardus, cum à Carolo discederet, adiutus rebus necessariis, constituit non uelle, ne multitudini quidem parcere, eod quod contra se arma sumpsisset. Fuit igitur edita maxima cædes. Ipse tantum mille & quingentos à suis derauit. Quo die prælium istud factum fuit: Carolus erat prope Ambianum, ibi per literas certior fit ab uxore

Eduardum esse in ipsum animo minus beneuolo, quod auxilia sibi malignius præbita, et parū abfuisse diceret, quin omnino fuisset ab ipso desertus. Vt cunq; sit, indubitatum illud est, ab eo colloquio, quod apud Atrebatenses habuerunt, extinctam fuisse prope omnem, quæ prius fuit inter ipsos, benevolentiam. Veruntamen Carolus, quod existimabat hanc illius uictoriam ad suas quoque comoditates pertinere: passim diuulgauit eam, dimissis huc illuc nuncijs, Princeps Vuallie, qui secundum regem, primas in Anglia tenet: adiutus à suis confederatis, exercitum habebat ad quadraginta millia. Quod si Beruicensis paululū modo differre potuisset, coniunctus cum ijs copijs: foeliciter, ut est credibile, pugnasset. Sed quoniam erat in eo exercitu Dux Sombressius, cuius patrem et fratrem ille necauerat: idcirco potissimū solus pugnare uoluit, non expectatis auxilijs. Interfecto Beruicensi, et cæso illius exercitu, Eduardus in Vuallensem rectā contendit, qui licet multitudine superaret: aduersum tamen prælium fecit, interemptus ipse cum multis proceribus. Sombressius è pugna superstes, et captus, postridie fuit interfectus. Beruicensis intra dies undecim occupauerat omnem Angliam: Eduardus autem intra dies uiginti totam recuperauit, et parta uictoria, supplicio multos diuersis locis affecit, præsertim cōiurationis Principes. Ab eoq; tempore pacatè quidē uixit, et sine cōtentione fruebatur imperio: sed nō caruit tamen magnis animi molestijs. Quod reliquum est de rebus

rebus Angliæ, suo loco sum dicturus: nunc ad institutum reuertar. Aquitanus continenter urgebat nuptias, propterea, quod cur incepto desisteret, aut desperaret: causam nullam Carolus præbebat, qui tamen nihil minus constituerat, quàm illi in eo gratificari, imò indigne ferebat, esse aliquos, qui putarent, se posse cogi: Connestablius ultro se ingererat, et uoluit omnem huius rei, si perficeretur, laudem et gratiam ad se redire: Idem etiam affectabat Britannus. Rex uero totis uiribus conabatur, tametsi nihil opus erat, impedire matrimonium, duabus de causis, ut aliquando diximus. Sed et Carolus non cupiebat habere tam potentem generum, et hoc solum agebat, ut spe matrimonij complures sibi deuinciret. Neq; uero mirum uideri debet, regem se totum opposuisse. Nam eo confecto negotio, ualde fuisset fratris aucta potentia, qui Britanno deinde coniunctus: in maximas difficultates regem ac ipsius liberos adducturus erat. Commeabant ergo super ea re plurimi inter ipsos nuncij, priuatim alij et secreto, alij uero palam. Que quidem res non caret suis incommodis et periculo. Sub legationum enim specie multa sepe perniciose tractantur. Quamquam sane fieri non potest, quin et multos subinde mittant Principes, et uicissim accipiant, sed prudentia singulari et dexteritate quadam opus est in tractandis exterorum legatis. Et principio, meo quidem iudicio, amicorum legati, de quibus nullam habemus malè suspicandi causam

*San, liberaliter sunt & honestè tractandi, facta subin-*  
*de illis potestate conueniendi Principis, ad quem missi*  
*sunt, modo sit prudens & honesta specie. Nam alioqui*  
*præstat, eum uel rarius conspici, uel non diu insistere*  
*collocationi. Ad quam cum descendit, prouideri debet,*  
*ut sit eleganter uestitus, & de ijs, quæ pronuciari &*  
*respondere oportet, edoctus, & mox reuocetur à con-*  
*gressu. Nec enim diuturna est Principum beneuolen-*  
*tia. Cum autem uel publici uel privati ueniunt ab ali-*  
*quo Principe parum amico, tametsi periculum est in ea*  
*re non leue: excipiendi tamen sunt non incommode,*  
*& destinandi aliquot idonei homines, à quibus tracten-*  
*tur. Hoc enim ad honestatem pertinet, ac simul eò con-*  
*fert, ut quid agant, & quibuscum loquantur, & quos*  
*habeant sibi familiares, cognoscatur, nec id modo, ue-*  
*rum etiam, ut homines leues atq; seditiosi non habe-*  
*ant ad ipsos aditum. In omnibus enim Principum fa-*  
*milijs semper aliqui existunt, qui mutationem aliquā,*  
*& res nouas cupiunt. Et quoniam periculi plenum est,*  
*habere domi suæ hostem: suaserim, primo quoq; tem-*  
*pore eiusmodi legatos dimitti, uerum ita tamen, ne quā*  
*habeant occasionem de inhospitalitate conquerendi.*  
*Sed ne bello quidem exorto, sunt intermittendæ pacis*  
*rationes, aut repudiandi legati, uerum audiendi sunt*  
*omnes, ac inuicem ad hostem mittendi, ijsq; mandan-*  
*dum, ut diligentissime obseruent, quid quoq; tempo-*  
*re geratur, qui cum quibus colloquantur. Crebro*  
enim



enim mittendum est, etiam si hostis iubeat abstineri deinceps, et commeatu prohibeat. Nec enim ullus, quantumvis prouidus et fidus explorator, facultatem habere potest, tam multa cognoscendi, quam eiusmodi legati, qui cum sunt unus et alter, aut etiam plures: fieri non potest, quin aliquid odorentur. Nam, qui sunt prudentiores Principes, id operam dant, ut etiam apud aduersarios habeant quosdam à se non alienos. Verum, si quis tam frequentes mittat internuncios, futurum est, dicat aliquis, ut hostis fiat insolentior. Atqui in eo sane nihil est mali, et interea de ipsius rationibus ac consilijs cognoscetur semper aliquid. Et licet eandem rationem hostis instituat, ut modo dixi, et suos inuicem mittat: non tamen idcirco desistendum est, et uel ob hanc solam causam immorandum est legationibus, ut uaria multa que cognoscantur. Huc etiam accedit, quod non omnes æque sunt ingeniosi: neque parem semper habent rerum usum, et quò quisque prudentior est in eiusmodi tractationibus: eò maiori cum fructu et honore in ijs uersatur. Quod ut clarius intelligi possit: exempli causa quiddam sum dicturus. Pactio nulla facta fuit unquam inter Gallos et Anglos, in qua non ingenij ui et acrimonia Galli præstiterint: adeoque pro uerbo dicitur apud Anglos (quod ipsi aliquando mihi in rerum tractatione recitarunt) Quoties cum Gallis prælio concertauerint, uictores se plerumque fuisse, quoties uero cum illis pacti sint; detrimentum semper aliquod accepisse. Et recte

recte quidem ita iudicant. Habet enim Gallia præstantissimos viros, ex ijsq; noui non paucos, quibus rectissime committi possit maximarum rerum gubernatio: quorum ex numero sunt illi ferè, qui diu multumq; & familiariter cum Ludouico rege uixerunt. Fui aliquanto prolixior in hoc argumento, ut ostenderem, quemadmodum obseruari debeant externorum Principum legati: sed non temerè sum immoratus. Multa enim sub eo pretextu, & ab alijs uidi fieri, & feci ipse aliquando callidè, & insidiosè, quamobrem silentio hæc præterire non potui. Aquitanus aded diligenter agebat suum negotium apud Carolum: ut & uerbo & literis aliqua interueniret pollicitatio. Sed uidi, quando & Nicolaum Calabria Ducem, & Philibertum Sabaudia, & Maximilianum Friderici Caesaris filium, Romanorum regem, consimili quoq; spe ille foueret: idq; intra treis annos omnino. Quod si uixisset diutius: nullum erat sibi delecturus generum. sed Maximiliano ualde profuit ea, quam filia, ipsius mandato fecerat, sponsio, ut suo loco postea sum dicturus. Et hæc quidem omnia recito, non ullius ledendi causa, uerum quòd & ipse ea uiderim, & habeam comperta, & ad formandum iudicium in rebus ciuilibus pertinere mihi uideantur: Sic enim statuo, homines inertes & stupidos & plebeios, non esse daturus ullum tempus his commentarijs, uerum Principes non ignauos, & homines iudicio præditi, non absq; fructu, meo quidem iudicio,

iudicio, in eorum lectione uersabuntur. Interea dum de nuptijs agitur: ineuntur noua consilia contra regem. Habebant Aquitanus & Britannus apud Carolum legatos: & qui à Britanno erant missi, dicebant regē sollicitare quacunq; ratione familiares Aquitanie Ducis, & iam demolitū esse castellum quoddā eius regionis: ex quo facile sit intelligere, quid molitur, hoc scilicet, ut sicut antea Normanniam ex pacto traditā, recepisset, ita quoq; nunc Aquitaniam recuperet. Missis igitur à Carolo super ea re literis & nuncijs, rex ita respondit: Fratrem suum Aquitanie Ducem, proferre nimium fines, & excedere limites: eorum, quæ iam ei dedisset: nihil se quicquam adepturum illi. Atq; hic spectare licet, quàm sint confusa & perturbata Gallie negocia, simul atq; dissensio aliqua nata est, & quàm sit arduum, ea pacificare. Tametsi enim principio unus & alter solum disideant: tamen breui post tempore multi alij studio alterius partis, immiscentur. Sed ferè sit, ut excitata primum offensione, quisq; putet se iam finem & exitum illius prospicere. Inter alia, Britannus et Aquitanus orabant Carolum per legatos, ne Anglorum uteretur auxilijs, quòd essent perpetui hostes Gallie, cuius incolumitatem atq; salutem ipsi modis omnibus cuperent: satis magnas ipsorum esse uires atq; potentiam, ut bellum uel inferant regi, uel illatum defendant: & quod præcipuum sit, esse per Galliam non paucos, neq; uulgares homines, qui rebus ipsorum

ipsorum faueant, & à rege animum auerterint. Ad eam  
 cum Aquitani legatus in eam sententiam ad Carolum  
 locutus, ut copias cogeret, hortaretur. Ibi tum Carolus,  
 ad me conuersus, & paululum secedens: uides, inquit,  
 sollicitantem illum, ut bellum moueam, quod ex usis  
 Gallie futurum esse dicit: An idem quoq; tibi uidetur?  
 Hic ego subridens, dicebam, mihi uideri, non futurum  
 utile. Tum ille: Sum, inquit, studiosior Gallia, quam  
 orator iste putet. Cum enim unum modo sit in Gala-  
 lia rex, ego sane cuperem à senis regibus eam gubernari.  
 In hoc ipso tempore, Eduardus Angliæ rex, qui  
 putabat confectas iri nuptias cum Aquitano: totis ui-  
 ribus conabatur impedimentum aliquod iniicere. Nam  
 quia Ludouicus rex non habebat filium heredem: di-  
 cebat fore, ut illo mortuo, ad fratrem deferretur prin-  
 cipatus et imperium, qui per has nuptias amplificatus,  
 & florentissimarum ditionum possessionem adeptus:  
 in summum discrimen posset omnem Angliam aliquan-  
 do adducere. Vehementer itaq; sollicitus erat, ta-  
 met si præter causam, tum ipse, tum Angliæ procures  
 omnes, ita quidem, ut satisfactionibus Caroli fidem  
 non haberent, & quiduis facturi esse uiderentur, etiam  
 regem adiuturi potius: quam ut matrimonium hoc ip-  
 sorum uoluntate fieret. Videre licet hoc loco, quantis  
 curis hi Principes, ac ipsorum familiares distineantur  
 in summis & arduis negocijs, quorum finem & exitum  
 præuidere non possunt. Nam in istis sollicitudinibus &  
 grauissimis

grauissimarum cogitationum molestijs, è uita decesserunt, alij post alios, inbiantes auidissimè alter alterius morti, maxima curarum et occupationum mole relicta suis heredibus. Quanquā sane Ludouicus, Carolo filio, moriens pacatam tradidit Galliam, hac in re benignior in illum, quàm in seipsum. Erat enim quietis et uicij impatiens: per omnem ferè uitam implicatus bellis atq; dissensionibus, à quibus uix egre sub mortem fuit expeditus. Aquitanus interea, dum ipsius legati Carolus ad bellū hortantur: minus commoda utebatur uoletudine. Cumq; rex apud Xanthones, oppidum quoddam obsideret, legati hoc perfecerunt, ut Carolus Atrebatum profectus, conduceret copias, ac Peronam deinde cum exercitu longe maximo proficisceretur. Habebat enim inter alios mille ducentos cataphractos expeditissimos. Dum apud Atrebates commoratur: duo simul ferè nuncij adferuntur, primum: Calabrie et Lotharingie Ducem Nicolaum, aduentare matrimonij causa. Hunc, posteaquam aduenit, humaniter excepit, bona quadam spe iniecta. Deinde, postero die sunt allatae literae à Simone Quintio, qui ipsius erat apud regem legatus, quibus ille significabat, Aquitanum è uita demigrasse, et regem bonam eius ditionis partem iam occupasse. Earum literarum sententiam multi deinde alij confirmabant. De genere mortis non una fuit opinio. Carolus eum casum immoderatissime tulit, et instigatus à nonnullis, dat literas ad multas Aquitaniae ciuitates, odiose

odiose scriptas in Regem, sed parum ijs profecit. Nec enim ullus extitit motus, tametsi puto, regis negocia summam habitura fuisse difficultatem, si longior ipsius fratri uita contigisset. Iam enim Britanni erant instructi, neq; longe aberant, & multi per Galliam ipsorum rebus sauebant, sed interuentu mortis Aquitani, conciderunt omnia consilia. Sic exacerbatus Carolus, progreditur cum exercitu, & bellum incipit in Veromanduis, atrox admodum & funestum. Quacumq; enim transiret: incendijs omnia uastabat, omnino præteribrem. Primum agmen obsidione cinxit castellum eius regionis, Nelam, in quo præsidium erat aliquot sagittariorum. Hi legatum ad ipsos missum de deditioe facienda, interficiunt, & cum de inducijs ceptum esset agi: omissa eius rei mentione, & impetu facto, ui expugnantur. Qui supererant à cede, suspenduntur, nonnullis præsecantur manus, paucis quibusdam commiseratione militum dimissis. Crudele quidem erat istud belli genus: sed Carolus uolebat uideri, iustam habere causam, cur ita faceret. Primum enim, odiose admodum & acerbè loquebatur de morte Aquitani, secutus aliorum sermonē. Deinde, eorū oppidorum, quæ sunt ad Somiam flumen, iasturam, grauissime tulit. Quo tempore cogebat hunc exercitum: legati regis, Petrus Doriollus, Gallie Cancellarius, & alij nonnulli procures, non semel ad ipsum uenerunt, ante mortem Aquitani, & secretò de pace agebant. Sed quia Ca-

rolus

volus in primis uolebat sibi restitui illa Picardie oppida, nihil quiequam perficiebant, recusante rege: qui nunc demum, postea quàm instructū uideret Carolum, assensit, his conditionibus: Vt Ambianum & Sancto-  
 quintinum, & alia, de quibus erat controuersia, rediret ad Carolum: ut de Comite Niuernensi & Connestablio eiusq; facultatibus omnibus, liberum esset Carolo statuere, pro suo arbitratu: ut ab amicitia & fœdere Aquitani & Britanni Carolus discederet, eosq; permetteret inuicem potestati regis. Eas conditiones Carolus iureiurando sanciuir, & ad eam ipse. Regis quoq; legati, simili se religione obstrinxerunt, & simul suadebant Carolo, ut contineret exercitum, uti rex eo promptius redderet, quæ promississet, oppida. Sed & cum à Carolo iam discederent, Simonem Quintium unà secum abducebāt, ut in coram uideret, ea, de quibus ipsi pacti essent à rege cōfirmari. Sed quū rex per dies aliquot differret: allatus est de morte fratris nuncius. Qua re cognita, Simonem Quintium frigide admodum dimittit, neque iureiurando uoluit teneri. Quod implacatissimè tulit Carolus, & se ludificatū esse querebatur. In castris etiam maximus erat fremitus, & omnis generis contumelias pleriq; in regem dicebant. Qui lecturi sunt aliquando ista, iudicabunt, ut est credibile, uel parum fideles et integros fuisse Principes, de quibus loquor, uel me crimine illos et uituperare. Certè, nullius honorem aut existimationem uelim per me uiolari: sed ut historia sua

constet ueritas & ordo, nō fuit integrum, ea, quæ dixi,  
 silentio præterire. Sed quæcunque tandem futura sint  
 hominū iudicia: si quis alios quoq; principes intueatur,  
 multo fortasse plura, quæ reprehendantur, comperiat.  
 Nunc autem, ex his duobus, uter insidiose & astutē,  
 egerit, uideamus, ut iuniores aliquando Principes, con-  
 similibus implicati negocijs, rectē sibi caueant, ne cir-  
 cumueniantur. Nam etsi non omnes æquē sunt ad fal-  
 lendum propensi: tamen utile est, memoria complecti  
 superiorum temporum res gestas. Vt igitur, quod  
 res est, dicam, arbitror eō spectasse omnia illorum con-  
 silia, ut alter alterum falleret. Eaq; in re similibus pro-  
 pemodum sunt usi rationibus. Ambo instructum ha-  
 bebant exercitum, & rex aliquot iam oppida tenebat,  
 & interea dum de pace ageret cum Carolo, ualde urge-  
 bat fratrem, à quo complures è nobilitate iam defece-  
 rant. Ipsius exercitus erat non procul à Rupella, quod  
 est in Xanthonū finibus oppidum maritimū, munitum  
 & locuples. In eo multi erant ab ipso nō alieni, & par-  
 tim ob crebram pacis mentionem, partim propter agri-  
 tudinem Aquitani, certis conditionibus iam coeperant  
 pacisci. Hæc enim regis erat, nisi fallor, sententia, ut si  
 uel bellum ijs locis feliciter gereret: uel ipsius frater ē  
 uita migraret: non interponeret iusiurandum. Sin autē  
 eo bello, quod cupiebat, non consequeretur: ut tum  
 uitædi periculi causa, seruaret propositas condiciones,  
 ideoq; diligentissime obseruabat temporis momenta.

Non



Nam Simonem Quintium, Caroli legatum, per dies  
 octo distinuit, atque interea de morte fratris allatus est  
 nuntius. Et quia sciebat illum uehementissime cupere  
 Ambiani et Sanctoquintini restitutionem, neque teme-  
 re idcirco præbiturum esse causam ullam offensionis: pu-  
 tebat se non difficulter posse perficere, ut quindecim  
 aut etiam eò plurium dierum moram leniter ferret.  
 Interea, si quam commoditatem tempus adduceret,  
 expectabat. Posteaquam de rege sum locutus: dicen-  
 dum nunc est de uoluntate et consilio Caroli, et uiden-  
 dum, quid regi permiserit, siquidem mors Aquitanie  
 non interuenisset. Simon Quintius mandatum accepit  
 rat ab eo, petente rege, ut simulatque rex iureiurando  
 sancisset pacem: in Britanniam profectus, cuiusmodi  
 essent conditiones, Britanno denunciaret: Deinde pla-  
 cuit, ut Aquitanie Ducis legati, qui tum aderant, prin-  
 cipi suo idem significarent. Quod ideo rex uolebat, ut  
 Britannis, cum à Carolo, cuius uirtute et præsidio mag-  
 nopere nitebantur, sese destitutos esse intelligerent, pauo-  
 rem et trepidationem adferret. Erat autem Quintio  
 datus à Carolo, ueluti comes itineris, inter alios, Hano-  
 rius quidam Parisiensis, homo prudens. Ei Carolus ab-  
 eunti dedit literas, quas ad Quintium ipse scripserat,  
 in quibus hoc solum inerat, ut ijs, quæ dicturus esset Ha-  
 nonius, fidem haberet; Sed mandauerat ei Carolus, ne  
 eas literas Quintio redderet, priusquam à rege discessisset.  
 Et Nannetes, quod est ad Ligerim oppidum Britannia

minoris, peruenisset: utque eo primum loco sua man-  
 data illi exponeret, in hanc sententiam: Vti Quintius,  
 nomine Caroli, iuberet Britannū esse firmo animo et  
 ocioso, non se deserturum esse uel ipsum, uel Aquita-  
 num etiam, sed omni ratione, totisq; uiribus adiuturū:  
 misisse quidem se pactiones cum rege, sed non alia de  
 causa, nisi ut amissas urbes recuperet, à rege sibi prae-  
 ter ius et æquum, contraq; fidem et promissum, pacis  
 tempore ademptas: his oppidis recuperatis, nunciaturū  
 se regi, ut à bello Britannico et Aquitanico abstineat:  
 Nec enim promissa et iusiurandum se magis seruatu-  
 rum esse, quàm ipse priora pacta seruarit, tam illa, quae  
 prope Lutetiam Parisiorum, quàm quae postea Perone  
 facta sint: ademisse illum sibi pacis tempore, quas antea  
 dederat urbes oportere nunc etiam, ut patienter ferat,  
 iisdem artibus illas abs se recuperari. Quantū ad Con-  
 nestablium et Comitem Niuernensem pertineat, li-  
 cet ab ipso destituti sint, et sibi permissum ex pacto, ut  
 de ipsorum fortunis pro suo iudicio statuatur: se tamē, etsi  
 iustam habeat offensionis causam: condonaturū eis  
 esse culpam, nec uelle quicquā ipsis auferre, ideoq; ora-  
 re se, ut ipse ad eundem modum agat cum Aquitano et  
 Britanno, eosq; patiatur ocio et pace uti, sicut apud Lu-  
 teciam constitutum sit. Quod si non impetret, non se ne-  
 glecturum esse sociorum iniurias: Et quo tempore haec  
 nunciaturus sit regi per legatos, habiturum se esse om-  
 nia ad bellum apta et parata. Haec erat summa eorum,  
 quae

que Carolus et nunciabat illis, et cogitabat perficere: sed longe aliter accidit. Nam interitus Aquitanie Ducis interuertit omnia consilia. Rex enim neque restituit Carolo, quas ille petebat urbes, et simul morte fratris auctus est Aquitanie accessione. Suprà diximus, quem admodum illi, qui erant in presidio Nela, capti fuerint. Carolus inde digressus, Roiam circumfedit, quod est in Bellouacis oppidum, ubi mille et quingenti erant sagittarij cum aliquot cataphractis. Maiorem exercitum ante id tempus nullum habuit. Postridiè quam eo uenisset: hostes metu perculsi, deserta statione, quum per muros sese eiecissent, dedunt se Carolo: Que causa fuit, ut et reliqui cataphracti: compositione facta, discederent. Constituerat Carolus illinc ad Normannos transire: sed prius uenit Bellouacum, eiusque oppidi suburbium unum, facili manu occupauit prima ipsius acies, cui præerat Cordæus, qui deinde aliam quoque arboris partem tentabat: uerū quòd nimium breues erant scale, et per pauca quidem illæ: nihil potuit perficere. Duobus quibusdam tormentis igitur obiectam portam oppugnabat. Quod si plures habuisset machinas, et continenter fuisset iaculatus: haud dubie potitus fuisset oppido, sed accesserat malè instructus ad eam rem perficiendam. Præter oppidanos initio nullus erat ibi ferè miles. Nostri, ea parte, qua tormētis erat interrupta porta, cominus in hostem pugnabant. Interea Cordæus Carolum sollicitat, ut celeriter cum reliquo exercitu

progrediatur, si uelit oppidum occupare. Dum hæc  
 geruntur: ex oppidanis aliquis conijcit faces ardentes  
 in nostros, qui ad portā uim faciebant, cumq; iam incen-  
 dium late uagaretur in porta: nostri coguntur referre  
 pedem, donec extinctus esset ignis. Carolus, ut eò uenit,  
 putabat & ipse captum iri iam oppidū, oppressa flama.  
 Et sanè, si partē exercitus collocasset uix Parisiensis  
 aditu & itinere prohibuisset omneis, qui auxilio uenire  
 bant. Sed difficultatem sibi fingeat et periculū, ubi nul-  
 lum erat, & quod tenue flumen interlaberetur: noluit  
 transire, ac deinde, cū iam hostium equitatus magnus in  
 oppidū uenisset: constituit in eam partē transire, consa-  
 lio multum ancipiti et periculoso, a quo tamen uix sum-  
 ma difficultate poterat dimoueri. Incendium illud to-  
 tum diem permansit, et sub uesperum, decem duntaxat  
 cataphracti, nobis inscientibus, dum occupamur ponem-  
 dis castris, & quod ad eam partem nulli essent nostri  
 milites, in oppidum peruenerunt. Prima luce, propius  
 admouemus tormenta, in eoq; temporis uestigio con-  
 speximus ad ducentos cataphractos in urbem ingredi,  
 quorum aduentu recreati oppidani, ut est credibile, de-  
 ditionis nullam fecerunt mentionem. Sed Carolus tum  
 exacerbatus ob res antea factas, ut diximus, uolebat ui-  
 capere. Quod si accidisset, erat dubio procul omnia ua-  
 staturus incendio. Post equitatum illum in urbem re-  
 ceptum, totos quindecim dies oppugnabat eos acerrima  
 tormentis, sic, ut ad impetum faciendum militibus  
 esset

effet patefacta uia: Sed quoniam fossa stagnabat aquis : efficiendi nobis erant duo pontes , ad latus illius portæ , que fuit exusta , et ab altera parte eius portæ perueniri poterat ad murū absq; periculo , nisi quod unum modo propugnaculum , propter ipsius humilitatem , difficilem habebat oppugnationem . Et quanquam fortissimi duces , lectissimiq; equites oppidum defendebant , & inter hos Connestablius , nisi fallor : Carolus tamen constituit ui oppugnare , contra omnium opinionem : & notat , quieti se daturus , rogabat è suis familiaribus , an putarent hostem ad sustinendam oppugnationem habere satis uirium & animi ? Cum pleriq; affirmarent ob illorum multitudinem , deridens , dicebat fore , ut ante exortam lucem , omnes ex oppido se eijcerent , ac fugam mandarent . Postridie , mane , ceptum est uehementissima oppugnari . Pontem illum ex nostris multi transeunt , pleriq; etiam in muro constiterunt , et cōminus diu multumq; preliantur . Erant destinati resentes ac integri , qui priuis aut interemptis , aut reiectis aut defatigatis succederent , sed cum frustra eos moliri uideret Carolus : iubet referre pedem . Hostes , quod cōspicerent se numero superari : continebant se intra munitiones . Ex nostris desiderati sunt ad centū et uiginti , uulnerati autem circiter mille . Insequenti nocte , hostes eruptione facta , quoniā & equites erant omnes , & pauci , & hastis inuecti in tabernaculorum funes , impediabantur : nulla re perfecta , recipiunt se in oppidum . Octauo post

oppugnationem die, Carolus constituit rem tentare  
 uia et porta Parisiensi bipartito exercitu, sed quod urbs  
 multis et lectissimis hominibus defendebatur, omnes  
 eum dehortabantur. Quod nunc demum cogitabat  
 perficere, id si principio fecisset: multo rem egisset foeli-  
 cius. Cum non succederet conatus, soluit obsidionem,  
 et futurum putabat, ut discedens inuaderetur ab hoste.  
 Quod si facerent, cogitabat eos excipere: sed quum nul-  
 la fieret eruptio; contendit in Normanniam. Promise-  
 rat enim Britanno, se Rothomagum usque cum exercitu  
 profecturum esse, quò et Britannus uenturum se cum  
 suis copijs dixerat, sed accepto nuncio de morte Aquis-  
 tani, mutata sententia, domi sese continuit. Carolus,  
 captis aliquot oppidis et castellis Normannie, et in-  
 scendio uastatis Aulercorum agris, ad portas usque De-  
 pe, quod est maritimum oppidum, tandem apud Ro-  
 thomagum consedit. Sed interceptis ab hoste pabula-  
 toribus, quoniam et hyems suberat, et cibario-  
 rum magna esset inopia: domum reuertitur.

Confestim post ipsius abitionem, Re-  
 gij milites omnia, quae ijs locis  
 occupauerat, sine ne-  
 gocio recupera-  
 runt.

PHILIPPI



D hoc ferè tempus dedi me in clientes  
 lam et familiam Regis, qui et pleros-  
 que sui fratris familiares, post mortem  
 illius, recepit, et tum in Britannia bel-  
 lum gerebat. Sed post crebras utrinque,  
 missas legationes, constituit omnino pacisci. Quod ut  
 maiori suo commodo faceret: familiares aliquot Bri-  
 tanni, à quibus ille totus pende-  
 bat, ipse inutilis et ig-  
 navus, promissis et largitionibus ad suas partes tradu-  
 xit. Eorum auctoritate et consilio, re perfecta, et  
 constituta pace, in Picardiam contendit. Per hyemem  
 ferè consueverant ipse et Carolus aliquot mensium  
 pacisci inducias: Idem nunc quoque faciebant. Verum  
 legati regis, cum de pace Britannica exposuissent: no-  
 lebant Britannum inter socios Caroli comprehendere,  
 quod ab eius foedere nuper ille discessisset. Legati autem  
 Caroli, et in his Cancellarius, affirmabant, Britanno  
 esse liberum, ut intra certam diem accederet in utrius  
 partis amicitiam uellet: illum antea quoque defecisse à  
 foedere, et literis hoc significasse, nec tamen idcirco  
 defuisse officio: pendere quidem illum ab alienis consi-  
 liis, et suorum auctoritate gubernari totum, sed ta-  
 men sequi tandem saniora consilia, et facere, quod sit  
 ex usu rerum suarum. Dum de his rebus agitur: magnus

erat utrinque fremitus aduersus Connestabulum. Ode-  
rat eum rex, et multi Gallie Principes admodum acer-  
be: Carolus etiam multo infestius, propter creptum  
Ambianum et Sanctoquentinum, et quod redintegra-  
ti belli ipsum habebat precipuum authorem. Nam in-  
duciarum tempore Connestablius cum ipso blandissi-  
me agebat: sed exorto bello, persequabatur odiosissi-  
me, et inuito uolebat extorquere filiam, ut supra de-  
monstrauimus. Has odiorum causas etiam illud auxit,  
quod quo tempore Carolus cum exercitu prope Am-  
bianum confedit: ille factis incursionibus in Hannoni-  
um, castellum quoddam ijs locis cremauit, nouo pla-  
ne et inusitato exemplo. Cum enim ab incendijs an-  
tea temperatum esset utrinque: Carolus indignitate rei  
commotus, et secutus morem illius, in Galliam quoque  
deinde flammam et ignem intulit. Excitatis in eum  
multis aduersarijs, fit coniuratio, et utriusque Principis  
legati consilia inter se communicabant. Habebat enim  
ille suas possessiones non uno in loco. In Veromanduis  
occupabat Sanctoquentinum, locuples et firmum op-  
pidum, in propinquo tenebat Hanium et Bobenium,  
urces, que facile poterant presidij firmari: Dein-  
de, preter summum illud munus, quod in Gallijs obti-  
nebat, pensionem annuam habebat à rege, ad quadra-  
gintaquing; francorum millia, sed et uestigal atque por-  
torum ei pendebant mercatores, qui uina ex Galli-  
is, per ipsius fines deportabant in Flandriam aut Han-  
noniam.



noniam. Ad hæc, non in Gallia tantum, sed per Caroli quoque ditiones multorum sibi gratiam et beneuolentiam adianxerat. His de causis, non poterat eum rex, nisi adiutus à Carolo, solus opprimere. Per induciæ agebatur potissimum de illius capite ac fortunis. Qui à rege erant ad eam rem destinati, reserebant omnia ad Imbercortum, qui et à multo iam tempore illum oderat, et nuper etiam maius conceperat odium. Nam quodam in conuentu, dum utriusque Principis legati de controuersijs agerent: ille mendacij Imbercortum infamulauerat. Quam ad criminationem iste prudenter et modeste respondit, iniuriam illam non ad se, uerum ad regem, cuius fidem secutus eò uenisset legatus, et ad Carolum, cuius ipse locum obtineret ibi, pertinere, cui etiam sit commemoraturus omnia. Hæc sola uerborum contumelia, summam et extremam ei perniciem attulit, ut postea sum dicturus. Quocirca, qui sunt magno loco apud Principes: magnopere sibi cauere debent, ne quid atrocius dicant. Nam quò patientior est et maior is, qui iniuriã facit, eò grauius dolent ij, quibus infertur. Propter authoritatẽ enim eius et amplitudinem qui intulit, putant hoc magis ad infamiam suã pertinere. Quòd si Princeps quoque durius aliquid ipse dixerit: tunc uero spem omnem illi abijciunt, ullos uel honores uel opes ab eo consequendi: Deinde, sic est serè comparatum inter homines, ut plerique spe pericipiendi commodi magis exsistentur: quàm memoria

iam accepti beneficij. Sed ut ad institutum reuertar: Regij legati super ea re potissimum agebant cum Imbercorto & Caroli Cancellario, ad quem etiam aliqua pars eius iniurie, quam Imbercortus acceperat, pertinebat. Breuiter, eò res deducta fuit, ut Bouilli, quod oppidum à Namurcis non longe abest, legati conuenirent. Connestablius autem certior factus, quid ageretur: crebros dimittebat ad utrumq; Principem nuncios, & regi quidem persuasit, Carolum eò spectare, ut se redderet à Gallijs alienum. Magna igitur celeritate rex mandat suis, ut aduersus illum, certis de causis, nihil statuunt, & inducias tantum extrahant. Cum is adferretur nuncius: iam peracta res erat & confirmata literis: uerum tantus erat inter legatos animorum consensus, ut eas literas utrobiq; redderent. In ijs hoc perscriptum erat, Connestablium multis de causis iudicatum esse hostem & regis & Caroli: ideoq; iureiurando & fide data promiserant, ut uter ex ipsis duobus prior eum coepisset: is uel intra dies octo supplicium sumeret, uel in socij potestatem daret, eamq; rem publice denunciandam esse: nec id modo, uerum etiam omnes, qui auxilium ei præberent unquam, hostium numero habendos. Rex præterea pollicebatur, redditurum se Carolo Sanctoquintinum & illius omnia mobilia bona, quæ sint in Gallijs: facultates etiam illius omnes, quas in inferiori Belgica teneret, ei largiebatur. Decretum & hoc fuit, circumsidendum esse illum ab  
utrisq;

utrisq; in sua arce, intra certum tempus. De his omnibus ita conuenerat, ut diximus: uerum superueniente illo nuncio, mutatum est consilium, & Connestablio fuit constitutus dies, quo cum rege, accepta fide, in colloquutionem ueniret. Id fuit tribus à Nouioduno milliaribus. Connestablius eò uenit, comitatus inter alios, circiter trecentis nobilibus cataphractis, ipse armatus sub ueste discincta. Cum rege erant sexcenti cataphracti, & in his Comes Dammartinus, hostis illius grauissimus. Rex, premisis aliquot equitibus, quoniam prior ille uenerat, excusabat moram: tandem & ipse uenit. Erant cum eo pauci quidam in ea colloquutione. Connestablius primum excusat, quòd armatus uenisset: factum id à se propter Dammartini presentiam, à quo capitaliter disideret. Post multam colloquutionem uoluit rex, ut præteritarum offensionum aboleretur memoria. Cum deinde in eam partem, ubi rex erat, transiisset (Nam tabulatum quoddam intererat) fit inter eum & Dammartinum, intercessionem regis, compositio. Inde cum rege profectus Nouiodunum, postridie Sanctoquintinum reuertitur, plane reconciliatus, ut ipse quidem dicebat. Pleriq; omnes fremebant & indignabantur, alij uero etiam ridebant, in colloquutionem uenisse regem cum suo cliente & beneficiario: qui interiecto sepimento, non esset ueritus in sui Principis conspectum uenire armatus, & equitum circumclusus cohortibus, qui quidem omnes & regis essent imperio

imperio subiecti, & alerentur ab ipso. Qua re intellexit rex, cum & ipse apud se diligenter omnia reputaret, qui iam ante inimico in eum animo fuisset, multo grauius hoc dolore exarsit. Et quanquam institutum istud regis incusari fortasse potest: non absq; causa tamen factum ab eo fuit. Arbitror enim Carolum, non habita ratione eorum, de quibus antea conuenerat, libenter fuisse cum illo rediturum in gratiā, si modo potuisset ab eo recuperare Sanctoquintinum. Sed quantum ad Connestablium pertinet, tametsi ingenio ualebat: minus prudenter tamen egit, quod ad eum modum, ut diximus, prodijt in conspectum sui Principis. Quanquam sanè, cum propè & coram constitisset ante regem: uidebatur esse attonitus, & timentis præbent speciem, sed neq; diu moratus, ad regē transijt, erat enim in magno discrimine. Puto equidem & illum, & eius familiares credidisse, hoc ad laudem suam pertinere, quod rex uisus esset ipsum metuere. Erat quidē aliquanto rex timidior, sed iusta & necessaria de causa. Non ita pridem explicauerat se ab eo bello, quod cum Gallie Principibus ei intercesserat, quos muneribus & pollicitationibus pacificauerat. Pleriq; credebant, eum timiditate quadam & animi consternatione ita sese demittere, quæ causa fuit etiam, ut quidam non dubitarent ipsum bello deinde laceessere: sed infœliciter eis accidit. Nouerat enim exactissime temporum momenta, sic, ut ausim affirmare, me non alium uidisse rebus aduersis

aduersis prudentiorem. Verum ut ad institutum rede-  
am, credibile est, ut dixi, Connestablium hoc spectasse,  
ut metueretur à rege. Affirmare quidem nihil uelim,  
et eò solum ista commemoro, ut illos, qui Principum  
negocia tractant, officij commonesciam. Mihi si  
quis esset apud aliquem Principem amicus aut pro-  
pinquus: huic suaserim, ita se comparet, ut diligatur,  
non autem ut metuatur. Nam qui diuersam rationem  
ingrediuntur: ut periculum tandem et calamitatem  
euiant, fieri non potest, eiusq; rei multa proferre li-  
ceat documenta, non ex Gallijs modò, uerum etiam ex  
Hispanijs et Anglia. Ferè autem fit, ut qui bonam et  
fidelem operam præstiterunt: arbitrentur, sibi aliquan-  
to plus, quàm alijs licere. Principes contra longe aliter  
sentiant, et æquius esse ducunt, ut quæ se ipsorum cli-  
entelæ et ministerio tradiderunt: officio fungantur.  
Memini, quo tempore in hanc sententiam rex maximè  
loqueretur, (et suum nominabat authorem) affirmans  
fieri aliquando, ut egregiæ operæ minus liberaliter re-  
munerentur, idq; non tam ingratitudine Principum,  
quàm eorum, qui præstiterunt operam, uitio: dum elati  
quadam confidentia, propter rem bene administratam,  
insolenter et proteruè multa faciunt. Dicebat præterea,  
foeliciter agi, sua quidem sententia, cum eo, cui nullo  
suo magno merito Princeps benefacit: et ut quis bene-  
ficio sit obstrictus Principi, id multò præstare, quàm ut prin-  
ceps clienti aut famulo alicui suo multum debeat. eoque  
se ingenio

se ingenio esse dicebat, ut qui sibi ob aliquam beneficentiam deberent: eos plus diligeret, quàm alios, quibus debere se aliquid ipse putaret. Tàm est difficile in omni genere uitæ, accommodare se & ita gerere, ne quid erres. Magnum igitur est Dei beneficium, ualere sensu communi, & iudicio naturali. Sub hoc serè tempus colloquij inter Regem & Connestablium, Carolus profectus erat, ut Geldriæ possessionem occuparet, quã ad se pertinere dicebat. Et quoniam memorabilis admodum est causa, non grauabor eam recitare, ut potentiam & opera Dei contemplemur. Erat id temporis Geldriæ Dux, Adolphus, adolescens, qui uxorem duxerat ex familia Borboniorum. Is horribili & inaudita quadam audaciã patrem suum, de nocte, quum esset quieti se daturus, acerrima hyeme ceperat, & per quinq; milliaria deductum absq; calceis, in deterrimum carcerem & obscurissimum detruferat, in eoq; per sex menses eum detinuit, & hac demum occasione graue fuit excitatum bellum à Duce Cliuensi sororio senis captiui, aduersus Adolphum. Intercedebat quidam Carolus, ut eos pacificaret, sed frustra. Cumq; Pontifex etiam Romanus & Cesar tandem sese immiscerent: Carolus, illorum mandato, captiuum Arnoldum è carcere liberauit. Adolphus enim, quoniam & authoritatem Pontificis atq; Cesaris, & Caroli quoq; potentiam uerebatur: non audebat ei petenti hoc negare. Vidi ipse, cum ambo suam causam, non semel, apud

apud Carolum, in coetu & concilio multorum hominum disceptarent. Vidi, quum pater filio deferret duellum. Carolus, etsi cupiebat eos componere: magis tamen erat propensus in filium, cui & Burgundie praefecturam & Geldriae possessionem deferrebat, uno tantum excepto oppido, Grauiam uocant, quod est ad Mosam, Brabantiae uicinum. Illud patri uoluit seruari, & simul tria florenorum millia quotannis, & tantundem ex annua pensione, & Geldriae titulum. Vt eas conditiones Adolpho proponeremus, mihi fuit cum alijs, me prudentioribus, à Carolo mandatum. Verum ille respondit, se malle praecipitem dare parentem in puteum, & seipsum deinde eodem conijcere potius, quam eiusmodi conditiones accipere: Patrem iam praefuisse per totos quadraginta quatuor annos: equum esse, ut tandem & ad se quoque redeat principatus: ferre se posse, ut ille quotannis habeat ad tria florenorum millia, sed ea conditione, ut ex Geldria discedat, nec unquam eò reuertatur. Hec et id genus alia multa nobis, parum quidem prudenter, respondit, & accidit istud, quo tempore rex Ambianum ademit Carolo, qui tum una cum his duobus, parente & filio, erat Dorlani, et accepto nuncio de occupato Ambiano, disceptationem hanc intermisit, & Hesdinum sese contulit. Adolphus autem, sumpta veste Gallica, comitatus uno solum famulo, rediturus in Geldriam, cum apud Namurcum traiceret flumen, & pro uestura persolueret, agnitus ab uno & altero,

captiuus Namurcum deductus est, & in carcere detentus fuit, donec mortuo Carolo, Gandauenses ipsum eriperent, eiq; bello, quod cum Tornacensibus gerebant, praeficerent, quo quidem in loco miserabiliter fuit trucidatus, ultore & uindice Deo, qui scelus nullum finit impunitum. Interea dum filius est in carcere, pater euita discessit, & moriens Carolum instituit heredem, propter ingratitudinem filij. Hoc iure ac titulo fretus ille, Geldriam usurpauit, quae tamen si resisteret: non poterat tamen sese tueri, & sub imperio permanere, tam Caroli, quam ipsius heredum, in hunc usq; diem, quoad uisum fuerit summo rerum moderatori Deo. Haec per occasionem eò recitavi, ut ostenderem, eius generis atrocitatem à Deo grauissimè puniri. Carolus, occupata Geldria, factus alacrior, domum redierat, & cepit animum adijcere ad res Germanicas, praesertim, cum Caesar esset demissiori animo, & ut ne sumptus faceret, quiduis pateretur, quanquam alioquin absq; Germaniae Principum acceptione, parum poterat: Producit igitur inducias cum rege Carolus, ut ea, quae moliebantur, perficeret. Dehortabantur nonnulli regem, ne pacisceretur longiores inducias, nec sineret illum ita progredi, & amplificari. Rectè quidem isti & fideliter, sed quod non haberent satis magnum usum, loquebantur parum provide. Verum alius quispiam ex regis familiaribus, maiori cognitione praeditus, & rerum Germanicarum non imperitus, suadebat, ut omnino paciscere



tificeretur, eamq; sineret in Germaniam impingere,  
 cuius maximum esset & incredibile robur: fore, ut ille  
 uno aliquo oppido capto, uel controuersia aliqua se-  
 data, progressurus sit longius, & noua semper molia-  
 tur: mentem eius inexplebilem non posse una aliqua re  
 satiari: quò pluribus sit inuolutus negocijs, eò semper  
 maiora ipsum uelle tentare: non posse regem commo-  
 dius illum ulcisci, quàm ut sinat eum ita progredi, ne  
 significationem ullam præbeat offensionis: imò certam  
 iniiciat spem seruandarum induciarum, et auxilij quo-  
 que nonnihil præbeat potius, quàm ut ipsum auertat  
 ab instituto: Germaniæ tantas esse uires, ut fieri non  
 possit, quin eo bello totus atteratur: etiam si Cæsar non  
 commoueat se: Principes tamen Imperij non passuros  
 eum longius grassari. Atque ita quidem accidit. Cum  
 enim duo quidam cõtenderent de Archiepiscopatu Co-  
 loniensi: Carolus alterius partes uoluit tutari sperans  
 hac ratione se posse quædam ijs locis occupare, ideoq;  
 circumfedit Nouesium, quod est oppidum ad Rhenum,  
 quinq; miliaribus infra Coloniam. Vno eodemq; tem-  
 pore cogitabat res maximas cõficere, sed oneri tandem  
 succubuit. Eduardus Angliæ rex, instigatus ab eo, para-  
 tum habebat exercitū. Ut autē hunc in Galliam ille tra-  
 iiceret, ualde studebat, & simul Nouesium circumual-  
 lauit, quam urbem si cepisset: relicto ibi præsidio, et in  
 quibusdam alijs locis supra Coloniam, cogitabat aduer-  
 so Rheno penetrare in ditionem Phîrtensem, quam tū

adhuc possidebat, atq; ita per ingens spaciū in potestate habuisset flumen longe maximum, in cuius ripa plurimæ sunt insignes urbes, & castella munitissima, & in Hollandiā usq; ubi in mare influit Rhenus, iter habuisset patefactum. Et quoniam induciarum dies, quæ pactæ fuerāt in sex menses, iam cedebat: Rex, ut spaciū & ocium haberet Carolus moliendi aliquid in Germania: cupiebat illas extrahi. Carolus autē, quoniam Eduardo regi promiserat auxilia: noluit assentiri. Bellum hoc Nouesianum non quidem propriè pertinet ad nostrum institutum, neque corā ipse spectauit: sed tamen quoniam alia quædam ex eo dependent, necessario mihi facienda est mentio. Tenebatur oppidum illud firmo præsidio equitum & peditum. Iis præerat frater alterius Episcopi, quem Carolus oppugnabat. Maiorem exercitum Carolus ante id tempus non habuit, equitatum præcipuè. Nam inter alios accersiuerat ex Italia circiter mille cataphractos. Cogitabat enim aliquid in Italia moliri. Iis præerat Neapolitanus quidam Comes, Campobachius, uir prauo & uitioso ingenio. Deinde, præter copias in sua ditione coactas, habebat circiter tria millia Anglorū, & tormentorū uim maximam, & hunc quidem exercitum instruxerat, ut se cū Anglis coniungeret, qui et ipsi in hoc erant toti, ut primo quoq; tempore essent expediti: sed interuenit serè longior aliqua mora. Nam reges Angliæ nihil tale, nisi conuocatis primis ordinibus, & assentiente populo, suscipiunt

suscipiunt. quæ quidem consuetudo ualde mihi laudanda uidetur. Interueniente enim populi uoluntate et assensu, crescit robur et potentia regū, et maior est ipsorum authoritas, et feliciores progressus. Eduardus igitur cōuocato concilio, exponit quid cōstituisset facere, simul auxilia petit. Angliæ consuetudo fert, ut extra ordinem subsidium nullū dent regibus, nisi cū belli gerendi causa, uel in Galliam traijciunt uel in Scotiam proficiscuntur. Tunc enim libentissimis animis auxiliantur, et pecuniam contribuunt, præsertim, cum in Galliam itur. Reges igitur, qui populi naturam et ingenium habent exploratum, quoties cogere uolunt magnam aliquam uim auri: bellum parant in alterutrā gentem, et collecta nonnunquam pecunia, quantum satis est in annum, post trimēstre copias dimittunt, eamq; rationem optime callebat Eduardus, et nō semel usus est illa. Dum paratur in Anglia exercitus, consumitur ferè annus. Eius moræ pertæsus Carolus, ad initium æstatis, Nouesium petit, ea spe et consilio, ut intra paucissimos dies eo bello confecto, et captis in ea regione nonnullis oppidis, perueniret quò uolebat. Mea sic est sententia, ut putem Deum clementer admodum tunc respexisse Galliam. Habebat enim Carolus ingentem exercitum, et iam per aliquot annos consueuerat grassari per Galliam, ita quidem, ut prælio nemo cum ipso decertaret. Quanquam hoc prudenter et consultò rex faciebat, propterea quòd suas et Galliæ fortunas nollet obijcere.

periculo, non tam metu Caroli: quàm quòd populi defectionem uerebatur: si forte infeliciter pugnasset. Nam quia populi, maximè uero procerum uoluntatem à se putabat auersam: ea causa fuit, ut quoties bellum à Carolo inferebatur: ipse munitis tantum oppidis et praesidio firmatis sese contineret. Quò fiebat, ut et hostes tandem ultro dilaberentur, et Gallia, nullo accepto magno detrimento, periculum euaderet. Totum hoc tribui sanè debet prudentiae et ingenio regis. Et quanquam haec ita se habent: tamen si exercitus Anglicus ad constitutum tempus cum Carolo sese coniunxisset: Gallia dubioprocul in maximo fuisset discrimine. Nec enim ante id tempus unquam ijs uiribus in Galliam penetrarunt Angli. Aderant omnes eius regni proceres, et praeter insignem peditatum, circiter mille et quingenti cataphracti, et sagittarii ad quatuordecim millia, lectissimi, et ad praelium omnes idonei milites. Ad haec erant ab Eduardo destinati ad tria millia, qui Britannis sese coniungerent. Vidi tum temporis binas literas, quibus Eduardo nunciabat Dursius, uir nobilis à Britannia, Principem suum, fauore et gratia et auctoritate, plus perfecturum esse in Galliis intra mensem unum, quàm et Anglica et Burgundica uires, quantaeuis magnae, intra semestre. Quòd si progressio facta fuisset, ut institutum erat, non dubito, quin uerum ille scripserit: sed longe secus accidit, ut postea sum dicturus. Eas literas rex deinde gradi pecunia emit à qua

quodam *Eduardi* scriba . Nouesij obsidio difficilior erat, & longior opinione. *Colonienses* enim, quod *Caroli* potentiam metuerent : singulis mensibus in hoc bellum impendebant centena aureorum millia : & invito foedere cum alijs ad *Rhenum* positis ciuitatibus, exercitum cogeant, ad quindecim hominum millia, qui tormentis alijsq; rebus instructi, positis castris ex aduerso *Caroli* ad *Rhenum*, impediabant, ne quid aduerso flumine ex *Geldria* supportaretur ad hostem. Deinde, *Fridericus* *Cesar*, & Imperij Principes, conuocato concilio, decernebant oppidanis auxilia. Quod ut facerent, magnopere etiam rex sollicitabat. Itaque *Cesar* & Principes legatum inuicem mittebant ad eū, ex *Bauaria* Ducum familia, canonicum quendam *Coloniensem*. Is descriptum adferebat numerum exercitus quem ipsi decreuissent, modo rex copias quoque suas coniungeret. Ille humanissimè excepto legato, & datis literis, sigillo suo consignatis, promittebat, simulatq; cum exercitu *Coloniā* ipsi uenissent : cōfestim se missurum esse auxilio, uiginti hominum millia. Quare nūciata, conducitur undiq; miles, dum pecuniam, et quicquid usui esse poterat, omnes Principes ac ordines Imperij singillatim conferunt . In eum apparatus septem fuerunt consumpti menses . Rebus omnibus instructis, *Cesar* non procul à *Carolo* consedit, tanto cum exercitu, ut *Anglorum* & *Burgundionum* coniunctæ copiae, iux tertia parte, multorum iudicio,

illum adaequarent . Positis propè Nouesium castris : Caesar , & suo & reliquorum Principum nomine , legatum denuò mittit ad regem , ut sponsioni & pacto satisfaciât : nisi fecerit , se cum hoste compositurum esse . Rex iniecta spe aliqua , & quadringentis aureis dono datis legato , Ioannem Tercelinum illi adiungit , & ad Caesarem mittit . Ea durante obsidione , de uarijs rebus agebatur . Nam rex magnopere cupiebat uel pacificare Carolum , uel saltem inducias proferre , ne Angli mare traicerent . Eduardus autem in hoc totus incumberebat , ut Carolum ab obsidione reuocaret , hortatus eum , ut seruaret promissa , & bello Gallico sibi ferret opem : amitti pulcherrimas occasiones , neq; multum idonei temporis superesse . Carolus uero pertinaciter insistebat oppugnationi , & uidebatur ei Deus ademisse mentem . A multis enim annis , & per omnem propè uitam , sollicitauerat Anglos , ut Gallie bellum facerent , nec ante id tempus unquam impetrare potuit & nunc , cum à rebus omnibus illi essent paratissimi : cū in Britannia etiam esset coacta non mediocris manus , haberet obstinatè in re summe difficultatis , & omnino tali , quam perficere non potuit . Miserat autem Romanus Pontifex legatum ad Caesarem , pacificandi gratia . Danie quoq; rex eò uenerat eadē de causa , nec procul à castris aberat . Quò magis integrum erat Carolo , non iniquis conditionibus pacisci , & summam belli unà cum Anglis in Galliam transferre . Sed aspernatus  
recta

recta consilia, et leuiter excusans, dicebat se non posse desistere negotio: fore alioquin, ut insignem faceret iacturam. Minus prudenter istud quidem et maximo suo cum detrimento. Nec enim Anglica ista copia erat ex eorum numero, qui bellum aliquando gesserant in Gallijs, sed erant insueti nostrarum rationum, et opus habebant Carolo, militiae magistro, saltem per aliquod tempus, et initio. Dum hec geruntur, bello Carolus aliunde lacepsitur. Nam Lotharingie Dux, qui ante id tempus fuerat amicus: et nuper à morte Nicolai Calabriae Ducis, priuatim cum eo et familiariter de nonnullis rebus egerat: productis copijs, et adiutus à Cranio, uiro nobili Gallo, ditionem eius Lutzeburgicam innadit, capto et diruto quodam ibi castello, Petrosfortum uocant, duobus à Nanceio milliaribus. Ad hec, ciuitatibus aliquot ad Rhenum, quarum è numero sunt Argentina et Basilea, disidium intercedebat cum Heluetijs, uerum opera et industria regis composita lite, foedus in annos decem paciscebantur. Grauius etiam disidebat ab Heluetijs Sigismundus Austriacus. Ea quoque controuersia, rege authore, sedata fuit: qui eo spectabat, ut Sigismundus ditionem Pfortensem, quam acceptis centum aureorum millibus, Carolo oppignorauerat, ad se reciperet. Per eius ditionis quattuor oppida, Heluetij uolebant sibi transitum patere, quouis tempore. Introducta lis fuit ad Regem: Is causa cognita, secundum Heluetios pronunciauit. His confectis

## 674 COMMENTARIORVM

rebus, prefectus Pfortensis, Petrus Hagebachius, à Carolo constitutus, de nocte capitur ab Heluetijs, et dimissis militibus, circiter octingentis, quos custodiae causa secum esse uoluit, Brisacum adductus, quod est intra Basileam oppidum ad Rhenum, capitis damnatur. Ab eius interitu, Sigismundus provinciam illam ilico recuperat, et in propinquam Burgundiam Helvetij mox bellum inferunt, et captis ibi castellis aliquot, ac uastatis agris, domum reuertuntur. Ad hoc tempus exibat induciarum dies, quas, cum frustra rex petiisset à Carolo produci: Trunceum arcem obsidet, ac paucis horis capit. Postridie me ad eos misit, qui Mondidierij erant in presidio. Ii rebus omnibus saluis oppido excesserunt. Idem quoque faciebant, qui erant Roia, quod est in Bellouacis, eo quod auxilij spem nullam haberent. Nam si fuisset in propinquo Carolus, non tam facile erant deditionem facturi: sed utrumque deinde oppidum, contra fidem à nobis datam, exustum fuit. Illinc digressus, Corbiam, quod est inter Peronam et Ambianum, ad Somiam oppidum, obsidet. Erat in eo Contaus, et alij complures, qui cum aliquot dierum oppugnationem sustinissent: deditione facta, discedebant. Eius etiam oppidi consimilis fuit ac aliorum fortuna. Nam exurebatur totum. In hac rerum difficultate sperabat Rex Carolus ad inducias permoueri posse, ideoque constituerat exercitum reducere. Sed fortuna quaedam mihi non ignota, cuius nomen, quoniam adhuc uiuit, notandum;



edant: datis ad eum literis, hortabatur, ut in Atrebates conuerteret impetum. Et quia locuples erat ea mulier, ac nobili genere nata: Rex consilium eius minimè contemnendum esse putabat. Missis igitur copijs, Amptoralio Duce, quicquid inter Abbeuillam et Atrebatum interiaceret, uastat incendijs. Atrebates diuturnitate patris insolentiores, militem, cuius presidio tenebantur, compellunt eruptionem facere. Illi ad eum modum electi: cum multitudine et numero essent inferiores, interfecti sunt plerique, captis aliquot ipsorum ducibus. In his fuit Iacobus Connestablii frater, et Contaus, et alij quidam propinqui eius foeminae, quae regem ad hoc bellum incitauerat. Quae licet et ipsa in hac communi calamitate, detrimentum, quod fieri necesse erat, accepisset: liberaliter tamen remunerata fuit. Factum hoc ad ipsius laudem minime pertinet. Nec enim fide aut beneficio erat obstricta, ut id faceret. Rex Legatū miserat eum, de quo diximus, Tercelinum, ad Caesarem, orans, ne pacisceretur cum Carolo, et simul excusans, quod ad constitutum diem auxilia promissa non misisset, affirmabat se primo quoque tempore missurum: non se interea fuisse ociosum, et hosti non uno in loco bellum intulisse: rogare se, ne separatim alter absque alterius assensu et uoluntate cum illo pacificetur, et ut ea res iureiurando sanciat: recte facturū Caesarem, si prouincias Caroli omnes, quae sub clientela sint Imperij, occupet: idē se de Flandria, et Artesia, et Burgundia,

## COMMENTARIORVM

gundia, quæ ad Gallicum imperium pertineant, factu-  
rum esse. Caesar, tametsi parum erat animosus Prin-  
ceps: ingenio tamen ualebat, & quoniam grandi erat  
etate: longo rerum usu plurima cognouit, deinde, as-  
sueuerat iam nostris actionibus, & tædebat eum belli,  
tametsi nulla magna ipsius impensa fieret. Principes  
omnes, collatis auxilijs, sumptum pro se quisq;  
singillatim faciebant, ut fieri solet in rebus, ad Imperij  
salutem pertinentibus. Acceptis Legati nostri manda-  
tis: Fuit, non procul, inquit ille, à quadam urbe Ger-  
mania, ingens aliquando ursus, qui totam uicinam re-  
gionem multum infestabat. Eius oppidi tres quidam  
iuuenes ueniunt, ut consueuerant, ad cauponem, ro-  
gant prandium sibi præberi: fore, ut intra biduum per-  
solvant omne debitum, sese capturos ursum illum uas-  
tatores: eius pellem magnò posse uendi, & futurum,  
ut aliquo præterea munere cohonestentur à ciuibus, ob  
interemptam beluam, quæ tantum dederit damni. Cau-  
po conditionem accipit. pransi contendunt ad latibu-  
lum feræ, in quam, quum opinione citius incidissent:  
perterrefacti subito occursum, in fugam abeunt. Ex ipsis  
in arborem unus conscendit, alius ad urbem, quantum  
potest, fugit, tertium ursus comprehendit, & prostra-  
tum pedibus conculcat, rictum deinde propius ad au-  
rem admouet. Interea miser ille mortui præbet spe-  
ciem & hominis exanimati. Ea enim est urfi natura,  
ut si, quod cepit animal, mortuum esse putet: non in-  
festet

festet amplius. Itaq; cum et istum crederet extinctum relinquit, inq; speluncam redit. Ille tandem ubi consurrexit, urbem petit. Qui in arborem confugerat, in columem illum esse uidens, accurrit, et ualde cupide rogat, quid in aurem inuicmurasset belua: Hoc, inquit ille, mihi præceptum dedit, ne quam urfi pellem deinceps uendam, nisi capta primum fera. Præter hanc fabulam, nihil tum aliud Legato respondit, obliquè significans Regi, ut cum exercitu, quem promiserat, ueniret, atq; coniunctis uiribus hostem, si possent, caperent, ac ipsius deinde facultates inter se partirentur. Suprà dixi, quemadmodum Iacobus Connestablij frater, cum alijs nonnullis, apud Atrebatens captus fuit. Eam rem grauiter tulit Connestablius: uerum nulla uenit sola calamitas. Hoc enim ipso tempore, captus etiam fuit eius filius, Comes Rosius, Burgundiæ præfectus, et simul è uita decessit uxor, quæ soror erat Regine: quod in his acerbitatibus unicum esse poterat subsidium. Nam quæ Bouilli facta fuit in eam conspiratio, non intermittebatur, et ille, cognita re, sicut diximus, ualde sibi metuebat, neq; iam dubitabat, quin regem haberet uehementer iratum et offensum. Aberrant non procul à Sanctoquintino Comes Dammartinus, et alij multi, cum mediocri equitatu. Ille igitur, metu periculi, continebat se in oppido, cum trecentis circiter peditibus, quos è sua ditione coëgerat. Calamphractis enim suis, eo quod alebantur à rege, nihil magnopere

gnopere confidebat. Sed interea Rex cum urgebat crebris nuncijs, ut adducto equitatu in fines Hannoniæ, quo tempore Ammirallius incendio uastabat Atrebatibus: circumuallaret Auennium. Paruit quidem ille, sed ualde timide, cumq; per paucos admodum dies ibi substitisset, multis circum se dispositis stipatoribus: domum redijt, & misso ad regem nuncio, purgandi sui causa, dicebat, certiore se factum esse, Regem summississe duos, qui se caperent, atq; ita loquebatur uerissimiliter, ut parum abesset, quin ex his duobus alter in suspicionem ueniret, extulisse aliquid ad illum, quod tacitum & occultum esse debebat. Dum hæc geruntur: frequenter mittit ad Carolum, eo, nisi fallor, consilio, ut ab obsidione ipsam reuocaret. Iis reuersis, nunciabat ferè aliquid regi, quod sciebat ei futurum esse non ingratum, & simul, quamobrem eò misisset, exponebat, & bitratus hac uia se posse illum flectere ac mitigare. nonnunquam etiam, ut metum aliquem inijceret, significabat res Caroli non malo esse loco. Sic enim timebat sibi à ui & insidijs, ut Carolum sollicitaret, quò fratrem suum, Iacobum, qui tum ante Nouesium erat, cum alijs nonnullis, ad se quàm primum mitteret, iniecta spe, & promissione facta, Sanctoquintinum se patefacturum illis esse. Quò posteaquam illi uenissent, fidem eius atq; pollicitatione secuti, ipse mutata sententia, diuersum renunciabat. & hoc quidem ter accidit. Quicquid est huius rei: à multis fide dignis, præcipue autem ab ipso,

ipſo, de quo loquor, Conneſtablii fratre cognoui, qui captiuus in Galliam adductus, in hunc modum recitabat Regi, præter me, nemine præſente: Et quoniam liberaliter ad ea, quæ rex percoſtabatur, reſpondit, comode hoc ei acceidit. Interrogatus, quantas habuiſſet copias, quo tempore cogitabat in oppidum peruenire: ait, ſe tertio habuiſſe ad tria millia. Deinde, an occupata urbe, fratris fuiſſet ſecuturus parteis? reſpondit, primo quidem atq; ſecundo ſe illuc ueniſſe, quò ſubſidium ei ferret: Poſtremo autem, quòd animaduertenter, Principem ſuum et ſe quoq; ab illo ludificari: ſi tunc in oppidum fuiſſet admiſſus: Carolo ſe fuiſſe illud ſeruaturum: non ſe quidem uim ullam facturum, ſed inuito illo fuiſſe ibi commoraturum. Ab eo colloquio rex illi è carcere dimiſit, et ſue familie adſcripſit, et in magno habuit honore, propterea, quòd ingenuè et prudenter reſponderat. Per occaſionè obſidionis Noueſionæ ſum delapſus ad alia, quæ quoniã in idem ſerè tempus inciderunt, præterire non licuit. Durauit enim ea obſidio totum annum, et ut eam ſolueret, due potiſſimum res Carolum impellebant. primum: motum à rege in Picardia bellum, exuſtis aliquot oppidis, et Atrebatum agris uaſtatis: Deinde, Anglicanus exercitus, ipſo auctore conſcriptus. Nam Eduardus, et qui erant cum eo Proceres, admodum irati Carolo, propter interiectam morã, quum precibus nihil proficerent, et ſumptus ingentes facerent, et rei benè gerendæ dilaberentur

rentur occasiones : ceperunt etiam communitari. Carolus autem ad suam existimationem et laudem magnopere pertinere putabat, obsideri à se tam longo tempore oppidum in aspectu tantæ multitudinis hostium, à quibus cogi non posset, ut illinc discederet. Verum ista gloriola magnò ei constitit. Nam qui foeliciter bellum gerit: ad eum redit omnis honos rerum gestarum. Pontificij Legati intercessione, pax tandem facta fuit, ea conditione, ut Legatus in oppidi possessionem immisissus, teneret illud, quoad Pontificis et Cardinalium auctoritate aliquid statueretur. In quanta uero sollicitudine, et cogitationum acerbitatibus, credibile est Carolum tunc fuisse, quum et bellum sibi uideret inferri à rege, et interminationes audiret Anglorum qui socij erant et confederati, et oppidum obstinate circumuallatum uideret in eas angustias adductum esse, ut intra paucissimos dies, inopia rerum omnium, ad deditio- nem cogi posset? Nam è Ducibus unus, qui circumfessus ibi fuerat: quem in suam deinde familiam rex adiunxit: recitauit aliquando nobis, cum ab eo discederet Carolus, potuisse capi intra decimum diem. His igitur de causis, ut diximus, obsidionem soluit. Interea Eduardus proficiscitur Daruernum, oppidum maritimum, ut traiecto mari, Caletos perueniret. Quantus fuerit exercitus, et quàm instructus, antea diximus. Quæ cum ita sint: credibile est, Deum conturbasse mentem Carolo, ut hac omnium pulcherrima relicta occasione conficiendi

Conficiendi belli Gallici, pertinaciter inhereret oppugnationi difficillima, et tempus tereret. Habebant enim Angli in re militari opus ipso, tanquam præmonstratore. Nam quo primum tempore in nostros fines perueniunt: ualde sunt imperiti, et minus idonei, sed breui tempore magnum usum armorum sibi comparant. Ille uero non modò non formabat eos ad nostrum militiæ genus, quod in primis erat necessarium, si modò uellet uti aliqua ipsorum insigni opera: uerum etiam sua constatione et pertinacia hoc effecit, ut administrandi belli amitterent propemodum occasiones. Deinde sic erat ipse exercitus attenuatus, ut exhibere illum Angliis et representare non auderet. Nam ex diuturna illa obsidione desiderabat ad quatuor millia lectissimorum militum. Atque ita uidere licet, quemadmodum fatali quodam malo, consilia sua et actiones omnes, uidens atque sciens et prudens instituerit in suam ipse perniciem. Erat tunc Eduardus Daruerni, et quò facilius traiceret: misit ei Carolus à Zelandia circiter quingentas naues, idoneas transportandis equis. Verum, et si hoc adminiculum haberet à Carolo, et licet magna diligentia rebus suis ipse prouideret: tamen inter eum portum et Caletos treis hebdomadas nauigatione consumpsit, cum sit interuallum septem duntaxat milliarium. Quò magis uideri potest, quàm sit Anglis difficile, in Galliam traicere exercitum. Quod si rex maritimam rationem belli tam bene cognitam habuisset quàm terrestrem:

absque negocio, traiectu interclusisset illum, et aditu prohibuisset, eo praesertim anni tempore: sed nec ipse intelligebat, nec etiam illi, quibus administrationem belli commiserat. Eduardus, antequam Daruerno proficisceretur, datis ad regem literis, bellum ei denunciabat. Earum literarum, quae sane perquam eleganter sermone Gallico fuerunt conscriptae, haec erat summa: Ut Galliae possessionem, quae iure ad se pertineat, sibi reddat, quo nobilitatem et ordinem Ecclesiasticum, pristino iuri et libertati restituat: Id si non impetret, earum calamitatum, quae postea sint ex hac iniuria nasciturae, culpam à se remouebat: Quae quidem contestationis formula est usitata Principibus, dum alter alterius hostem se profitetur. Rex, ubi solus eas literas legisset: in uersarium se recipit: et accersito foeciali, incipit, Sibi certò constare, Eduardum non sua sponte, sed impulsum à Carolo et multitudine, huc descendisse: iam magnam aetatis praeteriisse partem: Carolum ex diuturna obsidione fractum habere exercitum, et rebus omnibus necessarijs carere: de Connestablio se non dubitare, quin is cum Eduardo communicarit consilia, propter eam, quae sit inter ipsos affinitatem: sed nihil ei fidendum esse: quod suo exemplo cognosci possit, qui sit praecclare de ipso meritis: illum uero perpetua quadam uti simulatione, et ad suas commoditates omnia referre. In eam sententiam ubi multa dixisset, dabat illi trecentos aureos, et si pacificaretur, promittebat mille: palam uero

iussit



iussit ei dari triginta ulnas preciosissimi panni serici.  
 Foecialis ad ea respondit, se, quicquid ad pacem ullo  
 modo conferre possit, libenter esse facturum: existima-  
 re se regem Eduardum non fore difficilem, aut nimis du-  
 rum: sed eius rei non esse ullam faciendam mentionem,  
 prius, quam exercitus mare traiecerit: Tunc statim mit-  
 tendam esse nancium, qui tutum iter legatis impetret:  
 Hunc simul atque venerit in Anglorum castra, iubet ad  
 Hauartum, qui magnæ sit apud Eduardum authori-  
 tatis, accedere, sequi illi in eo adiutorem fore profiteretur.  
 Dum rex privatim ei loquitur, multi foris expectabāt,  
 ut quo esset vultu, aut quid diceret, uiderent. Ille mo-  
 statim accersit, iubet, ut interea, dum comparantur,  
 qui nuncium deducant, familiariter cum ipso colloquar,  
 eo consilio, ne quis alius interpellaret. Post hæc, pau-  
 cis quibusdam euocatis, incipit loqui de literis, easque re-  
 citari iubet, nec ullum dabat offensionis signum. Nam  
 foecialis ille sermo ipsum recreauerat. Hoc loco mihi  
 digrediendum est ad Connestablium. Is quod Caro-  
 lum ludificauerat, deique spe recuperandi Sanctoquintia-  
 ni deiecerat: in maximo uersabatur metu: De Regis  
 immutata erga se uoluntate, nihil etiam dubitabat,  
 presertim cum e suis familiaribus ad illum nonnulli iam  
 transiissent. Veruntamen ex ijs alter, Mouitis, commea-  
 bat inter utrosque, et mandato regis illum ad collocutio-  
 nem euocabat. Connestablius autem non se recte fare, si  
 Rex interposito solenni iurando, quod super cruce

sancti Lupi Andegauensis facere consuevit; fidem sibi præstaret. Vt autem ad eam iurisiurandi formulam rex descenderet: omnino se facturum esse negabat, sed paratus erat quacunq; alia ratione ipsi cauere. Certe, si quis intueatur omnia propius, comperiet miserabilem esse uitæ nostræ conditionem, qui tantis laboribus, uigilijs, curis & acerbis cogitationibus nos defatigamus ipsi & affligimus. Erant hi duo in magna sollicitudine, & crebri mittebantur utrinq; nuncij. Sed non minus interea laborabant Eduardus & Carolus. Nam & illius ad Caletos traiectus, et huius cum Casare pacificatio, in idem propè tempus incidit. Carolus, obsidione relicta, paruo comitatu ad Eduardum profiscitur: reliquum exercitum in Lotharingiam & Barrensem ditionem mittit, ut ibi uastatis agris, nonnihil se se reficerent. Parum sane prudenter hoc ab eo fiebat. Angli enim expectabant, ut ille cum maxima manu se se coniungeret ipsis. Nam quò magis accelerarent, & citius mare traiceret, hoc eis promiserat: nec id modo, uerum etiam nunciauerat se trimestre citius, quàm alio qui facturum fuerit, bellum regi intulisse, ut ipsi, postea quàm in Galliam uenissent, recentes ac integri, defatigatum reperirent hostem & attenuatum. Digressi ambo Caletis, et per Boloniam facto itinere, Peronam ueniunt. quo in loco minus amice Carolus illos excepit. Nam & portis adhibuit custodias, & in oppidum eos, nisi exiguis cohortibus, non admisit. Dum hic moratur,  
mittit

mittit ad eum Connestablium, purgandi sui causa: quod Sanctoquentinum ad diem non tradidisset, consulto factum abs se: nam alioquin omnem se fuisse rationem amissurum, & occasionem agendi aliquid præterea: nullam deinceps auctoritatem, nullam se habiturum in Gallijs fuisse facultatem communicandi consilia: Nunc vero, quandoquidem in propinquo sit Eduardus: facturum se quiduis. Et quò maiorem faceret fidem, per eundem Legatum dat literas ad Eduardum in hanc sententiam, ut ijs, quæ Carolus ipsi nomine suo dicturus esset, fidem haberet. Alijs deinde literis Carolo promittebat opem, quovis in bello, nec ipsi tantum, sed omnibus etiam confœderatis atq; socijs. Acceptam epistolam Carolus Eduardo reddit, & quid ille nunciasset, recitat & aliquantò plenius quàm res erat, exponit. Nam & Sanctoquentinum, & alia multa se recuperaturum esse illius opera confirmabat. Eduardo facile persuasum fuit, quoniam & sororius erat Connestablij, neq; illum credebat tam fore temerarium & imprudentem, ut in ijs angustijs positus, quod sibi, quod Carolo promississet, non servaret: Idem quoque sentiebat Carolus. Verum neq; metu regis, nec ulla re alia potuit ille impelli, ut satisfaceret promisso: & ex usu rerum suarum esse putabat, ut pro consuetudine sua cautè ac simulate ageret, existimàs, inueniri semper à se posse rationes nō malas, quibus illi placati, paterentur sese duci. Eduardus autem, eiusq; familiares, quia

nostrarum rerum erant imperitiores, nō tam facillē fēserunt dolum. Angli enim omnes, ij præsertim, qui non sunt apud exteros peregrinati, ualde sunt biliosi: quod proprium est omnibus ad septentrionem pertinentibus populis. Galli uero, quoniam positi sunt in regione benē temperata, cincti Hispanijs & Italia et Anglia & Germania, medium quiddam obtinent, neq; præcipites, neq; nimium etiam tardi, aut remissi. Exhilaratus igitur his Connestablij literis & mandatis Eduardus, tametsi iam antea poterat aliquid odorari: unā cū Carolo digressus Perona, proficiscitur Sanctoquintinum. Aliquot illius cohortes, quasi certa & explorata oppidanorū amicitia, leti præcurrūt, sed propinquo- res facti, tormentis excipiuntur, & desideratis nōnullis, corlo multum pluuio & incommodo, regrediuntur ad suos, uehementer irati Connestablio, quem & proditionis insimulabant. Postero die, Carolus abitionem parat. Quæ res magnopere contra opinionem Anglis accidit, eò quod author ipsis fuerat, ut mare traicerēt. Cogitabat autem ad exercitū suum, qui Lotharingiam uastabat proficisci, multa se facturum esse promittens, quæ sint ex ipsorum usu. Verum Angli, cū alioqui suspicionibus indulgeant, et quod essent planē hospites in ea regione, grauitè admodum tulerunt hunc illius discessum, neq; persuadere sibi poterant, ipsum habere ul- lum coactum exercitum. Præterea factum illud Connestablij impatientissime ferebant, & Caroli satisfactio- nem,

hem, qui multis de causis illud accidisse diceret, nullo modo accipiebant, & quoniam hyems suberat: pacem potius quam bellum spectabant. In hoc ipso temporis uestigio, dum Carolus abitionem parat, adolescens quidam Gallus capitur ab Anglis: Adductus ad Eduardum & ad Carolum, custodie mandatur. Carolus illinc digressus, Brabantiam petit, ubi partem aliquam habebat copiarum. Adolescentem, eò quod primus erat, quem ex hostibus cepissent: Eduardus dimitti iubet. Is, cuius antea meminimus, Hauartus, abeunti dat aureum nummum, simul mandat, ut suo nomine regem Ludouicum, si conueniendi facultas detur, salutet. Ille celeriter profectus, Regi, qui tum erat Compendij, mandatum exponit. Rex initio ueritus exploratorem aliquem esse, quod ipsius heri fratrem intelligeret apud Britannum esse in auctoritate: iubet arte custodiri: sed tamen ipsius mandato multi compellabant eum, ut certi aliquid cognoscerent. Is omnibus uidebatur, nihil subesse doli, & audiendum esse. Postridie, mane, rex ei denuo loquitur, & uinculis quidem expediti: sed tamen seruari precipit. Cum uentum est ad prandium: diu multumque secum deliberat, num sit in Anglorum castra quempiam missurus: & antequam asideret. secretò mibi quedam dicebat. Venit ei in mentem, quod Anglie foecialis nuper dixerat, ut simulatque mare traiecisset Eduardus: ilicò mitteret aliquem eò qui per Hauartum sit habiturus aditum. Vbi confedit & aliquandiu

pro suo more cogitasset: iubet, ut surgam (sic enim ferebat eius consuetudo, ut semper aliquos mensa sua dignaretur) et in cubiculo prandeam. simul adolescentem quendam nominat: huic ut quacunque ratione persuadeam, iubet, uti publicus nuncius Anglorum excreitum adeat. Eo accersito adolescente, mirabar, quid rex sibi uellet. Nam nec corporis figura, nec animo mihi uidebatur ad eam rem idoneus: sed fallebar. Nec enim ingenio carebat, et erat in eius sermone blanda quedam suauitas, ut postea cognoui. Rex, cum semel tantum ei locutus esset, hoc statim in eo deprehenderat. Vbi quid uellem, exposuissem: ita fuit attonitus, ut ad pedes proiectus deprecaretur, non secus ac si in presenti uite discrimine positus esset. Confirmabam eum, quibus potui rationibus, et magna pollicebar, et, ut magis auderet, dicebam ab Anglis hoc emanasse, ut mitteretur aliquis. Examus omnino soli, et inter prandendum, quid fieri oporteret, edoceo. Paulo post euocor à rege: quid egissem, expono, simul alios, qui mihi uidebantur magis idonei, profero: sed ipse hunc unum preserebat omnibus. Tandem in coenaculum meum uenit, comitatus uno solum famulo, et locutus adolescenti, paucis uerbis magis eum excitabat, quam ego sermone prolixo. Cumque pauorem omnem et dubitationem ab illo expulisset: iubet ilico uestem consui, cuiusmodi Ecclesiales uti solent. Eius enim generis nulla tum erat parata, quod Rex in ijs rebus minime erat ambitiosus. Ea-  
ueste se

ueste secreto confecta: clam adducitur equus, in mantia-  
cam imponitur uestis, & propinquior factus Anglo-  
rum castris, iubetur eam circumferre palam. Quum ea  
peruenit, sistitur, et ad Eduardi tabernaculum adduca-  
tur. Interrogatus, quid uellet: à Galliarum Rege se-  
missum esse dicebat ad Eduardum, & iniunctum sibi,  
ut per Hauartum adiret. Pransus, ad Eduardum redu-  
citur. Ibi mandatis expositis, ait Principem suum cu-  
pere modis omnibus, firmam & perpetuam inter An-  
glos & Gallos amicitiam intercedere: Id facile ex ea  
posse intelligi, quod interea, dum apud Gallos imperi-  
um obtineat, nihil unquam aduersus Angliam sit mor-  
litus: Quod à Comite Beruicensi fuerit non alienus,  
illud odio Caroli tantum fuisse factum: à quo nunc sit  
accerditus & impulsus Eduardus ad hoc bellum, non  
alia de causa, quam ut ipse adiutus opinione foederis  
& societatis Anglicæ, maiora consequatur in Galliis,  
& ampliori suo commodo paciscatur. Si qui alij bel-  
lum suadeant, eos hoc solum spectare, ut priuatis suis  
rationibus consulant: de salute Angliæ nihil magnope-  
re sollicitos esse: iam impendere hyemem: non dubium  
esse, quin magnos in hoc bellum sumptus fecerit: &  
quanquam in Anglia complures bellum cupiant: ta-  
men, si pacis mentionem non excludat, Ludouicum  
Regem non esse defuturum officio, qui & Legatos ad  
ipsum ea de re sit missurus, modo id sine periculo lice-  
at; aut si malit aliquem locum medium utriusq; lega-

torum colloquio deligere, futurum id Regi non ingratum. Iis cognitis postulatis, Eduardus eiusq; familiares, re deliberata, comprobant eam sententiam: & dato uiatico, literis de periculo cauent uenturis legatis, simul nuncium in Galliam mittunt, qui suis idem impetrent. Data utrinq; fide, Rex inter alios Amiralium mittit. Anglica Legationis princeps erat Hauartus. Hi postridie apud Ambianum conueniunt: Videatur uicini fortasse, Regem nimium se demisisse: uerum qui iudicio preediti sunt, ex ijs, que supra demonstrauimus, uident, in quanto fuerit tum Gallia discriminis, nisi Deus illam eripuisset: qui & Regi author fuit band dubie optimi consilij, & Caroli mentem ita conturbauit, ut ea sequeretur consilia, que summum ei detrimentum attulerunt. Sparsa tum erant per Galliam multa diffensionum semina, que tametsi tegebantur adhuc, erant tamen eruptura breui post tempore, nisi Rex in uerbis illa necasset. Ex Britannia potissimum ingens quedam tempestas nobis impendebat: quò magis credo, Deum singulariter & unice, tunc respexisse Gal-  
lion.

PHILIP.





Ostendit quàm noster Foecialis redierat.  
 Legati, ut diximus, constituto loco con-  
 ueniunt. Inter utrosq; exercitus inter-  
 uallum erat quatuor milliarium. Vbi  
 conditiones aliquot nostri proposu-  
 isent: Angli pro sua perpetua consuetudine, pete-  
 bant omnem Galliam, aut saltem Normanniam et  
 Aquitaniae partem sibi reddi. Id uero nostri obstinate  
 negabant: et quanquàm in eo conuenire inter ipsos non  
 poterat, tamen, quoniàm pacis erant utrinq; cupidi: per-  
 factum aliquid fuit. Ipsorum hæc tandem fuerunt po-  
 stulata, primum, ut Rex Eduardo statim dependeret  
 septuaginta duo aureorum millia: deinde, ut ipsius  
 filius Carolus, qui nunc rerum potitur (Delphinum  
 Galli uocant) uxorem duceret natu maiorem Eduar-  
 di filiam: Ad hæc, ut in educationem filie rex aut  
 certam Aquitaniae partem daret: aut per annos nouem  
 quinquaginta aureorum millia quotannis persolueret.  
 Londini: quibus annis elapsis, illi perfecto matrimo-  
 nio, fructibus omnibus Aquitaniae, sine contentione  
 utantur fruuntur. Alia quedam humiliora, quæ ad  
 mercatorum negocia pertinent, de quibus etiam agita-  
 tum ibi fuit, nihil attinet commemorare. Postremo,  
 ut per annos nouem firma sit pacificatio, et ut socius  
 quisq;

quisq; suos in ea comprehendat, & in his Carolum etiã atq; Britannum, modo uelint ascribi. Ex altera parte, Eduardus ultro deferebat ( quod in primis mirum uideri potest ) se patefacturum esse Regi quosdam Gallicæ proditores. Cum ex Legatis, quid illi peterent, Rex cognouit: conuocato concilio, cui & ipse intereram, deliberat. Nonnulli putabant eos agere insidiosè: Rex autem longe aliter sentiebat, his potissimum de causis, quòd imminente iam hyemè, non possent quicquam magni efficere: quòd receptaculum nullum haberent: quòd à Carolo male essent accepti, & iustissimas haberent in eum offensionis causas: quòd Connestablius nò esset ipsis locum ullum munitum, in quem se recipiant, daturus: idq; sibi constare dicebat, quòd frequentes ad eum mitteret nuncios. Deinde, non nesciebat, Eduardum delicijs & ocio deditum esse. Quocirca decreuit eam pecuniam oportere persolui, & eius corroganda statim inite sunt rationes, & singuli conferebamus aliquid pro suis quisq; facultatibus, ut absq; mora dependeretur. Hæc enim erat sententia Regis, ut diceret, se nihil non esse facturum, quòd domum illi redirent: non se passurum tamen, ut possessiones ullas in Gallijs obtineant: & potius quàm hoc ferat, extrema se omnia tentaturum. Connestablius interea, quòd perpetuo metuere illam contra se factam Bouilli conspirationem: in maxima erat sollicitudine. quæ causa fuit, ut crebris amicijs Regem interpellet. Et dum hæc agitantur,  
mittit

mittit Ludouicum Creuilium, honesto loco natum, & unum è scribis, Ioannem Richerium. Hi Bocagio & mihi, iussu Regis, quid uellent, exponunt. Forte aderat eo die Contaus, qui cum esset apud Atrebatum captus, ut suprà diximus, fide militari subinde uehiebat ad Regem: & si pacem conficeret, pro sua, qua ualebat apud Carolum auctoritate, promittebat ei rex libertatem absq; precio, & magnam præterea uim pecunia. Auditurus igitur Connestablij Legatos, Contæum intra cubiculi fores collocat, meq; illi adiungit, ut legatorum orationem Carolo recitaret. Atq; ut plenius intelligeremus omnia: sellam suam iubet deferri proximè ad fores intra quas eramus abditi. Illi incipiunt: à Connestablio se missos nuper fuisse ad Carolum, ut ab Anglorum societate ipsum auerterent: illum autem uehementissimè tunc iratum fuisse Eduardo, & minimum abfuisse, quin ei persuaderetur, ut non modo desereret, uerum etiam, ut cum exercitū discedentem inuaderet. Dum hæc illi recitant: simul student, quò magis Regi gratificarentur, Caroli uocem & gestus representare, quibus ille concitatus ad iram, uti consueuit: ac inter alia dicebant, eum nominasse Eduardum, sagittarij cuiusdam filium, & id genus alia multa. Rex in risum solutus, ait se grauius audire: rogatur igitur, ut ea quæ dixissent, repeterent. Creuilium magno quodam affectu rursus omnia commemorat. Contæus, qui unà mecum post fores latebat, ualde mirabatur, & nisi coram ipse

ram ipse audisset; nulli fidem habiturus erat. Mandan-  
 torum hæc erat summa: suadere se regi, ut periculi ui-  
 tandi gratia, in quo esset, pacisceretur cum Anglis in-  
 ducias: Connestablium in ea re fore adiutorē, neq; du-  
 bitare, quin sit perfecturus. Et quò facilius persuade-  
 atur Anglis: uideri Connestablio, rectè facturum esse  
 Regem, si unum Et alterum oppidulum illis det hys-  
 mandī causa. Sciebat Anglos inimico esse in se animo,  
 propter acceptam contumeliam apud Sanctoquinti-  
 num: Et ut eos placaret, ideo ad hunc modum loque-  
 batur. Rex, cui satis erat sustinuisse personam, Et hoc  
 perfecisse, ut Contaus illorum orationem intelligeret:  
 hoc solum respondit, se cum Eduardo acturum esse,  
 atq; ita dimisit Legatos, & quibus alter, fidem Regi da-  
 bat, interposito iureiurando, si quid ullo tempore sen-  
 tiret, quod ad ipsum pertineret, se patefacturum esse.  
 Regi ualde molestum erat Et graue, nō respondere ali-  
 quid ad eam sermonis partem, qua illi suadebant, An-  
 glos in oppida recipiendos esse: uerum quod metueret,  
 ne Connestablius aliquid grauius admitteret: ita re-  
 sponsum temperauit, ne quod offensionis signum illi  
 deprehenderent: simul è suis aliquot ad illum crebro  
 mittebat. Nam propter modicum interuallum, paucis  
 horis alter de altero cognoscebant. Contaus impati-  
 entissime tulit, principem suum, à legatis, qui tenuis  
 essent conditionis homines, ad eum modum ludificari,  
 præsertim, cum in hoc tempore Connestablius magnū  
 simularet

simularet amorem, et cum Carolo de varijs rebus agitaret, eiq; spem ingentem faceret. Itaq; nihil magis optabat, quam ut primo quoq; tempore, domum reuersus, Carolo rem omnem exponeret. Cum igitur perfectio negotio, cuius causa uenerat, discederet: Rex, dedit ad Carolum literis, petit, ut ijs, quæ dicturus esset Contæus, fidem haberet. Præter alia, de quibus inter Regis et Eduardi legatos conuenerat, hoc etiam fuit constitutum: ut ad colloquutionem ipsimet Reges uenirent, ac iureiurando pactiones confirmarent: ut Eduardus accepta pecunia, quæ petebat, obsides daret duos proceres, et alterum ex ijs Hauartum, qui in Gallijs essent, donec ille cum exercitu mare traiecisset. Angliæ quoq; primoribus Rex promittebat annuam pensionem, ad sedecim aureorum millia, et ea pecunia statim persoluta fuit in primum annum, et uasa multa argentea dono illis data. His rebus cognitis, Carolus, qui tum Luxenburgi erat, magna celeritate contendit ad Eduardum, sedecim comitatus equis. Vbi uidisset Eduardus, miratur quid sit: rogat quamobrem uenerit. Carolus ait se uelle colloqui: tum ille, priuatim ne, an publicè? Ibi Carolus rogat, an pacem fecerit: Ille respondit, se pactum esse nouem annorum inducias, in quibus et ipse, modo uelit, sit comprehensus: rogare se, ut assentiretur. Carolus coepit indignè ferre, et stomachari, et Anglicè locutus, exponit, quanta fuerit ipsius maiorum, Angliæ regum uirtus, qui exercitu in Galiam

liam sepe traiecto, præclare ibi multa fecerint, cum ut genti ipsorum gloria: pacificationem hanc esse uehementer indignam et abiectam: se quidem fuisse illi auctorem, ut mare transfret, non quod ipsius haberet opus auxilijs, utrum ut hac ratione, uetus patrimonium et ius, quod ad ipsum, quod ad Angliæ Reges à plurimis, nunc annis pertineat, recuperaret. Et quò magis, constet, quàm facile carere possit eius adminiculo, non se facturum esse inducias cum Rege, nisi tribus mensibus post ipsius in Angliam traiectum. Hæc locutus abiit. Eduardus, et qui erant cum eo, sermonem hunc grauitè tulerunt: alij, quibus ea compositio displicuit, laudabant. Sic ut constitutum erat, Eduardus propius Ambianum accedit. Rex è porta urbis prospiciebat aduenientes copias: ilico trecenta plaustra generosissimi uini dono mittit. Et quoniam induciæ erant: illi sub armis magno numero in urbem ueniunt. Quod si Rex insidiosè uoluisset aliquid moliri: facile poterat eos opprimere sed aliò spectabat. Mensas duas longiores iusserat hinc inde per uiam disponi, ad introitum urbis, prope portam, ijs cibus, qui sitim prouocant, optimisq; uinis instructas: simul ad eas collocauit è nobilitate quosdam præpingues, et bene curate cute nitidos, qui comiter illos exciperent, et ad comotationem inuitarent. Ad hunc modum in ipso propè limine excepti, ac deinde longius in oppidum progressi, quocunq; diuerterent, lautissimè per quatríduum habiti.

habiti fuerunt, sumptu regis. Interea Connestablius, qui pactionem hanc indigne ferret, non minus quam Carolus: conscientia facinoris instigatus, è sacrificiis quendam mittit ad Eduardum, ac magnopere hortatur, ne Regis orationi, et promissis fidem habeat: sed bybernis unum et alterum oppidum, quæ dicebat nominatum, sumat, ijsq; sit contentus. Intra bimestre, sua diligentia et opera, longe commodius ei paratum fore hospitium. Hec ille quidem oblique et dubitanter, sed tamen ample et prolixè. Et ne qua maiori necessitate coactus Eduardus, indignum aliquid admitteret: promittebat mutuo dare ad quinquaginta aureorum millia, multaq; alia eius generis nunciabat. Regem antea fuerat hortatus, ut Anglis illa, de quibus diximus, oppida per byemem daret. Ea res quoniam ad Eduardum emanauit: Rex, ne qua parte offenderet, iam illa traderat. Eduardus respondit, se pactum esse inducias, nec uelle quicquam immutare: quòd si fidem ille sibi seruasset, non se descensurum fuisse ad eas pacis conditiones. Ibi uero Connestablius omni spe reconciliationis excidit. Dum ad eum modum, ut diximus, Angli commessantur Ambiani: Regem de eo certiozem facit Torcius, uir nobilis, cumq; ille stomacharetur: obmutuerunt omnes. Dies ille representabat eum, in quem Innocentium puerorum dies eo anno inciderat. Regis autem erat consuetudo, ut per eum diem, nemo quicquam ad ipsum de negocijs deferret, et mali ominis esse putabat;

M

si quis ulla de re graui & seria cum ipso loqueretur: et  
 ijs, qui hunc ipsius morem non ignorabant, si quando  
 interpellassent, ualde irascebatur. Verum ubi audissem  
 in urbe iam esse ad nouem Anglorum millia: putauit  
 non esse contemnendum periculum. Accedens igitur  
 ad illum, tametsi hunc diem religiose colas, inquam, ta-  
 men quo loco sint res: opus est, ut dicam. Ordine dein-  
 de commemoro, quid fieret, & quemadmodum illi au-  
 gescerent, dum metu ne offendantur, sine discrimine  
 omnes intromittuntur. Ille placide respondit, religio-  
 nem hanc, in eo rerum statu, solui posse: iubet, ut con-  
 scendam equum, & experiar apud Duces, si qua ratio-  
 ne queant reuocari: uelle se cum ipsis colloqui, et paulo  
 post ad portam esse uenturum. Sic ut imperatum erat, fe-  
 ci, quantum licuit: uerum uno aliquo discedente, multi  
 alij ingrediebantur. Post me Gijum mittit, nunc Gallie  
 Mareschallum. Ingredivimur cauponam, largiter ibi po-  
 tabatur, & personabant omnia uocibus ebriorum. Ibi  
 tandem coepi remittere curam, & iudicabam nihil esse  
 magni periculi, & ad Regem hoc statim enunciabam,  
 qui & ipse non multo post ad portam uenit magno co-  
 mitatu, & secreto iubet armari ad trecentos cataphra-  
 ctos, & ad portæ custodiam, loco superiori, multos com-  
 siliuit. Ipse in ianitoris domo prandet, & cum eo multi  
 ex Angliæ primoribus: Eduardus de suorum intempe-  
 rantia certior factus: nunciat Regi, ne quem omnium  
 intromittat. Rex minime se quidem istud facturum esse  
responde



respondit: uerum si commodum ei uideatur, mittat aliquem suorum stipatorum numerum, qui quos uelint, admittant. Placuit ea ratio, itaque factum est, ut plerique omnes ab urbe excederent. Post hæc, inijcitur mentio, circumspiciendum esse locū idoneum collocutioni. Ad eam rem conficiendam, Bocagius et ego mittimur à Rege: Ab Anglis uenit Hauartus et Calangerius cum fociali. Diligenter inspecta omni regione, et ora illa, quæ est ad Somiam flumē: opportunus uisus est nobis locus, Piccenium oppidum, tribus infra Ambianum miliaribus, tametsi Carolus nuper illud incendio vastaueret. Vtraque uia, quæ uenturi erant diuersis itineribus ambo Reges, admodum erat amœna: nisi quoddam per spaciū aliquod, locus, quæ ueniendum erat Eduardo, propter angustias, opportunus erat insidijs et iniuriæ, si quis mala fide rem egisset. Angli enim, quod et supra dixi, non sunt in eiusmodi rebus tam ingeniosi et providi, quàm nostrates. Vbi conuenit de loco: placuit efficiendum esse pontem, in quo illi congregerentur. Materiam omnē ad eam rem nos subministrauimus. In medio ponte fit cauea, mediocri altitudine, qualibus coherceri uidemus leones. Eius foramina erant ea magnitudine, ut brachium aliquis laxè infereret. Supernè tota erat contabulata, pluuiæ arcendæ causa, ita quidem amplè, ut utrinque duodeni cōsisterent. Ea cauea completebatur utramque oram pontis, sic, ut transitus in alterutram partem nullus patcret. Ad flumen solum erat una

scapha, cum duobus uectoribus. Et quoniam ad hunc locum uentum est: non grauabor recitare causam, cur sepimentum istud Rex iusserit edificari, ut alij quoq; Principes in colloctionem aliquando uenturi haberent quod sequantur. Carolus Gallie rex, eius nominis septimus, multum adulescens, affligebatur admodum ab Anglis. Nam Henricus quintus Anglie rex acriter obsidebat Rothomagum. Oppidani pleriq; omnes aut subiecti erant imperio Ioannis Burgundie Ducis, aut rebus eius alioqui fauebant. Huic grauis intercedebat cum Aureliano Duce similtas, ita quidem, ut tota fere Gallia factionibus & studio alterius partis esset diuisa, maximo cum detrimento Reipublice. Nam eiusmodi factiones, ubi semel radices egerint; uix magna difficultate sedari possunt. & in hac diffensione Aurelianus Lutetie fuit interfectus, anno proximè ante Rothomagi oppugnationem. Ioannes autem Burgundie Dux, magnum habebat & instructum exercitum, quò obsidionem solueret. Utq; facilius, quò spectabat, perueniret, deq; uoluntate regis non dubitaret amplius: uisum fuit, ut cum Rege in colloctionem ueniret Monstreli, quod circiter uiginti milliaribus supra Luteciam est oppidum, ad confluentem Sequana & Iona. Fuit igitur ibi in edificatum ponti sepimentum quoddam, uerum ita, ut per ostium, quod utrinq; claudebatur, alijs ad alios pateret aditus, modo utriq; uellent. Cum cò uentum est: incipiunt colloqui Principes. Ac licet magno comitatu

comitatu uenissent ambo: Burgundie tamen Dux, quatuor tantum e suis adduxit, & paulò post, uel quòd inuitaretur, uel quòd alioqui cuperet honorè aliquem Regi deferre: ab ea parte, quæ erat, aperit fores, cumq; ab altera parte idem fieret, transijt ad Regem, & confestim fuit interemptus. quæ quidem cædes maximari deinde calamitatum causa fuit, ut constat. Istud quidem non propriè pertinet ad nostrum institutum, ideoq; non immorabor amplius, sed ad hunc modum, ut dixi, Rex mihi recitauit ipse. Quod si, quo tempore fuit institutum illud colloquium, sic fuisset aptatus locus, ut occasio nulla extitisset, illum euocandi: non fuisset ea perpetrata cædes, cuius erant authores nonnulli familiares Acreliani Ducis, magnæ apud Carolum Regem authoritatis. Rebus omnibus ad colloquium paratis: postridiè ueniunt eò Reges ambo, & Ludouicus quidem prior cum octingentis cataphractis: Eduardus autem cum omni exercitu. Sed duodenos tantum singuli secum adducunt, & interea dum colloquuntur: ex ipsis quatuor erant destinati, tanquam inspectores eorum, quæ apud nos gererentur: ex nostris totidem erant in ipsorum castris, eadem de causa. Cum Rege præter alios aderant Ioannes Borbonie Dux, eiusq; frater Cardinalis. A multis annis Rex eum habebat morem, ut e suis unum aliquem sæpe uellet eodem esse cultu corporis, quo ipse erat. Eo itaque die me delegit ad eam rem. Posteaquam Eduardus eò uenit, comitatus

## COMMENTARIORVM

inter alios fratre, Clarentia Duce, complectuntur se inuicem ualde amanter per foramina illa sepimenti, & Ludouicus sermonem inchoans: Aduentus, inquit, tuus, cognate, mihi longe est gratissimus, adeo quidem, ut nullius hodie principis conspectu & colloquio, malim frui, eoq; nomine gratias ago immortalis Deo, cuius beneficio, hic perpetuæ amicitie firmandæ & reipublicæ causa conuenimus. Ad ea cum Gallice respondisset Eduardus: eius Cancellarius sermonem excipit, & uaticinium extare dicebat de futura insigni quadam apud Piccenium inter Gallie & Angliæ Reges pacificatione. Tribuunt autem Angli plurimum uaticinijs, & quum de rebus arduis tractant, in medium semper aliquid tale adducunt. Ea habita oratione: proferuntur literæ, quas de pactionibus Ludouicus miserat Eduardo. Ibi tñ Cancellarius Regem interrogat, an ratas habeat utrobiq; latas condiciones? Cū assensisset ille, ponitur in medium liber sacratus, & alia quedam religiosa. Iis ambo superimponunt manus, et sanctissimo iureiurando pollicentur, omnia se bona fide seruatuuros esse. Post hæc, Ludouicus, quoniam facetus erat & urbanus in dicendo, recte, inquit, erit cognate, si quando Luteciam uenias: lucundè uiuemus & suauiter, teq; oblectabis cum eius urbis lectissimis foeminis: adhibebo tibi Cardinalem Borbonium: Is quicquid peccaris, pro ea quam habet, potestate, facile expiabit. Eo sermone fuit exhilaratus Eduardus. Cumq; amice admodū et blanda  
ad eum

Ad eum modum essent aliquandiu locuti : Rex iubet nos, qui cum ipso eramus, aliquò secedere . Qui cum Eduardo uenerant, iniussi diuertunt. Paulo post, accersit me Rex, & Eduardum rogat, an cognoscat. Ille et se nouisse respondit, & nominatim, quibus in locis uidisset, dicebat . Nam quo tempore adhuc eram in familia Caroli, præsiteram ei meam operam . Tum Rex ad illum : St Carolus, inquit, nolit seruare inducias ( admodum enim fastuose respondit ) quid agendum tibi esse uidetur? Ad hoc Eduardus, denuo licebit experiaris, ait & conditionem deferas : quod si nolit comprehendi : pellite inter uos pro uestro arbitratu . Per occasionem deinde Rex delabatur in mentionem Britanni, nam idcirco in hunc sermonem descendit, & cū illo quid agendum sit, rogat, si nolit ratas habere inducias? Tum Eduardus, nullum se rebus aduersis habuisse fideliores amicum respondit, ideoque rogare, ne quod ei bellum inferatur . Conticuit Rex, & complexus illum, humanissimeq; salutatis eius familiaribus, Ambianum reuertitur, et illi ad exercitum redeunti, subministrat omnia, quorum aliquis esse poterat usus . Dux Cloestrius Eduardi frater, et alij nonnulli proceres, quòd grauitè ferrent eam transactionem : non interfuerant ei colloquio, sed tamen eò deducta res fuit, ut hi omnes deinde ad regem uenirent, acceptis ab eo pulcherrimis donis, uasis argenteis, & equis lectissimis . A colloctione, quum rediremus Ambianum : Rex in itinere mecum

duabus de rebus præcipue loquebatur. Primum, antequam aduerterat Eduardum facili momento potuisse impelli, ut Luteciam ueniret: id molestum erat ei. Nam formosus, inquit, est Princeps & elegans: delectatur consuetudine mulierum: facile sit, ut Luteciæ aliquam resperiat delicatulam, cuius amore & suauiloquentia captus, cupiat eò subinde redire: atqui maiores ipsius, nimum ibi inueterauerunt. Quamdiu intra regni sui fines sese continebit: expeto illius amicitiam, citra mare autem non potest ulla mihi cum eo firma esse aut certa societas. Alterum erat, quod paulò durior ille fuisset, quando de Britanno facta fuit mentio. Nam et hoc ei molestè accidit, & quia magnopere cupiebat inferre bellum Britannicæ: denuo per legatos eum sollicitat, ut sibi hoc ipsius pace liceat. Sed ille cum urgeretur: respondit, si bellum excitetur aduersus Britannum, se denuo traiecturum esse mare, ut illum propugnet. Ad eum sermonem legati conticuerunt. Dum essemus Ambiani: ueniunt ad Regem aliquot eius familiares, qui pacis fuerant principes. Ex ijs Hauartus ad eum secretò, Si uelis inquit, facile perficiam, ut Eduardus huc ueniat, & fortasse Luteciam usque; animi recreandi causa. In sua uoc hoc erat Regi dissimulans tamen, & lotis interea manibus, ut pranderet, nihil admodum respondit, & ad mortacitè, quod suspicatus, inquit, eram, id accidit. A cœna, cum in eundem sermonem illi denuo incidissent: illatum aliquid fuit ad excusationem, quam fieri potuit

CIII

ciuiliſſime, & Regi contra Carolum magna celeritate  
 proficiſcendum eſſe dicebatur. Si quis memoria repe-  
 rat, quantis calamitatibus Angli plurimis annis, et no-  
 ſtris etiam temporibus Galliam afflixaerint: ei non ui-  
 debitur mirum, tantam fuiſſe Regis diligentiam, ut eos,  
 quacunq; ratione placatos dimitteret. Poſtero die An-  
 gli maximo numero ueniunt Ambianum. Ex ipſis  
 quàm plurimi dicebant, eam pacem Sancti ſpiritus be-  
 neficio factam fuiſſe. Nam quo die Reges conuenie-  
 rant: columba candida conſederat in tabernaculo  
 Eduardi, nec ullo ſtrepitu aut clamore fugari potuit.  
 Pluerat aliquantulum, eamq; pluuiam inſecutus eſt  
 deinde fulgor ſolis, et columbam aliqui dicebant exi-  
 candi ſui cauſa, inſediſſe ei tabernaculo, quod præ ca-  
 teris eminebat. Hanc rationem adſerebat mihi Vaſco  
 quidam nobilis, ex familia Eduardi. Pacificationem  
 hanc ille grauiter, ut alij multi, ferebat: & quoniam  
 uetus inter nos erat noticia: familiariter mecum locu-  
 tus, inter alia dicebat, non dubium eſſe, quin Eduar-  
 dum aliquando ludificaremus. Rogabam, quàm mul-  
 ta feciſſet ille ſecunda prælia? Nouem, inquit, quibus  
 omnibus interfuit ipſe. Quàm multa, inquam, aduer-  
 ſa? Vnum, ait, nempe hoc ipſum, & ueſtra quidem cati-  
 liditate. Et quoniam iſtud in ſe amiſit: collectam è  
 ſuperioribus bellis gloriam, hoc uno totam obſcurauit.  
 Rex per me certior de eo factus, ait, eſſe hominem ſe-  
 ditioſum, & prouidendum, ne quid turbaret. Vocat

## COMMENTARIORVM

igitur ad prandiu, et, si commorari secum uellet, magnas defert conditiones: Dono deinde datis mille aureis, pollicetur eius fratribus, qui per Galliam erant, omnem beneuolentiam. Ego quoque in aurem illi aliquid admurmurans, orabam, ne quid moueret. Rex in prunis erat sollicitus, ne quod dictum sibi imprudenti excideret iocosum, quod Angli ad sui derisionem interpretarentur. Postridie autem colloctionis, cum esset in cubiculo, et ex nobis aliquot una cum eo, uerbum aliquod facetum ei excidit, dum forte de uino et his rebus, quas in illorum castra miserat, loquitur. Respiciebat, de improviso conspiciat mercatorem quendam Vasconem, qui eo uenerat, petens, ut sibi liceret uina sine portorio illinc in Angliam exportare. Vbi uidit: obstupescit, simul miratur quemadmodum eo penetrasset: Rogat qui sit, et unde, et an uxorem habeat in Anglia? Ille, habitare se quidem in Anglia respondit cum uxore, sed exiguas habere facultates. Posteaquam deinde certis conditionibus cum illo egissem: Rex largitur, quod petebat. nec id modo, uerum etiam eo in loco, unde originem habebat, munus publicum dabat, et mille francos dependit ad euocandam ex Anglia coniugem atque familiam: Ea profectio ipsius fratri committitur: Ipse Burdegalam ire iubetur, et ne quod deflenderet, additur ei mandato regis, comes itineris. Ad hunc modum rex, quod minus circumspecte locutum fuisse intelligebat, hac pecunia se multauit ipse. Dum  
hec



hec geruntur: uenit à Connestablio legatus Rapinius. Eum ut audiremus, Ludeo mihiq; Rex mandat, Conteus, quem supra diximus ad Carolum fuisse profectum, ut Connestablij consilia patefaceret: redierat iam ab illo, et erat cum Rege. Legatus in hunc modum uerba facit: Connestablium habere pro explorato, quàm grauer sit accusatus, sed ex ipso rerum euentu facile Regem iudicare posse, falso delata esse omnia, quòd in ipsius detrimentum nihil hactenus admisit. Et quò maior sit fides: docet quomodo persuaderi possit Carolo, ut discedentem Eduardum adoriatur et opprimat. Nos ad ea respondimus, uelle nos uti pace tam Anglis, Ludeus etiam sermone longius progressus, rogat, quo loco repositam habeat pecuniam Connestablius. Mirabar, hanc illi uocem excidisse, multò magis etiam, quòd ille, postquam hoc intellexit: heros suo non fuerit author, ut profugeret. Nam quid uergeretur, facile potuit ex eo cognoscere. Sed ita fere fit, ut pauci admodum expedire se possint à periculis, et tempestiue illa uitare. Alij, quòd experientiam nullam habeant, neq; similia exempla obseruarint: alij studio et amore liberorum, uxorum, familie et possessionis cauere sibi non possunt, et tamen si premoneantur: tamen his uinculis impediti, in maximas sepe calamitates incidunt. Vbi de postulatis illius à nobis Rex cognouit: scribam accersit, præter Bocagium et me, adierant unà Conteus et Hauartus: et hic quidem igna-

rus,

rus, quid ageretur. Dat literas ad Connestablium in hanc sententiam: Se pactum esse cum Eduardo, & nunc uarijs occupari negocijs: ita quidem, ut eiusmodi capite, quale sit ipsius, uehementer opus habeat. Inde ad Hauartum & Contem: Corpus, inquit, illius non requiro, & solo capite sim futurus contentus. Eas literas dat Rapinio, cui clementer admodum & amice dictum esse uidebatur istud à Rege, nec quò pertineret, intelligebat. Posthæc, Eduardus binas Connestablij literas ad se scriptas, mittit ad Regem, & quicquid unquam nunciauerat, patefacit. Quò magis uidere licet, quàm fuerit deploranda illius conditio: qui tres potentissimos Principes eodem tempore habebat infestissimos. Eduardus à Rege accepta pecunia, magnis itineribus Caletos proficiscitur. Nec enim à Carolo tantum, uerum etiam à promiscua multitudine per Galliam, sibi metuebat. Et si quis militum à reliquis copijs aberrasset, aut paululū modo diremptus esset ab alijs: uix erat, ut non interficeretur. Obsides autem reliquit in Gallijs Hauartum & Ioannem Seneium, quo ad mare traiecisset. Suprà diximus, illum non magno opere propendisse in hoc bellum. Nam simulatq; Dauernum uenit, quod est trans mare oppidum, contra portum Iccium, & antequam illinc solueret: coepit nobiscum aliquas rationes intire. Vt autem ad nos traiceret, duo potissimum erant in causa. Primum, populus pro sua perpetua consuetudine bellum expetebat, & Carolus

etiam

etiam infligabat. Deinde, cogitabat magnam eius pecunie partem, quam in hoc bellum exegerat, sibi retinere. Angliæ enim reges, præter certos et annuos census, nullam suis imperant pecuniam, ut antea quoque diximus, nisi in bellum Gallicum aut Scoticum. Et ut populo satisfaceret: alia quadam arte fuit usus et caliditate. Londino secum et ex alijs urbibus ad duodecim ciues adduxerat, homines locupletes, obesos, et vitæ molliori assuetos, qui et accepti erant multitudinibus, et processionem in Galliam ualde suaserant. Et quanquam satis habebantur commodè in tabernaculis: tamen quod ei vitæ generi non assueissent, statim eos teduit. Putauerant enim fore, ut traiecto mari, intra paucissimos dies cum hoste dimicaretur. Interposita autem longiori mora, cum et bellum duceretur, et de pace mitterentur Legati: Eduardus fastidium illis etiam auxit, ut eò uehementius pacem urgerent, ac se, cum redissent domum, purgarent: si forte præproperum ipsius redditum populus indigne ferret. Nam ab Arturi temporibus, Angliæ rex, cum maioribus copijs in Galliam nullus unquam uenit. Collegerat autem in hoc bellum grandem pecuniam, cuius multò maximam partem sibi seruauit, quum opinione citius dimitteretur exercitus. Atqui, non erat ea uirtute et industria, quali prædicitum esse oportet eum, qui uelit in Gallijs magni aliquid bello perficere. Deinde, Rex communi-  
mro,

mero, nō poterat undiq; sibi cauere. Sed et Eduardus, quia magnopere cupiebat matrimonium, de quo constitutum erat, perficere plurima nobis concedebat. Post illius abitum, rex Veruinum proficiscitur, quod est ad Hannoniæ fines oppidulum. Auennij erant pro Carolo Cancellarius et Contaus cum alijs nonnullis. Notum ignorabat rex, quantis aliquando calamitatibus Angli affecissent Galliam (fuerat enim ipse spectator earum aliqua ex parte) quò magis etiam commotus fuit hoc illorum transitu, et ut minus sibi metuendum esset ab illis: cupiebat cum Carolo pacisci. Nunciabat ei Cancellarius, ut medium aliquem locum deligeret, quo cum ipsius legatis in colloquium uenirent. Eo accepto nuncio, ipse, tametsi nonnulli dehortarentur: ad constitutum locum accessit, adductis unà secum obsidibus Anglicanis, et ijs presentibus excipit Caroli Legatos, qui instructi uenerant magna militum et sagittariorum manu. Postquam utrinq; salutassent: nulla re alia perfecta, Rex ad prandium illos secum abducit. Ex Anglis qui aderant, quidam ad me conuersus, quòd impatienter ferebat factam esse pacem: Si multos, inquit, eiusmodi milites uidissemus in comitatu Caroli, quo tempore ad Eduardum nuper uenit, non eramus pacificaturi. Tum Archiepiscopus Narbonæ, qui forte aderat: An uero tam eratis, inquit, simplices, ac rerum imperiti, ut existimaretis, eum non habere multas eiusmodi copias? Habebat sanè complures, et resiciendi

ciendi sui causa, tantum dimiserat illas: Sed uos ita magnum tenebat desiderium patrie, ut sexcenta uasa uini, et pensio quedam annua, quam accipitis à rege, facile uobis abitionem persuaferint. Tum ille grauissime indignatus, hoc, ait, illud est, quod plerique nobis predicebant, fore, ut nos ludificaretis. An eam pecuniam, que nobis persoluitur à Rege, pensionem uocatis: tributum est, non pensio. Certè minimo negotio fieri possit, ut uestris ludibrijs prouocati, demuo in Galliam traiciamus. Ego sermonem hunc interrompens, iocose dictum esse interpretabar. Ille uero minime contentus, ad Regem aliquid extulit, qui ob hoc ipsum uehementissime fuit exacerbatus in Archiepiscopum. Inter Caroli legatos et nostros, in quibus etiam erat Petrus Doriollus, Gallie Cancellarius, magna fuit altercatio. Nostri, quid egissent, referunt ad Regem, ac inter alia dicebant, Burgundiones multum esse feroces in omni sermone: se uero nihil inuicem ad illos dissimulasse. Rex minime istud probabat, affirmans, hæc omnia, de quibus iam disceptaretur, antea sæpenumero in controuersiam uenisse: non hoc agi isto tempore, ut de rebus omnibus integrè definiatur, sed ut induciæ solum fiant: nolle se quicquam asperius dici, adeoque se ipsum uelle colloqui. Remotis igitur omnibus, præter Ammirallium et Bocagium et me, paciscitur nouem annorum induciæ. Illi uero petebant, quandoquidem Carolus iactauerat, non se facturum induciæ,  
nisi

nisi mensibus aliquot post Eduardi discessum ex Gallia  
 is: ne statim divulgarentur, ut ne uideretur illas apud  
 Piccenium factas, habuisse ratas, in quibus omnino  
 comprehendere non uellet. Eduardus, qui grauius alio  
 qui ferret illam Caroli pertinaciam: certior factus, Re-  
 gem cum eo pacisci: legatum mittit Thomam Mulgo-  
 merum, orans, ne præter eas, quas ipsi constituissent,  
 alias faceret inducias, et ut ne Sanctoquintinum illi  
 reddat: Quod si bellum etiam inferre uelit, pollicetur  
 se cum exercitu, primo uere, aut sub initium æstatis,  
 denuo traiecturum esse mare, et auxilia præbiturum,  
 ijs conditionibus, primum, ut Rex, detrimentum, quod  
 sit accepturus ob imminutum uectigal, sibi resarciat  
 (nam ex lana colligitur portorium illud Caleti, ad  
 quinquaginta aureorum millia quotannis) deinde, ut  
 belli sumptuum dimidiam partem dependat: se reli-  
 quum esse daturum. Rex, gratam se habere uolunta-  
 tem eius confirmandis: excusat, id sibi iam non esse in-  
 tegrum: de inducijs quidem se pactum esse cum illo,  
 sed esse planè easdem cum ijs, quas ipsi fecissent: et  
 hoc solo differre, quod ille separatim eius rei literas  
 postularit. Eo dato responso, legatus et obsides duo,  
 qui cum Rege fuerant hactenus, magnis amplificatis  
 muneribus, domum reuertuntur. Mirum in primis ui-  
 debatur Regi, tales ab Eduardo sibi fuisse oblatas con-  
 ditiones, ac periculi plenum esse iudicabat, præbere illi  
 nouam traiciendi occasionem, propterea quod con-  
 iunctis

sanctis copijs, inter Anglos & Gallos, facili momento sit oriturum disidium, neq; difficilis futura sit Anglorum cum Burgundionibus reconciliatio. quò magis cupiebat cum Carolo pacisci. His confectis rebus, illa inchoata nuper aduersus Connestablium actio, renouatur: Interponitur utrinq; fides, & conficiuntur literæ in eandem plane sententiam, ut Bouilli cõstitutum fuit. Eare cognita, qui cum ipso erant honestiores homines: paulatim se subducebant. Ipse, quòd sciebat Eduardum suas literas & mandata omnia patefecisse Regi: & quia non ignorabat, quorum impulsu & quamobrem essent factæ induciæ: magnopere fuit commotus, & misso ad Carolum legato, petebat, ut sine periculo sibi liceret cum ipso colloqui. Diu multumq; deliberauerat antea, quònam se potissimum reciperet. Egerat aliquando cum suis famulis Lotharingis, eorumq; ductu cogitabat in Germaniam profugere, & quantum posset auri secum deferre, & castellum aliquod ijs locis comparare, in quo se tueretur donec ad Principi amicitiam tutum haberet receptum. Aliàs decreuit subsistere Hani: quam arcem in hoc munierat, ut rebus parum secundis esset ei receptaculum. Sed quoniam eius familiares propè omnes, aut Regis erant aut Caroli imperio subiecti: non reperiēbat homines idoneos, quibus se committeret: ac tantus erat in eo fortasse pavor, ut suis non auderet se patefacere totum. Nam alioqui crediderim plerosq; ei non fuisse defuturos. Et pericu-

losius ei futurum erat, circumuallari ab altero solum  
 quam ab utroque simul. Nam permixti Burgundionibus  
 Galli, non erant diuturna usuri pace. A multa delibe-  
 ratione, cum ei de periculo cautum esset: constituit  
 proficisci ad Carolum: & comitatus uiginti circiter  
 equitibus, Montium petit, Hannoniæ oppidum, cuius  
 præfectus erat ei summè amicus. Ibi per dies aliquot  
 commoratus: à Carolo, qui bello uexabat Lotharingi-  
 am, nuncium expectat. Ea de re certior factus Rex, iu-  
 debat sibi providendum esse magnopere, ne qua ratio-  
 ne ille Carolo reconciliaretur. Profectus igitur Sancto-  
 quintinum: cogit ad octingentos cataphractos, & ubi  
 propius uenit, ex oppidanis obuiam ei nonnulli proce-  
 dunt. Ilico iubet, ut ingressus in oppidum, remoueant  
 quæ collocata ibi erant præsidia. Post hæc, ingreditur  
 equitatus: hunc ipse deinde sequitur, honorificè admo-  
 dum exceptus. Qui Connestablii rebus fauebant, in  
 Hannoniam plerique sese recipiunt. Quid actum esset,  
 & uestigio Rex ad Carolum enunciat, ut ei spem omnem  
 recuperandi oppidi per Connestablium, adimeret. Eo  
 accepto nuncio, Carolus Montij præfecto mandat, uti  
 modis omnibus provideat, ne Connestablius aliquò dis-  
 cedat. Ille imperata facit, quanquam certè non tam erat  
 arcta custodia, quin ille pro suis facultatibus & po-  
 tentia, potuisset aliquam inuenire fugæ uiam. Quid  
 autem hoc loco dicas de fortuna, mundi gubernatrice?  
 ut nonnulli putant. Obtinebat ille summam in Galliis  
 authoria



*authoritatem: finitimus erat utrique Principi: arcem  
 habebat munitissimam, & rebus omnibus instructam &  
 praefecerat eum Rex quadringentis cataphractis: ual-  
 lebat ingenio, & peritia rei bellicae praestabat: mag-  
 nam habebat rerum usum, et auri uim ingentem possi-  
 debat. Statuendum est igitur fortunam, qua nihil est  
 mutabilius, ei fuisse planè aduersariam. Sed reuera ni-  
 hil aliud est fortuna, quàm figmentum poëticum. Quin  
 potius ita iudicandum est: iratum ei fuisse Deum, &  
 grauius offensum. Et si de consilijs arcantis fas esset  
 ulli homini pronunciare: dicerem illum excitasse iram  
 Dei aduersum se hac una re potissimum, quòd per om-  
 nem uitam mente & animo totus in hoc fuerat, ut per-  
 petuum bellum aleret. Nam in eo positam esse putabat  
 suae dignitatis materiam, ac ueluti segetem. Neq; uero  
 difficile ei erat istud perficere. Tota enim natura &  
 moribus & ingenio Principes inter se dissidebant. Vix  
 igitur credendum est, fortunam aliquam eò dementiae  
 adduxisse uirum longè prudentissimum, ut eos princi-  
 pes aduersum se concitaret, quorum fuerat per omnem  
 uitam in rebus omnibus contraria & diuersa uolun-  
 tas: qui nullam rem unquam simul ex animo compro-  
 barunt, nisi hanc in illius caput factam coniurationem.  
 Mitto Eduardum, qui neptem eius habebat in matri-  
 monio: qui suae coniugis propinquos omnes, ac in pri-  
 mis Sanctopaulianam familiam ualde amabat. Sed ne  
 hunc quidem amicum habere potuit. In eam itaque*

tandem redactus fuit angustias, ut ex amicis nemo per noctem unam auderet eum hospitio recipere. Consimiles exitus multi saepe sunt experti, & expertentur alij post longam & diuturnam prosperitatem. Dum sic detinetur Montij: Rex confestim urget Carolum, ut pacationi staret, eumq; uel ad se, quamprimum mitteret, uel capitis afficeret supplicio. Ille facturum se respondit ex ijs alterum, simul Peronam deduci iubet. Iam autem nonnulla ceperat Lotharingia & ditionis Barrensis oppida, & Nanceium obsidebat, strenue se defendentibus, qui intus erant. In Campania Rex magnam conficiebat equitatum. Ea res metum aliquem illi iniecit. Nam etsi pacte erant induciae: tamen hoc ei concessum non erat, ut Lotharingum, qui in hac rerum acerbitate ad Regem confugerat, profligaret. Interpellatus autem à Rege frequenter, ut pacta seruaret, quanquam promittebat: tamen ultra constitutum diem distulit. Cumq; metueret, ne sibi impedimentum aliquod obijceretur à Rege, quò minus Lotharingicum bellum conficeret: quod in primis cupiebat, ut è Lutzenburgorectum haberet aditum in Burgundiam (occupata enim Lotharingia, continentes habebat prouincias, inde ex Batavis in Lugdunensem usq; agrum) His, inquam, de causis Cancellario & Imbercorto, qui Conestablii erant infestissimi, & summam administrationis obtinebant: mandat, ut Peronam profecti, ad certum diem, illis, quos eò Rex missurus esset, Conestablium traderent.

traderent . Ipse Nanceium interea tormentis acriter quidem, sed frustra oppugnat. Nam is, de quo diximus Comes Campobachius, qui maximam habebat in castris auctoritatem: promiserat Lotharingo, se moram esse allaturum obsidioni, et perfecturum, ut ea, quæ ad oppugnationem usui esse possint, desiderarentur. Hoc erat autem præludium quoddam maioris calamitatis, quæ deinde secuta fuit. Carolus in spem uenerat, ut opinor capiendi oppidi ante eum diem, quo Connestablium ex pacto cogebatur tradere. Quod si fortuna consilium eius comprobasset: fortasse non erat daturus. Rex etiam, ut est credibile, si maturius illum et ad præscriptum diem accepisset à Carolo: maiora Lotharingo daturus erat auxilia. Nam de coniuratione Campobachij, et communicatis inter ipsos consilijs, iam audiuerat: sed ei negotio non se immiscebat, tametsi coercere poterat Lotharingum, si uoluisset, quoniam in propinquo magnas habebat copias. Quum autem ante eum diem frustra moliretur expugnationem Carolus: ij, quibus mandatum erat, Connestablium, quem ualde oderant, ad portam Peronæ, cupide tradunt in potestatem Amirallij, qui continuo Luteciam illum adduxit. Tribus ferè post horis, ut à nonnullis accepi, uenit magna celeritate à Carolo nuncius, ut ne prius illum, quam captum esset Nanceium, traderent. Luteciæ ceptum est ilico de illius causa cognosci. Quicquid ad instruendum iudicium poterat conferre: non modo Carolus,

uerum etiam Eduardus subministrabant, et quas ab illo singulis temporibus acceperant literas et mandata, proferebant: Senatum etiam Rex urgebat, ut acceperarent. Et delecti fuerunt ad eam rem homines idonei. Paucis igitur diebus cognita causa, capite damnatur, et publicantur eius bona. Grauiſſime quidem ille utrumque offenderat, neque crimen eius ullum purgare uelim: sed tamen inusitata fuit haec et praepropera festinatio. Certe, Caroli splendora maxime fuit indignum, quod eum, cui fidem dedisset, quem accersuerat, comprehendit, ac deinde, non tam metu, quam cupiditate quadam impulsus, necandum exhibuit. Et sane, post hoc tam pudendum facinus, res illius paulatim magis atque magis ad interitum spectabant. Nec enim maleficium ullum Deus inultum finit, etiam si diuturniorem impunitatem aliquando concedat. Nam quoties in magnis principibus aliquam insignem rerum uidemus commutationem: certo statuere debemus, illam à Deo proficisci. Propter potentiam enim illorum et opes, quibus, tanquam propugnaculo quodam muniti sunt: nullum casus facile possit eos affligere. Sed est Deus, qui repentina quadam tempestate concitata illos inuoluit et exagitat, in primis autem eos, qui crudeliter grassati sunt. Per complures annos floruit Burgundica domus, ita quidem, ut in nostro orbe nulla fuerit honoratior. Nam aliae quaedam, et si potentiores erant: tamen et bellis et multis alijs diuexabantur acerbitatibus. Haec autem

autem perpetuum tenuit & foelicissimum fortune clarissimum, quatuor in ea principibus ordine regnantibus. Primus ex ijs Philippus, cognomento Fortis, Caroli quinti Galliarum Regis frater, in matrimonium duxit Flandriae Comitissae unicam filiam, eaq; ratione sibi adiunxit Flandriam, Artesiam, Burgundiam superiorem, Niuernensem & Rethelensem agrum. Huius filio Ioanni successit Philippus cognomento Bonus, qui Brabantiam, Lutsemburgum, Hannoniam, Limburgum, Hollandiam, Zelandiam & Namurcum, ijs, quas diximus prouincijs, adiecit. Ab eius morte delatus est principatus ad Carolum filium, qui nostri temporis omnium Principum fuit longe clarissimus & ditissimus. Habebat enim praeter florentissimas prouincias, maximam copiam exquisitissimarum rerum. Pecuniae quidem aliquanto plus apud quosdam alios uidi (Nam a multis annis Philippus pater nullum exegerat tributum) reperit tamen supra ter centena aureorum millia. Deinde beneficio patris laudatissimi Principis, pacatos habuit uicinos omnes. Verum ea pace non utebatur diu, seq; bellis implicuit. cuius tamen reit culpam omnem in eum transferre nolim, & ad alios ea quoq; pertinet. Ad haec, populus ultrô ferè largiebatur ei extra ordinem, ad trecenta & quinquaginta aureorum millia quotannis, per annos decem, in eaq; contributione non erat comprehensa Burgundia. Et quo tempore Connestabulum in potestate Regis dedit, duplici

tam collegit eam summam. Quicquid erat Mobilium rerum Connestablij, estimari poterat ad octoginta aureorum millia. Levis igitur fuit et exigua causa, cur illud in Connestablium admitteret. Sed non tulit impune. Nam hostem Deus excitauit ei, minime potentem quidem illum, et planè iuuenem, nullaquē in re exercitatum. Nec id modo: uerum etiam de suis ipse familiaribus, quorum usus erat bonæ et fideli opera: sinistre suspicari cœpit. An non hæc sunt illa præludia, qualibus olim uidemus usum fuisse Deum, quoties magnam aliquam conuersionem moliebatur? illum in quo erat dignitatis atque potentie gradum et splendorem, suæ tribuebat ipsius uirtuti et industria, et quoad uixit, eam retinuit opinionem.

PHILIPPI COMINAEI COMMENTARIORUM Liber Septimus.



Riusquam exhiberet Connestablium: cœpit diffidere suo populo, et prope modum eos despiciebat. Ex Italia enim circiter mille cataphractos euocauerat, iisque utebatur etiam in obsidione Nouesiana. Comitem uero Campobachium quadrangenis equitibus præfecerat. Is, quoniam Andegauensis familie partes, quæ bellum Neapoli gessit, sequebatur: proscriptus, et omnibus bonis exutus: in Galliam se rece-

sereceperat, & maximam partem cum Renato Siciliae Rege, uel in Prouincia Massiliensi fuerat, uel in Lotharingia, post etiam apud Nicolaum Calabria Ducem, a cuius morte, Carolus eum excepit, & magnum preterea numerum Italarum. Missus autem à Carolo in Italiam, ut equitatum cogeret: accepit ab eo quadraginta aureorum millia. Cumq; per Lugdunum iter faceret: incidit in Simonem Papiensem medicum. Familiariter cum eo locutus, Regi significabat, si uelit secum pacisci: daturum se Carolum in ipsius potestatem. In eandem sententiam loquebatur etiam cuidam Regis apud Pedemontanos legato. Reuersus deinde ex Italia cum equitatu, denuo pollicebatur Regi, simulatq; futurus esset ad exercitum: se uel interfecturum esse illum, uel capturum: simul quomodo id perficeret: demonstrat. Caroli consuetudo sic erat, ut paruulo equo uestus, & modico stipatus comitatu, totum exercitum obiret. In eo temporis puncto confirmabat, se posse, quod uellet, perficere. Ad hæc, si quando committeretur prælium: illo deserto, se transiturum ad Regem, modo ipse conditiones inuicem præstaret. Eam improbitatem atq; perfidiam Rex agre tulit, & ut singularem aliquam uirtutem ostenderet: omnia per Contem Caro- lo renunciat. Ille autem, quia putabat hoc à Rege fieri captiose: fidem non habuit, & domesticum proditorem multò maiori beneuolentia, quàm prius, complectebatur. Quò magis apparet, Deum ipsi mēti

tem omnem prorsus eripuisse. Occupata Lotharingia,  
 & recuperato Sanctoquintino cum duobus Connesta-  
 blij oppidis, & reliquis eius facultatibus acquisitis:  
 iniecta fuit mentio colloquij, quò Rex & ipse uenturi  
 erant. Constituit enim exercitum suum ex diutino la-  
 bore defatigatum reficere, & cohortes aliquot præsi-  
 dio collocare, per aliquot oppida Comitum Romontij in  
 finibus Bernatum & Friburgiorum, quibus bellum in-  
 ferre cogitabat: primum, quod quo tempore Nouesi-  
 um circumfedit: incursionibus uexassent Burgundiam:  
 deinde, quòd ipsorum opera potissimū sibi esset adem-  
 pta ditio Pfortensis, ut supra docuimus: postremo,  
 quòd Comitem Romontium parte aliqua suæ ditionis  
 illi dispoluissent. Colloquium Rex ualde urgebat,  
 & hortabatur eum, ut Heluetios sineret uti pace, neq;  
 miseram & tenuem prædam ibi sectaretur, & exerci-  
 tum potius recrearet. Heluetij, quum ad fines ipsorum  
 uiderent illū habere præsidia: legatos de pace mittunt,  
 & pollicentur quicquid ademerant, restituere. Sed  
 Romontius contra magnopere sollicitabat, ut præsens  
 opem sibi ferret. Eo probato consilio, statuit omnino  
 bellum eis facere, & priusquam illud suscepit, cum  
 Rege paciscitur, ne propter Lotharingicum bellum  
 ullus inter ipsos motus existeret. E Lotharingie fini-  
 bus profectus, ubi cum exercitu in Burgundiam acces-  
 sit: alij ueniunt ab Heluetijs ad ipsum legati, cum ami-  
 plioribus mandatis, quorum hæc erat summa, paratos  
 esse



esse Heluetios, non solum restituere omnia, quæ occupassent: uerum etiam à quauis alia societate discedere, et ipsi militem aduersus Regem subministrare. Quam autem obstinate eis omnia negaret: ea spe deiecti, cum uicinis ad Rhenum ciuitatibus ineunt foedus, in annos decem, ut suprà demonstrauius, quo loco diximus, quemadmodum Caroli per Pfortensem ditionem praefectus, capitis poena multatus fuit: qui, quoniam insolenter et proteruè multa faciebat: defectionis causam dedit. Magno igitur studio providere debent principes, ut ijs, quas nuper occuparunt, prouincijs, idoneos homines preponant. Nam is, de quo diximus, praefectus, cum equum esset, ut eius ditionis populum humanitate quadam singulari sibi adiungeret: crudeliter et auarè multa designabat summo cum detrimento Caroli. Nam illa ciuitatum et Heluetiorum confederatio, rege auctore facta, maiores quàm pleriq; putant, Gallie commoditates attulit, usq; eò, ut existimem, inter alia multa, Regè hoc unum prudenter admodum excoGITASSE. Nam oppresso Carolo, qui se ipsi opponeret, nullus erat omniù Gallie principum. Maximū igitur ea res ad Gallie salutem attulit momentum: quando ingenti labore et sumptu foedus illud conciliauit. Heluetij, cum ad pacem nullum uiderent aditum sibi patere, statuunt illatum bellum defendere. Carolus in eam Sabaudie partem cum exercitu profectus, quam illi Romontio ademeraut, et castellis aliquot recuperatis,

peratis, obfisione cinxit Granfonium. quod oppidum Heluetij Casteigionio, viro nobili ademptum, praefidio circiter octingentorum militum, lectiffimorum hominum muniverant, eò quòd ipforum finibus adiaceret. Ex Italia magni veniebant ad ipsum comitatus, atq; etiam è Sabaudia. Poterat è fuis ditionibus maximam optimorum militum manum colligere: fed praeferebat eis ceteros. Nam Connestablij cedet, ac alie quedam fuffpicionet erant in caufa, quamobrem fuis non confideret. Tormentorum autem vim habebat ingentem; et quò maiorem ad Legatos Italarum et Germanorum haberet authoritatem: magnifice inftitutus erat rebus omnibus, et quicquid omnino preciofum erat atq; eximium in ipfius bonis: hoc eò fecum aduexerat. Per Infubriam putabat habere fe multos amicos, et de Mediolanenfì Ducatu uaria fecum in animo uerfabat. Granfonio per dies aliquot acriter oppugnato tormentis: qui intus erant: illius poteftati fe fe permit-  
tunt. Eos omnes deinde iubet interfici. Conuenerant tum Heluetij, non ita magno numero, ut ex ipsis audirent. Nam opinione pauciores copie intra fines ipforum coguntur, et tunc aliquantò minores, quàm hodie. Nam ab eo tempore, agriculturam et alias operas quotidianas, belli ftudijs commutare coeperunt. E focijs autem uix pauci tum aderant. In celeritate enim totum erat pofitum, et tempore exclusi, non expectatis fociorū auxilijs, cogebantur progredi, ut obfeffis opem ferrent,

ferrent. In itinere, de deditioe et indigna suorum  
nece cognoscunt. Carolus, contra plurimorum sen-  
tentiam, constituit ad fauces montium, ubi tum illi con-  
sistebant adhuc, obuiam eis properare, minus prudenti  
sanè consilio. Nam erat in loco equissimo et percom-  
modo, circumvallatus et tormentis, et parte aliqua  
lacus, ita quidem, ut ab illis nihil ipsi magnopere metu-  
endum esset. Præmiserat autem ad centum sagittarios,  
qui ex aduerso eius montis, aditum et angustias inie-  
seruarent: ipse cum reliquis copiis sequebatur. Pri-  
mum agmen, et maxima serè pars exercitus, cum ad-  
huc essent in planicie: obuium habuerunt hostem, ac-  
dam primi ordines student retrosedere: iugis milia  
tam, qui sequebantur, quod fugæ similis ea uideretur  
profectio: cum propius uentum fuit, fugæ se manda-  
bant omnes. quò factum est, ut Heluetij impedimentis  
omnibus, et tormentis, et totius exercitus tabernacu-  
lis, et ijs, quæ Carolus charissima habebat, potirentur.  
Desiderati sunt à Carolo septem modo cataphractice-  
liqui omnes, et in his ipse, fugæ salutem sibi petebant.  
Ioannes Galliarum rex, quo tempore prælio uictus fuit  
ab Anglis, et captus apud Pictones, ferebatur amisisse  
laudem omnem et gloriam rei militaris. Hoc ipsam  
multò rectius in Carolum aliquis dicat. Nam ille, dum  
srenuè præliatur, et fortiter sese defendit: captus fuit.  
Ante id tempus ita se gessit Carolus, ut è suis consilijs  
laudem et emolumentum ferret: Prima autem hæc est  
calamia

calamitas, in quam sua quadam obstinatione incidit. Dici enim non potest, quantum hac una re uulnus acceperit. Nam ex amicis quatuor Principes, qui rebus secundis ad eius amicitiam accesserant: ad motum fortune se quoque mouerunt. Comes Romontius, mercatori cuidam Heluetio, cum per ipsius ditionem iter faceret: ademerau currum onustum pellibus ouium. Ea fuit belli causa. Quod nisi Carolum Deus planè demeruisse: non est credibile, illum pro re tam exigua bellum suscepturum fuisse, praesertim, cum & Heluetii amplas proponerent condiciones, & propter ipsorum agri tenuitatē, nulla uel utilitas magna, uel gloria posset ex eo bello sperari. Nec enim tam celebre tum erat ipsorum nomen, nec illae facultates, quae hodierno die. Qui primò fuerunt ad eum de pace missi legati & deprecatores, inter alia demonstrabant: tantā esse ipsorum inopiam, ut calcaria & equorum frena per ipsius exercitū, pluris deberent aestimari, quā omnis ea pecunia, quae ex ipsorum agris cogi posset. Hoc mihi recitauit, qui princeps fuerat eius legationis. Rex, qui multos habebat exploratores, à me ferè magna ex parte dimissos, certior factus de aduerso praelio: magnopere fuit exhilaratus, & hoc unū grauiter modo ferebat, quod non maior esset edita strages. Morabatur autem Lugduni, ut & in ea propinquitate crebriores acciperet nuncios, & ut Caroli consilijs occurreret. Magnopere enim metuebat, ne uel & armis ille sibi Heluetios adiungeret.

adiungeret. Sabaudia enim Carolus habebat sibi fauentē. Mediolani Dux foedere coniunctus erat, & Renatus Siciliae Rex, cogitabat eum instituere heredem: Itaque si fortuna comprobasset eius consilia: quicquid interiacet agri, inde ab oceano Germanico usque ad mare mediterraneum: id omne tenuisset, & occupata Sabaudia cum Lotharingia & Masiliensi prouincia: nostri bellum ei facere, nisi maritimum, non potuissent. Verum ubi infeliciter dimicauit, ad Regem undique ueniunt legati, à sorore etiam ipsius, Sabaudiae dominae, & auunculo Siciliae rege: Sed uix agere illos audiebat, & ad Carolum ire iussit. Ipse interea Germanos diligenter sollicitabat, & obsessis undique uis, utebatur mendicis, & id genus hominibus internuncijs. Germani ferociter respondebant, nisi Carolo bellum inferat, se pacem cum eo facere, ac ipsum decreuisse oppugnare. Quocirca ualde sollicitus erat, ne tandem congeretur hostem se profiteri, multo magis etiā, ne quos emiserat exploratores, interciperentur. Nunc uideamus, quae fuerit praelium illud secuta rerum conuersio, & quemadmodum prudenter omnia sua Rex instituerit. Haec enim alijs conferent, qui per aetatem temere multa sepe faciunt, & rerum exitus non prauident. in eo sane multum uituperandi, quod illos, quorum consilia sequi debent: aspernantur. Statim, accepto detrimento, Carolus Contem mittit ad Regem, cum mandatis admodum demissis, omnino praeter morem suum

## COMMENTARIORVM

suam et naturam: Orat, ut seruet inducias: Quod ad colloctionem, ut constitutum erat, non uenerit: excusatur, et breui, quemcunque locum Rex ad eam rem delegit: se uenturum esse pollicetur. Rex humanissime excepto illo, facile patitur hoc abs se impetrari. Iudicabat enim nondum uenisse tempus, ut secus faceret: neque nesciebat, quantum esset populi studium et uoluntas erga Carolum. quod facilius putabat eum ex aliqua tempestate posse remergere et eluctari. Constituit ergo eius euentum belli expectare, neque partibus ullam præbere causam, inter se paciscendi. Habebatur quidem à Rege Contæus amicus: sed uitare tamen non potuit, quin carmina quadam audiret decantari passim, ad Heluentorum laudem, et infamiam Caroli composita. Galeacius autem Mediolani Dux, quanquam foedere iunctus erat Carolo: ualde tamen fuit eius calamitate recreatus. Cum enim animaduerneret, esse multos per Italiã, qui rebus Caroli fauerent: metu adductus, amicitiam illius et foedus ambiuerat. Accepto autem nuncio de clade illius: confestim legatum ad Regem mittit, ciuem Mediolanensem, hominem obscurum. Is per aliam quendam me adit, et literas sui Principis reddit. Ut de postulatis illius cognoscerem, Rex iubet. Nam iratus erat illi, quod se relicto, transisset ad Carolum, præsertim cum essent affinitate coniuncti. Legatus ad hunc modum locutus est: Ad Galeacium esse delatum, Regem in colloctionem uenturum esse cum Carolo.

Id multis

id multis de causis ( in quibus, tamē nihil erat ferē solta-  
 di) grauitē eum ferre: Quod si Rex iureiurando confir-  
 met, nō se pacificaturum esse: centum aureorum millia  
 pollicetur. Rex ubi cognouit à me quid uellet: accersito  
 illo, et prater me, nemine presente: quæ tui sit ad-  
 uentus, inquit, causa, Cominæus exposuit. Ad Galeacta-  
 m autem hæc uelim referas: facile me carere posse  
 ipsius muneribus, et triplo maiorem pecuniæ summam  
 me colligere quotannis, quàm ipse faciat: de pace uel  
 inducijs facturum me esse pro iudicio meo et arbitra-  
 tus: ueruntamen, si mee societatis repudiet, et initi foe-  
 deris cum Carolo ipsum poeniteat: non repugnare me,  
 quò minus ad pristinū statum reuertamur. Ille, gratijs  
 actis, magnopere petit, ut foedus ad eum modum, sicut  
 antea pactum fuerat, pronuncietur: habere se plenam  
 aui rei procurandæ potestatem. Rex assentitur, et à  
 prandio publicè recitantur induciæ. Cumq; legatus  
 in Insubriam hoc statim significasset: Mediolani eti-  
 am fuerunt diuulgatæ. Primus hic est scopulus, in quem  
 Carolus iniegit, accepta clade, nempe iactura poten-  
 tissimi amici, qui nuper ante tres hebdomadas, splen-  
 dida missa legatione, foedus cum ipso pactus fuerat. Re-  
 natus Siciliæ Rex, cogitabat eum instituere heredem,  
 ut supra diximus, eoq; nomine Casteltionium miserat  
 Carolus, ut Prouincia Masiliensis possessionem occupa-  
 ret, et ad deuinciendum eius regionis proceres,  
 dederat ei uiginti aureorum millia. Verum, ubi de-

pugna rumor increbuit : agrè cum suis comitibus euasit, & adempta fuit ei pecunia. Sabaudie domina, quæ rebus Caroli summè fauebat, cum de clade audisset: Renatum hortabatur ad constantiam, & acceptum detrimentum extenuabat. Vtebatur autem Prouincialibus quibusdam internuncijs, quibus interceptis: quod inter Renatum & Carolum clàm agebatur negotium, plane fuit detectum. Rex igitur confestim equitatum mittit ad fines Prouinciæ, & Renatum amanter ad colloquium euocat: nisi ueniat, consilium sibi capturum esse dicebat. Venit ille tandem Lugdunum, & à Rege fuit exceptus honorificentissimè. Aderam, quum primò congregederentur. Ibi tum quidam ex Renati familiaribus, Ioannes Cosius Neapolitanus, uir honestus, & nobili genere natus, Prouinciæ præfectus, ad Regem: Mirum, inquit, uideri tibi non debet, Renatum, amicum tuum cogitasse aliquando, Carolum instituere heredem: Nos ipsius necessarij, huius consilij fuimus auctores. Tu enim, qui nepos es è sorore, minus amicè & liberaliter cum illo egisti: Barrensem arcem & Andegauensem, quæ sunt ipsius, occupasti, nec ullam amoris aut beneuolentiæ significationem hastenus dedisti. Suisimus igitur illi, mentionem aliquam futuræ donationis iniiceret, ut eius rei fama ad te perlata, leniorem te nobis & placatiorem redderet. Hanc orationem Rex prudenter & benignè excepit. Verum enim ille dixerat, & totius rei tractatio pendebat ab ipso. Paucis  
deinde



deinde post diebus, facta fuit compositio: & Renatus, Carolo deserto, Regi totum se dabat, amplis ab eo mun-  
neribus cohonestatus, non ipse modo, sed & eius fami-  
liares. Alterum istud est naufragium, quod à praelio Ca-  
rolus fecit. Sabaudia quoque domina, quæ multis annis,  
inverso animo fuerat à Rege fratre: Montagnium mit-  
tit, virum nobilem, qui me prius interpellato, quam a-  
obrem illa fuisset hætenus alienior à Rege, demonstrat.  
Exitus orationis eò spectabat, ut illa, quanquam non  
discederet aperte ab amicitia Caroli: uideretur tamen  
Regis benevolentiam affectare. Legatus ab eo responsi-  
onem tulit satis commodum et amicum, me internuncio.  
Dum hæc geruntur: interea multæ aliæ Germanicæ ciuita-  
tates, coniuratione facta, magnis animis bellum aduer-  
sus Carolum parant: ita quidem, ut qui plurimum ei  
noceret: is maxime crederetur officium fecisse. Eugeni-  
us Carolus, Helvetij ingentem prædam fecerant, sicut  
suprà diximus: uerum, quantas consecuti essent opes,  
ignorabant. Tabernaculum quoddam illius, longe pul-  
cherrimum, & exquisitissimum, partitum fuit ab eis  
in multa frustra. Patinas argenteas nonnulli, cum stana-  
neas esse putarent, uilissimo precio uendebant. Ada-  
mantem ipsius, toto orbe celeberrimum, cui erant ap-  
pensi aliquot uniones, quidam, ubi reperisset, in pyxi-  
dem reposuit, mox sub currum abiecit: paulo post res-  
ersus, sustulit, & sacrificio cuidam uendidit aureo num-  
mo. Is deinde, à sui oppidi magistratu, cui miserat,

accepit aureos duos. Breuiter, quicquid eximium ille habuit, in eorum manus totum peruenit, eaq; primum occasione, quæ sit uis auri, coeperunt cognoscere. Nam ad bellum educti, Regis impulsu & opera, magnas deinde cōsecuti sunt diuitias. Et qui ueniebant ab ipsis ad Regem legati: splendidis affecti fuerunt donis. Causam illi aliquam offensionis habebant in Regem, quod non se profiteretur hostem Carolo: sed largitionibus permulsi, remittebant iram. Tunc quoq; primū coepit Rex eis polliceri pensiones annuas, quas deinde persoluit. Et quum altero prælio Carolū illi postea uicissent: pactus fuit eis dare quotannis, ad quadraginta aureorum milia. Eius pecuniæ dimidiam partem pendebat ciuitatibus: reliquum uero magistratibus priuatim, sic ut existimem, eos inde à primo prælio fuisse auctos à Rege decies centenis aureorum millibus. Carolus prælio uictus, Losanæ, quod est oppidum ad lacum Lemanium, restitit egrotus. Nam ex mœrore morbum contraxit, & ab eo tempore uidebatur multum pristini uigoris amisisse. Colligebat tamen undiq; militem, & paucis in diebus magnas habuit coactas copias. Quicquid autem est eius rei, non uidi quidem ipse: uerum audiui, quum Tarentinus princeps, frater Neapolitani regis, comme moraret omnia regi. Is ante annum uenerat cum insigni comitatu ad Carolū, spe filiam eius in matrimonium ducendi. Carolus autem ducebat tempus: & spe tunc alebat Sardinia dominam, quasi ipsius filio daturus eam.

Ille

Ille vero moram et tergiuersationem hanc grauiter ferens, misso nuncio petebat à Rege, ut sibi per Galliam, sine periculo, ad parentem, à quo reuocatus esset, transire liceat. Rex liberaliter respondit: neque dubitabat, quin et ille iam de Carolo minus præclare sentiret. Sed antequam nuncius à Gallia reuerteretur: conuenerant Germanorum copiae et auxilia, neque procul à Carolo cõfederant. Tarentinus autem, qui superiori prælio interfuerat, secutus mandatum parentis, pridie quam altera pugna committeretur, discessit. Obsidebat tum Carolus Moratum, quod est Comitis Romontij oppidum, in Bernatū finibus. Heluetij cū ijs socijs, qui tum aderant, ad triginta circiter millia peditum, et quatuor millia equitum, eò contendunt. Lotharingie Duci ualde commode accidit, quòd eius negocia curae nobis essent. Rex enim et pecuniae nonnihil suppeditabat, et magnum equitatum illi attribuit, qui in Germaniam ipsum deducerent. Amiserat autem et Lotharingiam omnem et Vaudemontensem ditionem, et magnam partem agri Barrensis, et quod reliquum erat in eo, Rex occupabat, sic, ut planè esset exutus omni possessione. Sed et promiscua multitudo, ipsius imperio subiecti, et familiares etiam eius, ultrò militabant Carolo. Quò minor spes erat, ex istis aliquādo fluctibus et undis eluctandi. Deductus ad hunc modum, ope Regis, peruenit ad Heluetios, paulisper ante prælium, exiguo comitatu. Nobis enim equites, ubi ad fines cum deduxissent, domum

redierūt. Ea profectio multum ei profuit. Nam si aliam fuisset ingressus rationem; paucos erat habiturus amicos. Quo tempore in Heluetiorum castra uenit, iam erant expeditæ utrinque acies. Totum enim triduum illi confederant propè Caroli castra, loco munito: et commisso prælio, statim primo concursu, hostem in fugam coniecerunt, sic ut nemo defendendi causa resisteret. Et superiori pugna septem cataphractos tantum desiderabat Carolus, eo quòd Heluetij nullum haberent equitatum. Nunc uero longe secus accidit. Nam ipsorum equites fugientem hostem acerrime persequabantur. Tarentinus confirmabat regi, Carolum habuisse ad uiginti tria millia lectissimorum militum, præter calones, et eos, qui alijs operibus erant destinati. Numerauerat autem ille omnem exercitum, quando pontem transijt, et instructissimum esse prædicabat. A prælio uenit ad Regem Contæus, neque dissimulabat, Carolum ex eo conflictu desiderare ad octo millia, præter uulgus hominum. Quod reliquum erat temporis, consumptum fuit persequendo hoste. Noctis autem interuentu, redibant omnes in castra. Carolus ex fuga in Burgundiam se recepit, ut alijs comparatis copijs, bellum renouaret. Valde autem consternatus fuit ea clade, neque iam dubitabat de immutata uoluntate et studio amicorum, præsertim, quòd sciret, quid iam illi, statim à priori pugna, quæ ante treis hebdomadas commissæ fuerat, cœpissent agere. Secutus igitur consilia quorundam, Sabaudia domi-

dominam, uel inuitam, iubet in Burgundiam adduci  
 eam altero filio. Nam maiorem natu, familiares aliò  
 traduxerant, et ij, quibus hoc ab illo fuit iniunctum,  
 metus periculi cogeantur accelerare. Timebat autem,  
 ne ad regem illa transfret: Ea causa fuit, ut eam accerse  
 ret. Nam quòd Sabaudicam domum propugnasset: ideo  
 se dicebat in hanc incidisse calamitatem. Vbi uenisset  
 illa: iubet in castellum Rouernum deduci, non procul  
 à Diuione, quod est inferioris Burgundie potissimum  
 oppidum. Custodias quidem illi ponebat: sed tamen  
 omnibus patebat ad eam aditus, in pròmis autem Mar-  
 chio Rethelensis et Castelgionius, quos Carolus cupie-  
 bat in matrimonium ducere illius filias, ad ipsam uen-  
 titabant. Natu maior filius Philibertus, Camberia-  
 cum, Sabaudie primum oppidum, abductus fuit.  
 Quò cum et Seneuensis Episcopus uenisset, è Sabau-  
 die Ducum familia natus, homo planè deditus ocio et  
 uoluptatibus: Rex apud eum, et quendam equitem  
 Rhodium, à quo totus ille pendebat, hoc perfecit, ut ar-  
 cem Cambericensem, et Mommelianam traderent in  
 potestatem Philiberti, eiusq; fratris. Ipse interea castela-  
 lum quoddam aliud, in quo matris illorum, suæ soro-  
 ris, erant ornamenta: seruabat in ipsorum usus. Illa,  
 cum et occupari Carolum, nouo cogendo exercitu et  
 imminutam eius uideret apud suos authoritatem: coepit  
 inire consilia, quemadmodum ope Regis illinc eri-  
 peretur. Vetus illi cum Rege et diuturnum intercessit

odiam : alioqui nisi summa necessitate & angustijs co-  
acta, non erat se in illius potestatem datura. Mittit igitur  
Riuerolum Pedemontanum, uirum nobilem. Hunc,  
ubi quid uellet, ex me cognouisset : Rex accersit, & col-  
locutus respondit, tametsi disideant : tamen in eo res-  
rum statu non se defuturum sorori. Quod si illa se ipsa  
us fidei permittat : fore, ut eam eripiat, & ad se tradu-  
cat : Eam rem se mandaturū esse Carolo Ambosio, Cam-  
panie prefecto, magna uirtute uiro . Certior facta de  
uoluntate Regis, assensit, sub ea conditione, ut Rex  
liberos & arces sibi restituat, ac sine periculo et fraude  
domum remittat suamq; dignitatem tueatur . Id si fa-  
ciat : pollicetur se desertis alijs, pacem cum eo facturā,  
& foedus perpetuum . Acceptis conditionibus utrinq;,  
Carolus Ambosius iter ingressus, & sine maleficio pro-  
fectus : foeliciter negocium perficit, & illam unā cum  
comitatu omni in proximam Gallie partem, Regis  
imperio subiectam, adducit . Rex, quam per alterum  
nuncium illi de periculo caueret : Lugduno discesserat,  
ubi per sex menses commoratus fuit, ut Caroli conatus  
infringeret, seruatis tamen inducijs . Nam hoc ipso,  
dum sineret eum progredi, & clam summittebat aduer-  
sarios : magis eum oppugnabat, quā si bellum aper-  
te fecisset . Alioquin ille, pro suo ingenio & natura :  
posuisset rebus omnibus, in regem iturus erat totis  
uiribus, nec in eas, ut est credibile, calamitates incidis-  
set . Lugduno Rex digressus, ad Ligerim contendit,  
& secun-

Et secundo flumine, ubi primum navigatur, Turonum  
 proficiscitur: quo in loco de sorore accepit, ac letus  
 eam adduci iubet. Aduentanti obuiam mittit ex no-  
 bilitate quàm plurimos. Ipse quoque pro foribus et  
 porta Plesij castelli, complexus illam: Gratissimus, in-  
 quit, est mihi tuus aduentus, Burgundiae domina. Illa,  
 quod ex vultu statim iudicabat eum iocose loqui, et  
 facere: sum inquit, Gallicana, modis omnibus parata  
 gratificari tibi, et morem gerere. Vbi prolixe colloca-  
 ti essent: Rex mandat suis, ut ad amplissimam tracta-  
 tionem nihil reliquum facerent. Nouerant alter alter-  
 rius ingenium: Rex cupiebat illam prius quoque tem-  
 pore domum redire: sed et ipsa nihil aliud spectabat.  
 Mibi fuit igitur iniunctum à Rege, primum, ut pecu-  
 niam illi ad necessarios sumptus corrogarem: Deinde,  
 ut foederis et amicitiae formulas notarem. Dehorta-  
 batur eam Rex ab ijs, quorum antea meminimus, ma-  
 trimonijs: uerum illa per filias se excusabat, quae non  
 possent à sententia dimoueri. Octauo post die, sancito  
 per iussurandū foedere: discedit, et maximo cum equi-  
 tatu, quem illi Rex attribuit, domum reducit, omni-  
 bus, quae rex occupauerat, recuperatis. Carolus, ut su-  
 pra demonstrauimus, fugiens, in Burgundiam se rece-  
 perat. Ibi per sex hebdomadas moratus: nouum parauit  
 exercitum, sed lentè tamē et remisse. Obstinatone  
 autem quadam magis, quàm alia quacūq; de causa, erat  
 propemodum solitarius, ut postea sum dicturus. Nam

ad Granfoniam re infeliciter gesta, contristatus, in  
 ægritudinem incidit, quæ tanta fuit, ut aucta bile et ca-  
 lore naturali, cogeretur à uino abstinere, et uti phar-  
 macis refrigerantibus. Ea uero tristitia sic deinde pror-  
 sus immutauit eius naturam: ut contraria essent adhi-  
 benda pharmaca, quibus pristinum calorem recupera-  
 ret. Barbam tunc alebat prolixam: sed consilio medici  
 detonsa fuit omnis. Et, meo quidem iudicio, per eum  
 morbum decessit ei mentis plurimum et ingenij. Atque  
 ad hunc modum uexantur omnes, qui morbis nullum  
 inuenire possunt remedium: in primis autem Princi-  
 pes fastuosi et sublimes. Verum in eo rerum statu,  
 primum est, ut ad Deum confugiamus, et peccatis ne-  
 niã precemur. Alterum est, ut ex amicis, cui plurimum  
 tribuimus, nos patefaciamus totos, et animi uulnus, quo  
 affligimur, denudemus. Nam ad reficiendum animi ui-  
 res, nihil est efficacius. Huc etiam si labores, et corpo-  
 ris exercitia, et honeste accedant occupationes: ma-  
 gnum ea res momentum adfert. Vt enim aliquo modo  
 affectus illi consumantur, oportet. Carolus autem  
 longe diuersam rationẽ ingressus, in hac animi pertur-  
 batione sese abdebat, nec ullius amici leuabatur oratio-  
 ne uel consilio. Nam quia durus erat, et suprã modum  
 asper in suos: nemo quisquam audebat interpellare, et  
 finebant eum uiuere suo more, ueriti, ne si aliter fecis-  
 sent: in malam partem acciperet. Interea dum in Bur-  
 gundia commoratur, multi simul in eum conspirant:  
 deserunt



deserunt eum amici & socij, & apud suos, quod rebus aduersis fieri solet, in contemptū uenire coepit, & per Lotharingiam aliquot iam oppida rursus amisit. Cumque de illius aduersitate fama percrebuisse: Lotharingie Dux, coactis, quas potuit, copijs, quoniam in propinquo pleraque omnia, præter Pontemontium tenebat: uenit ante Nanceium, in quo firmum erat præsidium militum, non unius gentis aut linguae: & in his trecenti Angli, quibus præerat Cobinus, tenui quidem familia, sed excellenti uirtute. Hi, tametsi non oppugnarentur admodum: impatienter tamen longiorem moram ferebant. Et certe uehementer Carolus errabat, quòd opem illis non ferret. Nam ut ea loca tueretur, magis erat ex ipsius usu: quàm ut Heluetios ulcisceretur, à quibus cladem, sua quadam pertinacia & temeritate, acceperat. Sed quantumuis diligenter eum sollicitarent obsessi, & auxilium implorarent: ipse tamen nulla necessaria de causa diutius hesit in Burgūdia. Quòd si uoluisset initio: poterat sine contentione illis subuenire, cum nullam adhuc haberet aduersarius coactam manum. Et defensa Lotharingia, per Lutzemburgum, inde à suis longinquiorebus prouincijs, iter habebat in Burgundiā expeditum. Itaque si fuisset ea ui mentis, quæ solebat: aliter ei prouidendum erat. Interea dum obsessi expectant subsidium: Cobinus Anglorum dux tormento interficitur, maximo sanè cū detrimento Caroli. Nam unus aliquando uir magnum adfert ad salutem

momentum

momentum. Neq; uero semper ad generis nobilitatem, sed ad uirtutem potius et ingenij bonitatem respiciendum est. Quò magis predicari debet Ludouicus rex, qui diligentissime cauebat, ne suorum ducum, et excellentium uirorum iacturam ullam faceret. Angli amisso duce, incipiunt de auxilijs desperare: uerum non satis agnoscebant, et quàm esset exigua Lotharingi potentia, et quàm magnas facultates haberet Carolus infraurandi exercitus. Longo iam tempore nulla gesserant externa bella, quæ causa fuit, ut obsidionum non intelligerent rationem. Tandem in colloquutionem ueniunt cum oppidi præfecto, quem Carolus constitutus erat: minantur nisi cum hoste componat, se pacturos esse. Ille tametsi egregius alioqui uir, parum erat animosus, et ad preces conuersus, multa, quæ ad suam sententiam facerent, demonstrabat. Quòd si masculus fuisset locutus et audacter, utilius, ut opinor, rem gessisset. Verum credibile est, aliud fuisse Dei consilium. Impulsus igitur ab illis, deditiorem facit, et biduo post Carolus cum mediocri exercitu eò uenit, et oppidum obsidione denuo cingit. Quòd si quorundam secutus consilia, præfidijs uicina loca munisset: breui tempore Nanceium recuperasset, in quo parum erat annonæ, et facile, ne qua importaretur, prohibuisset, et interea suas copias recreasset. uerum longe diuersam rationem suscepit. Dum ea durat obsidio: ex domesticis et familiaribus multi in eius perniciem moliebantur, et iam undiq;

audiq; fiebant in eum graues conspirationes. Campobachius autem in primis uitam illius petebat. Hunc ipse post mortem Nicolai Calabriae Ducis, acceperat egenum et exulem, et statim initio dabat ei quadraginta aureorum millia, quò per Italiam colligeret equitatē, ut suprà docuimus: et tunc quidem primum, in itinere, conuertit se ad clandestina consilia, nec unquam ab eo conatu destitit. Et hoc ipso tempore, quum uideret impeditissimas esse rationes illius: cum Lotharingo, et cum nonnullis ducibus, quos in Campania Rex habebat, consilia communicabat, ijsq; promittebat se curaturum, ut ea quae sint ad oppugnationem necessaria: deessent. Nostris etiam hominibus pollicebatur, se uel interfecturum esse illum, uel capturum, eoq; nomine petebat uiginti aureorum millia, et ditionē aliam quam in Gallijs idoneam. Dum haec geruntur: nobiles aliquot Lotharingi conabantur in oppidum ingredi. foeliciter quidem alij: sed ex ijs capti fuerunt nonnulli, è quorum numero fuit Prouincialis quidam, Cifronius, quo tanquam internuncio et interprete utebatur Campobachius ad Lotharingum, in ijs, quae cum ipso communicaret. Eum ilico suspendi iubet Carolus, affirmans, quòd simul atq; circumfessum est à Principe oppidum aliquod, et tormentis oppugnatum: si quis tum in illud ingredi, et obsessis opem ferre studeat, hoc ei esse capitale. Hanc dicebat esse militiae legem. Verum ea non est apud nos usitata, quanquam aliqui nostra

nostra bella sunt grauiora Italicis et Hispanicis, quibus in regionibus ea lex locum habet. Ille, cum se deploratum esse uidet: nunciat Carolo, se quædam ei dicturum esse, quæ ad ipsius pertineant salutem. Eum sermonem nobiles aliquot deferunt: et tum forte aderat Campobachius, qui de Cifronij periculo certior factus, diligenter obseruabat omnia, metuens ne proderetur. Carolus respondit, cum seruandi sui causa colloquium obducere, simul, quid uellet, iubet sibi per alios nunciari. Hunc sermonem excipit Campobachius, et collaudat: solus enim cum scriba quodam aderat. Cifronius ait, se nemini, præterquam ei soli dicturum esse. Carolus insententia persistit. Inter eundem multos ille obtestatur, ut Principem permoueant: habere se quod ei dicat, graue quiddam, et tanti momenti, ut nihil supra. Ex ijs qui nouerant, multos ad misericordiam flexit, et hi de nouo interpellaturi Carolum, excludebantur à Campobachio, qui pro foribus cubiculi uersabatur, et aditus prohibebat omneis, affirmans, mandatum esse principis, ut è medio tolleretur: simul tribunum militum urgebat, ut acceleraret supplicium. Itaque suspensus ille fuit, summo cum detrimento Caroli, qui si humanior fuisset, et dicentem placide audisset: haud dubie se suasque provincias omnes seruasset, præsertim, cum per Galliâ multæ postea difficultates et incommoda sint exorta. Sed est credibile, Deo longe aliter uisum fuisse, posteaquam ille contra fidei et iurisiurandi religionem, Con-

nestablinus

Castellum in potestatem regis tradidit, et literis iudicium instruxit in illius caput atque fortunas omnes. Nam etsi iustissimam habebat odij causam in illum: tamen, quod data fide cepit, ac deinde uendidit, nulla prorsus ratione potest excusari. Vendidit enim, non tam ut Sanctoquintinum recuperaret, et illius facultates acquireret, quam, ut ne quod impedimentum à rege sibi inferretur, quò minus Nanceium occuparet. Nisi enim passioni stare, minabatur ei Rex per legatos. Et sicut apud Nanceium iniquè iussit necari Cifronem, repudiato colloquio: sic etiam eodem fere loco circumuentus fuit, et proditus ab eo, cui plurimum tribuebat. Hec autem omnia scribo, non quòd iudicium ullum mihi sumam (hoc enim soli Deo conuenit) aerum, ut demonstrem, quantopere Principes oporteat esse alienos ab eiusmodi facinoribus, quale uidemus à Carolo fuisse commissum, et ut ne prauis consilijs obtemperent. Nec enim rarò sit, ut ipsorum familiares ad huiusmodi res eos impellant, partim adulatione, partim metu ne offendant: sed eiusmodi consiliarijs nullum est genus hominum perniciosius. Diximus, quemadmodum Deus constituit Campobachium, ut ulcisceretur Connestablii necem, eo ipso loco, et eadem plane ratione, qua Carolus fuerat usus, imò crudelius etiam. Nam cum ille, à quo benignissime fuerat exceptus, et senex, et omnium rerum egenus, et exul, et à quo innumeris erat affectus beneficijs, prodidit. Et principio, quum ad

con rati animum adiecit, aperuit se Simoni Papiensi, medico, & reuersus ex Italia cum equitatu: constans in suscepta deliberatione, pollicebatur se traditurum esse Regi omnia, quæ Carolus per Lotharingiam cepisset: aut si Rex cum exercitu in illum iret: certo si-  
gno dato, cum suis copijs ad ipsum esse transiturum. Deinde, se uel capturum esse illum, uel interfecturum primo quoq; tempore, cum esset lustraturus exercitum, quæ quidem in re non facile potuisset aberrare. Habebat enim hunc morem Carolus, ut simul atq; descendisset ex equo: commoraturus alicubi in castris, ademptis grauioribus armis, & leuiori equo uectus, cum parua comitatu circumiret omnes copias, & rebus necessarijs prouideret. Eam naactus occasionem, facile poterat ille, quod uolebat, perficere. Rex autem perfidiam hominis detestatus, & quod induciæ erant, & quod ignorabat, quamobrem ille suam operam, in re tam impia deferret: uoluit omnino liberaliter agere, & per Constantium prolixè omnia Carolo significabat, neq; dubitans, quin ille diligenter & ex fide recitaret. Carolus autem aliorsum accipiens, dicebat, quod si reuera istud ageretur, Regem non sibi fuisse denunciaturum. Et istud quidem multò antè, quàm Nanceium ille ueniret, accidit, tantaq; fuit ipsius obstinatio, ut arbitrer eum nihil unquam eius rei dixisse Campobachio. Nam ab eo tempore plus ei, quàm unquam aliàs, tribuebat. Obsidebatq; Nanceium tempore hyberno cum paucis copijs,  
& m. ale

Et male instructis, et plerisque agrotis. Ex primis ordinibus nonnulli conspirauerant in eum, ut diximus, multietiam indignabantur (quod rebus aduersis euenire solet) Et reprehendebant eum omnia consilia: sed in eius caput et uitam, nemo præter Campobachium, moliebatur. Lotharingus interea sollicitabat Heluetios pro auxilijs, ut prælio dimicaret. Ad eam rem prompta quidem erat illorum uoluntas: et solum restabat, ut pecunia conficeretur. Rex causam eius apud Heluetios magnopere per legatos commendabat, et simul quadraginta francorum millia suppeditabat. Campanie quoque præfectus, habebat per ditionem Barrensem circiter octingentos cataphrastos, et magnam manum sagittariorum. Itaque Lotharingus, ad eum modum adiutus à Rege, magnas conduxit Germanorum copias, tam equitum quam peditum: adiunxit etiam se illi magna Gallorum nobilium manus. Qui per Campaniam erat Regis exercitus, non se quidem commouebat, sed euentum belli expectabat. Tandem Lotharingus cum insigni Germanorum comitatu, uenit Sanctonicolaum, qui uicinus à Nanceio duobus miliaribus abest. Erat id temporis in Gallia Lusitania rex, in nonum mensem. Cum eo Ludouicus rex foedus inerat aduersus Hispaniarum regem, eum, qui hodie rerum potitur. Et Ludouicus quidem, spe consequendi auxilia uenerat, ut bellum ex Cantabria uel Nauarra in Castiliam moueret. Tenebat enim loca quedam et arces in finibus

et arbitror foeliciter eum fuisse belligeraturum, si Rex ita ut aliquoties constituerat, eum adiuuasset. Cum uero mutata Regis uoluntate, per annum aut eo amplius frustra sperasset: domi quoque res ipsius magnum accipiebant detrimentum. Nam quo tempore in Galliam discessit: plerique omnes Lusitaniae proceres rebus ipsius fauebant. Verum ubi diutius abesset: languidiores facti, cum Alphonso et Isabela, qui nunc Hispanias obtinent: paciscebantur. Rex autem, quò minus opem ei ferret, in excusationem adduxit bellum Lotharingicum, sequi uereri dicebat, ne si Carolus hostem foeliciter oppugnaret: tota belli moles in Galliam transferretur. Lusitanus igitur, uir bonus, quò facilius quod petebat consequeretur: legationem sibi ad Carolum consobritum suscepit, compositionis tentandae causa. Nam contra plurimorum sententiam in Gallias abiuerat, ideoque pudebat eum redire domum, nulla re perfecta. Ingressus iter grauisima hyeme, uenit ad Carolum ante Nanceium, et expositis, quae acceperat à Rege mandatis, offendit in eo summam difficultatem. Commoratus ibi per biduum, parat abitionem. Carolus instabat, ut aliquandiu differret. et Pontemontij (quod à Nanceio quatuor milliaribus abest) subsisteret, eumque aditum seruaret. De Germanis enim, qui erant Sanctonicolai, iam intellexerat. Ille excusans, dicebat, nec armis ad eam rem nec copijs, nec ulla re necessaria se instructum esse. Reuersus igitur Luteciam, quum diu resisteret.



resistisset ibi: coepit male suspicari de Rege, quasi insidioso ageret, & aduersario suo, Castiliæ Regi se cogitare proderet. Mutatis ergo uestibus, ne agnosceretur, tribus tantum comitatus, constituit proficisci Romam & ibi monasticum uitæ genus amplecti. In itinere comprehensus fuit à Robineto Normanno. Rex eo nuncio ualde fuit offensus, & nonnihil eum puduit. Iubet igitur naues aliquot armari in Normannia, quæ domus ipsum reducerent. Causa belli, quod gerebat cum Hispano, hæc erat. Habebat è sorore Henrici Castiliæ Regis, uxore, neptem. Eam Isabela soror Henrici excludebat à successione et principatu Castiliæ, et ex adulterio natam esse dicebat. Percrebuit enim fama, Henricum fuisse corpore male affecto, sic ut liberos procreare non posset. Et quanquam sub specie matrimonij nata erat ei filia: Castiliam tamen obtinuit Isabela cum marito, Aragoniæ & Siciliæ Rege. Hanc puellam neptem suam, Lusitanus cupiebat in matrimonium dare filio Ludouici regis Carolo, qui nunc rerum potitur, eaq; de causa uenit ad Regem, et quum infecta re discederet: ualde indoluit, nec multo post, quàm domum redierat, è uita discessit. Diligenter itaq; providere debent Principes, quos mittant legatos. Nam si illi, quos in Galliam prius miserat, foederis ineundi causa, fuissent homines prudentes ac circumspecti: diligentius explorassent de rebus nostris omnibus antè, quàm Principem ipsum, ut eam profectionem susciperet, hortarentur. Quum

Illud inter Regem & ipsos iniretur fœdus : aderam  
 ipse mandato Regis, cum alijs nonnullis. Hanc narratio-  
 nem licebat præterire : sed uolui demonstrare, quòd  
 antea non semel dixi : Non debere Principes ipsos eius-  
 modi profectiones obire, neq; se alterius potestati sub-  
 iicere. Vix iter diei processerat Lusitanus, quum Lotha-  
 ringus & Germanorum exercitus discederent Sancto-  
 nicolao, ut manus cū Carolo confererent. Eo autem ip-  
 so die uenit eis obuiam Campobachius, ut institutum  
 perficeret, & cum octingentis Cataphractis transijt ad  
 eos, indignè ferens, quòd nihil atrocius in Carolum de-  
 signasset. Qui Nancei obsidebantur, ad deditionem spe-  
 ctabant. sed certiores facti de Campobachij defectione :  
 ceperunt sperare melius. Nam in fossam oppidi quidam  
 se coniecit, ad eosq; penetrauit, & de Campobachio ac  
 Germanorum auxilijs nunciabat. Aduentante hoste,  
 Carolus, præter morem ferè, concilium indicit. Pluris  
 morum hæc erat sententia, ut Pontemontium se reci-  
 peret cum exercitu, & quæ passim circa Nanceium te-  
 nebat oppida, præfidijs muniret : Germanos, importa-  
 tis in oppidum cibarijs, domum esse redituros : fore, uti  
 Lotharingus pecunia destitutus, longo tempore non  
 possit tantas denuò copias colligere : alimoniam autem  
 omnem intra paucos menses consumptam iri : & op-  
 pidanos in maiori tum difficultate & angustijs rerum  
 omnium esse futuros, quam prius : Interea tempus &  
 ocium ei superesse, augèdi exercitus. Vix enim quatuor  
 habebat

habebat hominum millia in uniuersum, ex ijsq; mille tantum & ducenti erant ad praelium instructi & idonei, ut ex fide dignis accepi. Non deerat ei pecunia. nam in arce Lutzemburgi habebat ad quadringenta et quingenta aureorū millia, quō facilius potuisset copias conducere. Sed perturbauit eius mentem Deus, ac ueluti tenebris circumfudit. Nam incitatus à nonnullis penē furiosis, & omnium deterrimum secutus consilium: decreuit periclitari fortunam, et dimicare cum exiguis, quas habebat, & male instructis copijs: tametsi de uiribus ac numero hostium, & de Regis exercitu, qui nō procul aberat, diligenter esset pramonitus. Vbi Cam-pobachius ad Lotharingum transiisset cum suis cohortibus: Germani denunciant ei, ut e castris excederet, propterea quōd proditorem nullum uellent apud se ferre. Coactus igitur, recepit se Condium, quod est castellum in propinquo. sperans fore, ut Carolus profligatus & fugiens, in suas manus incideret. Decreuerat autem uel interficere illum, uel capere: postquam id difficilius uisum est, neq; facultas perficiendi dabatur: constituit, commisso praelio, transire statim ab eo ad hostem, ut subita illa & inexpectata defectione, totum exercitum uehementius perterrefaceret. Hoc etiam pollicitus erat, si profugeret ille, non esse incolumem euasurū, eō quōd ē suis familiaribus esset dispositurus ad quatuordecim equites, homines maxime fidos. quorū alij. progredientibus ad pugnā Germanis, fugā facerent initū:

alij uero diligenter et intentè illum obseruarent, ac fugientem interficerent. Ex ijs, quibus hoc erat mandatū officij, treis equidem noui. His rebus procuratis, redit ad exercitum Caroli, quem deinde uenientibus Germanis deseruit. Atq; hic uidere licet, in quantas angustias et periculum se coniecerit Carolus, dum recte consulentibus non obtemperat. Posteaquam propè et in cōspectu constitissent ambo exercitus: Burgundiones, qui duobus ante praelijs uicti, et pauci admodum erant, et male instructi, primo statim concursu fuerunt profligati. Quos fuga periculo non eripuit, ij uel capti fuerunt omnes, uel interempti. In his fuit etiam Carolus. Et quoniam ei praelia non interfui, quemadmodum sit interfectus, non facile dixerim, sed ab ijs tamen audiui, qui uiderunt eum ex equo deiici, et quòd capti essent: non poterant opem ferre. His quidem presentibus, nō fuit occisus: uerum superueniente postea noua cohorte interemptus, et in magno cadauerū numero, cum nō agnosceretur, denudatus est. Torquem illius quendam, ualde præciosum, et eleganter fabrefactum, quem collo gestare solebat, et honorifice circumferre: uidi postea Mediolani, quo in loco duobus aureis uenditus fuit. Et hic quidem est exitus potentissimi Principis, quo maiorem ad uicinos Reges atq; populos authoritatem nemo habuit. Qua potissimum re Deum in se uehementius contigit: non facile dixerim, nisi quòd omnem, qua fruebatur foelicitatem, à suo pendere putabat ingenio et uirtute.

1477:

occisus Carolus

uirtute. Præditus erat sanè multis eximijs dotibus: ope-  
ram dabat, ut homines excellenti uirtute familiares ha-  
beret: multis cupiebat benefacere: suorum negocia &  
controuersias cognoscebat ipse: & liberaliter eos au-  
diebat. Quamdiu cum eo uixi, ingenio erat satis placi-  
do: postea uero crudelior euasit, quæ quidem res indu-  
bitatum erat signum futuri occasus. In cultu corporis  
& uestium luxu, alijsq; rebus omnibus prope nimius  
erat: legatis & externis hominibus magnū deferebat  
honorem: cupidissimus erat gloria: eaq; fuit præcipua  
causa, cur bella susciperet. Hoc enim spectabat in pri-  
mis, ut sicut præsci quidam heroes, celebraretur. Animi  
magnitudine & robore & audacia nulli cedebat. Non  
facile dixerim, illine Deus, an ipsius populo magis fue-  
rit iratus. Interfectus enim ipse fuit, ut diximus, tempo-  
ris ferè puncto, sine ullo maiori cruciatu: Sed eius pro-  
uinciæ, ab eo tempore, perpetuis bellis dinexantur, à  
quibus, ob ciuiles inter ipsos factiones, non possunt ex-  
pediri. Deinde, qui nunc eos propugnant ac tuentur,  
sunt homines externi nempe Germani, qui paulò ante  
fuerant hostes. Breuiter, à morte Caroli nullam exper-  
ti sunt firmam amicitiam: & si quis eorum intueatur  
actiones: uidentur non minus perturbata esse mente,  
quàm ipse Carolus. Repudiatis enim optimis quibuscq;  
consilijs, in suam ipsi perniciem moliuntur: et qui nunc  
est rerū status: uidentur uix agrè plagam hanc esse cu-  
raturi. Sic igitur sentio, Deū, prout uult affligere aliquā

gentem : tribuere illis principem, et accommodare. Burgundicus populus, longe florentissimus fuit sub tribus ordine principibus, optimis & prudentissimis uiris, supra centum & uiginti annos. Tandem uero Deus excitauit eis Carolum, qui continuis bellis, laboribus atque sumptibus eos exercuit, defatigauit, et exhausit, hyeme præsertim. Ante Nouesium autem factum fuit initium calamitatum, quæ deinde tribus aut quatuor aduersis prælijs durarunt, donec interficeretur. Quo quidem tempore sic erat debilitatum ipsius omne robur atq; potentia, ut omnes, in quibus aut aliqua facultas erat, aut uoluntas præclara : uel mortui essent, uel capti, uel grauiter afflicti. Vidi equidem, & cognitam habeo potissimum Europæ partem : sed florentiorē nullam noui provinciam, quàm erāt hæ Caroli ditiones, quo tempore inijsæxi. Et nunc ecce, Deus tam insignem & potentem familiam, ac clarissimorum uirorum domicilium, nostro orbe celeberrimum et honoratissimum, per centum & eò plures annos, breui temporis puncto, planè subuertit. Quum reliqui omnes circum populi diuexarentur bellis, alijsq; incōmodis : hæc sola domus foelicissima semper fuit, ita quidem, ut externi multi Principes, ad eam, uelut in opportunissimum portum, è fluctibus & tempestate sese reciperent. Ludouicus Rex adolescens, cum à parente suo disideret : ad Philippum Caroli patrem sese contulit, honorifice admodum & amanter ab eo, per sex annos habitus. Eduardi Angliæ Regis ambo fratres,

fratres, Clarentius & Clocestrius, & è Lenclastrijs multi, rebus aduersis, opem & patrociniū ab hac domo petierunt. Breuiter, ingens fuit eius familie splendor & gloria. & nunc ecce miserabiliter est afflictā, sic, ut uicinis omnibus exemplo esse possit. Est nimirum Deus, à quo salus regnorum omnium, & incrementum, & occasus, & initia dependent.

## PHILIPPI COMINAEI.

commentariorum Liber Octauus.

1477



Ex nuper in Gallijs instituerat cursores, qui per dispositos equos, incredibili celeritate iter conficerent. rem plane nouam & inusitatam in Gallijs, ante id tempus. Per eos ilicò de fortuna Caroli cognoscebat, & singulis penè momentis expectabat certiora de rebus omnibus. Ei, qui primus omnium aliquid memorabile attulisset, munus aliquod dabat, & prius quàm aliquid adferretur; dicebat se liberaliter ei, qui primus nunciasset, daturum. Per Bocagium & me certior factus fuit de praelio, ad Moratum facto: & utrunq; insigni dono cohonestabat. Ludeus, qui foris cubabat extra Plesium castellum: de cursoris aduentu primus cognouit, & quod honesto loco erat apud Regem, obtinuit à cursore literas, quibus de

prelio Nanceno significabatur. Prima statim luce, Regi dat eas literas. De morte Caroli nemo confirmabat: in hoc autem omnes consentiebant, eum fugisse. Rex eo nuncio sic fuit exhilaratus, ut nihil supra. Hoc unum modo uerebatur, quod si captus esset à Germanis, ne cum eis, data pecunia, pacisceretur: deinde, ne prorsus euasisset, metuebat. Proxima deliberatio fuit, an ditiones illius esset occupaturus, in eaq; re minimam esse putabat difficultatem, plerisq; omnibus, qui resisterent, per illa superiora prelia, interfectis. Qui cum Rege erant, omnes dabant significationem letitiae: sed pleriq; uidebantur sibi uim ipsi facere, & utcumq; dissimularent, maluissent certe Caroli res meliori esse loco. Cuius quidem rei causa fortasse fuit, quod rex natura timidior erat, & idcirco uerebantur, ne solutus omni metu, multa moueret domi atq; turbaret. Ex ijs etiam qui aderant, nonnulli unà cum Gallie principibus & Carolo, ipsum oppugnauerant. Habita deliberatione, post peractum sacrum, in cubiculo prandet, multis ad mensam, pro sua consuetudine, adhibitis. Inter prandendum loquebatur de rebus nouis. Hic ego cum alijs nonnullis obseruabā diligenter uultus eorum, qui prandebant: Sed ne unus quidem hilariter sumebat cibum. Mœrore ne istud fecerint, an letitia: non facile dixerim. Pudore certè nullo faciebant. nam consueuerant omnes cum eo prandere sepius. A prandio secedens aliquandiu, nonnullis, Caroli profectiones



sessiones quasdam, si mortuus esset, donabat. Amiralium autem et me, cum amplis et necessarijs mandatis dimisit, ut eos, qui se uellent in ipsius clientelam atque fidem dare, reciperemus: potestate nobis facta, ut quicumque inter eundem nobis occurrerent cursores: eorum resignaremus literas, quò de rebus omnibus certi aliquid cognosceremus. Ingressi iter asperissima hyeme, uix dimidij diei uiam processimus, cum occurrit tabelarius. Acceptis ab eo literis, intelligimus Carolum inter alios repertum fuisse mortuum, et agnatum à quodam adolescente cubiculario, et medico Fusitano, per quem Campaniæ præfectus certior factus, hoc ipsum Regi significabat. Progressi contendimus ad Abbeuille suburbia. Per nos primum, ijs locis rescieuerunt de illius morte. Oppidani iam coeperat pacisci cum Torcio, uero nobili, què à multis annis magnopere diligebant. Qui presidio relictii fuerant ibi à Carolo: per internuncium à nobis præmissum, de compositione nobiscum agebant, et nostris pollicitationibus confisi, quadringentos cataphractos illinc remouerunt. Hanc opportunitatem conspicati ciues, Torcio patefaciunt urbem, non absque magno dispendio eorum, quos antè diximus, quibus, mandato regis, et pecuniam, et annuam eramus polliciti pensionem. Sed earum rerum nihil acceperunt, propterea quòd per ipsos non erat facta deditio. Est autè Abbeuille, ex ijs oppidis unum, quæ Ludouici pater Philippo principi dederat, ea lege, ut si nulli extarent masculi heredes, ad imperium

Gallium redirent. Non debet igitur uideri mirum: si facilem nobis aditum præberent. Inde profecti Dorlanum, sollicitamus Atrebatum, Artesie primam urbem, ac uetus Comitum Flandrie patrimonium, cuius quidē regionis imperium, ad sceminas non minus quàm ad mares deferretur. Rauestenus et Cordens, adiunctis aliquot primarijs ciuibus, colloctioni nobis diem constituunt, in uicina quadam Abbatia. Mihi cum nonnullis alijs iniunctum fuit, ut actioni interessẽ. Et quia parum erat spei, confici posse negotium: non ibat Amiraliius ipse. Nostra postulata hæc erant, ut urbem nobis patefacerent: prouinciã illam omnem, morte Caroli, ad Regem pertinere: si recusent, periculũ esse, ne cogantur: casum esse Principem, et exercitum, tribus aduersis prelijs deletum prope omnem. Illi contrà, per eius urbis atq; senatus præsidẽ demonstrant, quem admodum inde à Margaritha, quam Philippus, cognomento Fortis, in matrimonio habuit, iure successionis, Artesia omnis delata sit ad Caroli filiã heredem, orant igitur, ne quas cum Carolo Rex fecisset inducias, uiolaret. Non fuerunt multa inter nos commutata uerba: nec inopinatò nobis responsum istud oblatum fuit, et præcipua causa colloctionis hæc erat, ut per eam occasione quosdam ad nostras partes traduceremus. Nec infeliciter quidem iste conatus cecidit. Reuersus ad Amiralium: cognoui, Regem aduentare, qui paulò post nos ingressus fuit iter, et literas huc illuc, tam suo, quàm

quàm alieno nomine scripserat, quibus exocabat certos homines, quorum opera sperabat se posse ditiones illas omneis in suam potestatem adducere. Magnam enim animo conceperat letitiam, quò aduersarios omnes uidebat è medio sublato esse. Connestablium, et Ducem Nemorensem, et alios nonnullos capite multauerat: Frater, Aquitaniae Dux, è uita decesserat: Andegauensis familia omnis erat extincta: cuius postremi fuerunt Principes, Renatus Siciliae Rex, Ioannes et Nicolaus Calabriae Duces, eorumq; propinquus, Cenoriorum et Prouinciae Comes. Horum omnium facultates ad ipsum erant delatae. Sed quò potentior erat Burgundica domus omnibus alijs, et quò grauiora bella gessit, Anglorum ope, in Gallijs, per annos triginta duos: et quò maiores habebat ob propinquitatem occasiones diuexandi Galliam: eò grandior etiam fuit et uberior Regis letitia, oppresso Carolo, sic, ut uicinos circum populos nihil iam magnopere formidaret. Pacem enim nuper fecerat cum Anglis, et eam studebat confirmare. Sed dum in hac securitate uersatur: hoc solum ad integram foelicitatem ei defuit, quòd non ex equitate negotium gubernabat. Nam et si Deus multis et clavis indicijs ostenderet, grauius et acerbè se uelle Burgundicam domum affligere: non idcirco tamen est, ut aliquis dicat, Regem ita ut oportet, in eam progressurum esse. In prouincias enim illas nihil habebat iuris: uerum amore et beneuolentia, perq; con-

nubium,

nubium, aut iustum aliquē titulum, licebat eas adiungere Gallijs, & facillimè quidem, in ea consternatione, & propè omnium desperatione, rebus afflictissimis. Eam rationem si fuisset ingressus: firmam & diuturnam pacem in Gallia intulisset, & populum continuè bellis exinanitum, magnopere recreasset. Dum uiuere adhuc Carolus: non semel mihi Rex commemorabat, post mortē illius, si uita superaret ipse, filium suum in matrimonium se daturum esse illius filie: & si propter teneriorem filij ætatem illa recusaret: se procuraturum tamen, ut à Gallie principibus alicui nuberet: quò & hac ratione pacatā haberet omnē eam regionem, & illa, quæ putabat ad se pertinere, absq; grauiori ullo motu recuperaret. Hæc erat eius adhuc sententia, die octauo prius, quàm de morte Caroli allatum esset: uerum ab ea discessit, & longe aliter constituit, quo tempore Amiralliū & me in Picardiam mittebat. Et quum nos deinde sequeretur: descrebantur ad eum crebri & iucundi nuncij. Nam arces duæ Connestablij, Hanium & Bohenium in eius potestatem ilico uenerunt: Sanctoquintinum ultro deditionem fecit: de Perona nihil dubitabat: et de uoluntate Cordei spem certam habebat. Tonsorem quendam suum Oliuarium, miserat Gandauum, & alios aliō, magna cum spe, sed pleriq; non respondebant expectationi. Cum propius ad Peronam uenisset: ibam ei obuiam. Prefectus oppidis dum mox patefecit: Per eum diem restitit ibi, & à prandio.

prandio incidit in mentionem eius, quod Amiralium & ego apud Atrebatas egimus, neque satisfactum erat eius voluntati, & iudicabat nihil nos propemodum effecisse. Incipit deinde commemorare, quemadmodum conforem suum Oliuarium misisset Gandauum, cuius opera & uirtute sit adepturus eam urbem: idem se sperare consequi posse multis alijs locis, per eos, quos dimisisset. Atque ut stimulum aliquem adderet: Ludeum summisit, & quosdam alios, qui coram ipso, mecum super ea re disceptarent. Quanquam uero meum non erat, eius opinionem impugnare: tamen respondi, me uereri, ne Oliuarius, & alij quos nominasset, in ijs urbibus non perficerent, quod uellent. Id autem ideo dicebam, quod uiderem, cum sententiam mutasse, de qua supra diximus, & confisum secundiori fortuna, sperem ingentem concepisse, omnia sine contentione occupandi. Cupiebat enim in primis Burgundicam domum deletere totam, & eius imperij prouincias omnes in multos buc illuc partiri: simul eos nominabat, quibus Namurcum & Hannoniam, finitima Gallie loca, daturus esset. Quantum ad maiores illas ditiones pertinet, Brabantiam & Hollandiam: constituit nonnullis Germanie principibus, ut eas acquirerent, auxiliari, quos a se putabat non alienos, quorum deinde opera uti posset ad perficiendum ea, quae moliebatur. His de rebus omnibus mecum non semel loquebatur, eo quod hortatus eram, ut alteram rationem, de qua

qua supra dixi, susciperet: & uoluit, ut causas, quam obrem id non faceret, quod suaseram, intelligerem: affirmans, hoc suum consilium esse longe utilissimum Gallie, quæ per eam familiam, propter ipsius potentiam, uehementer fuisset, multis nunc annis afflictæ. Certe, si quis humana tantum intueatur & ciuilia: graues erant & magne, quas adferebat, rationes. Ad æquitatem autem mihi respicienti, longe diuersum uidetur, tametsi tanta erat in eo uis ingenij, ut magis prociue & acutus nemo quisquam esset. Verum in rebus tam arduis, Deus Principum & Regum uoluntates gubernat, ita, ut consilia sequantur accommodata ijs, quas cogitant deinde perficere, actionibus. Nam si beneficio Dei perstitisset in ea sententia, quæ ipsemet ante mortem Caroli iudicabat idoneam esse: non fuissent ea consecuta bella, quæ tum temporis orta, ne hodie quidem consopita sunt. Sed actiones nostræ pacem nullam diuturnam merentur, qua fruituri eramus alioquin, & huc, tanquam ad fontem, referri debent calamitates nostræ, non autem ad incogitantiam Regis, qui sane circumspectissimus omnium hominum erat. Hæc omnia paulo prolixius recito, ut demonstrem, super eiusmodi rebus diu multumq; & grauius esse deliberandum, ut quod honestissimum est & æquissimum amplectamur. Sed in primis interpellandus est Deus atq; rogandus, ut quod optimum est nobis suggerat. Nam ab eo cuncta pendent, ut & scripturæ testimonijs, & ipso rerum usu

usu doceri potest. Non hoc equidem ago, ut Regem in-  
 cusem aut criminer, quasi minus recte fecerit: nam for-  
 tasse multi alij ipsius familiares in eadē cum illō erant  
 sententia, quanquam hoc certo scio, neq; tum, nec us-  
 quam alibi super ea re disceptatum fuisse: Verum ita  
 res habet, ut qui scribunt historias, nō respiciant ad lau-  
 dem eorum, de quibus loquuntur, & multi sepe, quae  
 non exacte norunt, praetereant. Et quantū ad me per-  
 tinet: nihil sum dicturus alienum à uero, nihil quod uel  
 ipse non uiderim, uel ab hominibus fide dignissimis ac-  
 ceperim, in eoq; nullam habebō rationem affectatæ lau-  
 dationis. Certò enim constat, nullum esse principem  
 tam prudentem, qui non erret & labatur aliquando,  
 imò saepenumero, si lōgior ei uita contingat, ut ex illo-  
 rum actionibus ac consilijs, si uerè perscriberentur om-  
 nia, facile iudicari posset. Omnes profecto omnium tem-  
 porum senatores ac uiri praestantes, qui uel fuerunt ali-  
 quando, uel hodie sunt, errarunt, & sepe errare pos-  
 sunt atq; labi. Testatur hoc experientia quotidiana.  
 Rex cum prope Peronam in quodam uico substitisset:  
 profecturus in oppidū, mandabat mihi, ut ad Pictones  
 & Britanniae fines proficiscerer: simul hoc priuatim  
 & secretò dicebat, quòd si Oliuarius apud Gandauos  
 nihil perficeret: si Cordæus etiam ad se non transfret:  
 tum se incendijs uastaturum esse Atrebates, omnemq;  
 vicinum agrum, & ad Turones rediturum. Antequam  
 abirem, commendabam ei quosdam, qui meo impulsu

Q

Et hortatu, ad ipsum transferant. Is annuam pensio-  
 nem pollicitus eram: Et cum ipsorum nomina acce-  
 pisset à me notata, promissa prestitit. Erat cum ipso  
 Ludæus homo sui priuati commodi ualde studiosus, Et  
 Regi multis in rebus non inuicundus. Ille sic erat natu-  
 ra, ut sicut temere ipse alios fallebat: ita quoq; leuiter  
 persuasus, à multis sepe ludificaretur. Educatu fuerat  
 cum Rege, à prima statim adolescentia. Et artes, quin-  
 bus ei placeret, optimè callebat. Is abituro mihi ad Pi-  
 ctiones, mandato Regis, ut dixi: quid, inquit subridens,  
 tu nunc discedis in hoc tempore, quo pulcherrimæ sese  
 offerunt occasiones amplificandi tuas facultates? Defe-  
 runtur ad Regem quotidie uaria negocia, in eiusq; ma-  
 nu est, quibus bene uult, Et quos complectitur, tempori-  
 ris ferè momento locupletare: Quantum ad me perti-  
 net: spero me futurum esse Flandriæ præfectum, Et to-  
 tum me inaurabo. Magno cum risu pronunciabat ista:  
 Verum ego, quòd metuebam, ne à Rege manassent: ni-  
 hil minus auebam quàm ridere, Et pro re pauca locu-  
 tus, respondi, fore mihi longè gratissimum, si res bene  
 succederent: sperare me, regem mei futurum esse non  
 immemorem. Paulò ante, quidam ex Hannonia nobilis  
 ad me uenerat, Et de quibusdam alijs, quos, ut ad Re-  
 gem transfirent, literis sollicitaueram, certi aliquid at-  
 tulit. Est mihi propinquus ille Et uiuit adhuc, itaq; no-  
 men non proferam. Is inter alia paucis uerbis indica-  
 bat rationes, quibus firmissima quoq; loca Hannoniæ

daret



daret in regis potestatem. Abiturus hæc aperio Regi:  
Locutus cum eo, dicebat mihi, nec hunc nec alios, de  
quibus dixeram, esse idoneos. nec ullus erat, in quo non  
aliquid desideraret: ipsorumq; pollicitationes iudica-  
bat esse uanas, & ea quæ deferrent omnia, putabat se  
facile posse & breui, citra ipsorum operam occupare.  
Iudeus tamen ipsius mandato, cum eo nobili colloca-  
tus, initio statim rogabat, ecquid muneris habiturus es-  
set ab ijs ciuitatibus, ut ipsorum causam regi commen-  
daret? Erant sanè diuersæ admodum utriusq; rationes.  
Alter ex Hannonia uenerat, ut amplificaretur: hic uer-  
o non modo nihil promittebat: uerum etiam, quasi  
beneficiū ultro præstaret, uolebat remunerari. Aspera-  
batur tum eos rex, uerum incidit postea tempus, quo  
magnò redemisset ipsorum operam: & opinor diuina-  
tus hoc etiam accidisse, ut ne ex animi uoto omnia ei ca-  
derent, aut ne ditiones illas, quæ pertinent ad imperium  
Germanicum, occuparet. Quod ei duabus de causis li-  
citur non erat, primum, quod ius nullum haberet, de-  
inde, propter antiquum fœdus, pactum inter Cæsares  
atq; Galliarum reges: quod ipsum rex uidebatur non  
ignorare. Cum enim Cameracum, & Quercetum in  
Hannonia, & quedam alia teneret: ex ijs aliqua red-  
didit, & Cameracum, eò quod esset Imperij ciuitas, pri-  
stino iuri ac libertati restituit. Et quanquam id tempo-  
ris aberam: missus ad Pictones, ut supra dixi, tamen ab  
ijs qui interfuerunt, omnia plenè cognoui. deinde, quod

Q. ij.

utriusq; regionis morem atq; naturam ex æquo nouerant : non erat mihi difficile, quid ageretur, & quis esset futurus euentus, intelligere. Oliuarius, tonsor Regis, Gandauum profectus erat, ut diximus, cum literis & mandatis ad Caroli filiam, ut priuatim ei loqueretur, eamq; ad partes regis traduceret. In eo autem summam sciebat esse difficultatem, nec etiam istud potissimum agebat : uerum eò spectabat, ut Gandauum, quam urbem nouit ad seditiones propensam esse, magnam aliquem motum excitaret, præsertim, cum in ordinem essent redacti superioribus annis, & exuti priuilegijs : à Philippo quidem Principe, belli tempore, quod cum eo gesserunt : à Carolo autem, quum debellatis Leodiensibus, rediisset ad eos uictor. Hæc non ignorabat Oliuarius, atq; ideo in maiorem spem uenit, & secretò multos interpellabat, pollicitus, effecturum se, ut à Rege priuilegia omnia recuperarent. Publice uero nihil agebat, & hoc solum tentabat, si quid apud puellam posset antea conficere. Post aliquot uero dies, iubetur legationis causam exponere. Venit igitur ad concilium, splendidius aliquanto uestitus, quam pro ipsius conditione. Erant cum puella dux Cliuensis, & Leodiensis Episcopus, & alij procures, magno numero. Redditis puellæ literis, iussus est exponere mandata. Refert sibi iniunctum esse, ut soli puellæ loqueretur. Illi contrà, & inusitatum hoc esse dicebant, & indecorum, eò quod & adolescentula esset, & innupta. Cum persisteret in  
 senten-

sententia: illi incipiunt minari, et uelle cogere. Opinor, quo tempore literas in concilio reddidit, nondum præcogitasse illum, quid diceret. Ad hunc modum igitur discessit, non absq; ludibrio. Pleriq; enim ridebant eum, et propter generis obscuritatem (nam originem habebat ex quodam uico, non procul à Gandauo) et ineptum sermonem. Certior autem factus, imminere sibi periculum, et fore, ut in flumen abijceretur: profugit Tornacum. Quæ ciuitas, tametsi tum utebatur libertate: ualde tamen erat studiosa Regis, ad cuius imperium ita pertinet, ut quotannis ei sex francorum millia persoluat. alioqui libertate sua fruatur, et omnis generis homines admittit. Ciues etiam et ecclesiastici ordinis uiri, possessiones ac facultates suas habent per Hannoniam et Flandriam, uicinas regiones: Ideoque per ea bella, quæ Philippus Burgundiæ Dux gessit cum Carolo septimo, Galliarum rege, soliti erant ei dependere quotannis, ad decem francorum millia, eamq; pecunie summam, uidi quum etiam Carolo persoluerent. Sed in hoc tempore, quum Oliuarius eò uenisset: immunitatem obtinebant. Atqui, non tam Oliuarius, quod munus iniunctum suscepisset: quàm alij, quod iniunxissent, reprehendendi erant. Et quanquam is fuit eius legationis exitus: tamen uirtutem aliquam declarauit postea. Videbat Tornacum esse finitimam urbem utriq; populo: rebus gerendis et diuexandæ Flandriæ opportunâ, modo præsidio aliquo teneretur equitum,

Q. iij

quos in propinquo Rex continebat. Vt autem oppidum  
 cui presidium aliquod ultro reciperent: sciebat frustra  
 sperari, propterea quod neutrius erant factionis. Nun-  
 ciat igitur Oliuarius praefecto Sanctoquintini, ut suas  
 cohortes equitum, & alias è vicinis locis, Tornacum  
 adducat. Ii quum ad horam praescriptam eò uenissent:  
 offendunt Oliuarium, & cum eo circiter quadraginta  
 uiros, qui partim fauore, partim imperio & ui obie-  
 ctum sepimentum amoliti: equitatum omnem intra  
 portas admittunt. Eam rem non multitudo quidem ci-  
 uium: sed urbis praefecti grauer tulerunt, è quibus  
 octenos Luteciam misit: Post equites, alij quoq; sunt  
 ingressi, qui uillas & aedificia multa uastabant incen-  
 dijs, maiori serè cum detrimento ciuium, quàm hosti-  
 um. His iniurijs incitati Flandri, Geldriae ducem, è car-  
 cere, in quem à Carolo coniectus fuerat, eripiunt, & co-  
 pijs praeficiunt. Vbi Tornacum uenissent: primo sta-  
 tim concursu in fugam coniecti fuerunt, multis inter-  
 fectis, & ipso quoq; Principe occiso, dum postremis la-  
 borantibus opem ferre conatur. Alius quispiam, maiori  
 ingenio praeditus, quàm Oliuarius, nō erat fortasse rem  
 tantam perfecturus. Apparet certè, Deum, in ista qui-  
 dem actione, perturbassentem Regis. Nam si maio-  
 ri deliberatione fuisset usus, & illam cupiditatem atq;  
 uindictae studium, quando Burgundicam domum uoluit  
 de lere totam, deposuisset: dubium non est, quin hodie  
 no die, prouincia illa omnes penderent ab imperio Gal-  
 lico.

lico. Recuperata Perona, legati ad ipsum eò ueniunt, à filia Caroli, omnes pariter, in quibus aliquid consilij aut dignitatis erat, idq; non admodum prudenti sane consilio, quòd tam frequentes simul uenirent: Sed ita erant afflicti & consternati calamitatibus, ac morte sui Principis, ut quid potissimum agerent, aut inciperent, ignorarent. In ijs legatis erat eius ditionis Cancellarius, Gulielmus Hugonetus, summæ uir authoritatis apud Carolum, & Imbercourtus, quo non alium ex nobilitate noui, uel prudentiorem, uel maximis rebus tractandis magis idoneum. Antequam publice Rex audiret, sollicitabat eos priuatim. Omnes demisse & reuerenter admodum, pro se quisq; separatim responderunt, ut solent, qui metuunt. Sed illi, quorum facultates atq; possessiones longius aberant à Gallia: nolebant ullo pacto adstringi, nisi de matrimonio Delphini & puellæ, cuius erant legati, Rex pacisceretur. Cancellarius etiam & Imbercourtus, quia cupiebant retinere authoritatem, & quòd facultates habebant in finibus Galliæ: hic in Picardia, ille autem in Burgundia: dabant se Regi, & ab eius postulatis erant non alieni, suamq; operam ei pollicebantur: & si matrimonium perficeretur: quin ad ipsum plane transirent, non recusabant. Ea ratio quanquam optima erat: displicuit tamen Regi, quæ & agrè ferebat, quod non è uestigio ad se transissent: ueruntamen, quia cogitabat eorum uti quacunq; opera: dissimulabat. Cordeum, Atrebatum præfectum, iam

Q. iij

pridem habebat suis rebus fauentem. Eius consilium se-  
 cutus, petebat à legatis, ut quò facilius esset ad compo-  
 sitionem uia: traderent sibi alteram Atrebatum partem.  
 Est enim urbs bipartita, muro, & fossa, & portis di-  
 rempta. Post multam disceptationem, assentiuntur legati,  
 in primis autem Cancellarius & Imbercortus, ac datis  
 literis, Cordæum à fide & religione custodiende urbis  
 eximunt, & ut eam in potestatem Regis tradat, ius-  
 bent. Libenter ille & cupide imperata facit. Rex in-  
 tromissus, ilico mandat extrui propugnacula & ual-  
 lum, aduersus alteram urbis partem. Cordæus cum suis  
 cohortibus & signis militaribus oppido excedit, & li-  
 berum erat unicuique sequi quasque uellet partes. Ips-  
 se, quoniam arbitrabatur se non amplius iam obstri-  
 ctum esse puellæ, propter acceptas ab eius legatis litem-  
 ras: constituit se totum regi dare. Nam originem duce-  
 bat ex Bellouacis, & quoniam morte Caroli urbes illæ  
 omnes ad Somiam flumen, redibant ad imperium Gal-  
 licum: putabat se, qui nomen & ortum ex ijs locis ha-  
 beret, ad Regem honeste posse transire. Hac igitur ra-  
 tione factus est regius, absque crimine quidem, ut arbitror,  
 nisi fortè nouo iureiurando sese puellæ deuinxerat. Alij  
 aliter sunt hoc illius factum interpretati: quantum ad  
 me pertinet, nihil affirmo. Hoc solum habeo comper-  
 tum, fuisse eum à Carolo perductum ad summam digni-  
 tatem & maximas opes. Nam & totius Picardie, &  
 multorum oppidorum erat præfectus: & à morte Car-  
 roli,

voli, eandem apud Regem obtinuit administrationem. Rebus Atrebatum confectis, Hefđinum Rex ilico circumfedit, & erat cum eo Cordeus, qui ante treis modo dies, eius arcis & oppidi prefecturam gesserat, & suorum militum prasidio tenebatur adhuc locus. Qui intus erant, prę se ferebant initio non uelle mutare imperium, eò quòd religione & fide essent deuincti puella. Sed cum per dies aliquot impetum sustinuissent: in colloctionem cum Cordao sub cuius imperio nuper fuerant, ueniunt, ac deditionem paulò post faciunt. Nam consultò gerebantur omnia. Boloniam deinde rex proficiscitur, & simili plane ratione occupat, tamen si periculi plenum erat hoc institutum, si modo prasidium ullum in oppido fuisset. Diem ibi per quinq; circiter dies in oppugnatione commoratur: Atrebates incipiunt agnoscere & uidere periculum: nam undiq; cincti erant hostibus. Vicinas igitur urbes, Douacum & Insulas, de auxilijs interpellant. Douaci erant aliquot equitum cohortes, & cum his Vergaeus, nobili genere natus. Hi omnes euaserant ex praelio Nanceno. Constituant igitur Atrebatum proficisci, coactis circiter trecentis equitibus, & sexcentis peditibus. Douacenses oppidani, ferociores id temporis, cogebant eos inuitos, meridiano tempore discedere, stulto plane consilio. Nam omnis illa regio est planissima, & longè lateq; patet prospectus, & est interuallũ quinq; milliarium. Quòd si de nocte fuissent profecti: perfecissent quod cogita-

bant. Qui Atrebatii erant in praesidio, Ludeus & alij nonnulli, certiores facti de illorum aduentu, statuunt obuiam eis properare, & omnia potius periclitari, quam ut sinant eos in urbem ingredi. Videbant enim se non posse alioqui alteram oppidi partem, quam custodiendam acceperant à Rege, tueri. Et licet periculosum esset ipsorum inceptum: strenuè tamen & magna cum uirtute hostem adoriuntur, & prostigant, plerisque omnibus aut interfectis, aut captis, in quibus fuit etiam Vergaeus. Postridie, rex illuc accessit, magnopere exilaratus eo nuncio. Captiuos omnes in suam potestatem recipit, & expeditum numero multos interfici iubet, ut alijs, qui circum erant, terrorem atque metum inferret. Vergaeum autem in carcere diu detinuit, qui tametsi si arctissime custodiretur & uinctus erat: adduci tamen non potuit, ut ei fidem daret, cumque per annum & eo amplius in uinculis fuisset, uix tandem expugnatus precibus matris, morem gessit, & prudenter quidem. Rex & amissas facultates ei restituit omnes, & quas ad se pertinere dicebat, concessit & auxit annuis prouentibus, ad decem francorum millia, & munera multa publica donabat. Qui in eo praelio fuga euaserant: in oppidum peruenerunt. Rex igitur tormentis, quorum uim maximam habebat, eos oppugnat, & quia milite carebant atque praesidijs: magnus eis timor incessit. A Cordeo plerique oppidani erant non alieni: deinde, fieri non poterat, ut eam unam oppidi partem Rex teneret:



teneret : altera sese tueretur diutius. Faciunt igitur de-  
ditionem certis legibus, quæ parum tamen religiose fue-  
runt seruata, Ludei præsertim culpa. Plurimi enim  
ciues & alij honesti homines, in ipsius conspectu, sup-  
plicio fuerunt affecti, & Ludeus ipse mihi confirma-  
uit, se tum fuisse auctum uiginti aureorum millibus. Op-  
pidani præterea mutuo regi dabant ad sexaginta au-  
reorum millia. sed opinor eam pecunie summam eis fuisse  
redditam, ut Cameracensibus, qui quadraginta mil-  
lia prius dederant. Interea dum Atrebatum obsidetur :  
filia Caroli erat Gandau in potestate ciuium, magno  
certe suo cum detrimento, & Regis maximo commo-  
do. Sic enim comparatum est, ut quod uni prodest : al-  
teri ferè noceat. Nam Gandauenses, nunciata Caroli  
morte, insolentiores facti, quod extra periculum se pos-  
sitos esse credebant : seditiose & proteruè multa desi-  
gnabant, senatoribus præcipuis, numero uiginti sex,  
interfectis. Eius rei causam hanc adferebant, quod pri-  
uæ capitis poena mulctassent quendam plebeum, ac li-  
cet eam poenam ille meritus esset : dicebant tamen eius  
rei potestatem ad ipsos minime pertinere, extincto Ca-  
rolo, per quem fuissent in eum ordinè asciti. Ex neces-  
sarijs quoq; Caroli multos afficiebant supplicio ; quo-  
rum nonnulli, me præsentem, Carolum aliquando placæ-  
uerant, ne quod constituerat, eius urbis bonam partem  
uastaret. Ab his supplicijs ad puellam transeunt, & co-  
gunt, ut priuilegia, quæ & pater & auus Philippus

adarent

ademerant, conformaret. Ea priuilegia perpetuam ipsis materiam litis & contentionis præbent aduersus Principem suum. Natura enim student suorum Principum vires infirmare, quos, dum paruuli sunt, amant, grandiores autem auersantur. Mortuo Carolo, si motus omnibus uitaessent, & Reip. salutem spectassent: presidio militum haud dubie munissent Atrebatum, & fortasse Peronam. Sed ad turbas tantum & rebellionem, animum habebant intentum. Veruntamen cum obsideretur Atrebatum, uenerunt ad Regem legati. Nam ex omni populo delecti fuerunt nonnulli, qui de summa Reipub. tractarent. Gandauenses tamen, qui puellam haberent in potestate, pro suo arbitratu omnia gerebant. Ii legati, inter alia commemorabant, ea quæ de compositione proposuissent: à puella esse profecta, quæ in rebus omnibus decreuissent obtemperare consilio et auctoritati delectorum populi: Petebant igitur, ut à bello tam Burgundico quam Atrebatensi abstineret: ut ad certum diem indiceretur concilium, & de pacificatione agerent, atque ut interea belli administratio omnis consisteret. Rex, quoniam & se peruenisse putabat, quod uolebat, & milites omnes atque duces non ignorabat uel occisos esse, uel grauitè afflictos: & quia multi puellam deseruerant, in primis autem Cordæus, quod summi erat momenti: (Nam huius opera paucis diebus plus profecit, quam alioqui longo tempore potuisset uermerian) His inquam de causis, legatorum postulata leuiter

leuiter aestimabat. Deinde, si Gandauenses principatum  
 & administrationem obtinerent: non dubitabat, quin  
 reliquos omnes perturbaturi essent, quò minus rectè  
 & feliciter bellum gererent. Nam homines uirtute  
 aliqua præditos, & qui apud principem, honestum ob-  
 tinuissent locū, non modo non adhibebant illi suis con-  
 silijs: uerumetiam acerbè persequabantur, Burgundi-  
 ones autem in primis, eò quòd in honore fuissent apud  
 Carolū atq; Philippum, oderant infestissime. Ad hæc,  
 sciebat quo essent ingenio, & quemadmodum cupe-  
 rent singulis temporibus principum suorum potentis-  
 am debilitari, modo ne detrimentum aliquod aut in-  
 commodum ipsi acciperent. Constituit igitur alere sedi-  
 tionem, & ipsos, ut tumultuose omnia facerent, impel-  
 lere. Nam erant imperiti rerum pleriq; omnes, nec ul-  
 lum habebant usum, præsertim in negocijs tam arduis,  
 quum ipso interim nihil esset acutum magis & prou-  
 dum. Dixerant legati, ut suprà docuimus, puellam uelle  
 morem gerere consilijs, & stare uoluntati delectorum.  
 Eam sermonem rex, ueluti fundamentum aliquod sibi  
 sumpsit actionis, affirmans, non rectè ipsos, quæ uel pu-  
 ella mens esset, uel eorum, à quibus illa penderet, acce-  
 pisse: Certò sibi constare, illam ex arbitrio paucissimo-  
 rum quorundam esse facturam omnia, qui pacis mini-  
 me sint cupidi, & fore, ut hanc ipsorum orationem, illa  
 non habeat ratam. His auditis, legati, ut homines pa-  
 rum exercitati, subito respondent: constare ipsis eo-  
 rum, quæ

rum, quæ dixissent, rationem, et si res ita postulet, exhibituros quæ acceperant à suis, mandata. Huic obijci-  
tur, proferri posse literas, quæ confirmant, puellam om-  
nia sua commississe quatuor duntaxat hominibus, quo-  
rum sequi uelit authoritatem. Quum illi in sententia  
persisterent: rex monstrari literas iubet, quas Cancellarius  
et Imbercortus attulerant, quo tempore apud  
ipsam Peronam fuerunt. Eæ literæ scriptæ erant, partim  
à puella, partim ab eius nouerca, Eduardi Angliæ Re-  
gis sorore, partim à Rauesteno: sed exierant nomine  
et mandato puellæ, et quò maior esset earum uis atq;  
fides: triplici erant scriptura notatæ. Earum hæc erat  
sententia, primum: ut ijs, quæ Cancellarius et Imber-  
cortus dicturi essent, rex fidem haberet: deinde, hanc  
suam esse mentem, ut negotiorum administrationem  
omnem, uellet esse penes nouercam suam, et Raueste-  
num, et Cancellarium, et Imbercortum. ideoq; pete-  
bat à Rege, ut per eos quatuor tantum, ageret secum de  
rebus omnibus. His literis inspectis, ualde fuerunt illi  
commoti, et uehementer offensi, eamq; indignationem  
nostri etiam idoneis uocibus augebant. Tandem fit eis  
potestas literarum, ac nihil præterea cum ipsis actum  
fuit. Neq; uero ipsi multum de eo solliciti erant, et ad  
res nouas tantum spectabant, nec qui futurus esset exi-  
tus, præuidebant. Urbis Atrebatum iacturam et amissio-  
nem debebant potius deplorare: sed quantum accepi-  
sent uulnus, ob imperitiam et rerum non audaciam su-  
am

diam non sentiebant. Gandauum igitur redeunt, ubi  
 iam puella tunc erat Dux Cluensis, eius propinquus,  
 etate grauis, qui et in ea familia fuerat educatus, et  
 pensionem annuam habebat, sex aureorum millia, et  
 frequenter ibi uersabatur, honoris et officij causa. Per  
 id uero temporis ibi habebat, spe matrimonij. Cupiebat  
 enim in primis puellam nubere filio suo: et si mores  
 illius placuissent, facile, ut opinor, impetrasset: uerum  
 erat domesticè notus, ac fieri potest, ut ea quoque res im-  
 pedimentum aliquod attulerit. Præter hunc aderat  
 etiam Leodiensis Episcopus, et familia Borboniorum,  
 et alij complures. Indictio igitur concilio cui puella  
 presidebat, legati quid egissent, exponunt: et illud in  
 primis, quod ad ipsorum institutum pertinebat, quem  
 admodum inter ipsos et Regem, magna fuisset et acris,  
 de uoluntate puellæ disceptatio: et quid tandem acce-  
 pissent ab eo responsi. Eo sermone offensa puella,  
 quum existimaret literas non fuisse exhibitas: constan-  
 ter negat. Ibi statim ex ipsis quidam ex sinu profert eas  
 literas, et palam in conspectu omnium dat puellæ.  
 Quo sane facto, quàm esset illiberali ingenio, clare do-  
 cebat, nempe qui modestissimam uirginem ad eum mon-  
 dum pudefaceret. Nam etiamsi quid illa peccarat: ad  
 ipsum tamen castigandi partes non pertinebant. Quan-  
 tus autem fuerit puellæ pudor, facile quiuis intelligat.  
 Diuersum enim apud omnes dixerat, et ij quorum se-  
 xa fuit in literis mentio, Rauestrenus et nouerca, et  
 Cancellarius

Cancellarius, & Imbercortus, aderant. Cliuensi & alijs nonnullis iniecta fuerat aliqua spes matrimonij: Hi singuli magnopere fuerunt offensi, & tunc primum graues ortæ sunt inter eos dissensiones. Cliuensis putauerat Imbercortum suis rebus fauere: cognitis autem his literis, ac re desperata: quod se ludificatum esse uidebat, odium in illum concepit. Sed & Leodiensis Episcopus, propter superiora bella minus amabat eum. Conestablij uero filius, Sanctopauli Comes, & ipsum & Cancellarium, eo quod parentem suum Perona tradidissent in potestatem regis: oderat infestissime: deinde, Gandauenses erant inimico in ipsos animo, nulla de causa, nisi quod apud Carolum in summo fuissent honore. Nocte igitur illa, quæ concilium hoc est infecuta, capti sunt ambo, & licet præmoniti fuissent: periculum tamen uitare non poterant, quod alijs multis sæpe accidit. Vt autem caperentur: opinor aduersariorum impulsu aliqua ex parte factum fuisse. Gandauenses, obseruata aliqua iuris formula, præter morem suum, è senatu nonnullos deligunt, qui de causa cognoscant. Et primum quidem interrogantur, cur Atrebatum regi per Cordeum tradidissent? Ei questioni non multum inhaerebant. Nam neq; mouebat eos debilitata potentia puella, neq; detrimenti magnitudinem intelligebant. Postposita igitur ea questione, duo potissimum obijciebant: primum: quod in quadam controuersia & lite, sententia secundum ipsos & Rempub. lata, pecuniam accepissent.

piſſent: Ad hoc illi prudenter reſpondebant, ſe iudicaſſe in ea lite ſecundum ipſos quòd æquitate & iure uincerent: non ſe proſtituiſſe iudicium, nec ullum affectaſſe munus: oblatum uero non recuſaſſe. Alterum crimen erat, eiꝫ potiſſimum inſiſtebant: Ipſos & præſente Carolo, & per eius abſentiam multa feciſſe, aduerſum ciuitatis priuilegia: quod apud eos ſanctiſſimo iure ſit capitale. Hæc ſanè criminatio nulla nitebatur ratione. Nam neq; ciues erant illi, nec ipſorū ſubiectioni imperio, & ſi qua uel Carolus, uel eius pater ademerant eis priuilegia, pactionibus illud factum erat, poſt diuturna bella. Sed quantumuis illi ſe purgarent: tamen, duabus poſtremis de cauſis, damnati ſunt capitis. Hac tam crudeli ſententia perterriti, quod unicum ſupererat remedium: prouocant ad Regem & ſenatum Parienſem, ut ea interpoſita mora, per amicos & neceſſarios eriperentur periculo. Dum captiui detinerentur: ſubiectioni fuerunt queſtioni & tormentis, ac intra ſextum diem de capite ipſorum fuit pronunciatum, & nulla ratione habita prouocationis, tres tantum horæ fuerunt eis conceſſe, intra quas de ſuis rebus ac ſalute cogitarent. poſtea deducuntur ad ſupplicium. Filia Caroli certior facta, ſenatum adit, & propemodum ſupplex deprecatur mortem. Quum nihil proficeret: uenit in forum, ubi multitudo erat omnis in armis, & ut miſerabilior eſſet: cultu corporis admodum neglecto, ſummum teſtabatur dolorem. Lachrymans igitur, paſſis criminibus,

R.

magnopere sollicitabat populum, ut illos sibi donaret.  
 Et ciuibus multi eò inclinabant, alij contrà, sicut ad con-  
 tentionem res atq; presentem pugnam spectaret. Eo-  
 rum autem, qui supplicium uolebant, maior erat nume-  
 rus. Et sublato clamore, carnifici mandabant, ut accelera-  
 ret. Desperata igitur salute, tristis et afflictà, pro-  
 pter iacturam summorum uirorum, domum redit. His  
 rebus perfectis, Gandauenses Rauestenum et nouer-  
 cam, eò quòd in ijs erant notati literis, quarum supra  
 meminimus: à puella submouent, et auctoritatem om-  
 nem in illam sibi sumunt. quòd miserior erat eius con-  
 ditio, tum propter amissas urbes, tum quòd in ipsorum  
 esset potestate. Videre autem licet in ipsorum actioni-  
 bus insignem stoliditatem, cum malitia coniunctam.  
 Nam qui magistratum apud ipsos gerunt, et auctori-  
 tem habent: plerumq; sunt opifices, ac homines plebei,  
 eorum rerum omnium, quæ pertinent ad Reipublicæ  
 gubernationem, imperiti. Malitia duabus in rebus po-  
 tissimum consistit, primum: quòd suos Principes cupi-  
 unt esse quàm maxime infirmos et tenues; alterum,  
 quòd simul atq; facinus aliquod admiserunt, ac se infe-  
 riores uident: artem optimè tenent, deprecandi cul-  
 pam, ueniamq; petendi, in eoq; nec sumptui parcunt  
 ulli, nec labori, et quibus uti debeant intercessoribus,  
 omnium hominum optime norunt. Interea dum Rex in  
 Picardie finibus feliciter rem gerit: alter ipsius exer-  
 citus, in Burgundiam quoq; bellum infert. Delectibus  
 agendis



agendis præerat Auirica Princeps, qui tametsi è sua  
 periori Burgundia genus duceret, tamen ab amicitia  
 Caroli iam secundo discessit, & quoniam in utraq; Bur-  
 gundia plurimum ualebat & facultatibus amplissimis,  
 & gratia & clientelis: peropportune Rex illius ute-  
 batur opera. Summæ autem belli præfectus erat Crani-  
 us, qui præmisso Auiricæ Principe, per ipsius industria-  
 am & gratiam, non modo Diuionem, ijs locis firmis-  
 mam urbem: sed alia quoq; inferioris Burgundiæ om-  
 nia, & superioris nonnulla oppida deditione cepit: ne-  
 rium Auxona, & alia quedam castella strenue sese tue-  
 bantur. Auirico magnæ fuerunt propositæ conditio-  
 nes, & amplissimi honores designati, Mouerat ei litteram  
 amicum de possessionibus aliquot & bonis, eaq; con-  
 trouersia fuit ad Carolum introducta, qui conuocato  
 concilio nobilium & doctorum hominum, aduersus  
 ipsum pronunciauit. Ea re commotus, transijt ad Re-  
 gem, qui inter alia promittebat ei restitutionem eorum,  
 quæ sibi per iudicium erepta esse dicebat. Sed Cranius,  
 Regis legatus, eorum bonorum nactus possessionem,  
 tametsi crebro interPELLARETUR, etiam à Rege, tamen re-  
 cusabat ea reddere, neq; fore putabat, ut Auiricus om-  
 nem illam prouinciam ad defectionem & rebellionem  
 aliquando permoueret. Gandauenses, cum ad eum mo-  
 dum, ut diximus, essent tumultuati, & puellam in po-  
 testate haberent: nouum constituunt magistratum, uo-  
 cantes loco submouent & proscribunt, in primis autem

Burgundicæ domus necessarios, nulla prorsus merito-  
rum habita ratione. Illos autem omnes, qui ex Burgun-  
dia genus ducerent, acerbissimè persequebantur: Et cū  
rex totus in hoc esset, ut è familia Caroli plerosq; ad se  
quacunq; ratione traduceret: illi suis moribus & in-  
gratitudine, & asperitate hoc ipsum præcipuè agebāt,  
ut libenter isti ad Regem transirent. Sed Geldrie Ducem  
in primis, qui mandato Caroli diu captiuus fuerat,  
eximunt è carcere: & ijs copijs, quas una socijs aduer-  
sum Tornacenses educebant, præficiunt, & Tornaci  
suburbia uastant incendijs, imperitè sanè & imprudens-  
ter. Quòd si Atrebatum mature firmassent præsidio:  
rectè cum sibi, tum toti prouinciæ consuluissent. Nam  
eo genere belli, quod gerebant, nullum inferre poterant  
Regi detrimentum, qui pecuniam nullam ijs locis, aut  
uestigal. aut tributum imperabat. Geldrus igitur, ubi  
Tornacum uenit: ignem in suburbia coniecit. Erant ur-  
bis præsidio relictæ circiter. quadringenti cataphracti,  
qui discedentem hostem persecuti, in fugam uerterunt.  
Sed Geldrus magno uir animo, & singulari uirtute,  
conuerso equo inuactus, ut uiam suis expediret, inter-  
ficitur cum multis. Filia Caroli dicitur, eo accepto nun-  
cio ualde fuisse ex hilarata. Nam fama perccebit, Gan-  
daensium hoc esse propositum, & uoluntatem, ut ei,  
nisi occubuisset, in matrimonium illam darent. Qui  
lecturi sunt ista, mirabūtur, non dubium est, quòd à mor-  
te Caroli, ad hunc usq; locum, Anglorum mentionem  
nullam

Wallon feci, & alienam eis uidebitur, quòd illi Regem  
ita sint passi occupare Boloniam, Atrebatum, Hesdinum,  
& alia loca munita, prorsus ad ipsorum fines. nec  
id modo, uerum etiam obsidione cingere Sanctomari.  
Causa nimirum est in promptu. Rex ingenij ui, mul-  
tis partibus Eduardo præstabat: quanquam certe præ-  
clarus & hic erat Princeps, octo prælijs uictor, quibus  
ipse pedes interfuit omnibus. Verum ea diuersis tempo-  
ribus facta fuerunt, neq; magnam aliquam ipsius indu-  
striam requirebant. Semel enim parta uictoria, uteba-  
tur, deinde pace, donec nouum exoriretur bellum: &  
Angliæ consuetudo fert, ut intra paucissimos dies, com-  
misso prælio, de summa belli decernatur. Gallie autem  
rationes longè erant diuersæ. Nam præter administra-  
tionem bellicam, oportebat Regem multis locis inten-  
tum habere animum, & quid uicini principes moliren-  
tur, summo studio cognoscere, & obseruare. Sed in pri-  
mis danda ei fuit opera, ut Angliæ Regi satisfaceret, et  
crebra mittende legationes, & donis ac pollicitationi-  
bus tentanda res, ut ne nostris ille negotijs & occupa-  
tionibus sese immisceret. Anglis enim omnibus est que-  
dam animi incitatio, & alacritas naturaliter innata,  
bellum in Galliam inferendi. Primum, quòd illam ad se  
iure pertinere dicunt: deinde propter amplissimam præ-  
dam. Maiores enim ipsorum multas obtinuerunt insi-  
gues per Galliam uictorias, & continuata possessione  
per trecentos ac quinquaginta annos: bonam & Aquitania

tanie & Normannie partem tenuerunt. Et quanquam à Carolo septimo, Ludouici patre, profligati sunt: tamen redierunt domum, onusti spolijs opimis, & nostris exnuijs amplificati, concepta spe certissima, redeundi aliquando. Sed profecto uix egrè tales erant nostris temporibus habituri occasiones. Ludouicus enim Rex nunquam erat periclitaturus fortunam, nec eò descensurus, ut praelio cum ipsis dimicaret, quod alicubi factū fuit infeliciter, et magno cum Gallie detrimento: Verum multò prudentius omnibus prouidisset rebus, ut uidere licet ex eo, quòd supra commemorauimus de pacificato Eduardo. Et quoniam hanc illorum cupiditatem ac ardorem gerendi belli non ignorabat: hoc sibi modis omnibus laborandum esse uidebat, ut ipsos in amicitia contineret, eos præsertim, qui uidebantur ad pacem magis inclinare, & oblata munera non esse recusaturi. Pensionem igitur illam, quinquaginta aureorum millia, quotannis Londini, ad diem, & liberaliter persoluit Eduardo, & in ipsius familiares distribui iussit. ad sedecim aureorū millia, et legatos illius, etiam si minus iucunda nunciassent, omni humanitatis genere, & donis placatos dimittebat. Et quanquam aliqui sentiebant hoc ab eo fieri, temporis extrahendi, et perficiendi belli causa, quod ijs locis gerebat: tamen questus & emolumenti magnitudine deliniti, dissimulabant. Præter annuas enim pensiones dabat etiam intimis consiliarijs luculentissima dona, & is, de quo sæpe diximus,

mms,

mus, Hauartus, accepit ab eo intra biennium, præter pensionem, ad uiginti quatuor aureorum millia. Et hi quidem omnes, accepta pecunia, regis quæstoribus dabant chirographa, quæ in arario ponebâtur. Vnus tantum Hastingsius, Eduardo familiarissimus, egrè potuit adduci, ut pensionē à nobis acciperet, ac uix tandem ei persuasum à me fuit. Nam quo tempore cum Carolo uersabar: perfecti, ut ad eius amicitiam adductus, mille aureos pateretur sibi ab eo dari quotannis. Id ubi Rex à me cognouit: mandat, ut eum ad se traducerem, oblata etiam maiori conditione. Regem uero sibi dederat, ut etiam à morte Caroli, rebus filie magnopere faueret, ac Eduardum, ut illi contra regem adesset, honoraretur, Cœpi igitur eum sollicitare literis, et Rex pensionem ei designabat, duo aureorum millia quotannis, cum à Carolo mille tantum accepisset. Eam pecuniæ summam deferbat Petrus Claretus, uir nobilis et industrius, cui mandatum à Rege fuit, ut tradita pecunia, chirographum postularet, quò demonstrari aliquando posset atq; uideri, quemadmodum et summus Angliæ Regis Cubicularius, et Cancellarius, et Ammirallius, et magister equitum, et alij multi proceres, pensionem à Galliarum Rege accepissent. Claretus diu multumq; et familiariter cum eo Londini locutus, posteaquam mandata exposuit: obtulit ei, quam acceperat pecuniæ: simul chirographum sibi dari petit. Quod cum ille recusasset facere: alter orat, ut saltem breuib; die-

quod uerbis Regi significaret, se pecuniam accepisse, ne  
 Rex, qui suspicionibus indulgeat, putet à se fraudem  
 aliquam esse commissam. Tum ille: Quod petis, inquit,  
 æquum est quidem; sed tuus Princeps donum hoc ultro  
 mihi misit, nō rogatus à me. Si uis ut capiam, opus est, ut  
 in uestem ipse mihi imponas: testimonium autem à me  
 nullum aut literas es habiturus. Vt enim illud de me ita  
 ceteretur, et chirographum meū inter rationes quæstorum  
 erarij conspiciatur, minime committam. Claretus, cum  
 aliud non posset, relicta illi pecunia, domum reuersus,  
 quid egisset, exponit. Rex ægrè tulit, quod literas ab eo  
 nullas obtinuisset: ipsum uero, qui recusasset dare, ma-  
 gni faciebāt, eaq; fuit causa, cur ei deinde pensionē ab-  
 que chirographo persolueret. Ad hunc modum tracta-  
 bat Anglos: ueruntamen filia Caroli, fidem Eduardi et  
 auxilium implorabat, eo usq; , ut ille misso ad Regem  
 legato, peteret uel pacem uel inducias cum ea fieri.  
 Conuocato enim concilio, illi qui præmium aut pensio-  
 nem nullam habebant ex Gallijs, hortabantur eum, ne  
 puellam defereret, sed auxilijs omnibus iauaret. Ead-  
 em fuit multitudinis et populi sententia, qui et ludæ-  
 ficari se à nobis, et matrimonij spem nullam subesse  
 dicebant: In colloquutione prope Picenum ita conua-  
 nisse, ut Ludouicus Eduardi filiam ad se reciperet intra  
 annum, ac deinde suo filio, cum tempus postularet, in  
 matrimonium daret: iam pridem uenisse diem, nec ullam  
 dari significationem seruandi promissi. Verum, quanta  
 . . . tumus

Minus acriter illi bellum suaderent: Eduardus tamen  
 incitari non potuit. nam et obesior erat, et ocium atque  
 delicias amabat, et laborem militare uix egre sustinere  
 esset, et annua pensio mitigabat eum, et quos in Galliam  
 mittebat legatos, ij tam humaniter excipiebantur à  
 rege, omnis generis beneuolentia, ut ab eo alieni esse non  
 possent, et cum eiusmodi mandatis fere dimittebantur,  
 ut suspitio nulla suboriretur, tempus à Rege captari et  
 extrahi. Nam hoc semper addebatur, fore, ut Rex intra  
 paucos dies in Angliam mittat legatos, homines idoneos,  
 qui controuersiam omnem componant. Et cum  
 ad hunc modum eos dimisisset: tribus circiter hebdoma-  
 dis post, aut amplius eo, mittebat rursus ad illum, ac  
 semper diuersos à superioribus, ut si quid illi promissum  
 esset, quod seruatum non esset: hi facilius haberent ex-  
 cusandi rationem, ut qui aliorum pollicitationes non  
 possent neque deberent prestare. Atque interea tamen in  
 sermonem omnem ita temperabant, ut Eduardus per-  
 teretur sibi persuaderi, neque rem nouam tentaret ullam.  
 Matrimonium enim, de quo pactum erat, adeo uehementem  
 cupiebat: ut hac potissimum de causa, non audiret  
 eos, qui bellum ab ipso pratermitti dicebant, magno  
 cum Angliæ detrimento. Et quò contemptius nonnulli  
 per Angliam de nuptijs illis loquebantur: eo magis ipse  
 metuebat ne is rumor in Galliam delatus, impedimen-  
 tum aliquod inferret. Quantum uero ad Ludouicum  
 Regem pertinet, nusquam erat assensurus, eo quod

Eduardi filia Delphinum etate antecedeat. His artibus aliquot consumptis mensibus: iam administrandi belli preterierant occasiones. Nisi igitur spes illa matrimonij continuisset Eduardum: dubio procul non erat passurus regem ita progredi. Et si statim initio puellam propugnasset: Rex qui sua nolisset in periculum deuocari, non sic erat Burgundicam domum deliberaturus. Hæc autem eo commemoro, ut quanta sint rerum humanarum uicissitudines, demonstrem: et ut illi, qui Reipub. gubernationi præsunt, habeant quod intueantur. Nam etiã ut ingenio maxime præsent: eiusmodi tamen rerum noticia, non est ipsis futura inutilis. Quod si filia Caroli nolisset nubere fratri uxoris Eduardi: magnam fuissent ei subministrata auxilia. Sed impar erat matrimonium, quod ipsa omnium esset sui temporis locupletissima puella: ille uero tenuior, et opibus et generis nobilitate. Varijs autem de rebus inter se Ludonicus Rex et Eduardus agitabant, et si copias uellet coniungere. Eduardus, ac partem aliquam ditiorum Caroli occupare: non recusabat Rex, quò minus Flandriam libere teneret. Ad hæc, promittebat se periculo suo traditionem ipsi esse quatuor potissimas Brabantie ciuitates, ac stipendia præbiturum ei, per menses quatuor in decem hominum millia, quò belli sumptum eo facilius toleraret: subministraturum etiam tormenta et currus, et quicquid usui esse possit, et interea dum ipse Flandriam oppugnet, se diuersa parte bellum ipsis satiarum esse. Eduardus ad



his ad ea respondit, Flandria et Brabantia urbes, ob magnitudinem et firmitatē, habere difficilem oppugnationem: et ut captae sint, aegrē tamen posse defendi: et bellum istud, Anglis, propter mercaturam esse prorsus inutile et intolerabile. Verum si ex ijs oppidis, quae iam in Picardia Rex cepisset, nonnulla sibi tradat: missurum se copias auxilio. His actionibus extrahebatur tempus, atq; interea uiribus puellae multum decedebat in dies. Nam ex ijs belli ducibus, qui à morte Caroli superstitēs erant, complures ad Regem transibant, in praeiis autem Cordaeus, et cum eo multi alij, partim necessitate coacti, quod facultates haberent in ijs ipsis locis, quae rex iam occupauerat: partim spe et cupiditate augescendi. Liberaliter enim Rex tractabat eos, et iam paulatim magis atq; magis accendebantur in urbibus factiones, Gandavi praesertim. Dum haec geruntur: multus erat omnium sermo de puella. aut reperiendum ei maritum esse, cuius uirtute et industria, quod reliquum habebat, tueretur: aut nubendum filio Regis, quò totum seruaret. Et haec quidem ratio multis uidebatur longe commodissima, etiam ipsi puellae, ante mortē Imbercorti et Cancellarij. Nonnulli uero, quod filius Regis adolescentulus admodum erat, uix nouē annorum, dehortabantur: alij de Anglia, de Cliuensi alij loquebātur, alij Maximilianum Caesaris Friderici filium praeferebant. Puella, quod Regem, patefactis literis, auctoritatem esse

rem esse iudicabat necis Imbercorti et Cancellarij: odes-  
 rat eum acerbius; præsertim cū & ipsa fuisset palam eo  
 nomine pūdefacta, & intimis suis ac necessarijs homi-  
 nibus esset exiata per Gandauenses, quorū tanta fuit in-  
 tēperantia, ut ijs, quæ cum puella erant, foeminis, in-  
 tegrum non esset, ullas accipere literas, aut etiam loqui  
 puellæ: nisi primum indicassent. Leodiensium Episco-  
 pus, de quo non semel diximus, magnopere cupiebat  
 matrimonium Gallicum perfici, & si filius Regis fuisset  
 etate maior: erat fortassis utriq; parti futurum non  
 incommodum. Ille uero deposita spe, factus alienior, do-  
 mū redijt. Suberat haud dubie maxima difficultas in  
 ea re, & opinor illos, qui procurationem eius cogitabāt  
 suscipere: parum fuisse laudis tandem habituros. Id cum  
 pleriq; deprehenderent, abstinēbant ab omni actione:  
 verum tamen coacto concilio deliberatum fuit. Ei cum  
 ceteris intererat nobilis matrona, quæ facīle primum  
 dignitatis locum apud puellam obtinebat, Halluinam  
 uocant. Ea, cum disceptaretur: nobis, inquit, opus  
 est aliquo uiro, non autem puero, iam ea est etate pu-  
 ella, ut liberos gignere possit, quod nobis, & toti pro-  
 uincia maxime necessarium est. Ea uicit in concilio sen-  
 tentia, tametsi nōnullis uidebatur esse locuta liberius.  
 Alij uero commodē interpretati, dicebant eam de ma-  
 trimonio solum dixisse. Hoc unum igitur restabat, ut  
 idoneus inueniretur maritus. Opinor equidem, si mo-  
 do Rex uoluisset, eam libenter fuisse nupturam Duci  
 Angolis.

Angolismensi. Gallicam enim affinitatem ualde cupiebat. Sed aliter Deo uisum fuit, cuius rei quæ sit causæ ne hodie quidem nobis constat, nisi quod ex rebus antea actis uidemus, per Austriacum illud cōnubium maxima grauissimaq; fuisse introducta bella, quibus & Brabantia & Flandria non fuissent diuexatæ, si quidem Angolismensis eam in matrimonio habuisset. Dum ita deliberatur: Cliuensis magnopere pro filio sollicitabatur, uerum illius mores nec puella, nec ipsius necessarij probabant, ut supra quoq; demonstraui. Coeptum est igitur cogitari de Maximiliano, nunc Romanorum Rege. Nam huius patri, cū Carolo, eius rei mentio quædam aliquādo intercesserat, et ipse literas habebat ad se missas à puella, iussu patris, et adaman-tem, quibus literis illa promittebat, se nuptijs illis, ut à parente suo cōstitutum erat, assentiri. Fridericus ergo Cæsar Maximiliani pater, legatos ad eam mittit. Li cum Bruxellam uenissent: iubentur expectare, donec nuncietur. Istud à Cliuensi profectum erat, qui aduentum illorum grauius ferebat, eoq; spectabat, ut aliquam eis præberet occasionem offensionis, quò discederent. Verum illi tum ab alijs, tum à puellæ nouerca in primis admonebantur, ut eius, quod nunciatum esset, nulla ratione habita, pergerent, & Gandauū proficiscerentur. simul quomodo esset instituenda, cū eò uenissent, actio, docentur, & firmo iubentur esse animo, quòd ipsorum rebus non puella tantum, sed & ex ipsius familiaribus multi farent.

rent. Hoc consilium illi secuti, ueniunt Gandauum, inuitissimo Cliuensi. Dictus est igitur dies, quo de ipsorum postulatis cognosceretur. puella etiam quomodo se gerere debeat, edocetur, ac primum quidem, ut illos, ubi mandata exposuissent, humaniter exciperet, deinde, ut diceret se deliberatione habita, quid sui propositi sit et uoluntatis, declaraturam. Intra hos ueluti cancellos includebāt eius orationem, nec ut longius egredere-  
tur, permittebant, ipsa non dissentiente. Vbi legati in concilium uenerunt: redditis literis, exponunt, quemadmodum inter Fridericum Cesarem et Carolū de matrimonio conuenerit, ipsa puella non repugnante, quae et literas et adamantem ad Maximilianū eius rei gratia misisset. Rogant igitur nomine Caesaris, ut et patris illa uoluntati, et sua promissioni satisfaciat. Literas etiam et adamantem proferunt, ut hac uia certum aliquid ab ea uelut extorquerent. Illa nō interposita deliberatione, statim respondit, et scriptas à se literas, et missam adamantem, inssu patris, et placere sibi, quod tum promississet. Eum sermonem magnis gratiarum actionibus exceperunt legati: Cliuensis autem indignissime illum ferebat, iratus etiā puellae, quod aliter, quam constitutum antea, esset locuta. Verum ipsa respondit, sibi non esse integrum, aliter facere, aut uiolare promissa. Ille igitur omni abiecta spe, cum plerisque omnes puellae sententiam uideret approbare: statuit paucis post diebus redire domum. Interea Maximilianus

in Colo

ma Coloniam petit, quo in loco legati aliquot puellae ad ipsum uenerunt, et pecuniā, nisi fallor, subministrabant. patrem enim habebat longe parcissimum. Vbi cum ostingentis circiter equitibus Gandavum uenisset: rem obtinuit, et quia tenuior erat: non magnam habebat auctoritatem, et potentia ac splendori Regis conferri non poterat, eiusque familiares et comitatus omnis et lingua et moribus et institutis, plurimum à Burgundionibus differebant: Vixerant enim hi apud Prina-  
 pes longe florentissimos, in summa lautitia et elegan-  
 tia, Germani uero sunt asperioris naturae, nec eam obti-  
 nent, quam nostrates ciuilitatem. Quò magis opinor,  
 singulari beneficio Dei factū esse, quòd Imperium Gala-  
 liae nō desertur ad forminas, ut ne summa regni sit penes  
 aliquem externum Principem. Vix enim ulla est natio,  
 quae diu ferat peregrinum imperium. Galli certe nō tu-  
 lissent, et ubicunque populus est aliqua mediocri potē-  
 tia, uidemus eum ferè ab indigenis gubernari. Ante  
 annos quadraginta, maximas in Galliis possessiones  
 tenuerunt Angli: Hodierno autem die, praeter Cale-  
 tum, et duo quaedam castella, quorum tuitio ipsis ma-  
 gnò constat, nihil habent, et temporis ferè puncto ami-  
 serunt omnia. Galli possederunt, quando, et nostris  
 etiam temporibus per cōplures annos, Siciliam et Ne-  
 apolim. His autem omnibus ita nūc sunt exuti: ut praeter  
 maiorum suorum sepulchra, nihil ibi reliquū habe-  
 ant. Nam etiam ut Princeps aliquis externus bene rem-  
 gerat,

gerat, et commode gubernet: tamen quia moribus et ingenio differt: nec eam erga populum representare potest beneuolentiam, ac si esset indigena: faciles oriuntur dissensionum occasiones. Itaque fit, ut ille, quò principatum ad se delatum suasque fortunas tueatur: aliunde militum et copias adducat, eorumque se presidio muniat, qui beneficijs deinde singulariter ab eo, et honoribus affecti, magnam multitudinis inuidiam et odium in se concitant. Quocirca, qui externa alicuius gentis imperium suscipit, nisi magna quadam et eximia sit præditus dexteritate: multis haud dubie, et longè grauissimis implicabitur difficultatibus.

PHILIPPI COMINAEI COMMENTARIORVM Liber Nonus.



Effecto eo matrimonio: res ipsorum nihilo melius habebant. Maximilianus enim, et per ætatem, et quòd externa erat, nec ad res magnas institutus esset, exiguum habebat usum, eiusque familia res non erant ij, qui magni aliquid perficerent. Itaque in summis erant difficultatibus provincie ille omnes, hoc nomine in primis infortunes, quòd externum Principem, cuius ope defenderentur, cgebantur accersere. Dum hæ nuptie fiunt: amissa fuit Artesia, et ad Regem magne quotidie fiebant accessiones. Nati sunt Maximilianus et liberi,

anno liberi, Philippus, Margaritha, et Franciscus, qui Bri-  
tanniae Ducis nomen representabat. Quarto demum  
anno decessit illius uxor è uita, dum ex equo delapsa,  
grauiter fuit affecta, et simul febris lactaretur, incom-  
mode sanè illud accidit populo. Nam erat egregia uir-  
tute mulier, et sui coniugis amantissima, et populo ual-  
de accepta, sic ut in maiori esset, quàm maritus, honore  
et obseruantia. Tenebat Rex in Hunnonia Quercen-  
tum et alia quedà, sed de possessione decessit, quod mi-  
rum plerisque uidebatur. cum nec pacificare uellet, neq;  
reliquam aliquid eius familie uideretur esse factururus.  
Sed quauisquam internecionem eius domus molieba-  
tur, duabus tamen de causis oppida illa restituit. Pri-  
mum: dicebat ita frè comparatum esse, ut Reges ha-  
bere firma et munita loca malint intra suos fines, quàm  
foris. Deinde inter Cæsares et Gallorum Reges iure  
irrandi finciturum est, ut pacem cohant, et alter alterius  
in suo iure nō impediāt aut interpellent. Nec etiā erat  
causa, quamobrem Cameracum, in quam urbem bo-  
na fide receptus antea fuerat, suis legibus uti sineret.  
In Burgundia uero bellum gerebat minus felicitate,  
propterea quod Germani mercede conducti sauebant,  
Auracae Principi, qui iam ab ipso defecerat. Pro Ma-  
ximiliano uix quisquam arma tunc sumpsit. Vicini  
enim Burgundionibus Heluetij, eorumq; socij minus  
bene uolebant Austriacae familie. In Sigismundo an-  
tem ipsius patris, magnum erat presidium, si modo

uellet , propter propinquitatem loci & Pſiſſenſum  
 ditionem , quam Carolo prius uenditam , centum an-  
 reorum millibus recuperauerat , nō reddita pecunia.  
 Sed parum erat in eo mentis & ingeni; ac prorsus ſuit  
 ex eorum Principum numero , qui in ſuos familiares  
 omnia reiſciunt , ipſi planē deſides , et ad imperium ina-  
 tiles . Et qui tales ſunt , uix eſt , ut amicos in neceſſitate  
 ſubleuent . Hic etiam impuſus à ſuis deſerto nepote , re-  
 gis ſequēbatur partes in eo bello , nec id modo , uerum  
 etiam cogitabat facultates omnes adimere ſuis neceſ-  
 ſarijs , & dare externis , cum liberos nullos haberet .  
 Sed permotus ab alijs , & ad ſanitatem reuerſus , in Ma-  
 ximilianum nepotem contulit omnia , ſibi; tantum ſer-  
 uauit penſionem annuam , circiter trientem bonorum ,  
 depoſita omni adminiſtratione , cuius ipſum deinde ſer-  
 penumero permiſit , ut accipi . et eſt credibile . Sed is  
 ſere eſt exitus eorum , qui uoluptatibus et ocio dediti , ni-  
 hil ex uirtute faciunt . Qui cum authoritatem ſummā ,  
 beneficio Dei teneant : maxime ſane ſunt uiruperandi ,  
 quod officio ſuo deſint . Iis qui ſiſore & mentia qua-  
 dam uexantur , exprobrari nihil poteſt : qui autem inge-  
 nio non ſunt deſtituti , & commoda utuntur ualeitudi-  
 ne , iſ minime deplorari debent , quādo per ignauiam &  
 ocium in calamitatem aliquam inciſunt . Qui uero ita  
 ſe comparant , ut maximam temporis partē ſerijs occu-  
 pationibus : reliquū autem liberalibus & honeſtis obla-  
 tationibus impēdant : magnam illi ſanē laudem meren-  
 tur ,



tur, & felix populum, cui talem contingit habere Principem. Ducebatur in Burgundia bellum, propter auxilia Germanorum, ut diximus, quæ tamē erant exigua, neq; Regis potentie conferri poterant. Deerat autem eis pecunia. Et à nobis pleriq; sollicitabantur ad defectionem. Cranius Regis legatus, Dolam, superioris Burgundie primarium oppidum, ad Dubim flumen, parua manu circumfedit, cum hostem despicere: uerum infelicititer accidit. Nam subita eruptione ab illis facta, partem aliquam tormentorum amisit, & eis suis nonnullos desiderauit. Eo accepto nuncio, Rex cogitare statim cepit, de nouo per Burgundiam cōstitis ando præfesto, tum propter hanc cladem, tum ob illius rapacitatem, & expilationes immoderatas. Verū antequam loco sudmoueretur ille: paruulo quodam prælio feliciter rem gessit, in quo Castelgionius, summa uir nobilitatis & potētiae ijs locis, captus fuit. Cranius erat pinguior, & re satis lauta, ideoq; nō illibenter domum reuertebatur. Rex autem neq; de facultatibus quicquā ei detraxit, & sex cataphractos cum duodecim sagittarijs ei attribuit, qui domum deducerent. Bi summi sunt Carolus Ambosius, consilij magni & uirtutis uirum. B animū statim adiecit, ut Germanos qui Burgundiam à Rege defendebant, ad se traduceret, non tam ut ipsorum auxilijs bellum faceret, quā ut dato illis stipendio, facilius, quod adhuc restabat, caperet. Missis igitur ad Heluetios legatis, magnas proposuit & luculen-

tas conditiones. Primum, debet quatuor illorum civi-  
 tatibus, Berne, Lucerne, Tiguri & Friburgi, & qui  
sunt his coniuncti pagis, ad viginti Francorum velles  
quotannis. Ipsis vero Magistratibus, & alijs, quorum  
privatim utebatur opera, tantundem. Deinde petiit is  
 civium numerum apud ipsos asscribi, & primum in-  
 ter socios voluit obtinere locum, eaq; de re petebat con-  
 fici literas. Aegrè quidem illi principio istud admitten-  
 bant, eò quod Sabaudie Dux antiquitus primas par-  
 tes inter confederatos haberet: sed tandem assentiebant  
 tur, simul promittebant Regi continenter subministrare,  
ad sex hominum millia, quibus mensstrum ille da-  
ret stipendium, treis aureos. Et hic quidem illorum  
 numerus aiebatur à Rege, quamdiu vixit. Tercius  
 aliquis Princeps, non habuisset eius rei perficiendæ fa-  
 cultatem. Regi vero longe utilissimum fuit, hoc insti-  
 tutum, ipsis autem Helvetijs opinor aliquando nocu-  
 rum esse. Cum enim ante id tempus exiguum haberent  
usum pecunie, præsertim auri: nunc ita sunt affecti eius  
cupiditate, ut à factionibus & disidio civili, minimum  
absint. Alioquin enim, quia locis continentur natura,  
 munitis & asperis, & quoniã ad arma sunt assuefacti,  
 facile & ipsi vim in alijs inferant, et illam defendant.  
 Eo perfecto foedere, cum Germanorum auxillis Bur-  
 gundionibus essent detracta: omne robur illorum fuit  
 attenuatũ, & ut paucis dicam, plurimis tentatis rebus,  
 Ambrosius arcem quandam munitam, non procul à

Dola,

Dolus necant Rupem fortem, ubi circumfedisset, deditione cepit. Inde profectus; Dolam, à qua reiectus fuerat Cranius, vi expugnat. Ex ijs autem Germanis, qui iam ad regem transierant, nonnulli dicuntur in oppidum ingredi uoluisse, ut à Rege illud defenderent: sed quoniam una cum ipsis maxima nostrorum sagittariorum manus irrupit, non intellecta fraude, pariter ingressi, ad obreptionem omnes properabant. Incensum deinde fuit oppidum, et paucis interpositis diebus, Auxonam circumuallat. In eo multi erant non alieni à nobis, et nostri pro nonnullis ciuibus munera publica petebant à Rege, antequam illos obsiderent ac facile impetrarent. Ipse quidem et bello non interfui: sed quid ageretur, ex ijs, quæ ad regem deferrebantur, intellexi, et è literis ad eum scriptis, quæ sæpius erant mihi legende, ut ad eas ipsius mandato responderem. Tenebatur oppidum non magno presidio, et paucis diebus, uoluntate ducum, qui cum Ambosio iam antè pacti fuerant, in deditionem uenit. Itaque præter aliquot castralla, rupibus affixa, nihil restabat expugnandum. Et ijs loca Vesontio, quæ quidem ciuitas, etsi ad imperium Germanicum pertinet, tamen quia cingitur undique Burgundia: studet fore gratificari eius regionis Principi. Hanc igitur ingressus est Ambosius, absque maleficio, et ab oppidanis amantè exceptus: illius discessit. Ad hunc modum Burgundiam omnem ille cepit, magna sane industria. Nonnulli autem duntaxat per eum

*De causa  
p. Ambosio*

ambosio

S ij

litteris atq; nuncijs, ut ad extremam diligentiam nihil reliquum faceret. Verēbatur enim, ne remissius ageret, neve pateretur aliquam sibi difficultatem obijci, promittē, ut eò esset illustrior ipsius et magis necessaria opera, deinde, ne reuocaretur aliò. Locuples enim est, atq; copiosa Burgundia, et Cranius, cui si commissus ipse fuit, multum ibi suas facultates amplificauerat. Vtebatur aliquandiu pace ea regio, sed tamen Belna et Virodunum, quod est oppidum ad Araris et Dubis confluentem, rebellionem faciebant. Ambosius autem ea non multo post, singulari quadam dexteritate recuperauit, dum aduersarij suis rebus parum prouiderent. Atq; ita uidere licet, homo homini quid praestet. Sed profecto sic est, ut quancunq; partem Deus uult amplificare et florere: ibi quoq; prudentes homines ac industrios excitet. Illa quae diximus oppida, rebellionem quidem fecerunt, sed ij quorum praesidijs opor-tebat ea teneri: non fuerunt statim ingressi, et spaci-um dabant nostris, contrahēdi copias. Et quo die nostri Virodunum petebant: illi quoq; se receperunt eò, cir-citer sexcenti, quibus inter alios praerat Simon Quin-tius, ut Belnam inde profecti tuerentur. Quod si nulla interposita mora fuissent progressi: recuperassent il-lam dubioprocul, et à nobis facile defendissent: Ver-um inopia consilij, per noctem ibi commorati, et cir-cumfessi à nobis, ut capti fuerunt, atq; ita Belnam et quicquid erat reliquum, absq; contentione receperunt.

His rebus

his rebus omnibustunc interfui. Ad Regem fuit à nonnullis perscriptum id temporis, aliquid me fecisse in gratiam quorundam civium Divionensium. Ad eam criminationem cum et alie quaedam paruule suspitiones accederent: è uestigio missus ab eo fui Florentiam, propter excitatas ibi seditiones et motus inter Pacensem et Medicensem familias. Nam illi, cum niterentur amicitia Romani Pontificis, et Ferrandi Regis Neapolitani: coniurarunt in caput Laurentij Medicei, ac omnis ipsius clientelae: et quum ab ipso, quem petebant, aberrassent: fratrem eius Iulianum, et Eugenetum quendam, uirum nobilem, eius familiae clientem, qui se Iuliano obiecit, ut eum protegeret, in primaria eius torbis ade sacra, interficiunt. Laurentius autem graui saluere affectus, in uestiarium templi se recepit, cuius portas ipse pater aliquando curauerat extrui. Commissum fuit hoc facinus, dum peragitur ex more sacrum: et inter ipsos coniuratores de signo conuenerat. quo dato, eadem facerent. Sed longe aliter quam instituerant, accidit. Nam ex ipsis nonnulli, cum recte putarent omnia procedere: curiam petebant, ut in ea Senatores, quorum magistratus est solum transiris, trucidarent. Postquam eo uenerunt, ac in superiorem locum ascendissent: fores quidam post illos oclusit, et ubi coram constitissent, ac se parum esse comitatos uiderunt: uehementer fuerunt attoniti, nec quod dicerent, habebant. Senatores autem ac ipsorum

famuli, cum è sublimi conspicerent motum per urbem,  
 et Jacobum Pacensem audirent cum socijs ante uesti-  
 bulum tumultuantem, evocato populo nequicquam  
 ad libertatem: confestim illos, qui cedis faciende cau-  
 sa eò peruenerant, corripunt, et ex fenestris curias  
 suspendunt. In his fuit Archiepiscopus Pisanus.  
 Deinde cum pacatam urbem, suas ad Medicensium  
 partes sequi viderent: datis ilico literis, et dimisis nun-  
 cijs, mandant per ditionem totam, ut omnes qui fugi-  
 entium aliquam speciem preberent, comprehensi ad-  
 ducerentur. Iacobus igitur Pacensis, et cum eò qui-  
 dam à Sixto Pontifice Romano missus, belli dux, ex  
 fuga retracti sunt, et ille quidem suspensus, hic autem  
 capite fuit mulctatus. Alij deinde multi per urbem capti,  
 in primo illo impetu et praecordia necati fuerunt, et in  
 his Franciscus Pacensis. Non multo post hunc motum  
 eò ueni, missus à Rege, et postquam è Burgundia dis-  
 cessi, biduum duxerat apud Sabaudie dominam, nec  
 multo amplius apud Mediolani Ducem restiti, ut Flo-  
 rentinis, quorum erant socij ac confederati, auxilium  
 petrarem. Illi, tum in gratiam regis, tum ut officio non  
 decessent, liberaliter responderunt, misit initio trecentis  
 cataphractis, ac deinde etiam maioribus copijs. Ponti-  
 fex, ubi de rebus omnibus accepit, Florentinis inter-  
 dixit sacris, et simul exercitum misit, tum suum quàm  
 Neapolitani Regis, longe maximum, cui praerant  
 egregij duces, qui castellum quoddam, sine propin-  
 quam, et

quum, et aliam multa loca facile ceperunt. Florentino-  
rum res in magno sane tum erant discrimine, propter  
insolentiam belli, et diuturnitatem citij, quae causa fuit:  
etiam ut periculi, in quo uersabatur, magnitudinem  
non intelligerent. Laurentius Medicus, ad quem de-  
lata fuit belli summa, et ij, quorum ipse regebatur con-  
silijs, per etatem, rebus necessarijs providere non po-  
terant, et exiguas habebant copias. Exercitui uero Pon-  
tificis praefectus erat Urbini Dux, uir magna et excelsi-  
lenti uirtute. Aderant etiam Regis Neapolitani am-  
bo filij. Et quoniam à rebus omnibus erant paratissim-  
i: multa passim oppida et castella, quae circumual-  
lassent, capiebant. sed non tam facile, neque tam breuitem-  
pore, quam nostri milites faciunt, propterea quod: ex-  
pugnandi loca, et tuendi scientiam illi non tam exacte  
norunt: instruendi autem et continendi exercitus, et  
omnia, quoniam esse possunt, procurandi rationem,  
melius quam nos tenent. Subleuabat nonnihil Floren-  
tinos fauor et amicitia regis, sed non quantum ipse du-  
piebatur, qui praeter domesticos fauulos nullam prorsus  
habuit coactam manum. Heri anni spatium apud eos  
commoratus, humanissime tractatus, ita quidem, ut  
ad illorum erga me beneuolentiam quotidie aliquid ac-  
cederet. Relocatus autem à Rege, cum per Insubria  
amiter facerem: Mediolani Ducem, Ioannem Galeas-  
cium, quod Geniam teneret, fide et creiurando Regi  
obstanti. Cuius à Galliam redisset, excepit me Rost

## COMMENTARIORVM

peramenter, & multo familiarius, quam inquam ante id tempus necum agebat. Videbatur autem militem aliquod contraxisse, & uti non admodum com-  
moda ualitudine, sed non statim prodidit sese mor-  
bus, & magna providentia bellum Picardicum adminis-  
trabat. Maximilianus Romanorum rex, adiutus à Flan-  
dria per id tempus, Terouennam, Morinorum oppi-  
dum longe munitissimum, obsidione cingebat. Cor-  
deus igitur Picardie prefectus, & regis legatus, omnes  
copias, quæ passim erant in illis finibus, & octo sagi-  
tatorum millia collegerat, ut obseis opem ferret.  
Eius de aduentu certior factus Maximilianus, obsidi-  
one soluta, cum exercitu ad illum contendit. Habebat  
ex Flandria circiter uiginti millia, & manum aliquam  
Germaniorum, & ad trecentos Anglos, quibus præerat  
Thomas Abrigannus, qui Carolo militauerat aliquan-  
do. Noster autem equitatus, qui numero superabat,  
equestres illorum copias, quibus Ramostemus erat præ-  
positus, disiecit, & fugientes Aræ usque confectatus est.  
Interea peditibus sese Maximilianus coniungit. Ex  
nostris cataphractis, qui erant circiter mille, & eo plures,  
Cordeus ipse et Torcius persequerantur hostem.  
Quod tamen si fortiter ab eis & cum uirtute fiebat: ta-  
men erat contra disciplinam militarem et ducis officium:  
Nonnulli ex primo et ultimo agmine, dum furebant uel-  
le tueri castella & oppida uicina: discedebant è præ-  
lio, complures alij aperte sese fugam dabant. Reple-  
sires



Pres Maximiliani copia, et si nonnihil uacillabant: con-  
 stiterunt tamen. Nam cum ipsis erant circiter ducenti  
 nobiles, egregia uirtute, pedites omnes, qui in officio  
 multitudinem continebant. In his fuit et Comes Ro-  
 montius, e familia Sabaudie Ducum, et Comes Nas-  
 sonius, et alij complures, qui adhuc uiuunt. Eorū  
 singulari uirtute et authoritate, peditus restitit, quod  
 alioqui mirū uideri posset, praesertim fugiente et disien-  
 do equitatu. Cumq; sagittarij nostri in calones ac impe-  
 dimenta fecissent impetum: aliquot hostium cohortes,  
 quosdam ex ijs interficiunt. Maximilianus et si plures  
 eo praelio, quam nos desiderabat: stationem tamen suam  
 in campo, ueluti superior, tutabatur. Et si Terouennam  
 non denuo circumuolasset: sine contentione, ut opi-  
 nor, fuisset ea potius, atq; etiam Atrebatō. Sed non  
 audebat periclitari fortunam, et habuit aliquam mor-  
 tis causam, et in eiusmodi rebus, non semper, quod  
 uolumus aut quod necessarium est, prouideri a nobis  
 potest. Ei praelio non interfui quidem ipse: uerum a si-  
 de dignis accepi, et ut series narrationis cohereat: ali-  
 quid omnino mihi dicendum de eo fuit. Eram cum Re-  
 ge quando nuntius hic ad eum deferrebat. Grauitor  
 admodum tulit, nec enim assueuerat uinci, aut aliquam  
 uicturā facere: ac perpetua quadā utebatur felicitate,  
 quam singulari uirtute et industria sibi cōparabat ipse.  
 Nec enim sentiebat temere fortunā, et a praelijs magno-  
 que combatibus autem pugnare plene contra ipsum uo-  
 luntatem

luntatem commissa fuit. Ac quoties bellum gerere paratissimus erat à rebus omnibus, et ingentem comparabat exercitum. In primis autem dabat operam, ut repente et ex inopinato aliquid hosti eriperet, ea præsertim loca, quæ uidebat parum esse munita: et postea, quam illa cepit, ita firmabat presidio militum, atque tormentis, ut recuperari non possent. In locis autem munitioribus, et quæ fraudi uel iniurie minus erant exposita; si quis præfectus pecunia redimi sese pateretur: ei dabat liberalissime: nec ullo quantumuis magno precio deterrebat. Initio cum de facto prælio audisset, magnopere fuit commotus, ac uerebatur maiorem subesse cladem, quam si accepisset: quicquid iam in ea regione ceperat, id omne uidebat perditum esse. Verum, ubi rem omnem, sic ut erat gesta, planè cognouit, patienter tulit, et cogitabat deinceps providere, ne quid tale, nisi cum ipsius uoluntate et iussu fieret. Ab eoq; tempore cepit, animum adijcere ad pacem, modo illam facere posset conditionibus, plane ex suo usu. Populum eius ditionis sciebat studere nouis rebus: ideoq; cogitabat, quemadmodum eo adiutus presidio, Maximilianum cohæceret, eiq; facultatem adimeret renouandi belli. Totus igitur mente et animo in hoc erat, ut optimis legibus Gallia constitueretur, et litium forum tolleretur prolixitas. Et initia quidem, Senatus, qui ipsorum lingua Parlamentum uocatur, secusrim aliquando iniecit, non quidem necensum uel auctoritatem

latem vel numerum inminueret: sed varijs modis de-  
 creuerat illorum fidem et administrationem explora-  
 re. Volebat etiam eiusdem generis pondoret mensuras  
 obtinere per omnem Galliam, et consuetudines omnes  
 ad eandem normam conscriptas, in volumen aliquod  
 redigi; patrio sermone, ad evitandum fraudes et ex-  
 pilationes Aduocatorum, quae maiores profecto sunt in  
 Gallijs, quam in quauis alia regione, quae mihi quidem  
 nota sit; atq; hoc ipsum tota fere nobilitas liquido tes-  
 tificari potest. Quod si longior ei vita contigisset, nec in-  
 commoda fuisset usus ualetudine: magno quodam be-  
 neficio Galliam affecisset, quam sane plus, quam o suis  
 maioribus ullis alius, affligerat. Vt autem saniores mali-  
 quam Reipub. formam institueret, eisq; mederetur in-  
 commodis, quae partim ipse, partim ipsius maiores, par-  
 tim temporis longinquitas inuexerat: authoritate qui-  
 dem et adoptione alicuius minime potuisset impelli,  
 sed reliquendum erat totum ipsius arbitrio et consilio.  
 Volebat enim ipse unus et princeps et author esse huius  
 mutationis et facturus erat haud dubie aliquid pre-  
 clari, si firmiorem ei ualetudinem Deus fuisset largi-  
 tus. Itaq; dum suppetit facultas et ocium, et quamdiu  
 mentis atq; corporis sanitatem concedit Deus: benefa-  
 ciendum est. Pacem, de qua diximus, Rex instituit facere  
 per Gandauenses, his omnino conditionibus, ut  
 ipsius filius, nunc Gallie Rex, in matrimonium duce-  
 ret Maximilianam filiam, utq; Boloniensem, Matifonen-  
 sem, Al-

sen, Alstiodorensem, et Carolotensem comitatus in sua potestate retineret. Ipse uicissim Atrebatum agrum omnem promittebat restituere, seruata sibi tamen urbis ex parte, quam munierat. Vtriusque uero Burgundie, et eorum que sunt ad Somiam flumen, nulla fuit ab eo facta mentio. Gandauenses, qui animo essent ab his omnibus non alieni: durius agebant cum Maximiliano, et eius uxore, aliarumque ciuitatum legatis. Ac dum his de rebus agitur, inducie erant, et pacem omnino Rex uolebat fieri, presertim ijs locis, uerum ex arbitrio suo, ut supra quoque diximus. Cospit autem per id tempus minus commodè ualere, et iam ad senectutem uergebat, cumque esset in officinis ferrarijs prope Cironium, agri Turonensis oppidum, repente fiat morbo correptus, et afflictus, ita quidem, ut loquendi facultatem amitteret. Sublatus à mensa, propius ad ignem adiuuatur, clausis undique fenestris; ad quas cum accedere uellet, cohibitus fuit à familiaribus. Per Martium illud accidit, et destitutus erat omni plane cognitione. quo quidem in temporis puncto, illustris fuit opera tua, doctissime Præsul, qui per anum iniecto illi pharmaco, iubebas aperiri fenestras, et aerem admitti. Quo facto, statim ille et sermonem aliqua ex parte, et intelligendi uim recuperauit, et confesso equo, redibat ad ferrarias, à quibus non procul in morbum inciderat. Dum ibi moratur: nutibus et signis, quid uellet, indicabat, et inter alia iussit Officiale Turonensem, ut pœcatis

tatis ueniam impetraret, ac me, qui aberam in prædio  
 quodam meo, decem ab eo loco miliaribus, accerseri.  
 Postquam ueni, ad mensam eum reperi, cum duobus  
 medicis. Eorum quæ dicebantur, utæ paucula quædam  
 intelligebat: dolorem uero non sentiebat ullum, et mihi  
 significabat, ut in ipsius conclau cubarem. uocem ue-  
 ro nullam articulatam formabat: Eram cum eo totos  
 quadraginta dies in hac ipsius ualitudine. Biduo post,  
 coepit loqui melius, et cognoscere, seque putabat à me  
 omnium optime intelligi, ideoque uolebat me continen-  
 ter adesse, et me presente sua delicta religiose commem-  
 morabat ei, quem diximus Turono euocatum fuisse.  
 Non opus erat ipsi interprete. Sed paucis antè diebus,  
 cum ex more Gallie regi curasset egrotos, qui struuntur  
 uexabantur: expiuerat pro sua consuetudine peccata,  
 ideoque nihil ei magnopere dicendum restabat. Vbi se  
 commodius ualere sensit: coepit inquirere à quibus fu-  
 isset in morbo aë retentus, ut supra docuimus. Quam  
 essent nominati, statim eiecit omnes, quosdam etiam  
 loco mouit et honoribus, alios uero discedere iussit, et  
 metuit, ne quando redirent. Hanc ipsius asperitatem  
 plerique reprehendebant, eo quod optima fide rem ege-  
 rant. Et uerè quidem isti: sed Principum uarie sunt con-  
 gitationes, ne quis eas intelligit. Ille uero in primis  
 metuebat, ne, quam hætenus obtinuit auctoritatem  
 longè maximam, eam per hunc morbum amitteret, neque  
 populum deinceps haberet minus obsequentem. Ipsius  
 pater,

ingulo in qu  
 fons fons r  
 in guttur, ta  
 glori / sangu  
 uasa dicitur

pater, quo tempore coepit egrotare, suspicionem conceperat, uenenum sibi paratū esse, quo tolleretur è medio. Et ita quidem uehementer hoc in animum impressit, ut prorsus abstineret à cibo: sed de medicorum consilio, per uim ingesta illi fuit alimonia; neq; multo post è uita cessit. Hanc autem uiolentiam Ludouicus magnopere semper uituperauerat: et nunc in aegritudine constitutus, ac suæ motus periculo, magis etiam detestabatur, grauissimeq; tulit, se fuisse in detentum et sumis, nec id obscure præ se ferebat. Hoc enim unum uerebatur, ne ipsius necessarii et familiares, auctoritate sibi sumerent et administrationem rerum, quasi ipse propter mentis alienationem non esset ad imperium idoneus. Postea diligenter perquiri, quid interea dum ipse quiescit, priuatim et publice actum esset: summam rerum obtinebat Episcopus Albienſis, cuiusq; frater Burgundie præfectus, et Ludeus. Nam hi, cum inciperet egrotare, aderant, et eisdem in edibus cum illo morabantur. Literas omnes, et quicquid per ipsum morbum erat allatū, uoluit cognoscere et uidere, in eoq; ne utebatur interprete, et quum recitarent: simulabat se intelligere, et ubi in manus accepisset, uidebatur eas ipse perlegere, tametsi nihil serè intelligeret, et uerbis aliquod pronuntiatis, quid responderi uellet, signis indicabat. Sed dum eius morbi finem expectamus: consistebat omnis rerum administratio. Nam erat nobis aperte summo agendum, et omnis uitanda offensionis causa.

causa. Post dies quindecim, quibus ita fuit afflictatus, loquendi quidem facultatem et intelligendi recuperavit: sed erat uehementer infirmus, ita quidem, ut commodioris ualeitudinis spem exiguam praeberet, et alioqui sic ferebat eius consuetudo, ut maximam partem medicis non obtemperaret. Cum haberet aliquantulum melius: ilico iussit cardinale Baluensem e carcere liberari, quem per annos quatuordecim detinuerat captiuum, ac saepe frustra, cum ab alijs, tum a Pontifice Romano interpellatus: nunc ultro non solum exemit e uinculis, uerum etiam eius culpae ueniam a pontifice deprecabatur. De consilio autem Cordaei, Picardiae praefecti, maximam et intolerabilem pecuniae summam toti Galliae nuper imperauerat, uti perpetuum aleret exercitum, ad decem millia peditum, et supra duo millia fossorum, qui ad omnes casus parati essent ac instructi. His addebat mille quingentos cataphractos, qui cum usus posceret, relictis equis, pedites sese coniungerent illis. Carros etiam maximo numero parari iussit, quibus includerentur omnes copiae, et tabernaculorum uim ingentem. Hanc rationem acceperat a Carolo, et constabat omnis hic apparatus, quindecim francorum millibus quotannis, Rebus omnibus paratis, in Normanniam profectus, apud Pontarcium, quod est supra Rothomagum, quatuor milliaribus oppidum, ad Sequanam, in ualle quadam spectabat omnem exercitum. Aderant autem Helueticorum sex millia, quem numerum illi promissa

T

serant subministrare, quo tempore cum Carolo Ambrosio, Burgundiae praefecto, pacti fuerunt, ut supra demonstrauimus. Eo delectu habito, reuersus in Thuronos, recidit in morbum, ac per horas duas mortui hominis praebat speciem, decumbens in stercora, quodam in deambulacro. Quo primum tempore coepit egrotare, prope Cinonium oppidum, qui cum ipso erant, quod pro mortuo haberent, missis huc illuc literis, cogitabant irritum facere illius edictum, quo pecuniam illam, ut diximus, mandauerat. Sed quum iam denuo affligeretur: Bocagius et ego, et ex ijs qui aderant, alij multi, uotum pro ipso fecimus, diuo Claudio. Mox recuperauit uocem, et statim coepit huc illuc per aedes, licet multum infirmus, deambulare. Non multo post etiam foras prodijt, et Argentonium in aedes meas diuertit, quo in loco per mensem unum grauitur decubuit, atq; ibi constituit Sanctoclaudiũ, qui est uicus in monte Iura, proficisci, ut se religione uoti solueret. Cum Turo no discederet: misit me certis de causis in Sabaudiam, et aliquantò post iussit ut in Boijs ad se uenirẽ. Posteaquam eo ueni: mirabar illius maciem et deformitatem, multo magis etiam, quod equitandi laborem ferret, Erat quidem corpore uehementer afflicto et debili, sed animi praesentia et uirtus eum nonnihil subleuabat. Cum esset apud Boios: accepit de morte uxoris Maximiliani. Eum nuncium ilico mihi recitabat ipse, letus et ludum, simul hoc addebat, liberos illius, Philippum

et Margā



¶ Margaritam à Gandauensibus educari, quos Burgundicæ familie sciebat esse multum infestos. Et quoniam Maximilianus adolescens erat, & patrem habebat minus liberalē, & undiq; premebatur bello, et quia quòd in his regionibus erat hospes, pauci admodū ipsius rebus fauebant: idcirco putabat Rex, oblatam sibi tunc esse rei bene gerendæ occasionem. Coepit igitur mox per Cordæum sollicitare Gandauenses, & agere de matrimonio sui filij & Maximiliani filie, Margaritæ, quæ nunc est Galliæ regina. Cordæus aditum ad reliquos habebat, per unum & alterum eius ciuitatis scribam, homines plebeios, quorum magna erat autoritas: Rex Turonum reuersus, abdebat se totum, & conspiciebatur à paucis, & de omnibus male suspicari coepit, & magnopere metuebat, ne sibi uel adimeretur imperium, uel imminueretur potestas. Itaq; suos familiares omnes à se remouit: de fortunis autem illorum nihil detraxit, & ijs qui tum ipsius actiones intuebantur, uidebatur esse parum sane mentis: uerum isti fallebantur, neque satis nouerant eius ingenium. Nam ad suspiciones quantum pertinet: obnoxij sunt ei morbo plerique omnes reges, maxime uero prudentiores, & illi qui multos habent aduersarios, & qui cum plures offenderunt. Ipse uero non ignorabat, plerosque Galliæ Principes inimico esse in se animo, & ex reliquis ordinibus sciebat multos esse exacerbatos. Nam priorū regum nemo

Galliam sic affligerat ut ipse : quanquam sanè cupiebat eam recreare tādē ex istis ærumnis, ut suprà diximus : ærum debet incerpisse maturius, nec tantam interposuisse moram. Eius pater Carolus, qui singulari uirtute suorum, electis Anglis obtinuit Normanniam & Aquitaniæ partem, primus omnium pro suo arbitratu pecuniam imperauit, sine consensu populi. Et tunc quidem aliqua suberat causa, cur id faceret, primum, ut prouincias recuperatas præsijs muniret: deinde ut cohortes militares, quæ passim diripiebant agros dissiparet. Vt autem uoluntate Principū sibi liceret exigere pecuniam per ipsorū ditiones: promittebat eis pensiones annuas, Magnum ille profecto uulnus infixit Galliæ, quod non facile curabitur. suæq; et successorum saluti malè consuluit. Cohortes etiam equitum, ut est Italicæ consuetudinis, instituit, quibus perpetua dantur stipendia. Postremo uitæ anno, collegit in uniuersum ad decies & octies centena francorum millia, & alebat circiter mille & septingentos cataphractos, & eos quidem ad custodiam & tuitionem Galliæ: non autem ad detrimentum illius in officio continebat. Ludouicus autem longè maiorem summam exegit, nempe ad quadragies & septies centena francorum millia, & equitatum alebat, tertia serè parte maiorem illo, quem diximus, ac peditatum præterea longè maximum. Non debet igitur uideri mirum, si cū tales haberet metuendi causas: uaria secum cogitabat, tametsi ex beneficiarijs &

ris, & clientibus pleriq; non erant eum, ut opinor, in ullo rerū statu deserturi. Cum igitur omnibus prope diffideret in Plesium Castellum, urbi Turono propinquum, ubi tum erat, neminem ferè admittere, præter famulos domesticos, & sagittarios numero quadringentos, è quibus multi simul ad eius loci custodiam excubabant. Gener ipsius nunc Borbonia Dux, nonnunquam eò ueniebat: ex reliquis autem Principibus nemo ferè. Vestibulum castelli totum, cancellis admodum densis circumsepsit, et qua parte patebat introitus, uerua præfixit muro, præacuta multis cuspidibus, & pro fossa edificabat quatuor ediculas ferreas, ijsq; sagittarios quadraginta imposuit, qui non minus interdum quàm noctu ibi excubarent. Iis mandauerat, ut in omnes, qui de nocte, uel etiam mane, priusquam aperiretur porta, propius accessissent, eiacularentur. De suis enim familiaribus hanc opinionem habebat, facile ipsos, data occasione, ut auctoritatem & administrationem sibi arrogarent, excitari posse. Nec temere quidem ita suspicabatur. Nonnulli enim cogitabant inuadere in castellum & in otio illo, dum nihil priuatim aut publice fieret, sumere procurationem negotiorum: sed ea deliberatio non uenit in actū, & ut aliquid illi fuissent moliti: frustra tamen id futurum erat, in magna illa regis prouidentia. Præter ea, quæ diximus, crebro mutabat etiam cubicularios & famulos domesticos, affirmans natum hominis delectari rebus nouis. Vnum & alterum,

T iij

exigua conditionis, & parum laudatos homines, admodum habebat sibi familiares, qui nihil omnium rerum ad eum deferebant, nisi forte quid ad summam imperij pertineret. Hoc enim modo spectabat, ut pacem aliquam vel inducias constitueret, Medico dabat menstruum stipendium, decem aureorum millia, sic ut intra quintum mensem ille acciperet ab eo ad quinquaginta quatuor millia. Maximas facultates & opes donabat Ecclesijs: uerum illæ donationes, quoniam erant immodicæ, uim nullam obtinuerunt. Inter alios uitæ sanctimonia claros, audiuerat de quodam heremita, Roberto. Hunc ex Calabria finibus ad se accersuit, & in eius gratiam, qui nunc rerum potitur, Carolus octauus, templum prope Plessium ædificauit. Is duodecim annorum adolescens, speluncam subiit, & in ea commoratus fuit ad quadragesimum tertium ætatis annum, quo tempore primum Rex eum euocauit, per quendam nobilitate, cui comitem se adiunxit princeps Tarentinus, Neapolitani Regis filius. Nisi enim Pontificis Romani & sui principis mandatū atq; consensus interueniret: non erat profecturus. Posteaquā ad illud uitæ genus accesserat, abstinuit ab omni serē cibo, quo plerunq; uescimur omnes. Erat illiteratus, nec eruditionis ullam partem unquam attigerat, & tamē prudenter admodū ac sanctē, suprà quàm credi possit, de rebus omnibus loquebatur. Quum Neapoli iter faceret, maximo fuit à Rege & ipsius liberis

beris affectus honore, ac de plerisque rebus ita differebat, quasi per omnem uitam in Principum familijs fuisset educatus. Quum Neapoli Romam uenisset: inuisebant eum Cardinales omnes: ac ter cum Pontifice, per interualla priuatim diu multumque loquebatur, assidens in sella propius illum, splendide exornata. Cuiuscunq; rei mentio incidisset: ad eam ita respondebat, ut omnes pariter obstupescerent. Eius autem colloquio sic afficiebatur Pontifex, ut ei permetteret instituire nouum ordinem eorum, qui dicuntur Heremite diui Francisci. In Galliam ubi uenisset: rex nō minus quā Pontificem ipsum Romanum, honorabat, procumbens illi ad pedes, & uehementer obsecrans, ut uitam sibi proferret. Ille uero, ita ut hominem prudentem decet, ad ea respondit. Audiui non semel, quū Carolo Regi, qui nunc praeest, in corona multorū principum loqueretur: sed profecto uidebatur esse diuino numine afflatus, alioqui nō erat dicturus tam multa, plane supra fidem humanam. Et quia adhuc uiuit, eoque fieri potest, ut aut melior, aut etiā deterior euadat: idcirco nihil amplius addam. Ex nostris plerique ridebant eius aduentū: sed ij prudentissimi regis cōsiliū, & causam, cur euocasset, nō intelligebāt. Suprà diximus, quē admodū rex inclusus Plessio castello, praefer sagitarios, nullū ferē comitatū habcret. Augescebant in eo quotidie susceptiones, ideoq; magnopere prouidebat, nequis omnium, de quib. parū bene sentiret, aut in urbē admit-

teretur, aut etiam propius ad eam regionem accederet. De rebus omnibus nihil quicquam ad eum deferbatur, nisi quid proprie ad ipsum, & ad regni summam pertineret. Corpore sic erat attenuato & exhausto, ut uix hominem repræsenteret: atq; ut eam maciem & deformitatem tegeret, splendide uestiebatur, ex ijsq; uestibus ultro sæpe dabat suis familiaribus. Quoq; maiorem obtineret auctoritatem, grauissima constituit supplicia, & in eos qui deliquissent, seuerè admodum animaduvertebat. Hoc adeò mihi referebat ipse. Deinde creabat nouos perfectos, remouebat ueteres, & nihil fere domi, aut etiam foris relinquebat intactum, & alioqui sic erat natura, ut huiusmodi occupationibus delectaretur, Atque ut crederetur esse firma ualitudine: magnam sui famam per omnem fere Europam excitabat. Conspiciebatur enim à paucissimis, ut dixi, eoq; fiebat, ut externi, quum de illius quotidianis actionibus audirent, uix crederent egrotare. Legatos autem interea multos huc illuc dimittebat. Quas Angliæ Regi & illius Consiliarijs debebat pensiones: eas liberaliter persoluit, & alebat eos perpetua spe matrimonij, de quo iam sæpe diximus. Hispanias quoq; modis omnibus in amicitia & fide continere studebat. In Britannia uel Hispanijs, grandi pecunia comparabat sibi canes: In Sicilia mulam aliquam egregiam: Neapoli speciosos equos: In Affrica genus quoddam paruulorum leonum, magnitudine uulpis: E Dania iussit adduci duo quedam genera ferarum.

ferarum. ex ijs unum est magnitudine bubali, corpore cerui, breuib; & spissis cornibus: aliud damas refert corpore & pilo, nisi quod ampliora habet cornua. Pro singulis pendebat quatuor aureorū millia, et quingentos. Verū ut erat operosus & sollicitus in ijs omnibus conquirendis: ita etiam leuiter aestimabat ea, quum essent adducta, & plerumq; ijs, qui adduxissent, non loquebatur. His rebus efficiebat, ut non à suis tantum, uerum etiam ab externis ualde metuereetur. Sed nunc ad matrimonium Delphini & Maximiliani filie, non bis redeundum est. Maximo cum dolore ferebat istud Eduardus, Angliæ rex, postea quàm se ludificatum esse uidit. Nam & ipse & coniunx magnopere cupiebant suam filiam nubere Delphino, sicut antea constitutum fuit: adeoq; magnam eius rei spem conceperāt, ut ijs, qui dubitare uidebantur, fidem non haberent. Nam re ad commune consilium introducta, quo tempore Picardiam rex oppugnabat, pleriq; omnes dicebant fore, ut eo bello confecto, Caletum & loca propinqua tentaret. Idem confirmabant Maximiliani et Britannie Ducis legati. Verum Eduardus, ut id crederet, adduci non potuit: quod ab eo factum fuisse puto, non tam inscientia rerum quàm ut ne pensionis annuæ iacturā faceret, atq; ut ne delicias, ocium et uoluptates, quibus totū se dederat, intermittere cogeretur. Per Flandriam ergo cogitur concilium, eius matrimonij causa, & aderat Maximilianus ipse, quem Gandauenses parum habent

T V

bant reuerenter, dum et nonnullos proscriberent, et ipsius filio nouam attribuerent familiam. Quibus rebus confectis, quid sui esset propositi, declarabant, et ipsum, ut matrimonium illud, quod suis fortunis necessarium esse dicebant, approbaret, cogeabant. Nam et adolescens erat, et qui consilio uel re potuissent eum iuuare. proximo Tornacensi bello, interierant prope omnes, et alioqui destitutus erat hominibus idoneis, et quoniam e uita cefferat eius uxor. non tam libere, quam consueuerat, loquebatur. De uoluntate Gandauensium, et quid esset actum, regem ilico certiore facit Cordeus. Itaque constituitur dies, ad quem puella deduce-

*Nota p. 10. l. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.*

retur Hesdinum. Paucis ante diebus, Arcam, oppidum Artesia, quidam e familia Croiorum, eius loci praefectus, accepta pecunia tradiderat Cordeo, et quoniam est ad Flandriae fines, ea quoque res matrimonium ipsum magis accelerabat. Nam etsi Gandauenses cuperent sui Principis debilitatam esse potentiam: tamen ut regem haberent finitimum, minime sibi ferendum esse putabant. Legatos igitur Flandri in Galliam mittunt communis consensu: uerum negocij summa dependebat à Gandauensibus, quod et uiribus reliquos praecederent, et sui Principis liberos haberent in potestate, et quod rebus nouis alioqui praeter ceteris ualde student. His quoque Maximilianus adiunxerat aliquot e suis, homines adolescentes, ac tantis rebus explicandis parum idoneos. Rex tum grauissime afficiebatur morbo, et uix

aegrè sui



egre sui conspectū præbebat, & ut pacis conditiones iureiurando sanciret, difficillime potuit adduci, idq; eò faciebat, ut ne conspiceretur à legatis. Veruntamen iurauit tandem, & erant ei conditiones omnes multum utiles. Nam sæpius antè, matrimonium hoc expetiuit, eoq; nomine poposcerat solum uel Artesiam, uel Burgundiam superiorem. Gandauenses autem non solum utramq; ditionem illi dabant: uerumetiam Matiscornensem & Carolotensem, & Altissiodorensensem agrum concedebant ei, libenter quoq; daturi, si fuisset eis integrum, Hammoniam & Namurcum, & quàm late per Burgundicum imperium Gallica lingua patet, ut eò humiliores & infirmiores principem suum redigerent. Rex pro sua prudentia satis intelligebat, Flandriam, nisi coniuncta sit Artesia, quæ Gallie finitima est, non se posse tueri. Nam ex Artesia cogi potest mediocris manus optimorum militū, quibus Flandri tumultuantes coherceantur. Quò fit, ut Flandrie Comes, Artesia denudatus, minimum possit, & à Gandauensium arbitrio totus pendeat. Vbi domū reuertissent legati, puella statim deducta fuit Hesdinum, ubi Cordæus illam excepit. Erat in eius comitatu, præter alios, uxor Rauesteni, filia illegitima Philippi Burgundie Ducis. Aduenientem in Galliam, exceperunt deinde Borbonius cum uxore, & alij multi principes, mandato Regis, & Ambosani, ubi filius Regis erat, adduxerunt. Maximilianus libenter eam, si potuisset, crepturus erat

ys,

ijs, qui deducebant, antequam è Flandria discederent;  
 Verum Gandauenses omni ratione prouiderant, et  
 iam illius minuebatur indies authoritas, et ad Ganda-  
 uensium partes multi quotidie transibant. Erant autem  
 cum Philippo Maximiliani filio, quem illi educabant,  
 Rauestenus frater Ducis Cluensis, tanquam ipsius mo-  
 derator atq; rector. Conubium hoc acerbissimè, et sum-  
 me ignominie loco tulit, Eduardus Angliæ Rex, ueris-  
 tus, ne pensionem ex Gallia deinceps nullam acciperet,  
 multo magis etiam, ne iam despiceretur à suis, qui re-  
 ste monentibus, et euentum rei præsignificantibus fi-  
 dem non habuisset. In primis autem metuebat, ne per  
 hanc occasionem, populus rebellionem faceret, præser-  
 tim in ea propinquitate regis, quem magna moliri uide-  
 bat. Cum igitur eius rei cogitatione uehementius pertur-  
 baretur, incidit in morbum, neq; multò post è uita deces-  
 sit. Inscienter nimirum faciunt Principes ac inconsulte  
 quando suam priuatam sententiam multorum iudicijs  
 anteferunt. Dici enim non potest, quantum saepe malo-  
 rum ex eo proueniat. Rex aliquantò post certior factus  
 de illius morte, nullam dabat leticie significationem, et  
 paucis post diebus accepit literas ab Eduardi fratre Ric-  
 ardo, Duce Clocestrio, qui necatis sui fratris duobus  
 filijs, principatum occupauerat, et Regis amiebat  
 amicitiam, pensionis, ut opinor, consequende cau-  
 sa. Rex autem propter immanem ipsius et execranda  
 crudelitatem, neq; legatos audire, nec ad eius literas uo-  
 luit respon-

Edwardus Angliæ  
 Rex moritur

Richardus Dux  
 Clocestrie  
 filius Eduardi  
 Regis occidit  
 filios suos  
 et occupat  
 principatum

luit respondere. Nam mortuo Eduardo, fidem et iusurandum, ille suo nepoti, maiori natu dederat: quod in eo fieri consuevit, quem ut magistratum, et principem agnoscamus, neque multò post, atrocissimo parricidio, ambos è medio sustulit: nec id modo, uerum etiam sorores illorum, suas neptes, frequenti conuocato senatu, pronunciauit illegitimas. Sed nō diu tulit impune. Nam Deus illi confestim excitauit aduersarium, qui in summa rerum omnium necessitate positus, imperium Anglicanum nullo iure sibi poterat arrogare: sed statum corporis et forma erat eleganti, et multa perpeffus fuerat, maximam partem captiuus in Britānia minori. *Anno 1480.* Is adiutus à Rege Ludouico modica pecunia, et coactis per Normanniam circiter tribus hominum millibus, traiecit in Vualliam, quo in loco socer ipsius cum uiginti sex millibus hominum sese illi adiunxit, et cum intermissis aliquot diebus Richardum haberet obuium: interfecto illo, regni possessionem adeptus est. Hoc eò pertinet, ut ostendam, Deum esse scelerum ultorem, nec crudelitatem ullam impunitam dimittere. Confesto matrimonio Flandrico: Rex omnem illam ditionem habebat pacatam. Britanni enim pace utebantur, sed tamen, quia copias equestres propius ad ipsorum fines Rex continebat: in magno erant metu. Pacem quoque colebat Hispania cum eo. Ditionem Ruscinonensem, que pertinet ad Pyrenæos montes, ac mare mediterraneum, acceperat à Ioanne Arragonie Rege, patre regis Castilie,

Castilie, qui nunc rerum potitur, & acceperat certis conditionibus, quæ modum impletae sunt. Hispanus igitur, ob eam propinquitatem, cogeatur & metuere, et sumptus facere. Italiae procures ac ciuitates, erant ab eius amicitia non alieni. De Heluetijs pro suo fratre iudicio statuebat. Scotus & Lusitanus ab eo toti pendebant. Gallia omnis ad nutum & uoluntatem eius omnia faciebat. Quicquid iussisset, è uestigio conficiendū erat, nulla uel mora uel excusatione interposita. Quæ putabantur ad ipsius ualeitudinem aliquo modo pertinere: mittebantur ad eum, ex omnibus mundi plagis. Pontifex Romanus, Sixtus, ubi cognouit, eum religiosa quadam propensione desiderare linteum illud, cui panem azymum sacrifici superimponunt, quo diuus Petrus, dum sacrum faceret, utebatur: misit ei cum alijs multis diuorum reliquijs. Illa, quæ in Rhemorum urbe seruatur pyxis, cum oleo sacro, quum ante id tempus non fuisset è loco submota: in ipsius tunc cubiculum delata fuit. Constituerat enim uelle inungi, ad eundem plane modum, quo fuit unctus, cum inauguraretur regno. Plerique putabant eum uelle toto corpore inungi: sed uix est credendum, propter exiguitatem olei, quod in ea pyxide conseruatur. Qui nunc est Turcarum Cæsar, per legatum mittebat ei descriptas reliquias, quæ adhuc superessent Constantinopoli: Eas omnes, ac ingentem præterea uim auri pollicebatur ei, quod fratrem suum, qui tum per Gallias erat in potestate

fiate Rhodiensium equitum, & nunc à Romano Pontifice captiuus detinetur: diligenter seruaret. Vbi legatus in Prouinciã Massiliensem uenit: Rex ilico mandabat, ne longius progrediretur, neque uoluit audire. Quae singula satis demonstrant, in quanto esset honore per omnem Europam. Quicquid enim omnino pertinebat ad ipsius incolumitatem: id omne magno studio fuit impensum. Contulerat certe in ipsum Deum maximas dotes, prudentiam, liberalitatem & fortitudinem. Et quemadmodum reliquos Principes, coeuos suos, uirtute precedebat: ita quoque illos propè omnes, & aduersarios in primis, uite curriculo superauit. Nam & Carolus eiusque filia, & Eduardus Angliae rex, & Galeacius Mediolani Dux, & Ioannes Aragoniae rex, paucis annis ante ipsum, è uita migrarunt. Ac in his omnibus erat, quod & laudares, & reprehenderes (hoc enim humanum est) In Ludouico autem Rege plurima certe erant, & uera Principis ornamenta, quod sine adulatione omni dictum esse uelim. Nam eos, de quibus loquor, omnes probe familiariter noui, neque leuem aliquam auditionem, ut rem certam pono. Dum haec geruntur, uoluit cum Delphino filio colloqui. Eum à multo iam tempore non uiderat, & ab hominum frequentia remouerat: partim ob teneram & imbecillam ipsius pueri ualitudinem partim quod metuebat, ne Principes illo abuterentur, ad moliendum res nouas, & imperij commutationem. Quum enim ipse esset undecim annorum ado-

Anno 1480.

lescentulus: procerum aliquot impulsu, bellum aduersus parentem suscepit. Eo igitur domestico exemplo mouebatur, & filium, simul atq; fuit adductus, commendabat nonnullis familiaribus, eiq; magnopere mandabat, ne quid omnino mutaret in administratione regni. Et quò magis persuaderet: adferebat in medium, quemadmodum ipse à morte patris, rerum potitus, complures excellenti uirtute uiros multasset: quæ quidem ex re periculum sibi creatum esse dicebat, exorto Principum bello, & cõmuni aduersum se coniuratione facta, Paulò post hoc colloquium, & confecto matrimonio, recidit in morbum, ad eundem plane modum, ut antea, & iam sic erat adflictus, ut manum egre posset ori admouere, & sine lachrymis uix poterat à quoquam aspici. Continuo igitur iubet accersiri generum suum, nunc Borboniæ Ducem. Ei mandat, ut Ambrosam ad filium suum, Regem, proficiscatur, simul ostendit, quos homines ad eum admitti, quos arceri uelit & excludi, et multa dabat egregia præcepta, quæ ad filij institutionem pertinebant: quorum si uel partem aliquam ille seruasset, magno id factum fuisset & publico Galliæ, & priuato ipsius emolumento. Post Borbonium mittit Cancellarium, & quicquid ad eius clientelam pertinet, cum sigillis partem etiam aliquam suorum satellitum, & è ducibus nonnullos, item aucupes ac uenatores, et quicquid est eiusmodi rerum. Hos omneis abeuntes rogat, ut filio bonam & fideliorem operam præstent,

praestant, ac singulis ferè mandabat aliquid, quod ad  
suum deferrent. Vbi loquendi facultatem deinde se  
mel recuperavit, obtinuit eam ad extremum usque  
spiritum, et intelligendi vim habebat insignem. Cre  
bris enim euacuationibus purgabat cerebrum. Non  
lamentabatur autem, ut plerique solent egroti, sed  
prudenter multis de rebus differens, sexto demum  
die per hunc morbum decessit. e uita.

*Libanus*

PHILIPPI COMINAEI

commentariorum Liber Decimus.



Componam ergo illius acerbitates ac  
dolores, quos pertulit ante mortem,  
cum ijs malis et incommodis, qui  
bus alios affecit. Magnitudine quae  
dem inter se differunt, ac longe aliud  
etiam fuit ipsius munus: uerum, quò prosperiari fuit  
usus fortuna, et quò maior extitit eius per omnem  
Europam auctoritas: eò quoque uehementius fuit ad  
flictus, dum praeter consuetudinem suam et natu  
ram aliquid perferre coactus est. In eo, quem diximus,  
heremita, summam perpetuo spem habebat, ac sub  
inde missis nuncijs interpellabat eum, ut uitam sibi  
produceret. Nam etsi res suae, quasi iam moriturus,  
constituerat: tamen redintegrato animo, sperabat se  
posse euadere. Quod si accidisset: facile dissipatur

tum erat concilium illorum, quos Ambrosius ad filium  
 premiserat. Et quia spem adeo magnam in heremitas  
 defixerat: visum fuit Theologis, & alijs nonnullis, au-  
 dente illi dicendum esse, nihil humani presidij restan-  
 re, & ut de salute sua cogitet: Ei quoque sermoni debere  
 interesse medicum ipsum, Iacobum Cocterium, cui mens-  
 struum dabat stipendium, decem aureorum millia. Ipsa  
 duos Gallie Principes, Ducem Nemorensensem & Conno-  
 stabulum, capite multauerat, & quod alterum necas-  
 set: iam cum esset moriturus; ipsum poenituit. Et quem-  
 admodum illis per homines delectos, denunciatum fuit sup-  
 plicium, paucis verbis, & breue temporis spaciū, quo  
 de salute sua statim rent, concessum: ad eundem plane mo-  
 dum isti, nulla uerborum usi circuitione, cum ei presigni-  
 ficarent mortem: Vt officio nostro satisfaciamus, aiebant,  
 res ipsa postulat. Spem nullam deinceps collocare de-  
 bes, uel in heremita, uel in quouis alio. Nam actum  
 est de te prorsus. Itaque de uite exitu cogitare uelis:  
 Nihil enim superest remedij. Ea pronunciata sententi-  
 tia, cum pro se quisque breuiter aliquid ad rem dixisset:  
 Ille, spero, inquit adfieturum mihi Deum, ac fortasse  
 non sum tam imbecillus, quam existimatis. Quamua-  
 cerbum ei fuisse credibile est, eam audire uocem? Nam  
 mortem nullus unquam uehementius exhorruit: ne-  
 mo etiam maiori studio & ratione de remedijs una-  
 quam cogitauit, quam ipse. Familiaribus suis per om-  
 nem uitam & mihi quoque sepe uicacro mandauerat,

G. 11. 11.



si quando ipsum in ea necessitate positum esse conspi-  
 ceretur, ut, nulla prorsus facta mentione mortis, ad  
 peccatorum expiationem solummodo adhortaretur,  
 ac uidebatur esse tunc temporis molliori animo, quam  
 ut adeo duram sententiam audiret. Pertulit tamen  
 omnia magno & constanti animo, ad extremum usque  
 spiritum. Filio, quem tunc regem uocabat, multa uar-  
 ijs de rebus nuntiabat, & ubi sacramenta nostrae re-  
 ligionis ex more perceperat: multum habuit sermonem  
 de ijs, quae ad filium, & regni administrationem per-  
 tinebant. Hoc autem in primis flagitabat, ne Cordens  
 ante sextum mensem à filio discederet, nène filius alius  
 quid aduersum Caletos, aut quosvis alios moliretur.  
 In consilio quidem decretum fuisse dicebat, ut Caletum  
 tentaretur, & alia quadam loca: sed periculosum id esse  
 indicabat, quod Angli, per hanc occasionem, denuo  
 possent in Galliam excitari. Mandabat igitur, ut per  
 annos quinque, uel eo plures, pacem filius coleret cum ui-  
 cinis omnibus, quam tamen ipse, dum uiveret, ferre  
 non potuit. Et sane, tametsi magna sit & copiosa Gal-  
 lia: tamen propter superiorum armorum calamitates, pa-  
 uens aliquam diuturnam ualde desiderabat. Illud etiam  
 magnopere timebat, ne Britanniae dux Franciscus bel-  
 lo laeseretur, nène praeberetur ei ulla belli suspicio.  
 Dixi, quemadmodum moriendi necessitas ei nonnihil in-  
 scienter & asperè denunciata fiat. Verum mensibus alijs  
 quot ante quam moreretur: omnes plane habuit suspec-

stos, in primis autem homines aliqua excellenti uir-  
 tute. Filio, quod cum quoque metueret, magnas po-  
 suit custodias: nec erat ulli integrum colloqui cum eo,  
 nisi ipsius concessu et mandato. Sed et filius tandem  
 cepit diffidere, et genero suo, et indicari sibi uoluit  
 eos, qui castellum ingrederentur. Insistuerat antea  
 senatum in eo castello, cui Borbonius gener praeerat.  
 Ne hunc quidem tulit, et in ijs suspicionibus, totam  
 aboleuit. Borbonius et Comes Dunensis, legatos  
 Flandriae, qui nuptijs Delphini interfuerant Ambro-  
 se, honoris causa, quod fieri solet, deduxerant. Vbi  
 Plessum reuertissent magno cum comitatu: et stipato-  
 rum et satellitum suorum praefectis quendam accer-  
 sit, et explorare iubet, an essent armati sub ueste,  
 sed ut dissimulanter faceret, mandat, interea dum fa-  
 miliariter cum ijs loquitur. Multos ipse, per omnem  
 uitam, perpetuo metu et sollicitudine excruciaue-  
 rat: et nunc ecce uidemus eum ad consimilem plane  
 modum affligi. Cui enim se committat, qui liberis en-  
 tiam suis, et genero fidem non habet? Hec autem  
 non ad ipsum modo pertinent: uerumetiam ad eos o-  
 mnes principes, qui metui uolunt. Quae quidem in  
 re quanta sit seruitus, quum ad senectutem perueni-  
 runt, tunc demum aperte sentiunt, quia coguntur in  
 uicem plurimos formidare. Quam fuit autem illi ter-  
 cerbum et durum, in eiusmodi metu uersari? Medi-  
 co suo menstruum dabat stipendium, ut supra quo-  
 que

que diximus, decem aureorum millia: nec id modo, uerum  
 functionem Episcopatum Ambianensem, cui nepoti,  
 et munera publica multa largiebatur eius propin-  
 quis et amicis. Et tamen medicus tam erat uer-  
 bis in eum asper et durus, ut nihil supra: ualde igitur  
 eum Rex metuebat, et ad suos familiares, de illius a-  
 speritate nimia, sepe querebatur, neque tamen auden-  
 bat eam a se dimittere. Nam ille pro sua consuetu-  
 dine seuerius aliquando interpellans: Non dabit  
quin me quibuscumque eiekturus; ait, sicuti reliquos om-  
nibus: uerum sanctissimo iuramento tibi confirmo,  
post meum abs te discessum, non te uicturum esse su-  
pra octauum diem. Ea uoce magnopere perterritus  
 et, adulabatur illi modis omnibus, et amplissima  
 donabat munera. Sed qui tantam plurimis annis ad  
 omnes Principes atque populos habuit authoritatem:  
 ei non potuit non esse ea seruitus longè acerbissima.  
 his, qui deliquissent, graues admodum poenas consti-  
 tuit, ut supra diximus: ideoque carceres parauit hor-  
 rendos, et ualde tetros, nempe caueas aliquot, par-  
 tim ferreas, partim ligneas, ferreis laminis coopertas,  
 latitudine octo pedum, et altitudine paulò maiori,  
 quàm est statura hominis. Excogitauerat hæc rationem  
 Cardinalis Baluësis, et in eam, quæ primò perfecta fu-  
 it, inclusus est ipse, perque totos quatuordecim annos  
 detentus. Post hunc alij multi sunt eas execrati, et ego  
 quoque captus in ijs, per menses octo fui, madata re-

gis, qui nunc praest. Compedes etiam ferreas longè gra-  
uissimas à Germanis fieri curauit, quibus ligaretur crura.  
Pedes uinciebatur annulo ferreo, ab eo pōdebat im-  
manis quaedam cathena, et ad eius exitū maximi pone-  
deris globus. Vidi nō paucos, magna uirtute uiros, ijs  
uinculis constrictos, qui postea liberati, summos ab eo,  
consecuti sunt honores, ac fortunas amplissimas. Et sic  
cut per ipsius imperiū carceres illi finestri fuerūt inuen-  
ti: ad eundem planè modū ipse quoq; ante mortē, con-  
siquilibus omnino uinculis sese induit, inq; maiori uersa-  
batur metu, quàm illi, quos aliquādo captiuos detinue-  
rat. Quod eo pertinet, ut ostendā, neminē esse omnium  
hominum, qui nō aliquo dolore et incommodo afficia-  
tur. Postremo, densis ac ferreis cancellis totū castellum  
cinxit. Hi cū essent proxime murū, ad uestibulū perti-  
nebant, ut supra quoq; diximus. In fossa perpetuo ex-  
cubabant deni sagittarij, quibus mandauerat ut in om-  
nibus, qui alieno diei tempore appropinquassent, tela  
conijcerent. Sciebat quidē hanc munitionem non posse  
maiori alicui ui resistere: uerū eo spectabat potius, et  
omni ratione prouidebat, ne Principes, cōtratione fa-  
cta, partim ui et imperio, partim gratia castellū occu-  
parēt, et sumpta auctoritate, in ordinē ipsum cogerēt,  
ut hominē parum sanæ mentis, et administratione in-  
dignum. Antē octauā horam nō aperiebatur porta ca-  
stelli, et tunc solum admittebatur eius domestici famu-  
li, et praefecti, ac centuriones: qui et ad uestibulū et  
ad

ad portam disponebāt custodiam, quemadmodū in locis  
 que sunt ad hostium fines, fieri cōsuevit. Ingreddūm  
 autem erat omnibus, nō quidem per patentem portam,  
 sed per parvulum ostium, et præter paucos aliquot  
 familiares, quorum erat opera necessaria, nemo quise-  
 quam, nisi uoluntate ipsius, introibat. Quid? an  
 aliquis arctiori custodia coerceri possit: quā ille seip-  
 sum cohibuit? Eæ, quibus alios complures aliquando  
 constrinxerat, caueæ erant altæ, pedes octo: et ipse tan-  
 tus Princeps habebat perexiguū, in quo decambula-  
 ret, uestibulum. An nō maximas credibile est eum fuisse  
 acerbitates: qui se ad eū modum inclusit ipse? qui pro-  
 pinquos et necessarios omnes ita intuebatur, ut suam  
 salutem nō auderet eorū fidei permittere? Quanto autē  
 maior erat ille carcer, quo se induit, quā sunt pleriq; ex-  
 lii: tantō quoq; præstātor erat ipse et amplior, quā ex-  
 lii captiui. Sunt fortasse, qui putent, fuisse aliquando  
 principes, magis quā ipse fuit, suspiciosos. Equidē pro-  
 to, nostris quidē temporibus, neminē suspicionibus in-  
 dulsisse magis, quā illū, et uix est, ut aliquis tam prin-  
 dens, et qui populū habeat tam obsequentē, quā ipse  
 habuit, in eam partē sic incumbat. Et ut aliqui sint ho-  
 die tales, aut extiterint aliquādo: nō fortasse malē sibi cō-  
 sci, propter antecēdā crudelitātē, magnas habuerunt  
 metuēdi causas. Ipse uero neminē nisi à quo primū esset  
 lesus, offendit. Et hæc omnia recito, nō solum, ut in quāto  
 miseris paupere ac metu, demonstrātur etiam ut ostendat

illam, primam: fuisse in his afflictionibus constantem  
 illum tolerantiam, qualis fuit eorum, quos ipse ali-  
 quando diuexauerat; deinde, ut qui post eum uen-  
 turi sunt, maiori clementia & humanitate traserunt  
 populum tractent, neque tam seuera supplicia fla-  
 tuant, quam ipse fecit. Quamquam alioqui nescio,  
 an meliorem uiderim Principem. Nam etsi magnos  
 pere suos premebat: tamen in alio non erat idem la-  
 tuus. Ab ista tandem acerbioribus eripuit ipsum Deus,  
 absque ullo maiori corporis cruciatu, qui quidem de-  
 prehenderetur. Loquebatur autem continenter ad  
 extremum usque spiritum, deq; sepultura constituit,  
 ex quibus deduci uellet funus, praecepit: ac sub-  
 inde dicebat sperare, non se moriturum ante diem  
 sabbati, idque beneficio diue Virginis, quam religio-  
 se, admodum per omnem uitam coluit, & ita quidem  
 accidit. Cum enim die lune postremo correptus esset  
 morbo: sequenti postea die sabbati e uita decessit, se-  
 cundo calendis Septembris. Parum certe spei &  
 presidij uulgo hominum in rebus humanis reliquunt  
 sibi esse uidet: posteaquam tantus Princeps, defun-  
 ctus plurimis grauissimisque laboribus & curis, co-  
 actus est tandem omnia relinquere, neque momentum  
 aliquod temporis uite curriculo potuit adijcere, quan-  
 tum uita exoptaret. Familiariter enim & domesti-  
 ce uita: sed nullum habuit fere tempus, a labore &  
 sollicitudine uacans. Remotionibus uero & incu-  
 pijs

ipsi nullam delectabatur. Inter ea dum uixisset ea,  
 non sequebatur alienos amores. Nam quo primam  
 tempore ad ipsum accessi: mortuum est ei filius, gra-  
 uissimo ipse cum dolore, atque tum me presente uo-  
tum Deo faceret, nullius fornicis notitiam se habita-  
turum esse, praterquam uicinis. Et quanquam hoc  
 ad eius officium aliqui pertinebat: tamen ea uirtus  
 et constantia multum in ipso laudanda fuit, preser-  
 tim, cum et obsequentes haberet plerasque omneis,  
 et ipsius uxor non esset ea forma, qua magnopere  
 aliquem afficeret, tametsi alioquin egregia et hone-  
 sta femina. In uenationibus autem non minus ueni-  
 lesiae, quam uoluptatis percipiebat, ex ingenti labo-  
 re, dum incitatis equis confectabatur ceruos. Exi-  
 perges factus enim prima luce, prodibat in campum,  
 et longius aliquando, quous etiam caelo: et non  
 nunquam domum redibat multum defatigatus, et  
 maximam partem iratus alicui suorum comitum, ut  
 in eo genere exercitationis fieri consuevit. Huic stu-  
 dio uacabat plerumque, donec noua res aliqua obla-  
 ta reuocaretur. Nam per aetatem ferè intercedebat  
 aliquid inter ipsum et Carolum dissidij: hyeme uero  
 pasciscabantur inducias. Erat ei de Ruscinonensi de-  
 fectione controuersia, cum Ioanne Arragonie Rege,  
 patre regis Hispaniarum, eius, qui nunc principatum  
 obtinet. Qui licet exiguis esset facultatibus, et Barea-  
 nonenses, cum tantum esset longe amplius auctor.

tacillius oris maritime, haberet aduersarios: tamen quoniam Rusciconēsi populo erat acceptus, diu multumq; resistit. Premebatur ergo Ludouicus perpetuis curis, ut ante diximus, et in ocio, quod fieri solet, erat maxime negociosus. Varijs enim occupationibus distinebatur, nec sua tantū curabat: verumetiam alienis sese immiscebat. Exorto bello, cupiebat pacē aut inducias, facta uero pace, uix cōtinere se poterat, quin aliquid denno moliretur. De minutissimis etiā rebus, et que facile aliqui poterāt negligi, prorsus uoluit cognoscere, et sic erat eius natura, ut ista curiositate quodāmodo aleretur. Ac sane ualebat memoria, supra quā credi possit, et quid per oēs Europe prouincias gereretur, maximē aut in finitimis regionibus, optimē tenebat: magnus profecto uir, et idoneus, qui nō unū aliquod regnum administraret, sed toti terrarū orbi cōsilio sua prouideret. ~~Quis~~ fuerit enim adolescētia, non dicam, eo quod nihil habeo comperti. Veruntamē cū esset undecim annorū, instigatus à nōnullis, inimicijs aduersus parentē suscepit. Grandior aut factus, uxore duxit inuita, Scotie regis filiā, et quā diu illa uixit, grauiter hoc matrimonii tulit. Ab eius morte, factionibus nobiliū adductus, in Delphinatū, que quidē prouincia ad ipsum pertinebat, sese recepit. Sectabātur eū multi boni et egregij uiri, phares etiam, quā pro ipsius facultatibus. Dū ijs locis moratur, cōtraxit matrimonium cum filia Sabaudie Ducis: neq; multo post, ortū est inter ipsum



ipsum et focerū grane disfidum, et bellū ualde asperū.  
 Carolus septimus, pater, cū uideret eū nimis habere ma-  
 gnā optimarū ducum et nobilū manū: statuit eū  
 profectū cū exercitu, ut hīs praesidijs ipsum denudaret.  
 Ingressus iter, missis literis, et magnis ex more con-  
 stitutis pecnis, denunciabat nobilitati, ut ē uestigio ad  
 se redirēt. Ei mandato complures obtemperabāt, inui-  
 tissimo Ludouico qui patris iram ueritus, tametsi co-  
 elas haberet copias: relicta provincia, et per Burgūdia  
 am facto itinere paruo comitatu cōtulit, se ad Philippū  
 Caroli patrē, a quo liberaliter fuit et amāter exceptus.  
 Et quanquā hac ratione subleuabatur aliquantulū: ta-  
 men quotidianis impensis diminuta pecunia, cogebatur  
 sepe ab alijs mutuari nō absq; magna sollicitudine, ne  
 deferretur a suis. Quod certe graue admodū est et a-  
 cerbum ijs, qui difficultatib. eiusmodi nō assueuerunt.  
 Itaq; nec in Burgūdica quidē familia uixit absq; mole-  
 stijs. Nā et Philippus Princeps erat ei obseruādū, et co-  
 ius necessarij, ne fastiderēt. Hæsit enim ibi per sex an-  
 nos, atq; interea pater urgebat Philippū per legatos, ut  
 eum uel deferret, uel ad se remitteret. Quo quidē tem-  
 pore facile intelligi potest, in quantis ille fuerit angus-  
 tijs. Quodnā igitur queso tēpus habuit uacūū a labo-  
 ribus? Opinor equidē, inde a pueritia, perpetuis, eū fu-  
 isse agitātū curis, ad extremam usq; uitæ diuin. Attingit  
 annum sexagesimum primū, et indicat ipse non se  
 nictarum esse supra sexagesimum, ac dicebat, Gallia  
 Reges, a multis temporibus eam cernentem non egi-

cessisse. Hinc de Carolo uideamus etiam: Is nullis se-  
re melius habuit. Iuuentibus quidem annis incede uis-  
xit, et ante uicesimum secundum ætatis annum, nul-  
lis innotescit negotijs. Postea uero cepit disiden-  
re à præfectis domesticis, cumq; uideret eos gratia et  
fauore patris subleuari: discessit in Hollandiam, et  
liberaliter exceptus à populo, consilia sua cum Gans-  
dauensibus communicabat. Nullas ipse quidem fa-  
cultates habebat: sed Hollandi locupletes atque co-  
piosi, plurima donabant. Idem erat studium aliarum  
quoque ciuitatum, ut ad ipsius benenotentiam aditum  
sibi parerent. Sic unum est comparatione in rebus hu-  
manis, ut quorum uirescere uidemus potentiam: eos  
magis obseruamus, quam illos, qui in supremo gradu  
positi, non possunt amplius progredi. Hoc etiam Phi-  
lippus non ignorabat, qui cum audisset, Carolum es-  
se non ingratis Gandauenfibus: respondit, perpe-  
tuum esse eius populi consuetudinem, ut futuros qui-  
dam principes diligat: ubi autem ad imperium accesser-  
int, exosos habeat. Et uerè quidem istud dicebat.  
Posteaquam enim ad Carolum delata fuit summa res-  
pura: mutauerunt uoluntatem atque studia; nec id ob-  
scure sepius declarauerunt, et ipsius posteritatem ma-  
ximis affecerunt incommodis. Atque, ut ad institum  
non reuertit, Carolus inde ab eo tempore, quo Gala-  
the Principibus confederatus, bellum regi fecit, quid  
efficeret, ut illi solius declarationis habuit. Aut quid  
non mirum est, si illi non in hoc tempore declarationem habuit.

bus non curis atque laboribus suis obnoxii? Prospice-  
 re cursu fortune sublatus, in illo cogitabat, quicquid  
 erat usquam, sibi suisque finibus commodum et opor-  
 tunum, occupare, et per aetatem ferre contin-  
 nebat. exercitum in acie, non absque magno periculo.  
 Sollicitudinem vero in se recipiebat omnem, ac licet eo-  
 rat potentissimae ambiebat tamen multo maiora. Pre-  
 munt omnium ad Laborem surgebat, et postremus quies-  
 ci sese dedit, non secus ac si calidum fasset omnium in-  
 sistens. Rex hyemem, si quando a bello abstineret,  
 totus in hoc erat, ut pecuniam congereret. Hinc consue-  
 tudo si sequebat, ut ab hora sexta, mane, plurima  
 munus temporis impenderet scrijs occupationibus. Hoc  
 ei incedendum erat in primis. Magno etiam studio lega-  
 tos externorum Principum audiebat, et in his defatiga-  
 tionibus vita finire, occisus ab Helvetijs, ante Munda-  
 cium, ut supra docuimus. Posteaquam igitur animus  
 semel adiecit ad cupiditatem et ambitionem, quicquid  
 esse potest in vita suavitatis, amisit. Quorsum  
 vero pertinebat, ut ipse, qui tam erat potens, qui tam  
 multas, tamque copiosas et locupletis tenebat non ar-  
 bes modo, sed et provincias, quae ad omnem felicita-  
 tem ei satis esse poterant, eiusmodi sese laboribus con-  
 ciaret? Ad Angliae regem Eduardum nunc transiunt  
 is adolescentulus admodum, patrem suum, Ducem  
 Eboracensem, vidit profligatum et interfectum in pro-  
 elio, cumque eo patrem Cantus Beruicensis, qui pro-  
 pter

## 20 COMMENTARIORVM

pter iuuenilem aetatem Eduardi, summam imperij te-  
nebat, ac ipsum deinde Regem cōstituit, et Henricum  
profigavit, qui iam longo tēpore potitus erat rerum,  
et mea quidē sententia, iure. Sed cum esset parum pru-  
dens: nate sunt factiones inter proceres, easq; fouebat  
illius uxor, Renati Siciliae regis filia, quando Sambres-  
fati duci partes tuebatur, ac Bernicensem oppugna-  
bat. Quod si diremisset illa dissidiū sibi, suisq; fortunis,  
et Angliae rectē consulisset: Nam exortum ab ea dis-  
fensione bellum, viginti nouē annos durauit, ac multo  
maximam partem letissimorum hominum absumpsit, et  
illud immoderatum regine studium, in causa fuit, ut  
Bernicensis Comes, Eboracensem dominus, odio Lena-  
claryae familiae deinceps propugnaret. Factiones mi-  
nime coniunctae sunt omnes cū pericula, inter nobi-  
les praesertim, qui multis alioquin in eam partē incum-  
bunt: Dicat fortasse quispiam, illas partium offensiones  
negibus esse non inutiles: patescere hac ratione omnia  
consilia nihil esse, quod non offeratur ad regem: et in  
maiori ipsum esse obseruantia. Nō negant quidem, si  
quis Principe adolescens eiusmodi similitudo ac con-  
tentiones in gymnea suscitet: quis enim sit habi-  
tus ridendi, siq; oblectandi materiam. Nihil enim  
est adeo secretum, quod ista miliarum amu-  
latione et inuidia non resciscat. Verum ut ea consue-  
tudo recipiatur in certa uirorum aetate profecto peri-  
culum in eo uersatur. Hoc enim uere sit ignis in tibi-  
edibus

Long secretior

non loquor in

ib

velibus accendere, quem deinde non possis, nisi maximo tuo detrimento, restringere. Nam qui principem à se uident alienatum esse, ij ferè nouas incipiunt tentare amicitias, et illis libenter se cōiungunt, quos diffidere putant ab eo, què sui aduersarij partes tuari uident. At ut nullum extet aliud documentum: certe factiones illæ Aureliane et Burgundicæ familie, periculi magnitudinem et luctuosos exitus demonstrare nobis possunt. Ex ipsi enim ortum est bellum, quod per sex et uiginti duos annos durauit, cui permixti Angli, magnam Gallie partem occuparunt. Sed ut reuertar, unde sum digressus: Eduardus rex erat omnium hominum sui temporis longe formosissimus. Constitutus autè rebus, et prosligatis aduersarijs, planè se dabat uoluptatibus et ocio, et uenationibus, atq; ad hunc modum per sedecim propè annos uixit suauiter, quo quidè tempore natū est dissidiū inter ipsum et Beruicensem. Et quanquam ab eo fugatus fuit et eiectus è regno: breui tamen post tempore, redintegratis uiribus omnia recuperauit, eoq; bello confecto, rediit ad consuetum uitæ genus, eiq; multo magis etiam indulgebat quàm antea, planè securus, et corpori curâdo solum intētus: Verum in etate sceleris poenas dedit intemperatiæ, et repenti non ferè morbo sublatu, periit, filiis ipsius interceptis, et regni possessione ab eius ablata stirpe, sicut suprà demonstrauimus. Ab hoc ueniendū est nobis ad alios. Hungarie aduistrationem obtinuit nostra memoria, Ioan-

COMMENTARIORVM

nes Huniad, è Moldavia, vir excellenti et prædara  
 virtute, qui multis præliis devicit Turcas, Hungarie  
 vicinos, propter occupatos in Grecia finibus et Scla-  
 vonia, provincias. Eo mortuo, grandior factus  
 Lancelotus, Hungariam et Bohemiam ad se iura  
 transtulit, et impulsus à nonnullis familiaribus, ut  
 fertur, Ioannis Huniad filios duos comprehendit, as-  
 firmans, illum, se parvulo, nimiam usurpasse potes-  
 tatem, et periculum esse, ne filij, patris insistant ve-  
 stigij. Maiore igitur necato, alterum Bude servari  
 iussit, neque multo post è vita decessit, veneno subla-  
 tus è medio, Praga, quæ Bohemorum est urbs ampli-  
 ssima. Consuetudinem habebat ijs locis, cum foemina  
 quadam nobili, quæ graviter ferens, illi in matrimo-  
 nium ducere Caroli septimi, Galliarum regis filium, con-  
 tra datam sibi fidem et promissum in balneo posuisset  
 ei dedit, per medium cultello divisum, qui veneno tim-  
 fuscus erat. Ab eius morte, proceres Buda conveniunt,  
 regis creandi causa, qui mos ipsorum est: quoties non  
 relictis liberis, è vita rex decessit. Dum ibi concilium  
 habetur: venit eò Mathie mater amplissimo comita-  
 tu, locuples admodum mulier quò facilius erat ei, brevi  
 tempore magnum aliquod satellitium cogere. Cre-  
 dibile est, fuisse in eo principum et nobilium certum,  
 et in urbe, qui rebus ipsius fauerent, ob mariti re-  
 centem et claram memoriam. Posteaquam eò venit,  
 filium è carcere exiit. Rex nobilitate compleretur, et  
 ecclesia

fici ordinis nonnulli, metu periculi statim profugerunt:  
 reliqui Mathiam crearunt Regem, cuius maxima fuit  
 et singularis tum uirtus, tum felicitas. Multa enim fe-  
 cit secunda praelia cum Turcis, nullo cū Hungarie des-  
 trimento, sed maximo illius commodo. Cesari Frideri-  
co, qui rerū adhuc potitur, Austriam eripuit, eamq; te-  
 nuit, quamdiu uixit, Summa prudentia et consilio, res  
 suas, tam pacis quàm belli temporibus, administrabat.  
 Postremis uitæ annis, cū hostem nullum amplius me-  
 tueret, magnifice dōmum instruxit, et ornauit omnis  
 generis exquisitis rebus. Quicquid esset grauium  
 negotiorum: alit ipse procurabat, aut quomodo fieri  
 uellet, suis mandabat. Eius fit tandem aliquanto crude-  
 lior, et metui uolebat à suis. Morbo deinde correptus  
 non sanabili: circiter uicesimum octauum ætatis an-  
 num, post multos et arduos labores, Viennæ, ad  
Danubium, mortuus est. Turcarum Cesar Mahome-  
tus, nostra memoria, prudens fuit, et insignis Princeps;  
 uerum dolo contendebat, et insidijs nitebatur magis,  
 quàm uirtute. Cum uigesimum tertium annum ageret:  
Constantinopolim ui cepit. Vidi depictā eius effigiem in  
 illa etate: et certe magnam aliquam indolem, ac præ-  
 stans ingenium uidebatur representare. Expugnauit eam  
 urbem, ut dixi, maximo nostri orbis dedecore, et sum-  
 mo cum detrimento. Fuit interfectus ibi Cesar ipse Ori-  
entis, cum infinita hominum multitudine: uirgines ui-  
 tate complures, ac honestissime nobilissimæq; femi-

*Mathias  
 Hungaricus rex  
 mortuus Viennæ*

*Mahometus  
 33 annis fuit  
 rex Constantinopoli, etc.*

na maximo numero miserabiliter stuprata: breuiter,  
 inhumanitatis et non humane uolentie genus nullum  
 fuit ibi pretermissum. Prima hac erat illius uictoria,  
 qua deinde summa felicitate profecutus est. Nam me-  
 mini, cum Venetorum legatus recitaret Carolo, illum  
 cepisse duo Imperia, quatuor regna, et urbes ducentas.  
 Loquebatur autem de Constantinopolitano et Tra-  
 pezontino imperio, et Siria et Armenia et Pelopon-  
 neso, iuxta qua multas occupauit insulas, et in his Min-  
 tylenem. Albaniam quoque fere cepit omnem, atque Scla-  
 uoniam. et hec quidem omnia nobis, qui Christiano no-  
 mine censetur, ademit: sue autem religionis Principes  
 non minus bello uexauit, quam nos, et ex ijs complures  
 ad extremam inopiam redegit. Maximam negotiorum  
 partem tractabat ipse, quemadmodum et Ludouicus,  
 et Mathias Hungariae Rex. Ac sane fuerunt hi tres omne  
 nium sue etatis fortissimi prudentissimique principes: ue-  
 rum Ludouicus et humanitate, et honesta uiuendi ratio-  
 ne illos longe precedebat. Quantum ad delicias ac uo-  
 luptates attinet, totus in illis fuit immersus Turcarum  
 Caesar, et maximam temporis partem illis impendit,  
 et a nulla prorsus uite turpitudine aut sceditate absti-  
 nuit, eaque intemperantia deinde morbum ei concilia-  
 uit longe grauissimum. Quotannis ad initium aestatis,  
 ut audiui ex ijs, qui uiderunt, intumescebat ei alterum  
 cruris magnitudine fere corporis: et plaga non appare-  
 bat ulla: remittebatur deinde tumor, nec ullus unquam  
 chirurgus



Chirurgus aut medicus, quid esset morbi, diiudicare po-  
 tuit. Hoc unum affirmabant plerique, luxum & uitæ  
 intemperantiam esse in causa. Conspiciebatur autem  
 à paucissimis, & in curru quodam artificiose sabrefa-  
 ctio sese continebat, ut ne quàm esset macer & extenu-  
 atus, uideri posset, & ne sui contemptus aliquis ex eo  
 nasceretur. Ad quinquagesimum secundum ætatis an-  
 num: uita decessit, repentina ferè morte. Testamentum  
 fecit, cuius exemplar ipse legi, ac inter alia dolebat ei  
 plurimū, quòd extra ordinem suis prouincijs impera-  
 set pecuniam. Quo circa mihi uide, quid nostri Princi-  
 pes facere debeant, qui certe ius nullum habent, onus  
 aliquod imponendi inuito populo. Videmus hic in-  
 tra quàm breue tempus, quàm multi potentes ac sum-  
 mi reges mortui sint, posteaquam ingentes sumpserunt  
 labores, ut aufererent & locupletarentur, cū maximo  
 procul dubio corporis, ac etiam animæ fortassis detri-  
 mento. Nihil igitur est præstabilius mediocri uitæ gene-  
 re, quod qui potest assequi et tueri: is omnium certe est  
 felicissimus. In rebus humanis ita comparatum est,  
 ut nullus ferè sit populus, cui non æmulum aliquem &  
 aduersariam Deus excitarit. Gallis opposuit Anglos,  
 & Anglos Scotos. Hispanis perpetua quedam simultas  
 intercedit cū Lusitanis. Italie Principes magna ex par-  
 te retinent possessiones nullo ferè titulo, & acerbe suis  
 imperant. Iis aduersantur reliquæ potentiores ciuita-  
 tes, Venetia, Florentia, Genua, nonnunquam etiam

#### 24 COMMENTARIORVM

Bononia, Sena, Luca. Arragonie Reges oppugnantur  
 ab Andagauorum Ducum familia. Mediolani et Insubria  
 uice Comites, ab Aureliana domo. Venetis sunt in-  
 festi Principes, Itali et Florentini. Senes et Genuates  
 oderunt Florentinos. Genuates laborant et sunt  
 diuisi ciuilibus factionibus Fregosiorum, Adornorum,  
 et Auriorum. In Germania magne sunt inter Austria-  
 cam et Bauaricam domum emulationes, et quae sunt ex  
 Bauariae Ducum stirpe natae familiae, inter se ipse dissi-  
 dent. Austriacis Principibus magnum est et graue odium  
 cum Heluetijs. Impugnantur à Cluensibus Geldris,  
 et hi ualde sunt iniqui Iuliacensibus. Quae sunt ad Ocea-  
 num Germanicum et Balthicum mare ciuitates, bella se-  
 pe gerunt cum Daniae Regibus. In Germania plurimae sunt  
 arces atque castella munita: quae res licentius agendi mult-  
 tis occasionem praebet. Nam unus aliquis famulo tan-  
 tum comitatus, ciuitati cuiuspiam denunciare audet inia-  
 micitiam, confisus aliquo castello, in quod receptum ha-  
 bet, et socijs aliquot equitibus. In hoc genus hominum,  
 Germaniae Principes non admodum adimaduertunt,  
 quoniam ipsorum opera nonnunquam utuntur: Ciui-  
 tates autem, ubi facultas eis datur, seuerissime puniunt,  
 et facta coniuratione, circumuallant aliquando recepta-  
 cula illorum et demoliuntur, simul in eos usus aliquot  
 equitum cohortes alunt. Atque is est per Europam re-  
 rum status. Quid per Asiam et Africam fiat, non habeo  
 compertum: sed dicuntur inter se, non minus quam  
 nos,

nos, inò turpius aliquantò disfidere. Nam in seruitus  
tem se pertrahunt ipsi, seq; inuicem nostris hominibus  
uenundant. Et uidemus, quàm multi quotidie ad Lusita-  
nos deportentur. Apparet igitur has diffensiones, ue-  
luti stimulum quendam, in rebus humanis esse necessa-  
rias, ac mihi quidem tametsi literarum nullum usum ha-  
beo, sic uidetur, potissimum uero, propter quorundam  
Principum ignauiam et malitiam, qui ingenij quidem  
satis habent et cognitionis: uerum abutuntur eis, neq;  
ad res honestas accommodant. Doctrina enim uel me-  
liores reddit homines, uel deteriores, pro cuiusq; natu-  
ra et inclinatione: sed tamen uerisimilius est aliquem  
ea fieri meliorem. Nam quò quisq; magis, quid se dece-  
at, intelligit, eò uehemētius ipsum neglecti pudet officij:  
et etiam si nō omnino sibi temperet a maleficio: tamen  
ne plane modum excedat, cauet. Ac istud quidem usu  
compertum habeo. Multos enim noui, quos à prauis  
et illaudatis consilijs eruditio sola retraxit. Huc etiam  
accedit metus diuini numinis. Quanta enim sit pecca-  
ti magnitudo, et quantopere Deus offendatur flagitijs:  
docti non paulò melius, quàm homines imperiti, cog-  
noscunt. Qui sunt igitur male instituti Principes, quan-  
tum sit minus, quod acceperunt à Deo, non intelli-  
gunt, et ipsorum familiares, ne malam gratiam sibi  
concilient, dissimulant: et ut ex omnibus fortè sit unus,  
qui fideliter admoneat: is tamen sue sententiæ nullos  
habet approbatores, ac ferè sit, ut ridiculus habeatur.

Est sane quaedā nobis innata prauitas, adeo magna quā-  
dem, ut nulla plane ratio nos ab iniurijs et uolentia  
coerceat. Potentiores ubi castellū aut oppidū eripue-  
runt alicui, quacunq; de causa: nolunt à possessione de-  
inde discedere, et ubi semel aliquem obduxerunt colo-  
nem, cū ita fecerint: accedit postea propinquorum et  
adulatorum assensus, qui hæc omnia collaudāt. Magna  
serie est multorum Principum iniquitas, qui pecunias  
pro sua libidine suis imperant, et amplum alunt satel-  
litum, ut miseram multitudinem in metu contineant,  
eamq; deinde pecuniam temere et uoluptarie profun-  
dunt, nullo cum Reipub. bono, et de quotidianis sum-  
ptibus nihil remittūt, et suos exhauriunt, et assentato-  
rū stipati sunt turba. Sed est Deus, qui flagitium nullum,  
sanit impunitum: et crudelitatem imprimis detestatur.  
qui tametsi non loquitur hominibus hodierno die, sicut  
priscis illis temporibus, tamen quæ sit sua perpetua  
sententia, et quid à nobis fieri uelit: clare per scriptum  
reliquit, ita quidem, ut nemo plane, qui modo sit sanæ  
mentis, et qui ad iustam aliquam peruenerit etatem:  
excusandi sit habiturus locum. Illi igitur, qui ui et ar-  
mis imperia sua continent, et quoties aliquid mandant,  
capitis constituūt poenam: ad supremum illud tribunal  
Dei quomodo consistent? Multa sepe crudeliter et ini-  
que et insidiosè faciunt, dum speciem aliquam iustitiæ  
pretendunt. Non habent eos, qui ius dicunt. suarum  
cupiditatum plerumq; ministros, et quantumuis leua-  
delictum

delictum exaggerant. Si capitale nihil deprehendunt: rationes excogitant, ut eum, cui male uolunt, immensis marijsque sumptibus defatigent, dum et accusatorem non sistunt, et testimonia non cognoscunt, et auidè expectant, nam criminationē aliquis in eum qui captivus detinetur instituat. Quod si parum tuta uidetur hæc uia, neq; satis ad ipsorum uoluntatem accommodata: nouis utuntur perfugijs, et præ se ferunt, exempli statuendi causa, tali fuisse opus animaduersione. Si quis autem est ipsorum cliens ac beneficiarius: in eum multo sunt asperiores, ac contra officium et fidem, qua sit obstrictus, eum aliquid egisse confirmāt, et eò totis uiribus incumbunt, ut aut facultatibus omnibus eum excuant, aut alioqui uarijs modis affligāt. E uicinis, qui sunt potentiores ac minime stolidi, eos sinunt uti pace: uerum, si quis est infirmior, eum sic perturbant et exagitant, ut quò se tandem recipiat, uix habeat. Causam facile inueniunt: subministrauerit, ipsorum aduersarijs auxilia, uel tale aliquid. Quamobrè aut in ipsius ditiorum, coactam aliquam militum manum adducunt, ut ibi sumptu miserorum alantur, aut alienam aliquam litem aduersus eum, suam facient, aut eius inimicos ope subleuabunt, aut quamcunq; aliam nocendi rationem inuenient. Si quis ipsorum parentibus bonam et fidelē operam præstitit: eum loco submouent, et nouos sibi parant beneficiarios. Ecclesiastici ordinis hominibus molestiam de sacerdotijs creant, ut saltem aliquid

extorqueant, quo deinde locupletent & augeant eos, qui plerumq; nullum ipsis honestum exhibuerunt officium. Nobilitatem multis uarijsque laboribus & impensis exhauriunt, quando bella pro sua libidine & arbitratu suscipiunt, incōsultis ijs, quorū absq; uoluntate & consensu nihil tale mouere debebāt. Cum enim equestris ordinis homines ac uiri nobiles, non modo facultates omnes, uerumetiam uitam & sanguinem in bella profundant: aquisissimum est profecto, ut prius, quā suscipiatur bellum, eius rei consilia cum ipsis communicentur. Quantum ad promiscuam & miseram multitudinem attinet, nihil plane reliquum eis faciunt, & quum tributum ab eis præter omnem modū & equitatem exigant: quo minus ab equestribus etiam cohortibus, quas alunt, diuexentur, non cauent: quæ quidem cohortes obequitant huc illuc perpetuo, & non solum uiuunt sumptu miserorum sed etiam proterue & insolenter in eos multa faciunt. Nec enim contenti sunt ijs, quæ passim in agris reperiunt, uerū miseris etiam hominibus uim adferunt eosq; cogunt longius abire, & aliunde adferre cibaria delictiora: mitto, quod uxorū quoq; & filiarum pudicitiam tentant. Huic autem incōmodo facile posset occurrī, si bimestri quouis dependentur eis stipendia, quibus aluntur alioquin ex publico. Sic enim nullam essent habituri causam, qua se purgarent de iniurijs illis, quas inferunt, neceßitate quadam, ut aiunt, eo quod ipsis non persoluitur. Atq; istud  
de Gallia

De Gallia proprie dico, quæ præter omnium aliarum gentium morem, miserabiliter his direptionibus uexatur. Aliæ provincie suas etiam habent incommoda. Et ut ad institutum reuertar, nemo est omnium Principum, qui ius habeat, uel teruncium unum exigendi à suis, præter constitutum annum censum, nisi populus assentiatur. Dicat aliquis fortasse, nonnunquam incidere tempus aliquod, ut non sit integrum, agere conuentus, aut conscribere populum, eo quod eiusmodi moræ et coniuncta sit cum periculo, et belli rationes impediatur. Nihil hoc certe ad rem facit. Nam ut bellum suscipiatur, graui quadam et matura opus est deliberatione, neque subito uel precipitanter aliquid in eo fieri debet. Deinde, quando reges de communi populi consensu rem gerunt, et sunt potentiores, et ab hoste magis metuentur. Nullum enim tam subitum oriri potest aut moueri bellum, ex longinquo præsertim, quin multò antè sentiatur. Et quoties tale aliquid incidit: populus libenter sua conferre debet, ac modis omnibus auxiliari. Sed ipsorum Principum est etiam providere omni ratione, ne leue aliquod bellum pro sua libidine et temere suscipiant, quò per hanc occasionem pecuniam à suis extorqueant. Ad finium tuitionem opus est baud dubie sumptus facere, etiam pacis tempore, ut inopinantes opprimamur: sed moderate omnia fieri debent, atque totum hoc in Principis positum est prudentia. Per omnem Europam, quod ego quidem nunc, bella temporibus

animus affligitur in Anglia populus, et calamitas tota  
 redundat in dissensionum ac belli authores. Sunt Prin-  
 cipes, quibus hoc frequens est in sermone, ut dicant, ha-  
 bere se privilegia, ut quantum uelint, exigant à popu-  
 lo. Certe Galliarum Rex omnium minime causam ha-  
 bet, ut istud de se iactet. Nec enim uel ipsi, uel cuius  
 alij licet. Qui uero comparande gratie causa, potesta-  
 tem hanc illi tribuunt: ij certe parum liberaliter agunt,  
 et provide. Quid enim finitimorum uoluntates aliena-  
 re magis possit, quam eiusmodi uoces atq; licentia? Ve-  
 rum si rex ad hunc modum diceret, habere se populum  
 fidelissimum, qui libenter imperata faciat: qui nullum  
 onus recuset: qui patientissime quiduis toleret: qui dan-  
 tum acceptum moderatissime seruat: maiorem sane lau-  
 de ex eo sit habiturus, quam si prius illud dicat, suumq;  
 privilegium sibi diligenter seruandum esse contem-  
 dat. Non sic loquebatur Carolus Quintus, Galliarum  
 rex, neq; uero aut Ludouicum, aut eius filium, qui nunc  
 praest, sed ipsorum familiares audiri non semel in eam  
 loquentes sententiam: et prudenter quidem ipsorum iu-  
 dicio, sed reuera faciebant hoc, partim adulatione, par-  
 tim inscientia rerum. A morte Ludouici Regis conueni-  
 runt omnes Gallie ordines, ut de summa imperij statu-  
 erent. Non deerant id temporis imperiti quidam et  
 uetus conditionis, ac nullius usus homines, qui dice-  
 bant eiusmodi conuentus ad crimē laesae maiestatis per-  
 uenire, quod regum immutatur eo ipso potestas. Ve-  
 rum qui



rum qui sic loquuntur, scelere se polluant, grauissimèq;  
dubio procul & Deum & Rēpublicam offendunt. Nam  
eiusmodi uoces solum spectant ad priuatam uti-  
litatem eorum, qui nullo suo merito uel uirtute, autho-  
ritatem obtinent, qui ad nullam rem honestam idonei;  
clandestinis susurationibus Principum aures demul-  
cent, & gratiam eblandiuntur, qui couentus idcirco:  
metuunt, ne ipforum detegatur improbitas. Dum istud  
apud Turones concilium habetur: Gallia uehementer  
erat afflicta. Nam per uiginti & eò plures annos gra-  
uissime uexata fuit exactionibus. Carolus enim septimus  
quod et supra diximus, imperabat solum duodeuigiesies  
centena francorum millia quotannis: Ludouicus autē  
tem filius, ad quadragies et septies centena millia, præ-  
ter eos sumptus et operas, quæ faciendæ erant, deducen-  
dis tormentis & consimilibus rebus. Itaq; miserrimum  
erat spectaculū, uidere multitudinis et populi ærumnas.  
Hoc tamen erat in eo boni, quòd aliter nihil agebat, om-  
nemq; pecuniam impendebat in ædificia, munitionesq;  
locorum. Ecclesijs etiam plurima donabat, & præ-  
stitisset, eum hac parte minus fuisse liberalem. Spo-  
liabat enim tenuiores ac inopes, ut eos, qui alioquin abun-  
dabant, locupletaret. Ab eius igitur interitu magnæ  
fuerunt natæ diffensiones. Principes enim ac reliquæ  
ordines, facta rebellionē aduersus filium eius, qui nunc  
præest, cogitabant alium regem constituere, uel ita sal-  
tem cohercere illum, ut ne regnum obtineret potestati-  
tem. Sed

tem. Sed mitigati tandem, iussurandum & fidem illi ex more dabant, & ex omni numero delecti fuerunt duodecim, quorum ille secutus consilia, tredecim annorum adulescens regio more, quid fieri uellet, mandabat, & habitu concilio, proceres ac ordines multa postulabant ab eo, que ad salutem regni pertinere dicebant: uerum amen ad ipsum & delectorum uoluntatem omnia referebant, cumq; uigessies & quinquies centena francorum millia ille imperasset, assenserunt: nec id modo uerum etiam, ut post biennium alij conuētus agerentur, petebant, & si ea pecunie summa nō sufficeret eius necessitatibus, ultro deferrebant se daturos, quantum uellet: ac si quis aliquid aduersus ipsum ullo tempore moliretur, se non facultates tantum omneis, uerum etiam sanguinem & uitam paratos esse pro ipsius incolumitate profunderet. Hæc eò pertinent, ut ostendat, quàm sit egregia Gallorum erga suum Regem uoluntas & benivolentia. Num iniquum est igitur & inhumanum, si quis, cum populum habeat tam obsequentem & liberalem, uelit eos imperio cohercere, quasi liceat sibi quantumlibet exigere? Nonne multo sit honestius, comitate quadam eos ad suam uoluntatem adducere: quàm imperiose agere pro sua libidine? Certè quod supra non semel diximus, nemini omnium licet, absq; populi consensu ullam pecuniam imperare. Sed in utramque partem ferre peccatur. Nam et Principes immoderate multa sepe faciunt, & populus nonnumquam grauiter illos offendit,

Mos offendit, quando nec morē gerunt, & in necessitate deferunt, & rebellionem faciunt plane contra fidem & iusiurandum. In Principibus autem conspicitur magis, & est illustrior Dei potentia, quā in hominibus priuatis atq; plebeis. Nam hi multis opportuni sunt iniurijs, & nonnunquā prāter ius & equū multantur, uel praeda consequendae causa, uel culpa iudicis & errore. Aliquando etiam iure plectuntur, in eoque nihil est reprehendendum. Quando uero Principes eorumque familiares, aut ciuitates aliquid delinquunt, quis ea de re quāstionem habebit? & habita quāstione, quis ad iudicem deferret? quis iudicis personam sibi sumet? quis poenam constituet? Quenā est autem huius tantae licentiae & prauitatis causa? uel cur in deteriorem partem sic propendamus omnes? Incredulitas nimirum hoc efficit. Nam si certò statueremus, esse Deum, qui scelus nullum sinit impunitum: esse perpetuas & sempiternas poenas, quibus affliguntur impij: credibile est, neminem fore, qui uolenter aut auares uel crudeliter aliquid ageret. Cum ab hoste Princeps aliquis detinetur captiuus: an aliquid habet in rebus omnibus tā charum ac preciosum, quod pro sui liberatione non pendat? Certe quicquid undiq; corrogare potest, tam ē suis, quā ē populi facultatibus. totū hoc eo confert, quem admodum scimus accidisse temporibus Ioannis Valensij, Galliarum Regis, qui captus ab Anglis, apud Pictoues, depēdit eis tricies centena francorū millia, et simul dabat

*Joannes  
Valensius captus  
ab Anglis*

dabat tertiam frē Gallie partē, quæ tunc ad extremam  
 inopiam redacta, corio, cui modicum erat infimæ argen-  
 ti, loco pecunie utebatur. Hæc omnia ille pro recupera-  
 tura libertate persoluit, & ut nihil plane dedisset. An-  
 gli tamen non erant eum interfecaturi, & ut id fecissent:  
 tamē quota fuisset illa, quæso, pars cruciatuum inferni,  
 quibus afficiuntur post hanc uitā impij? Cur autem &  
 se suosq; liberos & populum ad hanc egestatē ille rede-  
 git? Ideo sane, quod certō sciebat, non se alioquin eua-  
 surum esse carcerem. Et tamen fieri potest, ut quo tem-  
 pore flagitiū illud, quodcunq; sit, admisit, propter quod  
 in hanc tantā calamitatē incidit: securus plane fuerit,  
 neq; crediderit se Deum offendisse. Quiduis igitur illa  
 fecit, ut ē uinculis expediretur: & uerō tam nulli ferē  
 sunt, aut pauci admodū Principes, qui posteaquam se-  
 mel aliquid occuparunt quocunq; modo: restituere il-  
 lud uelint. Nam neq; ratio, neq; iusiurandi religio, neq;  
 metus diuini numinis, nec æquitas ulla, nec inferni cru-  
 ciatus perpetui mouere illos possunt, ut quod alienum  
 est, quod a se mala fide possideri sciunt, reddāt. Interro-  
 gaui paulō antē, quis habiturus sit questionem de po-  
 tentibus, quis illos accusabit, quis litem definiet, quis  
 pœnam irrogabit? Certe querimonie & lachrymæ mi-  
 serorum hominum, quos crudeliter uexarunt, item ui-  
 duarū et pupillorum gemitus atq; suspiria, quos paren-  
 tibus atq; maritis inhumanē spoliarunt, breuiter eorū,  
 quos affluerūt et fortunis omnibus denudarūt, lamenta-  
 tiones

Patienter atq; plangor, erāt accusationis loco, quam illi  
 coram supremo Dei tribunali sistent. Qui magnitudi-  
 ne scelerum offensus, non semper concedit diuturniorē  
 impunitatem, sed illos aliquando uerberat presenti-  
 bus poenis, ita quidem euidenter et clare, ut dubitare  
 non possit ipsum esse iustissimum impietatis nostrae ul-  
 tore. Pleriq; uero Principes, imperiti quidem illi et in-  
 consulti, quandiu prospera utuntur fortuna: nihil tale  
 metuunt. sed cum maximē securi sunt omnium rerum,  
 tunc ecce Deus repente illis aduersarium aliquem exci-  
 tat, de quo minime suspicati fuerant. Et quoniam eius  
 rei in omnibus serē libris, ac in his Commentarijs pul-  
 cherrima extant documenta: nihil est opus prolixiori  
 demonstratione. Atq; ut ad finem aliquando peruenia-  
 mus: nihil est in hac erumnosa uita potius, quam ut me-  
 tuamus diuinum iudicium, et studeamus in rebus om-  
 nibus equitati, et contenti simus mediocri uitae genere,  
 neq; defatigemur ijs curis, quales serē suscipiuntur a  
 multis, nimia quadā cupiditate et ambitione augescen-  
 di. Hanc uiam si possemus ingredi, atq; tenere: et tran-  
 quillius uiueremus, et minus affligeremur uoletudine  
 aduersa, et mortem non adeo formidaremus. Etenim  
 quāta sit uita nostrae miseria, facile potest ex eo colligi,  
 quod simul atq; mortuus est aliquis, quicumq; sit ille,  
 statim omnes abominantur et exhorrescunt ipsum ca-  
 dauer, et euolat anima, sistiturq; statim iudicio incun-  
 tabili.

IOANNES

IOANNES SLEIDANVS  
Lectori S. D.



Vanta sit utilitas huius historie, non dubito, quin satis intelligant omnes, uel tenui ciuiliū rerum cognitione praediti. Et quoniam ad illustrationem horum temporum in quibus uersantur, maxime pertinet; atque hanc ob causam potissimum eius interpretationem suscepi: idcirco, ut planior sit et intellectu faciliior, quaedam paulo altius mihi repetenda sunt. Et principio quidem; uidemus duas potentissimas nostrae orbis familias, Francicam et Burgundicam, contentibus fere bellis conflictari. Eius uero mali causam ab ipsa stirpe et radice inuestigare oportet, ut uideri possit, quanta sit molis, natum semel inter potentes principes disidium, ita componere, ut non semper aliqua maneat reliqua. Sic igitur res habet. Ad Ioannem Valesium, Philippi Valesij filium, Gallie Regem, qui ante annos centum et octoginta est nata decessit, delata fuit inferior Burgundia, quae Ducatus nomen obtinet. Is in praelio captus ab Anglis, apud Pictones, ac deinde mortuus in Anglia captiuus: filios reliquit quatuor, Carolum, Ludouicum, Ioannem et Philippum. Ad Carolum natu maiorem delatus est principatus. Fuit hic, eius nominis quintus, ac propter insignem uirtutem nominatus est prudens. In diuisenda

cenda hereditate, minimo fratri Philippo, dedit Bur-  
 gundiam, à patre acceptam, Philippus igitur Burgun-  
 diæ Dux, cognomento Fortis et Audax, in matrimonia-  
 tum duxit Ludouici Flandriæ Comitis filiam unicam,  
 et auctus per eam fuit Artesia, Flandria, Burgundia su-  
 periori, quæ comitatus nomine censetur, Nineruensî et  
 Rethelensi ditione. Ei successit Ioannes filius. Regna-  
 bat autem tum in Gallijs Carolus Sextus, Caroli Quin-  
 ti filius: Qui cum exercitu profectus, ut Ioanni Britan-  
 niæ minoris Duci bellum faceret: ubi ad Cenomanos  
 peruenit: inter equitandum, subito in mentis alienatio-  
 nem incidit. Et quanquam per interualla morbus red-  
 dabat: summa tamen gubernationis erat penes ipsius pa-  
 truos. Fratrem iste habebat Ludouicum, Ducem Aure-  
 lianum. Inter hunc et Ioannem Burgundiæ Ducem,  
 Philippi Audacis filium, patruos, orta fuit emulatio  
 quedam atq; simulas de principatu, dum ambo, per  
 ualitudinem Regis, primas administrationis partes  
 obtinere student. Augescente uerò indies magis atque  
 magis eo dissidio: Dux Aurelianus de nocte, quum pau-  
 cis admodum comitatus domum rediret: Luteciâ fuit  
 interfectus. Qui eadem fecerant, profugerunt in ades,  
 quas tum Flandriæ Comites ibi, ut pleriq; alij proce-  
 res, habebant. Hoc postea cognitum fuit, habita que-  
 sitione. Postridie conueniunt patruus et propinqui regis:  
 in his etiam erat Burgundiæ Dux, Ioannes. Cumq; de  
 perpetrata cede grauis institueretur ab omnibus querel-

monia: Biturigum Dux animadvertit, in Ioanne uultum atq; colorem mutari. Secedens igitur priuatim cum eo & amicè loquitur: rogat an sit sibi conscius? Ille suspirans, & in lachrymas effusus, fatetur summissos à se fuisse percussores. Tum Biturix, hei me miserum, ait, qui uno die duos amitto consanguineos. Burgundus illico discedens ab eo, quasi mox rediturus: conscendit equum, & paruo comitatu profectus, incredibili celeritate contendit ad Atrebates, ac pontem à suis, quò transibat, rescindi iubet, atq; ita incolumis euasit. Collectis deinde copijs, quoniam & deploratâ regis ualitudinem, & factionibus sciebat diuisos esse multorum animos: incursionibus Galliam uexabat, & Parisiensem populum habebat suis rebus fauentem. eòq; deducta res tandem fuit post multam disceptationem, ut Carolus Sextus, compositione cum eo facta, publicis literis fateretur, eadem illam sui fratris, iure, ac Reip. bono factam fuisse. Verum, ut fieri solet in rebus, quæ parum firmo nituntur fundamento, quum reliqui Principes & ordines, Aureliani Ducis filij potissimum hanc Regis contestationem improbarent, & ab eo, qui parum esset sane mentis, profectam esse dicerent: reuertit odium, præsertim cum iam paulatim grandesceret Caroli Sexti filius. Renouatis igitur disidijs, miserum erat Gallie status. Angli enim, qui iam inde à Philippo Valesio regis proauo, illam uexauerant, hanc occasionem conspicati: grauissimum ei bellum inferbant.



rebant. In his acerbitatibus, coëptum est cogitari de re-  
 medio & salute. Cumq; Angli Rothomagum obside-  
 rent, eo deducta res fuit, ut utrinq; data fide, Burgun-  
 dus & filius Regis (Delphinum Galli uocant) qui po-  
 stea dictus est Carolus, eius nominis septimus, apud  
 Monstrelum, uiginti supra Lutetiam miliaribus oppi-  
 dum, ad confluentem Sequanae & Iona, in collocutio-  
 nem uenirent. Ibi tum Burgundus, in conspectu Del-  
 phini ad quem transierat, fuit interemptus à quibus-  
 dam Aureliani Ducis familiaribus, quos ad colloquium  
 Delphinus adduxerat, anno duodecimo post Aurelia-  
 ni cadem. Hanc patris necem, Philippus filius, cogno-  
 mento bonus, ulciscens: foedere se coniunxit Anglis,  
 & illorum adiutus praesidijs, per triginta duos annos  
 continenter bellum Galliae fecit. Tandem summorum  
 principum intercessionem, pax inter eum et Carolum se-  
 ptimum facta fuit Atrebatibus, exclusis Anglis, qui nimi-  
 um acres & duras leges proponebant. Ea pacificatio  
 prorsus erat ex utilitate Philippo. Sic enim tunc afflicta  
 fuit Gallia, ut tranquillitate & octo uehementer opus  
 haberet. Inter alia, rex dabat Philippo Duci, & eius li-  
 beris masculis, agrum illum omnem & oppida, quae  
 sunt ad Somiam flumen, sub certa conditione, ut ex his  
 commentarijs clarum est. Ea constituta pate, rex, quod  
 uoluit, consequebatur. Nam belli summam et omne ro-  
 bur, in Anglos, qui tunc bonam Galliae partem tenebant,  
 conuertit, eosq; ex omnibus undiq; locis tandem pro-

fligauit, ita quidem, ut ab eo tempore, præter Caletos,  
 nihil hodie magnopere citra mare possideant. A morte  
 Caroli septimi, bellum, quod antea uix magno labore  
 sedatum fuit, renouatum est inter eius filium Ludouic-  
 cum undecimum, & Carolum Philippi filium, ut ex  
 his commentarijs constat. Quo interfecto prope Nan-  
 ceium: Rex Burgundicam domum acerrimè persecus-  
 tus, non modo Burgundiam utramq;: sed & Picardiam  
 & Artesiam bonam partem occupauit, ac bellum deinde  
 gessit cum Maximiliano Friderici Cesaris filio, qui Ca-  
 roli filiam unicam, & florentissimarum ditionum hæ-  
 redem, in matrimonium duxerat. Composito tandem  
 & hoc bello per coniubium, & mortuo Ludouico:  
 Carolus filius, eius nominis octauus, grandior factus,  
 Margaritam Maximiliani filiam, sponsam suam, ante  
 annos nouem ad se deductam, domum remisit, & Ana-  
 nam, Francisci, Britanniae minoris Ducis, filiam uni-  
 cam, Maximiliano publicè in Ecclesia, per internunci-  
 um desponsam, uxorem duxit, ut Britannia cuius iam  
 bonam partem occupauerat. sine contentione potire-  
 tur, eamq; pacatam haberet. Ibi denuo, quod nuper cu-  
 ratum erat uulnus, recruidit. & grauissima sunt exor-  
 ta bella, propter hanc, quam Maximilianus factam sibi  
 putabat esse contumeliam. Ac inter alia cum Carolus  
 Regno Neapolitano capto, domum rediret: Maximilia-  
 nus foedere coniunctus cum Alexandro Pontifice Ro-  
 mano & Hispaniarum Rege, & Venetis & Ludouico

Sfortia,

Sfortia, Mediolani Duce, prope Forum nouum, ad radicem Apennini montis, illum adortus est. Verum ipse tametsi multò inferior numero: singulari quadam fortuna, peruasit. In publicis etiam Imperij decretis, extat quoddam Maximiliani postulatam, ubi à Principibus Germaniae opem petit aduersus illum, molientem res novas contra Pontificem, & Italiae procures. Ab eius morte delatus est Galliae Principatus ad Ludouicum, eius nominis duodecimum. Et quanquam de odijs nonnihil iam remissum erat: tamen certa nulla fuit inter eos, aut constans amicitia, turbante omnia Iulio Secundo Pontifice, qui cum esset infestissimus Galliae, traduxit ad se, quaecunque potuit auxilia, & in his Maximilianum. Qui quoniam diutissime regnauit: cum Francisco etiam Valesio, eius nominis primo, nunc Galliarum Rege, inimicitias exercuit. Et ab eius interitu, quae sint consecuta bella inter Carolum quintum Caesarem, Maximiliani nepotem, in quo Burgundica stirps, atq; Caroli posteritas renata esse uidetur, & hunc ipsum Franciscum, in recenti est hominum memoria. Ac eò solum hæc omnia ordine recitauit, ut & lucem aliquam adferrem his Commentarijs, & ostenderem, inde ab illa cede Ducis Aureliani, annis ab hinc centum & triginta octo, fere perpetuum fuisse dissidium Francicae familiae cum Burgundica. Quod eò pertinet, ut Principes ac ipsorum familiares, magnopere caueant dissensionum occasiones. Nato enim semel dissidio, necesse est multas de-

## 242 ILLUSTRATIO RERVM, ET

inde præberi causas offensionum, quod hic accidisse uideamus. Dum enim perpetuatis odijs, ab illa cede Aureliani, & Burgundi, nouæ semper diffensionum natae sunt occasiones: dum Caesar ereptam sibi suisq; maioribus Burgundiam, & Gallie rex ademptum ab illo sibi Mediolanum queritur: dum insigni rerum facta uicissitudine, quas per Italiam nuper & nostra memoria Reges Gallie tenuerunt prouincias, Neapolitanũ regnum, & Insubriam Caesar hodie possidet: uidemus, quò reciderint omnia. Et quantum ab eo fonte prodierit malorum, ad hoc usq; tempus, adeò sumus experti, ut omnibus precibus à Deo petendum sit nobis, quò familias illas duas, longè potentissimas, à quibus Europæ summa ferè tota pendet, antea sepe frustra reconciliatas, firmis amicitie uinculis, ad sui nominis gloriam, ita coniungat, ut certò sperare possimus, ac nobis polliceri, tyrannidem illius, qui latrocinij, & immanissimo belli genere nos persequitur, nõ esse longius progressuram.

De Anglia nunc dicendum est, & quamobrem illi Galliam ad se pertinere confirment, ut in his commentarijs apparet. Philippus Gallie Rex cognomento Pulcher, qui ante annos ducentos & triginta mortuus est, quatuor habuit liberos, Ludouicum, Hutinum, Philippum Longum, Carolum Formosum, & filiam Isabelam, quæ nupsit Eduardo secundo, Angliæ Regi. Filij principatum ordine tenuerunt, & quum è uita cessissent, nõ relictis liberis masculis: Eduardus tertius filius,

**I**lli Eduardi secundi ex Isabela, missis in Galliam legatis, petebat regnum ad se qui nepos esset Philippi Regis è filia deferri. Proceres ac ordines conuocato concilio, dicebāt antiquitūs ita et institutum et obseruatum esse, ne foeminae ad Galliae principatum admitterentur: et quandoquidem ipsius mater in eo nihil habeat turis: ipsum quoq; non posse ullum sibi ius uendicare. Et ut foeminae omnino locum habeant: potius tamen esse ius filiarum Ludouici, Philippi, et Caroli Formosi, quam sororis ipsorum: et meritò illas debere suis patribus succedere, si qua ratione foeminis ad regnum pateret aditus. Post multam utrinq; disceptationem, ij, qui dicuntur Pares Franciae, Regem constituunt Philippum Valesium, Philippi Pulchri ex fratre nepotem. Eduardus igitur bellum statim denunciat, et acerrimè gessit, non ipse modo, sed et illius posterì, ita quidem, ut et Aquitaniae et Normanniae maximam partem, et Lutesciam, et quicquid circum est, plurimis annis occuparent: donec à Carolo septimo, Philippi Valesij ab nepote prorsus eijcerentur, ut suprà diximus. Ab Eduardo igitur tertio, et à Philippi Valesij temporibus, qui ante annos centū et nonaginta quinq; mortuus est, Angliae Reges, ea de causa, quā diximus, et Galliam ad se pertinere dicunt, et eius descriptionē ac titulum sibi usurpant, in hunc usq; diem. A Philippo autem Valesio hi fuerunt ordine reges, ex ea gēte ac familia, Ioannes, Carolus Quintus, Sextus, Septimus, Ludouicus undeci-

#### 144 ILLUSTRATIO RERVM, ET

mus, Carolus octauus, Ludouicus duodecimus, & Franciscus primus. Galli eam legem, qua cauetur inter alia, ne foeminae ad regni successionem admittantur: Salicam uocant, & est ipsis quodammodo peculiaris. Hungaria quoq; si non super sit filius, liberam habet electionem. Dania uerò maioribus utitur priuilegijs. Nam etiam si multi sint filij regis iure tamen successionis ad principatum ex ijs nemo quisquam admittitur, & totum ex arbitrio procerum ac ordinum pendet, sicut ipsorummet scripta testantur. Eadem ratio dicitur esse per Poloniam: tamen si cum idonei sunt filij fratre praeferruntur omnibus alijs. Per Hispanias autem, & Lusitaniam, & Siciliam, & Neapolim, & Nauarrā, & Angliam, et Scotiam, à Principatu foeminae nō excluduntur.

Proximum est, quandoquidem Galliae plurima sit, & locorum in his commentarijs mentio: ut exponam, quibus hodie finibus illa contineatur, quando regū subest imperio, & in quas partita sit prouincias, et quibus ea uocentur nominibus, & quos ille populos, quorum C. Caesar, & alij mentionem fecerunt, comprehendant. Et principio quidem, quā latè pateat, & quemadmodum posita sit, post C. Caesarem nemo melius dixit. Manebit igitur illa descriptio immota & integra. Sed hodierno die has ditiones habet maiores. Burgundiam ducatum, Campaniam, Picardiam, Normanniam, Britanniam minorem, Xanthones, Guiennam, Vasconiam, Languedociam, Prouinciam, Massiliensem, & Delphinatum.

## GALLIAE DESCRIPTIO. 349

Delphinatum . Ha sunt uelut extrema ore , quibus  
 tanquam sepimento quodam , & muro, prorsus ambi-  
 tur interior illa, cuius hi sunt populi , Franci , quorum  
 caput est Lutecia : Carnutes, Cenomani, Andes, Turo-  
 nes, Bituriges , Ambari seu Niuernenses , Boij seu Bor-  
 bonij, Aruerni, Lemouices, Pictones, Petracorij, Vela-  
 launij. Ducatus nomen obtinent Burgundia, Norman-  
 nia, Britannia, Guienna, Bituriges & Borbonia . Nor-  
 mannia complectitur Neustrios , Ambulates, Bellocas-  
 sos, Lexouios, Eburonices, Aulercos . Britannia continet  
 Osismos, Diablintres, Venetos, Curiosolitas, Rhe-  
 dones, Nanetes , Cadetes . Guienna , Vibiscos , Can-  
 durcos , Heluios , Rhutenos . Vasconia , Tarbellos,  
 Datios, Bigerones, Auscos, Cantabros . Languedocia,  
 Tholosates, Volcas, Nitiobriges . Delphinatus habet  
 Blagonios, Brannonices, Eburodunos. Porrigitur usque  
 ad Allobroges, qui nunc Sabaudi, & Taurinos, qui Pen-  
 demontani hodie dicuntur . In Burgundia sunt Hedui,  
 Mandubij, Lingones , & pars aliqua Sequanorum.  
 In Campania Rhemi, Catalauni, Trecenses. In Picardia,  
 Suefiones, Ambiani, Bellouaci, Veromandui, Morini.  
 His plane sunt uicini Atrebates & Neruij : sed ij,  
 propter Flandriam , Caesaris Caroli Quinti parent im-  
 perio . Mediam Gallie regionem obtinent Bituriges,  
 equali propè spacio undiq; dirempti à finibus. Tenent  
 hodie Galliarum Reges omnem Aquitaniam &  
 Celticam, præter Heluetios. & Comitatum Burgundi-

Y V

am, quos Gallorum siue Celtarum nomine Caesar comprehendit. Belgica uero partem, à Sequana & Matrona possidet usq; ad Atrebatas & Pleuromosios, siue Flannios, & Nervios, & ad Mosam flumen. Tenent præter Ruscinonensem agrum, Narbonensem omnem prouinciam, & quicquid est trans Rhodanum, usq; ad Allobroges, & Taurinos, quorum tamen maximam partem Franciscus primus, ante annos nouem, bello cepit, Guienna & Vasconia propriè ad Aquitaniam pertinent, & eo solo nomine censebatur olim. Quo loco igitur mentio fit in commentarijs, Ludouicum regem patri suo dedisse partem Aquitanie: hoc de Guienna solum, non autem de Vasconia intelligendum est. Languedocia, pars est Prouinciæ Gallie, sicut Caesar, & antiquitus illam uocarunt. Eam uero partem, quæ est trans Rhodanum, uersus mare Mediterraneum, usq; ad Liguria montes, Galli peculiariter hodie uocant Prouinciam. In ea sunt Auenio, & Aquæ Sextiæ, & Massilia, & Arrelate, et Tollonum. Britannia minor, sic appellata propter maiorem, nempe Angliam, eas continet ciuitates, quas Caesar uocat Armoricas. Totius autem Gallie longè maxime sunt & opulentissime, Normannia & Britannia. Earum extremi fines, sicut & Picardie, & Xanthonium, & Guienne, et Vasconie, pertinent ad Oceanum: Languedocia uero & Prouincia Massiliensis, ad mare mediterraneum. Normanniam à multis iam temporibus Gallie Reges tenent, Burgundiam & Prouinciam



Eiam quemadmodum Ludovicus undecimus acquisierit: ex his commentarijs notum est. Britanniam Carolus Octavus adiunxit, quando Francisci Ducis filiam unicam, Annam uxorem duxit, quam deinde Ludovicus duodecimus, quum nulla Carolo superesset proles, in matrimonio habuit. Borboniam & Aruerniam, Franciscus primus, ob Caroli, earum regionum Principis, defectionem ad Caesarem: sibi uendicavit. Gallicae linguae (qui nunc est illius usus) principatum obtinent hodie, Parisienses, Aureliani, Carnutes, Turones. Ab ijs nonnihil uariant, Normanni, & aliorum, quanto magis Picardi, ac Burgundiones, praesertim accentu. Britanniae pars illa, quae est Andibus propinqua, minimum differt: Interior autem illa, prorsus alio sermone utitur, sicut & Vascones, & Aquitani, & Languedocij, & Prouinciales, qui ad Italicam magis accedunt. In iudicijs autem publicis & senatibus: pure loquuntur omnes, ac scribunt Gallicè, quanquam forensis ille stylus à latina lingua maximam partem mutuatur.

Diximus antea de Paribus Francie. Ad eorum arbitrium & iudicium redit omnium rerum et consiliorum summa & constituendi Regis, cum de successione est controuersia, potestatem isti habent, ut accidisse uidemus in Philippo Valesio. Sunt autem numero duodecim, antiquitus instituti, ut ipsorum imprimis consilio reges uterentur, quemadmodum in Germania sunt Principes

cipes Electores, dignitate et gradu ceteris potiores. Ex ijs tres sunt Duces, Burgundus, Normannus, Gui-  
 omus seu Aquitanus: Comites uero totidem, Flandria,  
 Campanie, Tholose: Deinde sex Episcopi, Rhemensis,  
 Laudunensis, Lingonensis, Nouiodunus, Bellouacus, et  
 Catalaunus. Ex priori ordine nulli bodie supersunt,  
 præter Flandria Comitem. A multis enim annis Nor-  
 mannam, et Guiennam, et Campaniam, et Tholosan-  
 nam ditionem, et à morte Caroli Ducis, Burgundiam  
 tenent Galliarum Reges, ac patrimonio suo coniunxe-  
 runt. Flandria sola restat, quam Carolus Quintus Cæ-  
 sar, superioribus annis, quando cum Francisco Valesio  
 Rege, Madricij, et postea Cameraci pactus fuit: exemit  
 à fide, qua Gallie prius erat obstricta. Nam illinc ad Sen-  
 natum Parisiensem prouocari solebat, sicut octauo li-  
 bro recitatur de Burgundie Cancellario et Imbercora-  
 to, qui capitis damnati à Gandauenfibus, appellatio-  
 nem illam interponebant. Nunc autem, quando  
 Franciscus primus ei iuri cessit: prouocationes omnes,  
 uel Atrebatum uel Mechliniam deferuntur. Porro ta-  
 met si nulli extant pares: tamen cum aliquid solenne  
 peragitur, euocantur alij Principes, qui sint ipsorum  
 loco, quemadmodum quo tempore Ludouicus duode-  
 cimus proximus ante hunc, regno fuit inauguratus:  
 Dux Alenconius, et Borbonius et Lotharingus, et  
 Cliuensis, et Rauestenus, et Comes Fossensis repræ-  
 sentabant sex illos primi ordinis. Quantum ad reli-  
 quos

quos pertinet, ij quoniam sunt Ecclesiastici: manent immoti.

De Senatu quoq; Parisiensi, & eius authoritate, mentio fit in his commentarijs, libro tertio. Sunt omnino septem eiusmodi senatus per Galliam (ipsi Parlamenta uocant) à quibus prouocare nō licet, & ad quos ab omnibus alijs iudicijs appellatur. Ii sunt Parisiensis, Tholosanus, Rothomagensis, Diuionensis, Burdegalicus, Aquensis in Prouincia, & Gratianopolitanus in Delphinatu. His omnibus stipendia Rex præbet. De causis omnibus & criminibus isti cognoscunt, & quod à singulis definitum fuerit: ei standum est. Omnium autem latissimè patet, ac amplissimam iurisdictionem habet Parisiensis. In eum aliquando uenire solent ipsi reges, quoties aliquid magni decernere uolunt, quem admodum ante annos octo, mense Ianuario, Franciscus primus, bellum illaturus Carolo Cesari, uenit eò, & per aduocatum suum expositis, quas ab illo sibi factas dicebat, iniurijs, demonstrabat, bellum sibi necessario suscipiendum esse, ut Flandriam & Artesiam, quæ nunc illius uitio & culpa ad se pertineant, recuperare, & Gallia rursus, è qua prodijissent aliquando coniungeret. Olim ista referebantur ad publicos conuentus ordinum. Ii quoniam aboliti sunt: aliquod adhuc eius rei uestigium manet, dum ad eum senatum itur. quod tamen rarissimè nunc fieri consuevit, quando solus rex, pro suo iudicio quiduis decernit. Illud

ANTEM

autem adhuc frequens est ac usitatum, ut passionēs rerū  
 gum, & quicquid omnino ad regni constitutionem per-  
 tinet: in eo recitetur, & scriptis publicis; quorum ipsi  
 custodiam habent, inseratur.

Et quoniam ad Galliæ descriptionem uentū est: non  
 erit alienum adijcere aliquid de fluminibus, quibus irri-  
 gatur. Ex ijs prima & maxima sunt, Matrona, Sequa-  
 na, Ligeris, Arar, Rhodanus, & Garunna. Deinde,  
 Somia, Iona, Elauer, Albis, Axona, Osia, Druentia,  
 Isara. Mosam & Mosellam non ponam in eo nume-  
 ro. Nam etsi in Gallijs, prout à Cesare illa describitur,  
 originem habent: nempe ex Vogeso monte, tamē quo-  
 niam extra Franciæ Regum fines labuntur: non huc  
 propriè pertinent. Scladem eadem de causa non pono,  
 qui prope Veromanduos ortus, perq; Nervios et Flans-  
 dros decurrens, non in Mosam, ut Cesar ait, sed millia-  
 ribus aliquot, infra Antuerpiam, in Oceanū illabitur.  
 Dubis etiam, quem Cesar Aduasdalim uocat, non de-  
 bet huc referri: qui supra Vefontionem ortus, prope  
 Virodunos, Arari sese coniungit. Matrona ortū habet  
 ex Lingonibus: labitur per Campaniam, & duobus su-  
 pra Luteciam milliaribus, in Sequanam influit. Sequa-  
 na prouenit ex Burgundia Ducatu, interlabitur Lute-  
 ciam, alluit Rothomagum, deinde uoluitur in Ocea-  
 nū. Ligeris oritur in Aruernia & longissimè profluens,  
 infra Nanetes, in Oceanum exit. Arar scaturit ex diuersa  
 parte Vogesi montis, & lapsus per Burgundiam, passus  
 huc alio

*Aut aliquot infra Lugdunum, Rhodano miscetur. Rhodanus supra Sedunos emanans, et per lacum Lemanium deuectus, ubi Lugdunum praeterijt: ad meridiem conuersus, incredibili rapiditate, infra Arelaten, duobus ostijs in mare Mediterraneum sese eijcit, Isara tamen et Druentia prius receptis. Garumna descendit ex Pyrenaeis montibus: allabitur Tholosam, et prope Burdegalam exonerat in Oceanum. Iona et Albis et Osa, sed haec prius aucta flumine Axona, commiscentur Sequanae, Elauer ex Aruernis profluens, in Ligurim desinit. De Somia satis dictum est in commentarijs: Influit in Oceanum. Multi sunt alij amnes atq; riuus, sed obscuriores. Li uero, quos diximus, tam secundi, quam primi ordinis, nauigantur omnes. Ceterum, in Rhemorum urbe, Galliarum Reges inaugurantur. Clodoueus rex, qui ante annos mille et triginta mortuus est, omnium primus religionem Christianam complexus fuit, ut ipsorum scripta narrant, et coelitus tunc inter alia dicitur allata fuit pyxis, olei plena, quod deinceps inungerentur reges. Hoc etiam obiter annotare uolui, quoniam eius olei mentio fit postremo libro.*

*Alterum, cuius te, lector, admonendum putavi, illud est. In his commentarijs uti me uulgaribus atq; protristis uocibus honorum, ordinum atq; dignitatum, cuiusmodi sunt, Dux, Marchio, Comes, Ducatus, Comitatus, Cancellarius, Marefchallus, Connestablius, Amiralus, Cardinalis, Heremita, Canonicus, Officialis,*

## ILLVSTRATIO RERVM, ET

cialis, Delphinus Abbatia, & alicubi Francorum nomen, quod est monetæ genus apud Gallos. Bini pauldminus aureo coronato æstimantur. His autem uocabulis utendum est nobis, etiam inuitis, nisi magnam uelimus inducere scriptis obscuritatem: & utendum est, donec doctorum hominum approbatione & consensu, meliora fuerint inuenta, & lege sancita. Pleraq; omnia quid sibi uelint, uulgo notum est. Propter imperitos autem rerum Gallicarum, nonnulla sunt explicanda. Marefchallos quatuor habet Gallia, qui sunt uelut magistri equitum, & ad eos introducuntur lites rei militaris. Iis omnibus præest Connestabluus, quo non alius est amplior & magnificentior honos. Eum dignitatis gradum, superioribus annis, apud Franciscum primum obtinuit Carolus Borboniæ Dux, qui ad Casarem postea defecit. Principibus autem propriè conuenit hoc munus: uerum quia per se magnum est, & eximium: reges plerunq; tribuunt illud hominibus mediocri conditione & nobilitate, quos facile cohibeant, & qui ex humili loco ad summam dignitatem perducti, magis ipsos reuereantur. Et sicut isti ferè sunt acceptiores regibus: ita uicissim reliqui ordines, ac nobilitas potissimum, malunt principem aliquem ad eam rem deligi. Nam ijs, qui sunt ex illustribus nati familijs, uehementer dolet, quum tenuiores homines præferri sibi uidet, & eorum coguntur imperio parere. Ac multis calamitosum saepe fuit munus hoc administrasse, quos alioqui

uite

ita conditio mediocris poterat inuidie et periculo subducere. Sed incidit aliquando tempus, quo nullus est Connestablius: et post Caroli Borboniae Ducis defectione, per quatuordecim annos, ac eo amplius nullum Franciscus Rex creauit. Ad Amirallium pertinet omnis procuratio et disceptatio rei maritimae et classis regiae, sicut Connestablius quodammodo fit legatus Regis, quum bellum terra geritur, Amirallius autem maritimo bello praesit. Sed totum hoc in Regis arbitrio positum est, qui illorum opera, quibus in locis uisum ei fuerit, utitur. Delphinum Galli uocant, aut natu maximum Regis filium: aut si non sit filius, designatum Regem, hoc est: eum, qui Regi successurus est, ob generis propinquitatem. Ad hunc proprie pertinet ea regio, quae Delphinatus dicitur. Vt etiam consuetudine, et hodie receptis oppidorum et regionum nominibus, ut omnia sint magis plana. Quod nunc Cameracum dicitur, à Cesare Samarobrinam putant esse uocatam. Caletum ille portum Iccium uocat, tametsi et Caletorum meminit. Eburones dicuntur esse Leodienses. Meaenapij, sunt Cliuenses, Iuliacenses, et Geldri. Ego ne quid relinquerem obscuri: malui uulgaribus uti. Et haec pauca, solum exempli causa posui, ut et de reliquis idem aestimetur, et ne quis conqueratur, neglectam esse à me antiquitatem. Cataphractorum frequens admodum fit mentio, et necessariò quidem ea uoce nobis utendum est. Et sicut Caesar uocat ephippiatos equos

#### 114 ILLVSTRATIO RERV, ET

tes, qui sellis infident inter equitandū: ita nos eos equitantes, qui toto corpore sunt armati, cataphrastos uocamus. greco nomine, quia latino destituimur. Libro tertio per occasionem fit mentio Comitum Veromanduorum: Is fuit Herbertus, qui Carolum Simplicem, Gallicæ Regem, Perona, per prodicionem, dum simularet amicitiam, cepit, ac in carcere, per biennium ex eo plus detinuit, donec ille moreretur. Eduardus Angliæ Rex, cuius frequentem mentionem author facit, est eius nominis quartus. Ei successit filius eiusdem nominis, quem Richardus patruus deinde necauit, occupata regni possessione. Richardum eiicit Henricus septimus, pater Henrici Octavi, nunc Angliæ Regis. De milliaribus quoties mentio fit: illud intelligendum est, pro cuiusq; regionis modo et consuetudine. Postremo, quam interpretandi rationem in hoc opere sim secutus, facile quivis, ut puto, iudicabit. Non astrinxi me ulli scrupuli, et hoc solum spectavi. ut quam uerissimè expressam sententiam, familiari et proprio sermone latino redderem. De rebus Anglicis author, quiddam prolixius recitat: uerum, ne seriem narrationis impeditam redderem, paucioribus illud, libro quarto, explicavi. Author etiam per capita suum opus est partitus: ego uero per libros, ubicunq; argumenti qualitas id uisa fuit postulare. Adhuc, ubi de bello scribit, quod à morte Caroli, Rex per Auricæ Principem in Burgundia gerebat, expatiatur in locis,

continues,



## GALLIÆ DESCRIPTIO. 111

communes, ac multas interserit illustres sententias. Verum ne perturbaretur ordo, in finem operis totum hoc reieci. In reliquis omnibus nihil est immutatum. Quicquid autem in eo consumptum est opere et laboris: Germaniæ, hoc est patriæ, totum est impensum, cui talium rerum cognitionem opinor posse prodesse. Quò magis spero, gratum plerisque futurum esse hoc meum officium. Ea uerò quæ hic explicandæ causæ historiæ subieci: ueritate nituntur, et ex fide recitata sunt omnia. quod facile agnoscent Gallicarum rerum non imperiti. Vale.

Argentina, 12. Februarij.

M. D. XLV.

2

# ILLVSTRIORES AC præcipui loci, passim his commentarijs in- spersi.

<b>I</b> Ntemperantiam & luxum Deus punit.	9.
Modestia maxime decet Principes.	23. 200.
Diffidentia summa inter Principes,	10. 91. 95.
Rebus dubijs debentolari consilia.	35.
Describitur ingenium Ludouici Regis.	36. 304.
Principes serè corrumpuntur educatione.	37.
Vnus aliquis uir, nonnunquam est instar multo- rum.	43. 119.
Collocutiones: priuatæ, belli tempore sunt pericu- losæ.	44.
Ludouicus Rex prudenter dirimit fœdus Princi- pum.	47.
Vnius alicuius authoritas sæpe est necessaria.	50.
Duo sunt genera Principum.	51.
Qui sunt confœderati, si dissipentur, in præsens pe- riculum sese coniiciunt.	52.
Multorum audiendæ sunt sententiæ in deliberatio- nibus.	57.
Aduersum prælium facere, est res plena periculi.	62.
	69. 99. 209.
Placidis ingenijs libenter Deus adest.	66.
Ad Principes propriè pertinet, multis benefacere.	66.
Superbiam	

# I N D E X.

<i>Superbiam ferè comitatur calamitas.</i>	70.
<i>Historiarum cognitio Principibus est necessaria.</i>	74.
<i>Hominum etas &amp; mores, indies magis magisq; degenerant.</i>	75.
<i>Principes ignavi &amp; uoluptarij sunt indigni, qui regnent,</i>	76. 77.
<i>Non est consultum, ut Reges in colloquutionem ipsi ueniant.</i>	79.
<i>Non est ullo tempore contemnendus hostis.</i>	86.
<i>Hostis desperatus ualde est metuendus.</i>	92.
<i>Vulgus habet opus aliquando duce &amp; moderatore.</i>	97.
<i>Principes honestam aliquam causam suæ cupiditati sepe pretextunt.</i>	106.
<i>Eruptiones eorum, qui obsidentur, sunt ipsis ferè periculose.</i>	115.
<i>Ingenium Caroli describitur.</i>	115. 134. 317.
<i>Quomodo sint tractandi legati, tam hostium, quam amicorum.</i>	121. 122.
<i>Abstinentum est à uerborum contumelijs.</i>	129.
<i>Quomodo aliquis gerere se debeat erga suum Principem.</i>	143.
<i>Crudelitatem nullam Deus sinit impunitam.</i>	146. 301.
<i>Quomodo plurimum noceri possit hosti.</i>	147.
<i>Quomodo Reges Angliæ pecuniam à suis eliciant.</i>	149.
<i>Quomodo Ludouicus Rex impetum Caroli frege-</i>	149. 153.
<i>git.</i>	
Z	iiij

# I N D E X.

<b>Responsum Friderici Caesaris ad legatum Ludouici Regis.</b>	136.
<b>Magni sepe uiri, etiam admoniti, pericula uitare non possunt.</b>	189.
<b>Bellorum authores plerumq; tristes habent exitus.</b>	195.
<b>Principum Calamitates oriuntur ab ultore Deo.</b>	198.
<b>Nuper acquisitis prouincijs præficiendi sunt uiri boni &amp; humani.</b>	204.
<b>Rebus aduersis debemus agnoscere peccata, petere ueniam à Deo, &amp; consulere amicos,</b>	218.
<b>Obstinationis calamitosa exemplum,</b>	221.
<b>Principes debent esse alieni à prauis consilijs.</b>	223.
<b>Legatos oportet esse homines peritos &amp; circumspectos.</b>	227.
<b>Bonus Princeps magnum est Dei donum.</b>	232.
<b>Reges, non quid ipsis utile, sed quid honestum sit &amp; equum, respicere debent.</b>	239.
<b>Nemo est omnium Principum, in quo non sit aliquid reprehendendum.</b>	241.
<b>Effrenis &amp; indomiti populi exemplar.</b>	251. 252.
<b>Populus fert inuitus externum imperium.</b>	272.
<b>In celeritate magnum sepe positum est momentum.</b>	278.
<b>Seditio popularis punita.</b>	279. 280.
<b>Benefaciendum est, dum sanitatem corporis &amp; mentis largitur Deus.</b>	285.
<b>Qui metui nolunt, coguntur tandem dios metuere, ac omnia</b>	